


# Mgopolela Maloŵe jwa Ciyawo



**Alick Kadango Bwanali, Jean Chavula, Stella Kachiwanda,  
Arnold Mboga, Ahmmardouh Mjaya, Al Mtenje,  
Francis Botha Njaya, Mario Thodi**

**CASAS BOOK SERIES NO. 65**

The Centre for Advanced Studies  
of African Society (CASAS)



## DATE DUE

[illegible]

**DEMCO, INC. 38-2931**





# Mgopolela Malowê jwa Ciyawo

Alick Kadango Bwanali, Jean Chavula, Stella Kachiwanda,  
Arnold Mboga, Ahmmardouh Mjaya, Al Mtenje,  
Francis Botha Njaya, Mario Thodi

CASAS BOOK SERIES NO. 65

The Centre For Advanced Studies of African Society

P.O. Box 359

Rondebosch, 7700

Cape Town

South Africa

© The Authors

First published 2009

ISBN. 978-1-920447-27-4

Printed with the support of Norad and OSISA

All rights reserved. No part of this publication may be reproduced, stored in a retrieval system, or transmitted in any form or by any means, electronic, mechanical, photocopying, recording, or otherwise, without prior permission of the copyright holder.

Printed and bound in South Africa by

**SED** Printing Solutions

PL  
8803  
.M496  
2009

### ***Ciŵeceto ca Ciyawo Cacili M'buku Ajino***

Ciŵeceto ca Ciyawo cikusasimanikwa m'yilambo ya Mozambique, Tanzania kwisa soni Malawi. Maloŵe ni ngopolo syasili mu buku ajino sityocele mu Ciyawo ca m'cilambo ca Malawi. M'cilamboci, ciŵecetoci cikusasimanikwa mnopemnope m'maboma ga Mangochi, Balaka, Machinga, Zomba, Chiradzulu, Dedza, Salima ni Nkhotakota.

Ciyawo cili cimo mwa yiŵeceto ya ci Bantu. Pakutolela ni mlundunde wa yiŵeceto wa ce Guthrie, ciŵecetoci cili mwikuga lya P 21.

### ***Kugopolanya yindu yine yakwaya ciŵeceto ca Ciyawo mwakata***

Ciyawo cili cimo mwa yiŵeceto yakuti ngopolo sya maloŵe sikusalekangana pakutolela ni kakwesye ka maupande gane ga maloŵe. Kakwesye ka maloŵeka kali paŵili, kukwesya kapena kutulusya. Ciŵecetoci cikwete yilembo yakupikanika pajika nsano: a, e, i, o, u. Pakuŵeceta, ayi yilemboyi yikusakomboleka kupikanika mwakuwuta kapena mwangawuta.

### ***Mlundunde wa yilembo yangapikanika pajika***

M'Ciyawo kuli kwakwiticika kulemba yilembo yangapikanika pajika cimocimo kapena mwakuyipwatikanya cisawu m'yi:

b, bw, c, cw, d, f, fw, g, gw, j, jw, k, kw,

l, lw, ly, m, mb, mbw, md, mg, mgw, mj,

mk, mn, mndy, mng, mng', mnj, mp, mpw,

ms, msw, msy, mt, mtw, mw, my, n, nd, ndw,

nj, ng, ng', ngw, nt, nw, ny, nyw, ng'w, p, pw,

py, s, sw, sy, t, tw, ty, w, ŵ, y,

Mbindi jangaŵijikana ja liloŵe lya ciŵeceto ca Ciyawo jikusakola cilembo cangapikanika pajika ni cilembo cakupikanika pajika. Nambope yilembo ya

lipitambula yikusakomboleka kwima pajika ni kupanganya mbindi ja liloŵe.

### ***Kutogolela***

Ciwanja ca Centre for Language Studies cikwatogolela wāndu wālembegwe mena gawo mwicelamu ligongo lyakukamucisya mnope pa masengo gakolosya buku ajino:

1. Sheikh M. Ayami
2. Mama C. Bwanali
3. Dr. N.A.C. Mhango
4. Prof. P. Kishindo
5. Malemu D.D. Nkakosya
6. Fr. C. Chiutula
7. Baba A.A. Mambo
8. Baba S. Ntchembe
9. Mama R. Chiwosa
10. Baba A. Mboga
11. Baba A.N.U. Mjaya
12. Prof. Al Mtenje

Ciwanjaci cikwatogolela soni mwapambali Dr. Daniel Ridings wakukamula masengo ga MALEX ku ciwanjaci, pakulipereka ni ukungwi wawo kuti bukuji jiŵe mwajikuwonecelamu.

Term	Ciyawo	Abbreviation
Verb	Msali	Msa.
Adverb	M'jonjecesi	M'jonje.
Noun	Lina	Li.
Pronoun	M'kwimilam'malo jwa lina	M'kwimi.
Adjective	Mtagulila	Mtagu
Conjunction	Mlumbikanyo	Mlumbi.
Preposition	Mpecesi	Mpece.
Ideophone	Mbikanicilo	Mbika.
Interjection	Msupuko	Msupu.
Idiom	Cining'a	Cini.
Word variant	Kuŵeceta kwine	Kuŵe. kwi.
Synonym	Maloŵe gakulandana ngopolo	Malo. gakula.
Affix	Mbwaticila	Mbwati.
Prefix	Mbwaticila ja pandanda	Mbwati. ndanda.
Infix	Mbwaticila mkati	Mbwati. makti
Suffix	Mbwaticila ja pambesi	Mbwati. mbesi
Singular	Cimpepe	Cimpe.
Plural	Yejinji	Yeji.
Letter	Cilemba	Cile.
Word	Liloŵe	Lilo.
Vowel	Cilembo cakupikanika pajika	Cile. cakupi.
Consonant	Cilembo cangapikanika pajika	Cile. cangapi.
English	Cisungu	Cisu.
Shona	Shona	Sho.
Portuguese	Cipwitikisi	Pwi.
Kiswahili	Ciswayili	Ciswa.
Chichewa	Ciceŵa	Cice.

## ***Diilove dya kuwugudila***

Wune Kunteleela wadi Nguunga ndi jwa kseengwa kwa baasi leelo pa kucikamula m'magaasa mwaangu citaabu ca cikulosya maluumbo ga malove ga civeeceto ceetu, Ciyaawo, pa civeeceto ceetu. Wune ngusaka kwaapela diilove dya kusangalala alukosyo na acipuundi va vaadiji mwele n'dikuuuga dya dyaajimiidile maseengo ga kuleemba ni kuluumbikanya aci citaabu-ci pa kuti m'pake ciyikaneje mwa tukuciwonela-mu. Wune ngumanyiidila kuti kuleemba ni kuluumbikanya citaabu caati m'pela iyiyi nganigava maseengo gamwaana iyaayi. Pa kwaamba kukola niiya ja kuteenda gele maseengo-go ni kwaasoosanganya vaandu va kanuuni va kugapaanganya galakwe-go wune nguva jwa kutogolela.

Yila-pe yipadi ya nayiweeni ya kuti yikaadiji cenene tukaave vakudiipatilaga pa kuti tukaakweete pakuwonegana uwe woose aveeceta aci Ciyaawo pakuti tujiigaanyaane ya kuti kuteenda pa kuti civeeceto ceetu cikakola kaleembe ka kulekaangana-lekaangana pa koomboka m'pika wa cilaambo cimo pa kuja ciine.

Wune ngukulupidila kuti ayi ya ngusaala-yi ciyive ya kuyiteendela maseengo acimijaangu amalaavi vaaleembile aci citaabu-ci na amasambiiki va caaciwone ni kucisooma cilakwe-ci digongo dya kusoosoa kuti civeeceto ca kuleemba nganicivaaga ca kutaadikaangana kwa kupuunda ni civeeceto ca pakamwa. Ya ndiite pakuyiwona n'citaabu-mu, gapadi malove ni maveceti gaati mwiine mwaakwe ata amalaavi apadi va m'paka ateende ngagamanyiidila digoongo dya ya gatiite kaleembegwe yaakwe.

Kuleka ya kuti kuleemba, wiine wupaande ga kuwoneka malove gaati m'pela gatesile ga kwaanganicisya n'civeeceto mweetu kuwuma mwiine. Apa ni pa nguti wune kuti tukaakweete pa kuwonegana mwa tuveelelele va tukamwiile ga kusooma ni kuloondesya ya kuti kuleemba ni kugolocesya wumanyiidisi wa kwaamba civeeceto ceetu. Misongaano jaati yele ji kusova, kwaati kukoomboleka kuti pawutjo mwaanja ayaawo nganaava lukosyo lumo, digoondo dya ngapiikaangana pa civeeceto caawo.

Naambo nguwiidisiya kuti, kukola yimaani ni macidi ga kuleemba citaabu caati m'pela aciici gadi maseengo geekuluungwa pa kuja n'kucisyuusya Ciyaawo ceetu. Pele, uwe woose ayaawo mwa tuveelelele, tuveeje va kuwoomba kwa ambuje N'nunngu kuti vele alukosyo vaape wupiile weejiinji ni vaajoonjecesye masiku pa kuti atulosye yitaabu yiine ya yicive mwa cikaaveelelele eenje ca kulolela mwiitala mwa cipi mwa kulaandana ni wuungamanyiidila weetu wa tukusaka kuwumasya.

Ayaawo woose ni vaandu vaane va akucinonyela Ciyaawo, laasima

acisoose na asoome aci citaabu pa kuti pa cicileembegwa kaavidi kapena kaataatu-po cive caacijonjecesye gaane malove maate gaakwe cilakwe-ci cidi mwa dijamaanda mwa kusalasya yiindu ya yikusacigwa n'nope kwa ayaawo woose, malove ga civeeceto ceetu, ga gakulosya wutuundu wa ndaamo syeetu m'Malaavi, m'Masambiiki, n'Tansaniya, n'Saambiya, n'Simbaabwe.

Adi diilove dya nguleka apaapa-di didi dya kwaalaadika vele vaanganya woose-wo kuti ateendele maseengo aci ctitaabu-ci. Yiine cituyiwoneje pa kukoombola kuyiwona ya yileembeekwe mulakwe-mu.

Pa kumadiicisya, ngwaamba kuti ngutogolela kwa kupuunda, sooni ngwaaveenda ayaawo woose kuti aluuluute pa kukopocela kwa aci citaabu-ci kuduniya kuno.

N'siinda wa Mapuutu, pa diisiku dya nayivi dya mweesi wa nacimo wa caaka ca maciila makumi gavidi mbaambo yaaka n'saana n'cece.

### ***Kuntelela wadi Ngunga***





## A

- a 1** Cilembo cakupikanika pajika. **2** Mbwaticila japandandanda pa lina lyamsyesyene jakulosya kucembulusya kapena kupocela.
- aca-** Mbwaticila japandanda jakulosya kutupa.
- aci-** Mbwaticila japandanda jakulosya kutupa.
- akaŵe mlumbi.** Mlumbikanyo jwakulosya kuti cindu ticitendekwe naga cine cili citendekwe.
- akwe msu.** Liloŵe lyakulosya kusimonga. Kuŵe. kwi.: Ukwí.
- ambuje li.** (yeji. acambuje) **1** Mundu juŵaŵelece atati kapena mama ŵa ugwe. **2** Liloŵe lyakulosya ucimbicimbi.
- anganga li.** (yeji. acanganga) Mundu juŵaŵelece atati kapena mama ŵa ugwe.
- atati li.** (yeji. acatati) Mundu jwamlume juŵakuŵelece.

## B

- b** Cilembo cangapikanika pajika.
- baba li.** (yeji. acibaba) **1** Mundu jwamlume juŵakuŵelece. Aole soni ngopolo ja atati. **2** Maloŵe gakum'ŵilanjila mundu jwamlume jwalijose jwamkulungwa kapena pakumcimbicisya.
- babayika msa.** Kutenda cindu mwangawusimana mtima.
- badukula msa.** Kutyosya upande wa cindu pamalo pawaliji mwakulimbangana.
- bafuta li.** (yeji. achibafuta) Mtundu wa nguwo jajiswela mnope kwawulila kucitumba, jangatelesya nambo jambuluti
- balala mbika.** Kawonece ka yindu yayilekengene mwangalondeka.
- balalabalala mbika.** Kajende ka yindu yejinji mwangalondeka.
- balalika msa.** **1** Kulekangana kwa yindu mwangalondeka. Kuŵe. Kwi.: balalikangana. **2** Kulekangana pa malo jwalijose kwawulaga kwakwekwakwe.
- balalisya msa.** Kutendekasya kuti yindu yilekangane mwangalondeka.
- bambata msa.** Kwenda wapasi mkuli welewu.
- bangula msa.** **1** Kutongola kapena kulila cisawu mwalikusatendela lisimba. **2** Kugumila mwamacili pakwenesya ngani kapena kuŵilanga.

**banyila li.** (yeji. banyila) Kacindu kakusapocela mundu mwakonjecesya pa cindu casumile.

**batile li.** (yeji. mabatile) Cilingo cacikusakola macili ga magesi gakwendecesya yindu yakulekenganalekangana cisawu wayilesi.

**bawu li.** (yeji. bawu) Ung'asi wakusang'anda wandu wawili pakuwika tuganga, kapena yindu yine mu tusimbo mcecemcece m'cijipi ni nsano kwisa tutatu m'cilewu palitabwa kapena pa cindu cine. Ku. kwi.: bawo, ubawu.

**beduka msa.** Kutyoka panandi kwa upande wa cindu cakulimba.

**bedula msa.** Kutyosya panandi upande wa cindu cakulimba ni meno, yala kapena yindu yine.

**belo li.** (yeji. mabelo) 1 Cilingo cacisyano cakusagomba pakusosa kwamanyisya, kwakalamusya kapena kwawilanga wandu. 2 Upile wakusampa mundu wapolisi kapena waluwala lwa magambo kuti akajembeceleje magambo gakwe kunyumba mwakuya malamusi gakwe.

**belubelu li.** mundu jwangalondeka yakutenda, jwagamba kwendajenda, jwakuweceta yangalondeka, soni akusaŵa jwaukoleko

**benyula msa.** Alole ngopolo ja bedula

**bi mbika.** 1 Kusakalilwa ku lukosi ni cindu. 2 Mwachikusawonecela cindu cacipiliwu kapena calikaku.

**bii mbika.** Kunandipa kapena kuŵa kwangali lilanguka.

**bilika li.** (yeji. bilika) Cilingo cacisyano, candendela cakutelecela kapena kujigalila mesi son cana mcibo wakopocela mesigo, ciwuniko ni cakamulila.

**biliwili mbika.** Liloŵe lyakulosya mwachikusawonecela cindu cisawu manyasi ganamelape.

**biwita li.** nguwo jepiliwu

<sup>1</sup>**biliwita msa.** Liloŵe lyakulosya kawonece ka cindu mwanakasamba.

<sup>2</sup>**biliwita li.** (yeji. biliwita) Lina lya nguwo jakandapala nambo soni jajipiliwu.

**biliwitala msa.** kupilila mnope kwa cindu

**bindicila msa.** Kuliwugalila m'nyumba, ku lutenje kapena malo gane gangakuwona wandu ndaŵi jajilewu.

**bola mlumbi.** 1 Mlumbikanyo jwakulosya kuti kupagwa kwa yindu yine

kukwegamila pa kutendekwa kwa yijakwe. Aole soni ngopolo ja akaŵe. 2 Mlumbikanyo jwakulosya kuti cindu cine cili cambone kulekangana ni cijakwe.

**boma** *li.* (yeji. maboma) 1 Upande wa cilambo wakusawulongolela bwanamkubwa. 2 Mlongola jwa cilambo, nduna syakwe ni wāndu wosoŵe.

**bonongwe** *li.* (yeji. acibonongwe) Cakumela cakusatenda wāndu liponda soni mtundu wine ukusaŵa wamiwamiŵa m' tunyambi twakwe.

**bonya** *li.* (yeji. bonya) Usipa wamkaniwukule.

**bubu** *li.* (yeji. acibubu) 1 Mundu jwakwete cilema ca wangaŵeceta. 2 Mundu jwangalijiganya soni jwapakombola kutenda yindu.

**budula** *msa.* Kata cindu cisawu cakumela ni yindu yine mwangalungamika.

**bulu** *li.* (yeji. acibulu) Cinyama cangongolo mcece, cangali misengo mpela haci, camcila wa wenjeweje ni mawiwi gambanguli.

**bulundwe** *li.* (yeji. acibulundwe) Kalombo kacisawu lijoka nambo kangongolo mcece, kaliwuka nambo, kana misela jakuswejelela kutyocela kumtwe kuja kumcila pamgongo pakwe soni kakusamnong'a kutama m'majumba ga wāndu. Kuŵe. kwi.: nam'bulundwe.

**bumunda** *Mbika.* Aole ngopolo ja butwa

**bunyuka** *msa.* 1 Kubudukabuduka kwa upande wakutema wa cindu cisawu cipula. 2

**bunyula** *msa.* Kubudulabudula upande wakutema wa cilingo ni kucitendekasya kuti ciŵe cangatema.

**butwa** *Mbika.* kutama jii mwakulisucisya

**bwabwatala** *msa.* 1 kutenda yindu yangalondeka, ngakombola kutenda yindu yakutenda wane (maloŵe gane -sesewala) 2 kupwetecela kwa njelwa

## C

**c** Cilembo cangapikanika pajika.

**cakamila** *msa.* 1 Kumala kwa mesi mu mpika pakuteleka yindu cisawu mboga nambo nkanisiyice pamlingo wakutinka 2 Ganda mnopemnopo jwammasyeto ligongo lyangajilana miyasi mu ulombela.

**cakulya** *li.* (yeji. yakulya) Cindu cilicose cakusacijinjisya mundu kapena

cinyama mkamwa, kucitawuna ni kucimila ligongo lya sala mwine soni kwamba kunonyelwa.

**cala li.** (yeji. yala) Ciwalo cacikusaŵa kumtepa kwa ligasa kapena lusajo.

**canama msa.** 1 Kulimba kwa yindu cisawu nyama ni yine. 2 kuweceta mwakukalipa mnope

**capa msa.** Kuloŵeka cindu m'mesi ni kuciticita pakusosa kutyosya liwundu, likaku ni yine

**capuka msa.** Kupya mtima mwacitema.

**casa li.** (yeji. casa) Ndamo jakulisamalila kapena kusamalila yindu, malo kwisa soni pamlango kuti pawoneceje cenene.

**ceceta msa.** Kata cindu ni meno cipula ni yilingo yine.

**cejewu Mtagu.** Kawonece kapyuu cisawu mwagakusawonecela matimati gejiwu.

**cembembe li.** Umbo sya pacilu mnopemnopo mlukosi.

**cembesya msa.** Kuwēleka mwanace kwa ndaŵi jandanda.

**cenga msa.** 1 Kunyesimila kwa cindu kwakupwetekasya m'meso. 2 Kutendekwa kwa yindu mwakulekangana ni muyaŵelaga kala.

**cenje li.** (yeji. yenje) Kasakata ka manyasi gamajumu kakusacoma moto upande umo winewo nikamula myala pakutenda yindu cisawu kulola nyuci.

**cenjela msa.** Kumkamucisya mundu jwine pandewu kapena pa ukangani.

**cenjelele li.** (yeji. yenjelele) Lyosi lyalikusawucilisya ni kukamatana pa cindu cacili penani pa cisisa.

**cenyendela msa.** 1 Kumyola umbo mwakwamba kulembelela mwakusikusapelela pemo mtwe wosope 2 Kata cindu kuti cijilane cenene

**cesya msa.** Kuŵa mesope cilo cosope pa magongo gakulekanganalekangana cisawu ganisya mnope, kamula masengo ni yine.

**ceta msa.** Kutyosya cilango cawukucisosa pa yijakwe.

**cigologolo li.** (yeji. igologolo) Cilingo cacikusaŵa ni katela kakusataŵilila lukonji lwakuweca mlukosi mwa cinyama cisawu mbwa upande umo nipo upande winewo akusataŵilila lukonji lwine lwakamulila m'myala.

**cigolya li.** (yeji. yigolya) Mbugu ja lukonga lwa mgawo.

**cisogosi li.** (yeji. isogosi) Cindu cacikusasogola pa cakumela cisawu lipapaya, cembe ni yine.

- ciguluka li.** (yeji. yiguluka) Mundu jwakutenda yindu yakusokonesya mwangapikanila camuko.
- ciguto li.** (yeji. yiguto) Kulila mwagumila mnope.
- cigwagwa li.** (yeji. yigwagwa) Kupikana kapena kola cilakolako ca cikululu.
- cijawo li.** (yeji. yijawo) Mteto wakwaŵilanga ŵandu kuti akukamucisye masengo cisawu kulima nikwatogolela pakwapa yindu mpelaga utobwa.
- cijembujembu li.** (yeji. yijembujembu) Upande wakwepepala kapena wawunandi wawupwatukwice ku cindu.
- cijete li.** (yeji. cijete) Kupikanika kujujulusya kapena kuŵaŵa cisawu mwajikusatendela njete.
- cijosolo li.** (yeji. yijosolo) Kalombo kampela njelele jajinandi kakum'nong'a kutama m'nyumba nambo soni kakusajenda mwakusumba.
- cijuni li.** (yeji. ijuni) Cinyama camang'omba ni mapapiko gaŵili cisawu nguku, cangongolo siŵili nabmo soni cikusagulukaga.
- cikalakasa li.** (yeji. yikalakasa) Liwupa lyosope lya mtwe wa cinyama kapena mundu.
- cikalango li.** (yeji. yikalango) Mpika wamwana wakutelecela mboga.
- cikalawesa li.** (yeji. yikalawesa) Kacindu kampela liwupa kakakusamela pacanya cakumptepe kwa cala. Kuŵe.kwi.: Lukalawesa. Aole soni ngopolo ja lukose.
- cikamba li.** (yeji. yikamba) Malo gasyelengenyeni ni kutaŵikanya mawupande ga yindu cisawu ngonji. Aole soni ngopolo ja cilumbo.
- cikambato li.** (yeji. yikambato) Lusajo lwa cinyama lwangose syasilewulewu cisawu mwalukusaŵela lwa mbwa.
- cikambi li.** (yeji. cikambi) 1 Kupikanika kunyang'anya ni kunyung'unya mkamwa. Aole soni ngopolo ja cikawu. 2 sona jwamkamwa
- cikambilo li.** (yeji. ikambilo) yindu yakutawuna ni kusuna cisawu makoŵa ga muwa
- cikamulila li.** (yeji. yikamulila) Kutenda cikululu ni mundu msyenejo akakusosa.
- cikanga li.** (yeji. yikanga) 1 Citekete cakuŵijikana. 2 Ulwele wacisawu mamasa wakuswejelesya pacilu.
- cikanje li.** (yeji. yikanje) Yindu cisawu tumiciga twakuti akatilekatile ni kututaŵa pamo.
- cikasaciŵiga li.** (yeji. yikasaciŵiga) Kalombo kaguluka cisawu citete

kamtwe wawuluwulu, meso gamakulungwakulungwa, ngongolo mcece syasijipi ni sine siwili kuwujo syasilewu syacisawu maŵalangwangwa syakuŵanila yindu.

**cikasu li.** (yeji. yikasu) Cakumela ca miciga cisawu ja mbatata jakuti akusawundula nikutagaga mu mboga kuti sinunjileje.

**cikawu li.** (yeji. Cikawu) Kupikanika kunyang'anya ni kunyung'unya mkamwa. Alole soni ngopolo ja cikambi.

**ciko li.** (yeji. yiko) Malo gakocela mawato kapena gakuteka mesi ku nyasa kapena lusulo.

**cikoko li.** (yeji. yikoko) 1 Ulwele wagalula ni kutendesya gagata lipende lya pacilu pa mundu, kaneko ni kuŵalukaga. 2 Cindu cilicose mnopemnopo cakumela cakuti nkulyamo mundu mpaka awe naco.

**cikokomo li.** (yeji. yikokomo.) Lisegwe lyamacili lyakulosya kuti kwa mbungo kapena ula jejinji jikuŵika.

**cikokoyi li.** (yeji. cikokoyi) Ndamo jakutenda yindu mwakucelewa. Alole soni ngopolo ja cisyewu.

**cikole li.** (yeji. yikole) Cindu cakusapeleka pakusosa kutaŵa cilanga.

**cikolokolo li.** (yeji. yikolokolo) Somba jamangandamanganda, jakutama mm'maganga, jakulimba mtwe, ja miŵa jimo pamgongo ni mumbali mwakwe

**cikolokoswa li.** (yeji. yikolokoswa) Upande wakusa wakulimba wa lindanda.

**cikolokoti li.** citela ca masamba gamiŵamiŵa mpela gamandimu soni gakununjila, capacilu pakutililika

**cikolola li.** Citela capacilu pacisamba soni pakutililika, cikusaweleva tusogosi nambo tangalya

**cikolomo li.** (yeji. yikolomo) 1 Kacindu kacisawu kampila ka lipende lya ukanga kakakusaŵa m'matumbo mwa yinyama cisawu lisimba kakuti yikusakalukulaga ni kukamila soni. 2 Kapikanice kaliloŵe cisawu mwayikusapikanicila naga mundu ali nkusosa kutyosya makololo kungulo. 3 Cakumela camaluwa gamaswela, camasamamba gawana, gelewu, tutela twakwe twamwana, capacilu pakuwuka 4 maloŵe gamacili soni gakupikanika cenene

**cikolopola li.** (yeji. yikolopola) Mamina gakamatana ni kuwumulila mumbula

**cikolowanga li.** citela ceswela pacilu pakwe, camasamba gawana gandendela cakutenjela, capacilu pakutililika mnope soni pausamba

**cikombe li.** (yeji. yikombe) Cindu cilicose cakoŵela ni kulila yakulya yatepetepe cisawu likoko.

**cikomboli li.** (yeji. yikomboli) Cilingo cagumbila njelwa ni yindu yine.

<sup>1</sup>**cikomo mjonje.** Kutyo ka kwa umi kwangapaca nako nikuŵa mpela mundujo agambileje kusosa gona lugono; kuŵa jwangelwala

<sup>2</sup>**cikomo li.** (yeji. yikomo) Citela cesongole kapena cindu cine cakusasimika pasi mwakutenda kuciputa ni cindu cine kuti ciŵe mpela cicili kapena pakutaŵa mbusi

<sup>1</sup>**cikongo li.** (yeji. yikongo) 1 Cala cacijipi cacikulungwa. 2 Mpici wakusaponya ni kupatulila yisogosi cisawu malambe, yembe ni yine.

<sup>2</sup>**cikongo li.** (yeji. cikongo) Mtundu wa ung'asi wagombela ngoma wakuŵina mwakupacisyana acalume ni acakongwe pa yitendo cisawu unyago ni yine.

**cikono li.** (yeji. yikono) 1 Lukongolo lwakuwujo lwa cinyama cisawu mbusi. 2 Kola upile wakuti yinyama yawukwete kapena mbeju syawupandile siŵeleceje jwejinji.

**cikonyo li.** (yeji. yikonyo) Upande wa cakumela wakulumbikanya cisogosi ku citela kapena mcagala wakwe.

**cikopela li.** (yeji. yikopela) Kapende kakakusawimba ni kuliteteya liso.

**cikosi li.** (yeji. yikosi) Cikamba ca manyasi cakulosya mpika wa malo.

**cikososo li.** (yeji. yikososo) Ciŵalo ca m'cilu campela kasaku cacikusasunga makweso. Aole soni ngopolo ja citundilo.

**cikoti li.** (yeji. yikoti) Katela kakutependala cenene kakutendela yindu yakulekanganalekangana cisawu kwapulila mundu mwine soni cinyama. Aole soni ngopolo ja mpici.

**cikotwa li.** (yeji. yikotwa) Upande wakuliŵatila wa lukongolo lwa cinyama cisawu mbusi, ng'ombe ngondolo ni yinyama yine.

**cikoŵi li.** (yeji. yikoŵi) Cindu cakusema cakupakulila ugali kapena gaŵanyicisya yakulya yine. Kuŵe. kwi.: Cikoyi.

**cikowola li.** (yeji. yikowola) Mbwanda syakuti amenyile makoŵa gakwe cisawu pakusosa kukolosya cipalasya.

**cikoyi li.** (yeji. yikoyi) Cindu cakusema cakupakulila ugali kapena

gaŵanyicisya yakulya yine. Kuŵe. kwi.: Cikoŵi.

**cikuku li.** (yeji. yikuku) 1 Cilwele cakoposya tulonda twamwanamwana pacilu cacikusacakamula mnopemnope ŵanace. 2 Kacindu kakututa kakwendela yitungulu kakusajigalila mwanace kapena mundu jwangajenda.

**cikulukuta li.** (yeji. yikulukuta) Ulwele wa yinyama cisawu mbusi wakupalata ukanga pa lipende.

**cikululu li.** (yeji. yikululu) 1 Kwinjisya liwolo kwikuma ni kutikusyaga ciwunu. 2 Kwinjisya liwolo kwikuma ni kutikusyaga ciwunu ni ŵakongwe kapena ŵalume ŵasyene.

**cikulupi li.** (yeji. yikulupi) Nganisyo syakwembecela kuti cine cakwe ticipagwe kapena ticipagwa.

**cikulyungu li.** (yeji. ikulyungu) citela capacilu pakusapangana soni pakupilila, masamba gakukulila

**cikuma li.** (yeji. yikuma) Ciŵalo ca cindu cacikongwe caumi kwakukusakopocela makweso kapena mwanace. kuŵe. kwi.: likuma.

**cikumba li.** (yeji. yikumba) Mesi gamajinji gakupeleta mwalukusapita lusulo ndema syosope. Kuŵe. kwi.: cikumbwa.

**cikumbu li.** (yeji. yikumbu) Cindu cacitela kapena yindu yine cakusataŵilila ku cakamulila ca cilingo cisawu cipula kuti cikapwetekaga m'myala.

**cikumbukumbu li.** (yeji. yikumbukumbu) Ndamo jangaliŵalila yindu yiwayiweni kapena kupikana kalakala.

**cikundumlima li.** citela capacilu pausamba, camasamba gamalewu, cakusasogola isogosi yamalewu

**cikupi li.** (yeji. yikupi) 1 Kuliŵalila cindu mwangakaŵa. 2 Mtela wakuliŵasya kapena kutendesya mundu kuti akakola lung'wanu ni cindu.

**cikusa li.** (yeji. yikusa) Ulwele wakuyimbikasya ni koposya miyasi mu usinini nambo soni mkamwa mukusanunga ligongo lyangacapa meno.

**cikwakwa li.** (yeji. yikwakwa) Cilingo camenomeno, cacisyano, cana cikumbu, cagongomala mpela ukunje, cakucuŵila manyasi.

**cikwakwata li.** (yeji. yikwakwata) Sapato jakolosya mwangalumbana. Kuŵe.kwi.: cikwakwato.

**cikwale li.** (yeji. yikwale) Cinyama cilicose ca mtundu wa cijuni cakuti aciganjile ni kucijumusya cenene.

**cikwekwe li.** (yeji. yikwekwe) Liwunjili lya mapesi, manyasi ni yindu yine



- yalimile, kumba ni kuwunjika mu mgunda.
- cikwenya** *li.* (yeji. yikwenya) Kupikana kusisima mnope ligongo lya kulya kapena kumwa yindu yakusisima ni magongo gane.
- cikwesya** *li.* (yeji. yikwesya) Pamalo pakukwela mnope.
- cilagu** *li.* (yeji. yilagu) Mtela wakutendesya kuti mundu atende kapena yitemtendekwecele yindu yankanayijembecelaga.
- cilaja** *li.* (yeji. yilaja) Lijela kapena liwago lyemale lyakusawecaga ku citela cakamulila ni kukamulicisyaga masengo pakusola kapena kolocesya masimbo.
- cilakolako** *li.* (yeji. ilamba) Nganisyo syakwendelecela syakwaya cindu syasikusakulagasya akaŵe ucipate cinduco.
- cilambo** *li.* (yeji. yilambo) 1 Malo gamakulungwa gakutama wandu mwakwalongolela mlongola jwa boma 2 Malo gosope gagakwete litaka, maganga ni nyasa.
- cilanga** *li.* (yeji. yilanga) Yindu yapangene kapena kamulana kuti yitendekwe.
- cilangali** *li.* (yeji. yilangali) Moto wa lilamba lyakwela mwinani mnope.
- cile mjonje.** Kuŵa jwakulinganyika kutenda cindu.
- cilemba** *li.* (yeji. yilemba) Cindu cakuluka ni ulusi kapena ca nguwo cangwasa jajinandi, cacilewu cakusasyungusya mumtwe mwakwangata cikofiya mwine soni akusakoleka mlukosi.
- cilendo** *li.* (yeji. cilendo) Ndamo syakulosya kuti nganiwupasyoŵelele pamalo.
- cilenje mtagu.** Lilowe lyakulosya kawonece ka mundu jwamnandi cilu mwacipago.
- cilika** *msa.* Kutaga mesi pa yindu cisawu liwu lya bonongwe ni yine lyawuŵisile pa cindu mpela kaguwo ni kucinjilicisyaga.
- cilikula** *msa.* Kutyosya cindu cakuti upande wine kapena cosope casililice.
- <sup>1</sup>**cilili** *li.* (yeji. yilili) Litaka lyakusakucika ni kusyasyajila cenene kutyocela pa lipupa mpaka pakupelela msakasa.
- <sup>2</sup>**cilili mbika.** Kuŵa cimile.
- cilindo** *li.* (yeji. yilindo) Cisakasa cakusataŵa ku migunda cakutendela ulinda, kuŵa ula kapena kupumula.
- cilingo** *li.* (yeji. ilingo) Cindu cilicose cakamulicisyaga masengo cisawu

kuwulaga nyama, kulima ni yine.

**ciliwuka** *msa.* 1 Galawuka ni kulola kumbali kapena upande wine. 2 Kola nganisyo sine syakulekangana ni siwakwete kandanda. 3 kuwuja kutyocela kwaupiteje ligongo lyakusimonga

**cilu** *li.* (yeji. yilu) 1 Kuŵa ni mwanace m'citumbo. 2 Mawupande kapena yiŵalo yosope ya cindu.

**cilumbo** *li.* (yeji. ilumbo) 1 Malo gasyelengenye ni kutaŵikanya mawupande ga yindu cisawu ngonji. Alole soni ngopolo sya cikamba ni ciwundo. 2 Kolangakolanga mundu kapena cindu cacili kwine pandema jawukuŵeceta.

**cilumi** *li.* Cilwele cakulumaluma m'malumbiko.

**cilungo** *li.* (yeji. yilungo) Yimanga, mapemba, usanje ni yindu yine yakusaloweka kapena kusamisila mesi kuti yikopoce soso kuti pambesi pakwe atimbule nikupata utandi wakupila utobwa.

**cimanga** *li.* (yeji. imanga) Cakumela cakuwoneka mpela manyasi, campesi wawukulungwa, masamba gamalewu nambo soni cikusaŵelekula yindu yakuti naga yijumwilemo akusapanganyicisya utandi.

**cimanyisyo** *li.* (yeji. imanyisyo) 1 Cindu cilicose cakusala kapena kulosya kwagali malo, mundu, nsewu kapena cindu cine 2 Cindu cilicose cakwimila kupagwa kwa cindu cine.

**cimbakasa** *li.* (yeji. yimbakasa) Citela ceswela, capacilu pakutililika, camasamba geswela

**cimbicisya** *msa.* Kutenda yindu yakumkwesya kapena kumkusya mundu ligongo lya msingu, ukumu, macili gakwe ni magongo gane.

**cimbuwila** *li.* Mtundu wa mtesa wagangalama mnopu, wecejewu.

**cimeme** *li.* (yeji. cimeme) Cilema ca kuŵeceta mwakucomanjoma.

**cimoyo** *m'jonje.* Kuŵalanga yindu mwagamba kumbucila ngalola soni piŵayilembile.

**cina** *msa.* Kusangalala mwakupunda ŵandu wosope.

**cindanda** *li.* Cindu cangongolo mcece campela sanja cayitela kapena yindu yine cakusacikolosya kuti ŵandu agoneleje.

**cindimba** *li.* Ung'asi wakuwina acalume ni acakongwe wagombela ngoma.

**cindogolya** *li.* (yeji. indogolya) Litundusi lyakuwuka.

**cindonandona** *li.* Ung'asi wakutenda wanace wakutonana makono.

**cindondoli** *li.* (yeji. yindondoli) Mtundu wa mongu gekulungwakulungwa.

- cindu** *li.* (yeji. yindu) 1 Liloŵe lyakwimila cilicose cacipali cawumi kapena cangali umi. 2 Liloŵe lyakolanjila cilicose cakuti ngawukusosa kucikolanga lina lyakwe mwine soni ngawukucimanyilila.
- cinenyene** *li.* (yeji. acinenyene) Cilombo ceswela cagulukaga, caning'inin'gi soni ca mawutamawutape pacilu pakwe cacikusajinjila mu itela yejumu nikupowologa pakulyaga yamkati mwa citelaco
- cinga** ku *msa.* Kulisya ni kuteteya yilango cisawu mbusi.
- cingulungulu** *li.* Citela caciswela cakuweleka isogosi yampela matonga camasamba gawana
- cingwengwe** Mbeletembelete syakusaleka pacilikati pa sici yalumo ni kumsakasa.
- cinjelanjela** *li.* (yeji. injelanjela) Kalombo kamwana kakapiliwu, kam'mesi.
- cinyambata** *li.* (yeji. yinyambata) Katela kapacilu panakasamba, kamasamba ganakasamba gakuweleka limolimo, kakusatenda tusogosi twawana.
- cinyela** *li.* (yeji. inyela) Cilwele caketendekasya cikwenya cakusalwala mnopemnopo jwamlume ligongo lyakutenda msangu ni jwammasyeto jwakulwala mwesi.
- cipagala** *li.* (yeji. ipagala) 1 Cindu cakupyonyoka pamtwe cakusataŵa ni yitela ni kuwimba ni manyasi kuti awunicileje pa yindu cisawu ngokwe. 2 Msakasa wandendela wakusataŵila pambali ni kutamika pa cindu cisawu ngokwe yitundu ni yikwele ya yilango cisawu nguku ni ngunda. 3 Upande wa cinyama wawuli mbalati ni cidali.
- cipala** *li.* (yeji. yipala) Malo gakusyanila yindu cisawu majela, maŵago ni yine.
- cipango** *li.* (yeji. yipango) Cilwele cakusalwala mnopemnopo ŵanace cakuyimbikasya lukosi ni majeje.
- cipanje** *li.* (yeji. yipanje) Yindu yakwete mundu yakumkamucisya pa umi wakwe cisawu mbiya, yilango ni yine.
- cipata** *li.* (yeji. yipata) 1 Cilwele ca kuyalo cakuti citandite ligongo lyakutenda msangu nipo cikusakoposya ilonda kumeso. 2 Mtela wakuteteya mu mgunda kuti ŵandu akajiŵaga. 3 Malo gakupitila pakwinjila ku yindu cisawu lutenje ni yine.
- cipi** *li.* Kawonece kanti bii ka pamalo naga lilanguka lili nkumala kapena lili limasile kwene.

- cipisyawago li.** (yeji. ipisyawago) Citela cakulimba mnope, ca miŵamiŵa, catusamba tamwanamwana, capacilu pakuwuka, naga cikomile cikusasogola isogosi yakumulanakumulana
- cipisyewago li.** (yeji. yipisyewago) Citela camiŵamiŵa, camasamba gamwanamwana cakulimba mnope cisawu mpingo. Kuŵe. kwi.: Cipisyawago.
- cipula li.** (yeji. ipula) Cilingo cacisyano caketema mnope cakusakamulicisya masengo wandu pakata yindu.
- cipwa li.** Mwanace jwa alumbugwe.
- cisango li.** (yeji. yisango) Mtela wakuwumbula mundu ni yitendo yakutendekwa m'kasyepela.
- ciselo li.** (yeji. yiselo) 1 Cindu cakuluka ni milasi campela lupeta nambo cacinandi mnope cakusapakulila ugali ni yakulya yine. Alole soni ngopolo ja citunga. 2 Mbale kapena cilingo cine cilicose cakuti atasile yakulya cisawu ugali, mpunga ni yine.
- cisenya li.** 1 Ulwele wakusenyendeka mkamwa 2 ulwele wakulilika makongolo.
- cisijo li.** Cakumela caketambala cisawu likwanya catusogosi twawana nambo cakunyanya.
- cisilisya li.** (yeji. yisilisya) Cakumela caketambala, ca masamba galimolimo gandendela soni ganakasamba, capacilu panakasamba.
- cisilu li.** (yeji. yisilu) Mundu jwakutenda yindu yangalondeka, yakwaluka nambo soni yawanace.
- cisima li.** (yeji. yisima) Malo gakuteka mesi mnopemnopo gakutenda kusola.
- cisimbiti li.** Citela cacikusamela mnope m'amasugulu, camasamba gamwana panandi, ca pacilu pa samwe.
- cisinde li.** (yeji. yisinde) Upande wakumtepa wangalyolyopela wa cindu cisawu uwa.
- cisingwindi li.** (yeji. yisingwindi) Upande wawuanandi wakusigala naga cindu cili cikatrice kapena kutemeka.
- cisinje li.** (yeji. cisinje) Imanga yetinisye soni yesyajesyaje yakupakala kumtwe pakukolosya umbo mnopemnopo pandaŵi ja litiwo, kapena kuti amanyice wakum'wina ujago.
- cisinjino li.** (yeji. isinjino) Liwupa lyangulungo lyakusimanikwa kusyeto kwa mbindi jandanda ja mkono pakutyocela kwikoyo kuja kwigasa.

Kuŵe. kwi.: Cisindino.

**cisiŵe li.** (yeji. isiŵe) Cindu cacikusasigala nambo soni akusacilukula naga mundu ali amasile kutawuna ni kwemba mesi ga mu uwa, mswaga, mkota ni yine.

**cisisa li.** Malo gakolesya moto ni kutelecela yindu yakulekanganalekangana.

**cisiŵa li.** (yeji. yisiŵa) Lidome lyalipiliwu lyampela liŵasi, lyakupagwa nalyo.

**ciso li.** (yeji. yisoma) Upande wakundandilo kwa liwolo wawusililice m'cinena.

**cisokasoka li.** Kanyama kaguluka kampela citete, ka ngongolo nsano ni umo, kana mapapiko, ka mtwe wandendela nipo kakusajimika ngongolo syakusogolo naga kasimonjile cine.

**cisoma li.** (yeji. yisoma) Ulwele wakuti mundu akusapikana kutota mnopemnope mu mbalati kapena pantima pandema jakupumula.

**cisonde li.** (yeji. yisonde) Cindu cacikusasigala naga mundu ali aputukwile cimanga.

**cisondo li.** (yeji. yisondo) Kacipula kakuwumbacisya ŵali ku lupanda.

**cisongoni li.** (yeji. yisongoni) Kaciŵalo kakakusaŵa pa likuma cakumkuli panandi nambo soni kakusawoneka mpela lupwanda. Aole soni ngopolo sya cisyoli, kasumbanyasa ni lupwanda.

**cisonono li.** (yeji. cisonono) Cilwele cakupelegana pagonana mwanti jwakwete cilweleci akusapikana kupweteka pakutunda nambo soni kuyalo kwakwe kukusakopoka yindu yampela mamina.

**cisucila li.** (yeji. yisucila) Mbamba syasicejewu, syakulila panandi nambo soni syakuluma mnop. Kuŵe. kwi.: lisucila, lusucila.

**cisugugu li.** (yeji. isugugu) Kalombo kakanandi kaguluka kakum'nong'a kumsyuga mundu m'mawiwi kapena m'meso nambo soni kakusataŵa masyega mpela nyuci.

**cisumbukute li.** (yeji. yisumbukute) Cakuyimba cakoposya uwowu ni myasi

**cisungulumwamba li.** Citela catuwaje twakusoma capacilu pawajewaje, catusamba twawanawana twakucejelela

**cisunje li.** (yeji. yisunje) Mesi gaŵaloŵece ni kucuwula mcokwe. Aole soni ngopolo ja citiwi.

**cisuwi li.** (yeji. isuwi) Cinyama camwitinji camangandamanganda gamaswela ni gamapiliwu cangose syakutema mnop nambo soni

- cikusalya yinyama yine.
- cisyano li.** (yeji. isyano) Cindu cakulimba mnope cakusacikolosya kutyocela ku mitundu jine ja maganga.
- cisyo li.** (yeji. yisyo) 1 Kola meso gakulola mwangalajilila. 2 Ndamo syakumbika syambone.
- cisyoli li.** (yeji. yisyoli) Kaciwalo kakakusaŵa pa likuma cakumkuli panandi nambo soni kakusawoneka mpela lupwanda. Alole ngopolo sya cisongoni ni kasumbanyasa.
- citagu li.** (yeji. yitagu) 1 Cindu cakusatenda mundu ndaŵi ni ndaŵi. 2 Maloŵe gakusala ya cindu mwacuŵilisi.
- citani li.** (yeji. yitani) Ulusi wakutelesya wakulimba kwejinji mwanti ŵandu ŵane akusalucila lwawu lwakutejela somba.
- citasya li.** (yeji. itasya) Citela cakutilila pacilu pakwe, camasamba gaŵana cacikusasogola isogosi yekulungwakulungwa nambo yangalya ŵandu.
- citela li.** (yeji. yitela) Cindu cakumela cacikusakula mnope ni kola nyambi ni masamba.
- citembo li.** (yeji. citembo) Cilwele cakusya kapena kwimbasya upande umo wa cilu cisawu ngongolo mwine soni mapwisi.
- citengu li.** (yeji. itengu) Cindu cakusacipanganya kuti atamileje pakutenda yindu yakulekanganalekangana.
- citimatima li.** 1 Upande wakusosekwa mnope wa citela wawukusasimanikwa ndema syejinji mkati mwa nyama ja citela wakuti naga nkuwukatamo citelaço cangalama 2 Upande wa lindanda. wawukusaŵaga wacikasu naga nkulitelekamo.
- citimbe li.** Citela ca capacilu ni masamba gecejewu, cambande syelewu syakulyaga.
- Citipula li.** (yeji. yitipula) Mgunda wangatenda misela nambo kwamba kucocola ni galawusya litaka.
- cititimbwa li.** (yeji. yititimbwa) Uwa wangalyolyopela.
- citiŵi li.** (yeji. yitiŵi) Malo gakutuluka gakusimanikwa pacilikati pa yikwesya.
- citiwi li.** (yeji. yitiwi) Mesi gaŵaloŵece ni kucuwula mcokwe. Alole soni ngopolo ja cisunje.
- citolokoso li.** (yeji. yitolokoso) 1 Cindu cacicejewu cacikusaŵa leleŵaleleŵa cakulukosi ca cinyama ca mtundu wa cijuni cisawu

ngukumbembo. 2 Kasaku kakuwícila yakulya kakakusaŵa capalukosi pa cinyama mnopemnope ca mtundu wa cijuni. 3 Cindu campela cakuyimba cacikusakopoka ku lukosi ligongo lya kupelebela kwa njete jakusosekwa m'cilu.

**citongolo li.** (yeji. yitongolo) Citela cacijumu mnope. Aole soni ngopolo ja mlaka.

**citopola li.** (yeji. yitopola) Mbepo jamacili jajikusaputa ni kutendekasya matumbela gamakulungwa pa nyasa.

**citoto li.** (yeji. yitoto) Lusongolo lwa cisogosi cisawu cembe.

**citotosi li.** (yeji. yitotosi) 1 Manyi ga cinyama ca mtundu wa cijuni cisawu nguku. Kuŵe. kwi.: ndotosi 2 Kupikanika liwungo cisawu lya ndotosi.

**citukule li.** (yeji. yitukule) Mtesa wekalanjekalanje, kutwa ni kutaga njete kapena matimati getelece ni kutaga mtesa.

**citukuta li.** (yeji. citukuta) 1 Mesi gakopoka pacilu ligongo lya lyuŵa, kamula masengo ni magongo gane. 2 Ndukutila jakupikanika pamalo ligongo lya kuŵala kwa lyuŵa.

**citulo li.** (yeji. yitulo) Pacilikati pa msakasa wa nyumba.

**citumba li.** (yeji. yitumba) 1 Cimanga camwana cangakomala cacigambile kukopoka cimanga nganicitande kuyika 2 mbonda jekulungwa jakuti jijumwile ni atyosisye yamkati nikusunjilamo yindu

**citumbo li.** Kamwanace kakuti kali mu litumbo lya uŵelezi lya mamagwe.

**citundilo li.** (yeji. yitundilo) Ciŵalo ca m'cilu campela kasaku cacikusasunga makweswo. Aole soni ngopolo ja cikososo.

**citunga li.** (yeji. yitunga) Cindu cakuluka ni milasi campela lupeta, cakunandipila nambo cacikulungwa kupunda ciselo.

**citungula li.** (yeji. yitungula) Cakumela cakupanda, cakuweleka isogosi yandendela, cakutambala mpela lipeta, nipo cikusakwela itela yine.

**citutu li.** (yeji. yitutu) Malo gakwasa yindu yangasosekwa.

**citwelo li.** (yeji. yitwelo) Citela cesepe cenene cakutwela kapena kupomolela mwituli yindu cisawu yimanga. Aole soni ngopolo ja mwisi.

**citwesima li.** (yeji. citwesima) Umbo syeswela syakusimanikwa mumtwe mwa mundu jwakuti nganacekulupe.

**citwitu li.** (yeji. citwitu) Kutendekwa cindu mwangacijembecela nambo soni mwakuspucisya.

**ciukula li.** (yeji. yiwukula) Nyama syakuwukula ni kutyosya mbeju

syawupandile.

**ciumbo** *li.* (yeji. iwumbo) 1 Lukonji lya ciwisa lyakusasinga ni kupamba moto pakusosa kujigalila moto kutyoka pamalo gamo nikujaga nawo kumalo kwine 2 citela cakutilila pacilu, camgoji, ca masamba gawana, cakunyata utomoni wakwe.

**ciumbu** *li.* Citela ceswela, cakutelesya, cakuwuka pacilu pakwe, camasamba ganakasamba nambo gangakula mnope nipo cikusaweleka isogosi yecejewu.

**ciunganilo** *li.* Cakumela caketambala ca mciga wakusapangana.

**ciwa** *li.* (yeji. yiwa) Cindu cacikusatyosya umi mwa mundu kapena cinyama.

**ciwala** *mtagu.* wakongwe wa uganja.

**ciwambola** *li.* (yeji. yiwambola) Citela cakuwuka camadomodomoni pacilu pakwe mpela tusanga, camasamba ganakasamba, gawana galimolimo soni gakulewupila, cikusasogola tusogosi twelewu, nipo cikusakangala kumela mundando ni m'masugulu.

**ciwata** *li.* (yeji. yiwata) Malo gatyatyatya gangali matumbi ni yikwesya.

**ciwiga** *li.* (yeji. yiwiga) 1 Cindu cagumba ni lilongo cisawu mtala, cikalango ni yine cakutelecela yindu kapena soni kutendela masengo gane. Kuwe. kwi.: ciyiga. 2 Upande wa lukongolo wapacilikati pa lilungo ni litako. Kuwe. kwi.: Ciyiga. 3 Upande wa lukongo wakusimanikwa pacilikati la lilungo ni lipuluputu.

**ciwilili** *li.* (yeji. iwilili) M'bulili wawukusawoneka ligongo lyakuti cindu cine cicijile kuwala kwa lyuwa, nyali ni yindu yine.

**ciwisa** *li.* (yeji. iwisa) Cindu cisawu cakuwala kapena nguwo cakuti cipapwicepapwice.

**ciwombola** *li.* (yeji. yiwombola) Cindu cakupelaka pamagambo pakuwombola mundu; kuweceta kwine: ciwombosi.

**ciwukala** *li.* (yeji. iwukala) Ciwalo campela nsaku, cakuwicila yakulya kuti yigayice, cacikusalumbikana ni matumbo. Aole soni ngopolo ja ciwulawinji.

**ciwula** *li.* (yeji. yiwula) Kanyama kangongolo mcece kakum'nong'a kutama m'mesi nipo kwenda kwakwe kakusatenda kusumba. Kuwe. kwi.: Liwula, Lyola.

**ciwulawinji** *li.* (yeji. iwulawinji) Upande watupindatupinda wa litumbo wakulundana ni ciwukala.



**ciwulugo** *li.* (yeji. iwulugo) Ciŵiya mnopemnope calilongo cakutelecela ugali.

**ciwundo** *li.* (yeji. iwundo) Malo gasyelengenye ni kutaŵikanya mawupande ga yindu cisawu ngonji. Alole soni ngopolo sya cikamba ni cilumbo.

**ciwunicilo** *li.* (yeji. iwunicilo) Cindu cakusiŵila pakamwa pa cindu cijakwe cisawu mpika pakusosa kuteteya kapena kusisa yindu yayili mkati.

**ciyele** *li.* Ndamo jakulombela acakongwe ŵakupunda jumo. Alole soni ngopolo ja mitala.

**cokopola** *msa.* Kusola lisimbo mwangasokola mnope.

**colowana** *msa.* 1 Kutenda yindu mwangakuya katende kakwe. 2 Kutama mwangaŵalagana.

**comanjoma** *msa.* Kutenda yindu mwakusumbasumba.

**comboto** *li.* Cilwele cacikusakamula matoga ga cinyama cakulanga ca mtundu wa cijuni cisawu nguku.

**come** *li.* (yeji. yome) Kanyama kakanandi kakulanga, kameso gamakulungwa, mcila wawulewu ni ngalawesa syakutema nambo soni kakusatama ni kamula makoswe m'majumba ga ŵandu.

**cosi** *li.* citela canakasamba, catusasamba twelewu mnope, twagangamilila panondi soni twakandapala, cakusingaga ngonji.

**coŵela** *li.* (yeji. yoŵela) Malo gecije cenene gakojele.

**culuya** *msa.* Konjecesya kapena kupundasya mlingo wa yindu. Alole soni ngopolo ja tupiya.

**cuŵa** *msa.* Kutyosya cindu cicamesile kapena kwinjila mu cine.

## D

**d** Cilembo cangapikanika pajika.

**dadada** *mbika.* Kutenda yindu mwacisyewu. Kuŵe. kwi.: dododo.

**dandawula** *msa.* Kulosya ngajikutila kapena ngasengwa ni cindu cine cakwe.

**de** *mbika.* Katika kwa cindu mwakusupucisya.

**dedeleka** *msa.* Kuŵeceta mwangajimicila kuti ŵane akole lipesa lyakuŵeceta.

**dedelesya** *msa.* Kulimbicila kulondesya ni kongondesya ngani.

*dee mbika.* Kututa cindu mwamacili soni mwakusipucisya.  
*delela msa.* Kwepepasya cindu kapena mundu ligongo lya msingu kapena kawonece kakwe.  
*deleleka msa.* Kuwoneka mwakwepepala kapena mwangayika pa mlingo wakwe.  
*dendecela msa.* Kutwicila cindu mwangakamulila.  
*di mbika.* Mwacikusapikanicila cindu cawusito naga cigwilile pasi.  
*diwu mbika.* Mwayikusapikanicila naga mundu aputigwe mwamacili mnopemnopo kumgongo.  
*diwula msa.* Kuputa mundu kapena cinyama mwamacili.  
*doda msa.* Kuponya cindu mwinani ni kucijanga mwakuciwilisyawilisya.  
*dodoloka msa.* Kutenda cindu mwangawusimana mtima.  
*dodoma msa.* 1 Kusimonga ngani kapena cindu cacitendekwe. 2 Kucomanjoma kapena kayicila pakutenda yindu.  
*dololoka msa.* Mteto wakutenda yindu mwangakuwilanjila, kujigalika, kutoleka.  
*dudulusya msa.* Kutyosya cindu pamalo pakuciwuta kapena kucituta mwamacili.

## E

*e* Cilembo cakupikanika pajika.  
*ee mjonje.* Liloŵe lyakulosya kwiticisya.  
*eee msupu.* Liloŵe lyakulosya kukalamusya kapena kulapa.  
*elo m'jonje.* Liloŵe lyakulosya kamulana, kusimicisya nambo soni kwiticisya ngani kapena cindu.  
*eya ngu.* Liloŵe lyakulosya kusengwa kapena kamulana ni yindu. Kuŵe. kwi.: eja.

## F

*f* Cilembo cangapikanika pajika.  
*falabu li.* (yeji. mafalabu) Cilingo cacyano cambugu cakusajinjicisya moya kapena mesi m'mipope ni yilingo yine.

**falacubu li.** (yeji. mafalacubu) Kalamba kakalewu, kambugu cisawu litumbo kakusaweca ku falabu kuti kasiŵeje kapena kuwugula kabowo kakwinjilila moya m'cubu.

**felemu li.** (yeji. mafelemu) Cilingo cacitela kapena cisyano cakusasomeka mwipupa pa mlango kapena malo gane kuti ataŵilile litanga kapena liwindo.

**fetelesa li.** (yeji. fetelesa) Njete jakusataga mwitaka pakusosa kuti mbeju sikule cenene kapena siŵelekule kwejinji. Kuŵe. kwi.: fotelesa.

## G

**g** Cilembo cangapikanika pajika.

**ga mbika.** Mwakusatendela mundu kapena cinyama naga cili cilumile cine ni meno.

**gaa mbika.** Kulolecesya cindu kapena mundu mwakwendelecela.

**gabila msa.** Kutiŵila ni koposya mtwe m'mesi kwineku uli nkupapila mesigo ligongo lyakulepela kucuwuka kapena ng'ambila.

**gada mbika.** Kugwa kapena gona mwakulosya ngope kwinani.

**gadama msa.** Kutama kapena gona mwakulola kwinani.

**gadamika msa.** Kutamika cindu mwakucilosya kwinani.

**gadu mbika.** Mwayikusaŵela naga mundu kapena cinyama cikatwile kapena kutomokola upande wa cindu.

**gagada msa.** Kucanyandacanyanda cindu kuti cikasawusya pakatanya.

**gagadula msa.** Kuluma mwakusimika meno kapena yiŵalo yine yakulumila.

**gagata mbika.** Mwawukusaŵela kapena kuwonecela kandapala, kuyimba kapena kusasaŵila kwa upande wa cilu kapena cindu ligongo lya ulwele kapena magongo gane.

**gagaŵala msa.** kusupuka mtima.

**gagawula msa.** Kuluma mwakusimika meno kapena yiŵalo yine yakulumila.

**gagayicisya msa.** Kukwetekanya kapena kutaŵa yindu mwangalimbisya.

**galagata msa.** Kuliponya pasi ni galawukagagalawukaga.

**galawuka msa.** 1 Kupitikusya ngope ni kulola kumbali kapena kwawukutyocela. 2 Kuŵa yakulekangana ni cilanga kapena muyaŵelaga kala.

**galawusya msa.** 1 Kucitendekasya cindu kuti cilole mbali jine. 2 Kutendekasya nganisyo kapena ndamo sya wane kuti siwe sine.

**galuka msa.** Kugawika mwakulembelela kwa cindu cisawu lipupa mwangapwatukuka mawupande.

**galula msa.** Gaŵa cindu mwakulembelela mwangapwatukulanya mawupande.

**gamba msa.** Kuweceta yindu yakupepusya mundu jwine.

**gambatukula msa.** Kulekanganya ni kupwatukulanya mawupande ga cindu.

**ganda msa.** Kupwa kwa cilu ligongo lya kulwala, nganisyo kapena kupelebela yakulya ni magongo gane.

**ganga msa.** Kulenga kapena kucecula cindu cisawu somba ni cilingo cakutema mpela cipula.

**gagalama msa.** Kula ni kulimbangana kwa cilu ni yindu yine.

**gangasika msa.** Kuwaluka kapena galuka kwa cindu ligongo lya kula kwa miciga, lyuwa ni yindu yine.

**gangasya msa.** Kugalula kapena kuwalula cindu cine cisawu litaka mwakulembelela.

**ganicisya msa.** 1 Kwamba kuwanicisya kuti cindu cine citendekwe kapena ticitendekwe. 2 Kumsosela ni kumtendela yambone mundu jwine.

**ganisya msa.** Kusosasosa mumtwe yitiwutende.

**gasabu li.** (yeji. gasabu) Ndamo jakupya mtima mwacitema.

**gaŵa msa.** 1 Kuwika yindu pakwepakwe. 2 Kulekanganya ni yala cindu caliji cimpepe kuti ciwe maupande gaŵili kapena gatatu 3 Kucecula kwa cindu cakutema cisawu cipula.

**gawu mbika.** Mwacikusatendela cindu naga cigaŵice m'mawupande.

**geya msa.** Kukopoka kwa mbugo kupitila kukamwa ligongo lya kwikutisya kapena kulwala.

**go mbika.** 1 Kasone ka cindu cakuti acigombile kampepe. 2 Kuluma mwakucopa kapena mwagogoda cisawu mwalikusatendela lijoka. 3 Kusowa yakuweceta.

**gogoda msa.** Kuputa pa cindu cine mwakusona ndema syejinji mwakuwilisyawilisya.

**gojo li.** (yeji. acigojo) Mundu jwakulepela kukola mwanace ligongo lyakupelebela kwa macili ga uwelesi m'cilu.

**gojoma** *msa.* Kumala macili gakamulila masengo.

**gojomala** *msa.* Alole ngopolo ja gojoma.

**golesya** *msa.* Kupitisa mpila pa golo nikumwesya cigoli pa ung'asi wa mpila.

<sup>1</sup>**gologolo** *li.* (yeji. acigogolo) Kanyama kakanandi kakucejelela kamčila wawulewu wamsindo kakumnonyela kutunungula mgongo nipo kakusatama m'yitela.

<sup>2</sup>**gologolo** *mbika.* Mwacikusaŵela cindu cacitemi mwangagongomala.

**goloka** *msa.* Kuŵa mwangagongomala.

**golosya** *msa.* Kukolosya cindu cicaliji cagongomala kuti ciŵe cangagongomala.

**goma** *msa.* <sup>1</sup> Kusepa citela kuti cikoposye utomoni wakusosekwa pa masengo gakulekanganalekangana. <sup>2</sup> Kwikutila mwakupundanganya malile pa cindū cacikutendekwa.

**gomba** *msa.* <sup>1</sup> Kuputa cindū ni ligasa yala yili congocēle. <sup>2</sup> Kuputa cindū kuti cisone ni nganiso syakuti ŵandū ŵane apikane. <sup>3</sup> Kuketemula uti kuti jilile kapena jikoposye yipolopolo.

**gombela** *msa.* <sup>1</sup> Kutukutila cenene kwa malo ligongo lyangaputwa ni mbepo. <sup>2</sup> Kusoma cindū ni uti. <sup>3</sup> Kuputa ngoma ni magasa kuti jisone ni nganiso syakuti ŵandū ŵane aŵine.

**gombelesya** *msa.* <sup>1</sup> Kwenesya ngani jakutumile kuti ŵandū ŵane ajipikane. <sup>2</sup> Kusala ngani mwakujikandapasya.

**gombokola** *msa.* <sup>1</sup> Kugopola ni kulekanganya yindū yakuti yaliji yetawetaŵe. <sup>2</sup> <sup>3</sup> Kugopolanya cenene mujajendele ngani. <sup>4</sup> Kukasa cilanga.

**gombokolanya** *msa.* Kumasya cipaka.

**gombwa** *msa.* Kupela ligongo lyakamula masengo kapena kutenda yindū yine.

**gona** *msa.* <sup>1</sup> Kuŵa nlugono. <sup>2</sup> Kutamika lisusa mwakulitandalika pasi.

**gonana** *msa.* Kutenda msangu kapena kutombana.

**gonasika** *msa.* Kutamanjilwa pamalo moŵa yigala.

**goneka** *msa.* <sup>1</sup> Kutamika lisusa lya cindū mwakulitandalika pasi. <sup>2</sup> Kuloŵesya mundū jwine.

**gongomala** *msa.* <sup>1</sup> Kupindika kapena wangagoloka wa cindū. <sup>2</sup>

**gopola msa.** 1 Kukwetekula kapena kuwalatula ciwundo. 2 Kulya ni kutenda yindu yine yangasosekwa kuyitenda mu mwesi wa Namasani.

**gopolanya msa.** 1 Kupwatukulanya kapena kulekanganya yilumbo. 2 Kusala mwamlundunde yijatite pakwenda ngani.

**gopolela msa.** Kuwilisya kulondesya ngani jajilembegwe kapena kuwecetegwa mu ciweceto cine.

**gosa msa.** Kuwambala kapena kuleka kutenda cindu.

**gowa msa.** Kwinamisya kapena kuciwuta cindu cacili penani ni kuciwandicisya pasi.

**goŵagoŵa mbika.** Mwayikusaŵela naga cindu cjineme kapena kependeka ni kuwandicila pasi ligongo lya kusitopelwa, mbungo kapena kuwutigwa.

**gowola msa.** Kutyosya cimanga cacikomale nambo soni cacijumu ku mpesi wakwe.

**goya msa.** Alole ngopolo ja gowa.

**gu mbika.** 1 Kusona mwagungumila kwakusapikanika naga cindu cili ciliputile pa cijakwe. 2 Mwalikusapikanicila liwungo lyakununjila cenene.

**gubidi mbika.** 1 Kwinjila mu cindu cine mwangasigasya upande wine uliwose. 2 Kwinjila m'nyumba, kulutenje ni malo gane gecijile cenene mwangapoposya. Kuŵe. kwi.: gulubid.

**gubidisya msa.** Kututatuta ni kugwisya iŵiya ni yindu yine pakusosasosa cindu.

**gubujuka msa.** Kulekangana kapena kusyembenduka kwa yiŵalo kapena mawupande ga cindu.

**gubujula msa.** Kulekanganya kapena kusyembendula yiŵalo, kapena mawupande ga cindu.

**gudubuka msa.** Kwenda mwakupitikuka pasi mwakuwilisyawilisya.

**gudumuka msa.** 1 Alole ngopolo ja gudubuka 2 Alole ngopolo ja lucocola.

**gudumusya msa.** Kwendesya cindu mwakucipitikusya pasi cisawu citungulu.

**guguda msa.** Kuputa mwamacili.

**gugudila msa.** Kumwa mwangalecesya ni kumalisya mesi kapena yindu yine yiyaliji mu m'gawo kapena cilingo cine cilicose.

**guguduka msa.** Kumyoleka umbo mpaka kutenda lupala.

**gugudula msa.** Kumyola ndewu kapena umbo mwangasigasya.

**guguluma** ku *msa.* Kutongola mwagungumila.

**gugumila** *msa.* Kugunda cisawu muwukusatendela mtima.

**gugunda** *msa.* Kutetemela pa magongo gakulekanganalekangana.

**gugusika** *msa.* Kuwutuka mwakutoleka cisawu ngawujima.

**gugusya** *msa.* 1 Kugogoda pa cindu mwakunyemya. 2 Kukoposya maloŵe pa magongo gakusosa kwaŵilanga ŵanace kapena yinyama yine cisawu mwajikusatendela nguku jamkolo kapena tambala.

**gulucila** *msa.* Kutenda yindu mwangajembecela kuti ndaŵi jakwe jikwane nambo soni nkanakukundisye.

**gulugusya** *msa.* Kutenda yindu yakusokonesya mwangakupikanila camuko.

**guluka** *msa.* 1 Kwenda mwinani pakupula mapapiko gakwe kapena pakukamulicisya masengo yilingo yine. 2 Kusumba kutyocela pamalo pacaliji kujakuliŵata pamalo gane.

**gulula** *msa.* Kuloŵeka cindu m'mesi ni nganisyo syakuti mesi ga likaku gosope gatyoce.

**guluma** *msa.* 1 Kwapuka kapena kuwugula m'matumbo mwakutotoganya. 2 Kutongola kwa m'matumbo ligongo lya sala kapena magongo gane.

**gulusya** *msa.* 1 Kutendekasya cindu kuti cijende mwinani. 2 Kukata misumbu ŵali ku unyago.

**guma** *msa.* Kutongola kwa mbwa pakusosa kwaŵinga ŵandu kapena cindu cine.

**gumba** *msa.* Kukolosya cindu pakukamulicisya masengo utope.

**gumbala** *msa.* Kumala malo gakuti ni kutama kapena kutaga yindu yine mu cindu kapena pamalo.

**gumbalicya** *msa.* Konjecesya yindu mu cindu mpaka kumalisya malo gosope gagasigele.

**gumbasya** *msa.* Kutaga kapena kuyika yindu mu cindu cine mwangasigasya malo.

**gumila** *msa.* 1 Kuŵeceta mwakwesya maloŵe pakusosa kuti ŵandu ŵane ŵatalicile apikane. 2 Kuŵeceta mwakwamba kusinganga pakusosa kulosya wangakamulana ni yakutenda kapena yakuŵeceta ya mundu jwine.

**gumu** *mbika.* Mwacikusatendela cindu cacikugaŵika cenene m'maupande.

**gumuka** *msa.* Kugaŵika kapena kupasuka kwa cindu.

**gumula msa.** Kugwisya kapena kupasula cindu cicawunjigwe.

**gunda msa.** 1 Kututula cindu kapena mundu mwamacili. 2 Kuputa cindu kapena mundu ni mtwe. 3 Kukwaya cindu kapena mundu.

**gundima msa.** Mundu jwakugundima ni jwakwimbala mwakusakalisya.

**gundulila msa.** 1 Kutawuna cindu cakulimba msakali. 2 Kupeleka cindu cakulemweceka kapena umboni wawunami.

**gunduma msa.** Kukamula masengo kapena kung'anda ung'asi mwakupupuluma mwanti mpaka akombolece kwawulasya wakung'anda nawo ung'asiwo.

**gundumuka msa.** Kuseleleka ni kutyoka pamalo piyawunjicikwe.

**gundumula msa.** Kubalalisya yindu yiyawunjicikwe pamalo pamo.

**gungula msa.** Kupapula yisogosi yosope mu citela.

**gungulika msa.** Kutongola mwagungumila.

**gunguluma msa.** Kutenda yindu mwangali mlundunde.

**gungulumya msa.** Kwapwilinganya wandu wiwasongangene pamalo pamo.

**gungumika msa.** 1 Kusimana mwacitwitu. 2 Kugomba ngoma mwamacili.

**gungunukula msa.** Kugopola cindu pakutyosya yakutaŵila.

**gungusya msa.** Alole ngopolo ja gugusya.

**guse mbika.** Mmwakusawonecela mundu jwatemu ni kuŵa cisawu jwangali macili gakutendela cindu cine cilicose.

**guseguse mbika.** Kuŵilinganya kwawula pamlango wa mundu jwine mwangaŵilanjigwa.

**gusumuka msa.** Alole ngopolo ja gundumuka.

**guta msa.** 1 Kugumila ligongo lya kupikana kupweteka. 2 Mundu jwakuguta ni jwakugumila ligongo lya kupikana kupweteka.

**gutanga msa.** Kulila mwakudandawula ligongo lyakuti mundu jwine awile.

<sup>1</sup>**gwa mbika.** Kumula kapena kulimba kwa cindu naga uli ucikamwile, ucikapile, ucigwedanyisye kapena naga uli ucitomasisye.

<sup>2</sup>**gwa msa.** 1 Kupatuka cisawu mwacikusatendela cisogosi kutyocela mwinani kuja pasi. 2 Kupikuka ni kulukutuka pasi.

**gwagula msa.** Kukowola lipende kapena mgoji wa cindu.

**gwagwasula msa.** Kukacula kapena kupapula cindu mwanganyemya.

**gwajilisya msa.** Kutendekwa ni kuleka kwa citendo mwacitema.



**gwala msa.** 1 Kutyoka pamalo mwacuŵilisi. 2 Kumtila mundu jwine pa ulendo wakuti mwapangene kuti timjendele pampepe. 3 Kuleka mele kusala yindu yakuwona pa ngani. 4 Kutyala suŵa pa ndewu.

**gwandama msa.** 1 Kuŵambala pamalo pa magongo gakulekanganalekangana. 2 Kuŵeceta ngani mwacuŵilisi. 3 Kutyala kuti cindu cacikakuputile cikukulusye.

**gwapula msa.** Kukata cindu mwangalondesya.

**gwasya msa.** Kujigala cindu mwakusisa.

**gwaŵilila msa.** Kwenda mwakuŵilila nambo soni panandipanandi mwangatenda mswakanyo.

**gwebede mbika.** Kusona kwa cindu cisawu mwajikusapikanicila mbale naga n'kuciputisya ni jijakwemo.

**gwebedesya msa.** Alole ngopolo ja gubidisya.

**gwedela msa.** Kusukunasukuna kwa cindu pamalo pakwe cisawu mulikusatendela lino naga lili nkusosa kucuŵika mu usinini.

**gwele mbika.** Kwinjila kwa cindu mu cindu cine mwangawonecela soni kusa.

**gwelekwe li.** Mtundu wa cakumela camasamba gamakulungwa cacikusamela mwakutenjela m'matumbi ni mu ukweti nipo cikusaŵa cakucejelela m'cawu.

**gwelikwe li.** Mtundu wa cakumela cam'bili cisawu citela cangatenda maluŵa cakumnong'a kumela m'malo mwacinyesi.

**gwesela msa.** Kusosa kugona.

**gwesigwesi mbika.** Mwakusatendela mundu jwakusosa kugona pakulepela kulilimbikasya cilu cakwe ligongo lya lugongolo.

**gwesima msa.** Kulopa pakutenda yindu.

**gweya msa.** Alole ngopolo ja gowa.

**gwila msa.** Kupatuka nikuyicila pa cindu cine.

**gwigwili Mbika.** 1 Kwimbala cilu pa magongo gakulekanganalekangana cisawu kulya yakulya yakwenela. 2 Kuyimba cilu pa magongo gakulekanganalekangana cisawu kulumigwa ni tulombo mpela matendewu.

**gwindimala msa.** 1 Kutijila kwisa soni kulimbangana kwa cilu. 2 Kugangalama kwisa soni kulimba kwa cindu.

**gwisya msa.** 1 Kupatula, kuyingalamula kapena kupikusya ni kulukutusya pasi cindu.

# I

i Cilembo cakupikanika pajika.

**icila msa.** Mundu jwakuyicila ni Kujigala kapena kukwaya cindu cacili pakutalicila cisawu penani.

**ico m'jonje.** Kukalamusya kapena kupoposya pakusosa kupita pamalo.

**igala mtagu.** Maloŵe gakulosya ciŵalanjilo cangamanyika ca ŵandu kapena yindu.

**ika msa.** 1 Kwenda kutyocela upande wine ni kulungama kwawuli ugwe. 2 Mundu jwakuyika ni jwakwenda ni kujakopocela pamalo pakumalila ulendo wakwe.

**ikambilo li.** Sigasiga sine silisyose syakusalukula mundu naga atawine yindu cisawu miwa, miswaga, mikota ni yine.

**ikangana msa.** Kukopocela ni kusongangana pampepe pamalo.

**ikanganya msa.** Kusonganganya kapena kuwunganya ŵandu pamalo gamo.

**ikuta li.** (yeji. ikuta) Mtundu wa manyasi gangatililika pacilu pakwe gakusatotela maugono ndema sine naga pali pangali yilingo yakwenela.

**ilimila li.** (yeji. ilimila) Ndondwa syasikusawungana pamo nipo sikusawoneka kwigulo nambo soni kuwoneka kwakwe kukusakuyana ni kuyika kwa ula jandanda.

**imba msa.** Kusasaŵila kwa cilu cosope kapena upande cabe ligongo lya kulwala kapena magongo gane.

**imo m'jonje.** 1 Maloŵe gakulosya kuti yindu yikutendekwecela pampepe. 2 Maloŵe gakulosya kuti yindu yitendekwe mwakulandana.

**ina msa.** Kusukunya cilu cakwe mwakwilana ni nyimbo mwine soni ngoma, m'myala ni yine yayikwimbigwa.

**inda msa.** 1 Kusasaŵila kwa cindu cisawu songolo, ndanga ni yine ligongo lya kuciloŵeka m'mesi. 2 Mundu jwakuyinda ni jwakupitikuka cilu cakwe kutyoka ku uswela kuja ku upiliwu.

**inga msa.** Kutopola ni kupwilinganya pamalo mnopemnopo yinyama.

**ingalamu mbika.** Mwachikusatendela cindu pakutyalambuka ni kugubuduka kutyoka pamalo pacaliji.

**ingalamuka msa.** Kutyalambuka ni kugubuduka kwa cindu kutyoka pamalo pacaliji.

**ingalamula msa.** Kututa ni kugubudusya cindu kutyoka pamalo pacaliji.

**inyasya msa.** Kumilimisika pakusosa kulosya kukana cindu.

**isya msa.** Kwimika ni kuleka lipuje kuti likopoce mumbula ni mkamwa mwakupepela cisawu mwacikusatendela cubu naga cili cipowece pakusosa kulosya kusakalika kapena kusengwa ligongo lya kumala kwa cipaka.

**ituka msa.** Kutejekuka mwamacili kwa cindu cisawu mwajikusatendela uti kapena citega.

**itula msa.** Kutejekula cindu kuti cikamule masengo gakwe cisawu mwayikusaŵela pakugomba uti.

**iyayi m'jonje.** Maloŵe gakulosya kukana, kususya kapena ngakamulana ni yindu yayikutendegwa kapena yayikuŵecetegwa.

## J

**j Cilembo cangapikanika pajika.**

**ja msa.** Kutyoka pamalo gawaliji nikusimanikwa uli malo gane.

**jagama msa.** Kwenda mwakutundajila.

**jajaŵala msa.** Kuŵa pacanya pa mesi ngatiŵila kapena kutitimila.

**jala msa.** Kuyika yindu mwakuŵalaganya cenene ndema sine mwakuya mlundunde wakwe.

**jaliŵa msa.** Kukola upile wakupata yindu yambone yakusosekwa pa umi wakwe.

**jaluka msa.** 1 Kuŵagula pakutenda kapena kuŵeceta yindu yangalumbana.  
2 Kuwocela papaswela yindu yayiŵele yili nkutendegwa kapena kuŵecegwa mwacuŵilisi. 3 Kuŵa cangali usito.

**jalukangana msa.** Kukalamuka ni kutenda yindu mwangali cisito.

**jalukula msa.** Kupwatukula yindu yiyasajikene kapena kwaligwa cenene.

**jalusya msa.** Kuwandisya ngani syangasosekwa kusimanya ŵane syakwaya mundu jwine.

**jamani mgu.** Maloŵe gakwaŵendela acimijakwe mwakwadandawulila kuti akukamucisye.

**jamba msa.** Kuwunicila cindu kapena kukamula cindu kapena malo gane ni ligasa lyewumbutukule.

**jambanya msa.** 1 Kupicika kandanda ulusi kapena lukonji pa cindu cakukolosya 2 kukamulisya yindu iŵili kuti ikamulice cenene pampepe.

- jambila msa.** 1 Kukopa mundu jwine pa magongo gakulekanganalekangana  
2 kung'ambila / kusuga pacanya mesi.
- jambucila msa.** Kulungula kutyocela upande ucaliji kuja upande wine.
- jambula msa.** Kulemba kapena kulokota kaŵe kapena maloŵe ga cindu kwisa soni mundu.
- jambulila msa.** 1 Kunucisya kuti upikane liwungo cisawu mwajikusatendela mbwa 2 kujigalila ya ŵandu ŵane.
- jamila msa.** 1 Kugumila ligongo lya woga kapena magongo gane. 2 Kugumila pakusosa kulosya kuti yakutenda kapena yakuŵeceta mundu jwine ngawukukamulana nayo mwine soni yangalumbana.
- jamuka msa.** Kum'salila kapena kum'tenda mundu kandu kane kakwe kuti alece kutenda yindu yakulemwa.
- jandika msa.** Kulolela pakusosa kuti ukakulusya cindu cawukusosa kuciputa kapena kucisoma.
- jando li.** (yeji. jando) Unyago wakata misumbu wakuwumbala acalume.
- janga msa.** 1 Kukamula cindu cacikwenda mwinani. 2 Kwitika mundu jwine ali akuŵilasile kapena kukuŵeceta.
- jangala msa.** Kuŵina mnopemnope ligongo lya kusengwa.
- jangalusya msa.** 1 Kukulumika pakutenda cindu. 2 Kuleka kukamulicisya masengo mele yakuteteye acimijakwe.
- jangangana msa.** Kuŵeceta mwakuwusyanila maloŵe.
- jangata msa.** Kunyakula ni kujigala cindu m'myala.
- janguciya msa.** kucembulusya kapena kutenda yindu mwacalu.
- janguya msa.** Kukulumika pakutenda yindu.
- janika msa.** Kuyika cindu palyuŵa, pakutukutila kapena pakupita mbepo kuti cijumule kapena kulagala.
- janjila msa.** Kuŵeceta nawo pa ngani jajikuŵecetegwa.
- janukula msa.** Kutyosya yindu yiyajanigwe.
- japuka msa.** Kukopoka kwa manyi ku lupwasi mnopemnope lwa mwanace.
- jasa msa.** 1 Kuponya cindu pamalo pane mwamele ligongo lyangacisosa. 2 Kuyika cindu pamalo nikuciliŵlila mpaka kusokonecela. 3 Kuleka kukamula cindu.
- jasama msa.** Kupaŵangula kukamwa pa magongo gakulekanganalekangana.
- jasamukula msa.** Kukoposya mbepo mumbula ni mkamwa mwamacili

- nambo soni mwalisegwe ligongo lya kunyelenyesya kapena liwundika.
- jasamula msa.** Alole ngopolo ja jasamukula.
- jasanga msa.** Kuŵeleka mwanace jwam'wile cile.
- jasasya msa.** Kumwalamwasya yindu kuti yipiteje mbepo cenene kuti ijumule citema.
- jasika msa.** 1 Kugwa kwa cindu kutyocela mu cilingo mu caliji. 2 Kusokonecela ni wangapatika wa cindu.
- jasilila msa.** 1 Kusoma maganga ni yindu yine pa cindu kapena mundu 2 kulecelela cindu cili nkonasika 3 kumlecela mundu cindu cajonasile kuti ciŵe cakwe.
- jasimisya msa.** Kwapa acimijakwe cindu cakwe kuti acikamulicisye masengo pambesi pakwe nikukuwucisya.
- jatusya msa.** Kuyika cindu mwakuŵandicisya moto kapena pa lyuŵa kandaŵi kamnono.
- <sup>1</sup>**jawa msa.** Kumkamula mjwakwe pa ung'asi wa cipako ca m'mesi.
- <sup>2</sup>**jawa mbika.** Maloŵe gakulosya kupepuka kwa cindu.
- jawajawa msa.** Kwenda ni kujajaŵala pamesi kwa cindu mwakwela ni kutuluka pa matumbela nambo ngatiŵila.
- jawaluka msa.** Kuwumbuka ni kwima mwacitema.
- jawula msa.** Kutyoka pamalo ni kwenda kulungama malo gane.
- jawusya msa.** kutyosya cindu pamalo picaliji nikuja naco malo gane.
- jegama msa.** 1 Kutama mwakulicinjika pa cindu cine kuti ukayika pasi mnopemnopo ligongo lyakupela kapena kulwala 2 kwalamila ŵane pakutama.
- jegamika msa.** Kutamika cindu mwakucinjika pa cindu cijakwe.
- jegamukula msa.** Kutyosya cindu ciwacinjice pa cindu cine.
- jejeka msa.** 1 Kwimika cindu mwakucinjika pa cindu cine. 2 Kutaŵa kapena kuwugala cindu mwagagayicisya.
- jejekula msa.** Kutyosya cindu cicajimicikwe mwakucinjika pa cijakwe.
- jejema msa.** 1 Kutenda cindu mwakutojimatojima. 2 Kututa manyi mwamacili kuti gakopoce ku lupwasi.
- jelajela m'jonje.** Maloŵe gakulosya kwenda kwa cindu mwakujajaŵala pakwela ni kutuluka matumbela pa mesi.

**jeluka msa.** 1 Kuŵa cangali msimbo kapena kuti cangasokoka 2 kujigalika kwa yindu mwangasitopa

**jelusya msa.** Kusala yakulungamika yakuti mundu akuye ni kuyitenda.

**jembeceya msa.** Kulindilila kutendekwa kwa cindu.

**jembula msa.** 1 Kupala pacanya pa cindu pakucitendekasya kuti citepekane 2 kutyosya ugali kapena mboga pamoto.

**jenanila msa.** Kwenela kapena kukwanila kwa cindu.

**jenda msa.** 1 Kwawula pawujo pakunyakula ngongolo ni kuliŵata pasi mwakupocelangana. 2 Kwawula ni kugamanya malo gakulekanganalekangana. 3 Kukomboleka ni kwawula pawujo kwa cindu cacikutendekwa.

**jendajenda msa.** Kwawula malo gakulekanganalekangana mwakutotoganya.

**jenela msa.** 1 Kuŵa cakulungamika ni cakusosekwa pa cindu cacikutendekwa. 2 Kuwanda ni kumanyika malo gosope. 3 Kukwanila upande wosope wakusosekwa.

**jenesya msa.** Kuwandisya ngani kuti ŵandu ŵane ajimanye.

**jenga msa.** Kupanganya mawuta gakujilima kutyocela ku yindu cisawu mtesa, nyama kapena mbalika.

**jengula msa.** Kutyosya yindu yangalumbana cisawu yiswani ni yine yayikujajaŵala mu mkaka mawuta ni yine.

**jengwa msa.** Kuŵa jwakusimonga ligongo lya yayitendekwe.

**jenjela msa.** 1 Kutwa yindu yakoposya mawuta kuti ikoposye mawuta 2 Kucijila pakusosa kuti cindu kapena mundu akasimana ni pwetesi.

**jenjetukula msa.** Alole jengula.

**jepepala msa.** Kukola m'bili wawunandi.

**jepula msa.** 1 Kukata cindu panandi kuti cijipipe. 2 Kulinga yindu cisawu utandi, yimanga ni yine mwangagumbasya cakulinjila.

**jesambula msa.** 1 Kupala pakusosa kutyosya yindu cisawu makokoto, yitini ni yine. 2 Kukwaya pakupisyangana.

**jesya msa.** Kwamanyisya ŵandu kuti ukwete yindu yakusumisya.

**ji mbika.** 1 Maloŵe gakulosya wangapikanika wa maloŵe kapena lisegwe. 2 Maloŵe gakulosya kuti utenga nganiwuyika.

**jigala msa.** 1 Kunyakula ni kutyosya cindu pamalo pacaliji. 2 Kuŵa ni kwenda ni cindu pa ulendo.

**jigalika** *msa.* Alole ngopolo ja dololoka.

**jigalwa** *msa.* 1 Kunyakuligwa kwisa soni kukokolegwa ni mesi kapena cindu cine. 2 Kutoleka ni yindu.

**jigana** *msa.* Kusimana kapena kupata.

**jiganya** *msa.* Kum'manyisa mjakwe katende ka yindu.

**jigasya** *msa.* 1 Kukamusya kunyakula ndundu. 2 Kutendesya kuti mundu ayice ni cindu. 3 Kutendesya kuti mjakwe cimpate cindu cine cakwe cisawu mcesela.

**jigasyana** *msa.* 1 Kunyakula cindu cimo wandu yigala. 2 Kutendesya kuti cindu cicimpatile jumo jwinejo nombe najo cimpate.

**jijilijijili** *mbika.* Malowe gakulosya yakusati mundu pakuyumbayumba ligongo lya kutupa kwa masengo.

**jika** *mkwimi.* Kuwa jwangali mjakwe.

**jikuta** *msa.* Kulya kapena kumwa mpaka kuyika pamlingo wakwenela kupelela yakulya mlutumbo.

**jikutila** *msa.* Kukamulana ni yayiwecetegwe kapena yayitendegwe.

**jila** *msa.* 1 Kusala kapena kuweceta malowe. 2 Kutenda kwa cindu.

**jilana** *msa.* 1 Kusyowekana ukangani uli umasile. 2 Kutamana pa cindu cakatendekwa. 3 Kukamulana kwa ngani kapena yindu.

**jilanya** *msa.* 1 Kusyowekanya wandu kuti atandile soni kukamulana. 2 Kupeleka yindu mwakulandana. 3 Kuyika yindu yakutamana m'malo mwakwe.

**jilijili** *mbika.* Malowe gakulosya kutetemela kwa cilu ligongo lya woga, kulwala niyine.

**jilijita** *msa.* Alole jilijitika.

**jilijitika** *msa.* Kutetemela kwa cilu ligongo lya woga, kulwala ni yine.

**jilili** *mbika.* 1 Malowe gakulosya kwenda mwakwendelecela kwa yindu cisawu mesi, miyasi, misosi ni yine. 2 Malowe gakulosya kwenda mwacinunu.

**jililika** *msa.* Kucijigwa ni kususika kwa cindu.

**jililwa** *msa.* 1 Kulepela kukula ni kulewupa ligongo lya kutupa kwa mesi, kunandipa cajila ni yine. 2 Kutama mwasangalala ligongo lyakwasika kwa mwanace/wankwakwe kapena mlongo mjawo.

**jilima** *msa.* Kwenda mwakwendelecela kwa yindu cisawu mesi, miyasi,

misosi ni yine.

**jiliwuka** *msa.* Kukopoka iwenga pa cilu.

**jiliwusya** *msa.* Kutojinya ni yitendo.

**jilula** *msa.* Alole ngopolo ja jengula.

**jima** *msa.* 1 Kuwa cilili. 2 Kuleka kutenda cindu. 3 Kukola citumbo. 4  
Kukana kumpa mundu yindu yakuyisosa kutendaga kuti ugwe ukwete.

**jimba** *msa.* 1 Kusala ngani kapena adisi. 2 Kuputa kapena kulisya cindu  
cisawu citolilo, pinto, ni yine. 3 Kukoposya liloŵe mkamwa kapena mu  
mbula lyakoliga ni kupikanika mwanyimbo.

**jimbala** *msa.* Kugundima kapena kukula kwa cilu kwangaŵaga kwakuyika  
ni ulwele.

**jimbula** *msa.* Alole ngopolo ja jengula.

**jimicila** *msa.* 1 Kuleka kutenda cindu mwakwamba kupumulila kaje. 2  
Kutendesya kuti mundu kapena cindu cilece kwenda mwakuya yasosile  
mundu jwine.

**jimika** *msa.* 1 Kulekasya kukamula masengo kuti yindu yine ayikolosye  
kaje. 2 Kutendesya kuti cindu ciŵe cilili.

**jimilila** *msa.* 1 Kuwa cilili wandu wane ali atemi pasi. 2 Kuwa pamalo  
m'malo mwa mundu kapena wandu wane. 3 Kutunda makweso.

**jimisya** *msa.* Kutendesya kuti mundu kapena cindu cilece kwenda.

**jimuka** *msa.* 1 Kutyoka pamalo pawagonile nikutama kapena kwima. 2  
Kumala lugono ni kuwa mesope.

**jimusya** *msa.* 1 Kwatendesya wane kumala lugono ni kuwa mesope. 2  
Kutandisya cindu cicawile kapena kuliŵalika. 3 Kutendesya cindu  
cicagwile kuwa cilili.

**jina** *msa.* Kupilisya cindu mnopemnopo pakuciloŵeka m'matope.

**jinama** *msa.* 1 Kupinda mgongo cakuwujo. 2 Kugwisya mtwe ni ngope ni  
kulola meso pasi.

**jinamuka** *msa.* Kwimusya mtwe ni kulosya ngope.

**jinamukuka** *msa.* Alole ngopolo ja jinamuka

**jinamukula** *msa.* Kwimusya mtwe wa mundu jwine kapena wake ni kulosya  
ngope.

**jinamukusya** *msa.* Kutendesya kuti mundu ajimusye mtwe ni kulosya ngope  
jakwe.



**jingalamula** *msa.* Alole ngopolo ja ingalamula.

**jinicila** *msa.* 1 Kuwenda kuti jwine akole upile. 2 Kupeleka ucimbicimbi.

**jinicilana** *msa.* Kutamikana mwamtunjelele pakutenda ndamo syambone.

**jinicilwa** *msa.* Kukola upile.

**jinicisya** *msa.* 1 Kuwenda mnope kuti jwine akole upile. 2 Kutenda yiyawendegwe.

**jinikanya** *msa.* Kukamulanya wandu wawawengene.

**jinji mtagu.** Malowe gakulosya kuti yindu, yinyama kapena wandu apali yigala.

**jinjila** *msa.* Kupita ni kusimanikwa mkati mwa cindu.

**jinjilanya** *msa.* Kwinjilila ni kukologanya pa yitendo.

**jinjilila** *msa.* 1 Kutyoka ni kulungama upande wine wakwe. 2 Kutenda nawo yitendo yakuti ngayikukukwaya nambo soni mwangapegwa ukoto.

**jipi mtagu.** Malowe gakusala ya lisusa lyalinandi.

**jipipa** *msa.* Kuwa ni lisusa lyalinandi.

**jipipisya** *msa.* Kuwa kapena kutendekasya kuwa ni lisusa lyalinandi.

**jipula** *msa.* Kutegula cindu pamoto.

**jisa** *msa.* Kulungama kapena kuyika kumalo.

**jita** *msa.* Kukusulila pasi yindu yakujilima cisawu mesi mawuta ni yine.

**jiticisya** *msa.* 1 Kukamulana kapena kukunda yakuweceta kapena yitendo ya mundu jwine. 2 Kwimba nyimbo mwakunkuya jwakulongolela.

**jitika** *msa.* 1 Kukoposya malowe pakwanga kuwilanga kwa mundu jwine. 2 Kukusucila kapena kwasicila pasi kwa yindu yakujilima cisawu mesi, mawuta, mkaka ni yine. 3 Kwawula kumalo kujakupikana yakukusosela mundu jwine.

**jitila** *msa.* Kusulucisya kapena kumisila yindu yakujilima cisawu mesi, mkaka ni yine.

**jitula** *msa.* Kuyika cisyano pamoto ni kuciposya panandipanandi ni nganisyo syakuti cijolowe.

**jiwa** *msa.* Kujigala cindu ca mundu jwine mwagwasya kuti ciwe cakwe.

**jiwula** *msa.* 1 Kuyika pakukomala cisawu mucikusatendela cisogosi nipo ndema syejinji kawonece ka makowa kakusapitikuka kuwa gecejewu, cikasu ni kawonece kamtundu wine. 2 Kukoposya mtwe kwa cakuyimba cisawu cisumbukute.

- joca** *msa.* Kuyika cindu pa moto kuti cipyé.
- joccelela** *msa.* Kulumbikanya yindu pakukamulicisya masengo moto.
- joga** *msa.* 1 Kutaga mesi ni kukulumula cilu kuti likaku lityoce. 2 Kukopoka miyasi kwikuma mwakusatendela mwali jwakusile ni kutanda kulwala kumwesi.
- jogoja** *msa.* Kuweceta mwakusinganga.
- jogopa** *msa.* Kukola woga.
- jogoya** *msa.* Kutendekasya woga.
- jojela** *msa.* 1 Kumpaka kapena kumlambucisya mundu ngani jankanatenda pakwamba kulundanya nganijo ni ndamo sya mundujo. 2 Kupanganya mtela wakuti cisango cikamkamule mundu jwine m'malo mwa msaŵi jwene.
- joloŵa** *msa.* 1 Kuweŵa, kutililika kapena ngalimba 2 Ngasawusya kapena kupweteka kutenda.
- joloya** *msa.* 1 Kutendesya cindu kuti ciŵe cakuweŵa, kutililika kapena cangalimba. 2 Kutendesya yindu kuti yiŵe yangasawusya kapena yangapweteka.
- jomboka** *msa.* 1 Kokoka ni kukulupuka pa magambo ni yipaka yine. 2 Kutyoka lisi line kuja lisi lijakwe lya yindu cisawu msewo, lusulo nyasa ni yindu yine.
- jombosya** *msa.* 1 kokola ni kukulupusya mjakwe pa magambo kapena yipaka yine. 2 Kutyosya cindu kapena mundu ni yine lisi line kuja nayo lisi lijakwe lya yindu cisawu msewo, lusulo, nyasa ni yine.
- jonanga** *msa.* 1 Kukamulicisya masengo cindu mwangalumbana. 2 Kutendesya cindu kuti cilece kukamula masengo. 3 Kuweceta yindu yakulisakacisya ngani.
- jonasika** *msa.* 1 Kusakala ligongo lya kutamanjilwa, ukati ni magongo gane. 2 Kuleka kukamula masengo.
- jonga** *msa.* Kwinjisy cindu mkamwa ni kuciminyaga ni ngomo cisawu mwakusatendela mwanace ni liŵele.
- jongola** *msa.* Kukolosya ni kutendekasya cindu kuŵa cagoloka.
- jongolela** *msa.* 1 Kumsalila mundu yakwenela kutenda kapena kuweceta. 2 Kutendesya cindu cisawu galimoto, njinga liboti ni yine kuti ijende ni kulungama ku mkuli wakwenela.
- jongolomya** *msa.* 1 Kupwilinganya kapena kukwipusya yinyama. 2 Kuwula

ngani kapena yindu yakusosekwa kuti wāndu wane akayimanya.

**jongosya** *msa.* Kutendesya kuti mundu jwine akolosye cindu kuti ciwe cagoloka.:kuwe kwi: jongolesya.

**jonjecesya** *msa.* 1 Kupwatika yindu pa yine yayipali kala. 2 Kulunda ngani kapena cindu kuti ciwe cacikulungwa kupunda mwaciwelele.

**jonjela** *msa.* Kutenda yindu yakulandana ni yakusatenda acinangolo wakwe.

**josocela** *msa.* Kutamilicika cenene m'malo mwakwe kwa yindu yayitemi mwakuwunjicigwa pamalo.

**josya** *msa.* Kumtaga mesi ni kumkumula jwine kuti likaku lityoce.: kuwe kwi: jojesya.

**jota** *msa.* Kutama mwakuwandicila moto kuti jimtyoce mbepo.

**jotela** *msa.* 1 Kutama palikuwalila lyuwa pakusosa kujipata ndukutula ja lyuwalyo. 2 Kwenda cenene kwa yitendo.

**joweleka** *msa.* Kuloweka yindu cisawu yimanga, mapemba, usanje ni yine m'mesi.

**ju mbika.** Malowe gakulosya kutukutula.

<sup>1</sup>**juga** *msa.* Kuwenda cindu canganukola kapena caukwete nambo cili cangakwana.

<sup>2</sup>**juga** *li.* Ung'asi wakutuyana ni iganda nipo jwapundile akusajigala mbiya, yuma, kapena yindu yine yasonjile wakutuyanawo.

**juguwala** *msa.* kutenda matusa ligongo lyakupya ni mesi gamoto kapena cindu cine cakwe.

**juguwasya** *msa.* Kuteleka yindu panondi mwakandaŵi kuti tacimalisya kandaŵi kane.

**juja** *msa.* Kusengwa ligongo lya kukulupuka ku cindu cakogoya.

**jujika** *msa.* Kuwa jwangali usuci.

**jujuluka** *msa.* Kunyung'unya kapena kunyang'ganya kwa cindu.

**jukula** *msa.* Kugwagula makungwa ga citela.: kuwe kwi: kowola, gwagula, palagula.

**jumana** *msa.* Kukangana mnope kwa mpaka kutandisya umenyani.

**jumi mtagu.** Malowe gakulosya kuti cindu cikwete macili gakukula, kulya ni ni kuweleka nipo pambesi pakwe ticiciwa.

**jumilila** *msa.* Kumala kwa mesi mu mpika, m'nyasa ni malo gane.

**jumu** *mtagu*. Kuŵa cangali macili gakuŵeleka cisawu mwacikusatendela caumi cacikongwe.

**jumula** *msa*. 1 Kumalila cile mesi kapena ciŵisi. 2 Kulimba cisawu muwukusatendela ugali naga umpite mbepo. 3 Kuwa cisawu muyikusatendela yakumela naga pali pangali mesi. 4 Kumala macili gakuŵelecela cisawu mwacikusatendela caumi cacikongwe.

**jumulila** *msa*. Kumala mesi kapena ciŵisi ni kukanilila pa cindu cine.

**junda** *msa*. 1 Kwiwulisya mnope. 2 Kuŵa ni cilu cacilenje kapena cacinandi.:kuŵe kwi: ganda, kwalamasika. 3 Kunyoŵa mnope.

**jungusya** *msa*. Kucapa cindu mwagamba kucipaka mesi cisawu kugulula.

**junguya** *msa*. Kuwundika ni kusangusya mesi m'kamwa kuti sigasiga sya yakulya sityoce.

**jutuka** *msa*. Kupepelucila kunyuma.

**juŵa** *msa*. Kutama pamalo pangawonecela.

**juŵilila** *msa*. Kutama pamalo pangawonecela kuti uyiwone yakutenda kapena unkamule jwine.

**juwuka** *msa*. 1 Kutyoka pamalo piwajuŵile ni kuŵa pakuwonecela. 2 Kumanyika kwa ngani kapena yindu yiyasisice.

**juwula** *msa*. Kuwumbula ngani kapena kutamika yindu yiyasisice pakuwonecela.

## K

**k** Cilembo cangapikanika pajika.

**kacamba** *li*. (yeji. acikacamba) Mtundu wa cijuni camang'omba gacisamba, makongolo gelewu soni jimo mwa ngalaŵesa syakwe jikusakola meno.

**kacele** *li*. (yeji. acikacele) Citela cakusogola njele.

**kacelenga** *li*. (yeji. acikacelenga) Mtundu wa mikanda jenandinandi mnope.

**kaceni** *li*. (yeji. acikaceni) Somba jakukamwa kwakulewu soni jana meno.

**kaceŵe** *li*. (yeji. acikaceve) Umo mwa mitundu ja itela yangalakatisya masamba namose ndaŵi ja cawu.

**kaci** *mbika*. Kununga kwakusakalisya mnope.

**kacika** *msa*. 1 Kuŵala nguwo kapena cindu cine mwakulisungusya kapena kuŵiliga 2 kwendelecela kukamula masengo kapena kutenda yindu yine namose yindu yine ngayikwenda cenene.

**kaconja li.** (yeji. acikaconja) Kajuni kamwana kamanyunya gakulandana ni kandindi.

**kacukula msa.** Kupapula cindu mwamacili.

**kagula msa.** 1 Kukuya mundu, wandu kapena cindu 2 kwanga yakuweceta ya wandu wane pawupikene kuti wanduwo akuweceta ya ugwe.

**kaje m'jonje.** Liloŵe lakulosya kuti kandu kapena masengo gane tigatendecekwe gane nkanigatendecekwe.

**kajekaje m'jonje.** Liloŵe lakulosya kusimicisya cindu cine, soni ndaŵi sine pakuwanicisya yindu iŵili.

**kakalakakala m'jonje.** 1 Kusosasosa yindu. 2 Kutenda yindu yangawoneka mate gakwe.

**kakalika msa.** Kwenda mwakulijogopela mpela kuti pana cindu cakucijembecela kuti ticiŵice.

**kakawukuka msa.** Kutyoka kwa yindu cisawu utoto pa cindu.

**kakawukula msa.** Kutyosya yindu cisawu utoto pa cindu.

**kakawula msa.** Kumenya kapena kugambatula lipende kapena likunami mwamacili.

**kakoko mlanji.** Maloŵe gakulosya kuti kandu kakwe nganikaŵa kane nambo kakukawona kapena kakukagambako.

**kakolong'ombe li.** (yeji. tukolong'ombe) Kamsengo ka ndembo kamwana.

**kakoŵa li.** (yeji. acikakova) Mtundu wa cijuni cacikusaŵa ceswela, nipo mang'omba gakwe gosope gakusawa geswela.

**kala m'jonje.** Liloŵe lyakutagulila ndaŵi ja munyuma panondi.

<sup>1</sup>**kalakala m'jonje.** Liloŵe lyakutagulila ndaŵi jamunyuma mnope.

<sup>2</sup>**kalakala mlanji.** Maloŵe gakulosya kuti kandu kakwe nganikaŵa kane nambo kakukawona kapena kakukagambako.

**kalakata mbika.** Kupikanika mwakumwaga.

**kalakatala msa.** Kuŵa cangajoloŵa nambo soni cangatililika naga uli ucitikite ni yala.

**kalalicisya msa.** Kulosya ngalwe kwa mundu kusepucila mu maloŵe kapena itendo yakulekanganalekangana.

**kalalika msa.** Kwenda camumbali mpela mwajikusajendela ngala.

**kalalisya msa.** Kutenda yindu yangalwe kwa wandu wane.

**kalama** *msa.* Kucenga litala lyawukwenda kapena kucenga katende ka yindu yine ligongo lyacisawusyo cine.

**kalamucila** *msa.* Kutenda yindu mwakumanyilila kuti jwine akasakupunda.

**kalamuka** *msa.* Kutenda yindu yambone yakuyilepela wane, yambone kapena yacabe.

**kalanga** *msa.* 1 Kuteleka cindu mwangakamulisya masengo mesi, gamba kuwika yinduyo, cisawu cimanga, mtesa wejumu ni yine, muciwaya nikuweyesyaga kuti mpaka iwise pamlingo wakulibwa 2 kuteleka yakulya pakukamulisya masengo mawutape.

**kalawandula** *msa.* Kutyosya likala wandu pa liwanga lalikupola.

**kalawila** *msa.* Kusakalisya cindu cine pakucikamula kapena kucikwaya ni mataka, matope kapena yindu yine.

**kalawisa** *msa.* Kuwika cindu cine m'mesi kuti nombe naco cisuce kuwa mpela mesi.

**kaleje** *li.* (yeji. acikaleje) Kanyama kecejewu kamtundu wa gologolo kamcila wa wajewaje.

**kalengo** *li.* (yeji. acikalengo) Kanyama kecejewu, kakusuga ni kulya somba.

**kaligoselo** *li.* (yeji. acikaligoselo) Mtela wakusakulupilila wandu kuti ukusakamucisya kuligosa ku usawi wa wandu wane.

**kalikutule** *li.* Mtela wakumasya ndaka.

**kalilang'ombe** *li.* (yeji. acikalilang'ombe) Cijuni cakamula somba cecejewu mtwe.

**kalilole** *li.* (yeji. acikalilole) Ligalasi lakulilolela nipo lalinganyigwe mwakuti pawukulilola, ukusajiwona ngope jako cenenepe paligalasipo.

**kalipa** *msa.* Kuweceta kwakumjamuka mundu jwatesile yindu yakusakalika.

**kalipila** *msa.* Kum'weceta mundu jwine mwakulosya kuti yatesile yikusakalisye.

**kalisace** *li.* (yeji. acikalisace) Cakumela cakusogola tusogosi twambele tawana wana cacikusamela pa m'ytela.

**kalombe** *li.* (yeji. tulombe) 1 Lung'wanu lwakusosa kulombela kapena kulombegwa 2 kangoma kakanondi.

**kalula** *msa.* 1 Kupapula cindu mwamacili mpaka mkati mwakwe 2 kuwanda kapena kuwuwuta litinji pakusosa kulinganya litala.

**kalulila** *msa.* Kukwanilisya cindu ciwalangene ni mundu kapena wandu wane kuti tucitenda

**kalume mtagu.** makumi likumi.

**kalunga li.** (yeji. acikalunga) Kanyama kamwitinji, kakanandi mpela come, kakalamuka nambo soni kakuwutuka mnope, kamawiwi gelewu kwisa soni meso gamakulungwa.

**kam'manya li.** (yeji. acikam'manya) Mtundu wa cinangwa cakunong'a. **kama msa.** Kuminya maŵele ga mbusi kapena ng'ombe nikukoposyaga mkaka.

**kamaje li.** (yeji. acikamaje) Cilingo cakumyolela umbo, ndewu kapena kukatila yindu yine.

**kamanga msa.** Kukamula mwakutomanya malo gagakupweteka ni ciwisa cenyowe.

**kamata msa.** Kutenda cisawu kuminya ugali wawugaŵile pakuwukolosya mbamu.

**kamatana msa.** 1 Kutama mwakuŵandikana mnope. 2 Kunyambatililana kwa yindu.

**kamatanya ku msa.** 1 Kuyika yindu mwakuyiŵandikanya mnope. 2 Kunyambatikanya yindu.

**kamatila li.** kalwele kangatenda nako cimbusi soni makweso ngatunda, mnopemnopo kakusayika ligongo lyakulogwa.

**kambanjule li.** (yeji. acikambanjule) Cijuni caliwuka cakulandana ni ngunda.

**kambelembele li.** (yeji. acikambelembele) Mundu jwa ndamo syakusapangana mnope, jwangatamilicika pamalo gamo soni jwaunami ni jwawiyi.

**kambelenje li.** (yeji. acikambelenje) Manyasi gaŵanaŵana gejinji gakuŵijikana kapena yisici yepye moto.

**kambula li.** (yeji. acikambula) Uti wakulinganyigwa ni itela kapena yindu yine wagamba kujogoya nawo inyama kumigunda kapena kumatimbe.

**kambwate li.** (yeji. tumbwate) Kacindu kakusapocela mundu mwakonjecesya pa cindu casumile.

**kamili m'jonje.** Liloŵe lyakulosya kuti cindu cili cosope cangakata kapena kusapula.

**kamkukute li.** (yeji. acikamkukute) Mtundu wa linjici lyakutama m'yitela.

**kamo mtagu.** Liloŵe lyakutagulila ciŵalanjilo cakatenda cindu kampepe kapena kulosya kandu kampepe.

**kampandangulile** *li.* (yeji. acikampandangulile) Mtundu wa yijuni yakoliga pakulila.

**kampepe** *m'jonje.* Liloŵe lyakulosya kuti citendoco catendecekwe kamo basi.

**kamtikutiku** *li.* (yeji. acikamtikutiku) Kajuni keswela mwine mwampiliwu, kalisegwe, kakuŵisyaŵinisya mcila nambo soni kakusimanikwasimanikwa malo gakutama ŵandu.

**kamucisya** *msa.* Kutenda cindu mmalo mwa mundu jwine ligongo lyakuti mundujo apesile, akutenda masengo gane, nganakola lunda lyakutendela masengogo kapena pamagongo gane.

**kamula** *msa.* Kukamula ni kukwaya cindu ni ligasa.

**kamulila** *msa.* 1 Kuyika cindu m'myala. 2 Kutenda msangu ni mundu jwine mwakumcisya.

**kana** *msa.* kusala kapena kulosya nganisyo syakuti ngawukusosa kutenda kandu kane.

**kanangula** *msa.* Kusalicisya kapena kulosya mwangasigasya nganisyo syakuti ngawukusosa kutenda kandu kane.

**kanda** *msa.* Kuwanganya yindu yakulekanganalekangana kuti utelece nikupanganya cindu cimo campaka kulya.

**kandapa** *mbika.* Mwacisaŵela kapena kuwoneka cindu cakuti nganiciŵa cakwepepala.

**kandapala** *msa.* Kukula mbuwa kapena kulimba cisawu mwalikusatendela likoko.

**kandawila** *msa.* Kusimonjesya kwa cindu.

**kandeya** *li.* (yeji. acikandeya) Citengu ca citela.

**kandindi** *li.* (yeji. acikandindi) Kanyama kamwitinji kecejewu ka cisawu come kakamula nguku.

**kandula** *li.* (yeji. acikandula) Mtundu wa citela ca mwitinji cakusogola yisogosi yakulyaga.

**kang'a** *li.* (yeji. acikang'a) Likambale lyekulungwa mnope.

**kang'anda** *msa.* 1 Kuputa mnope. 2 Kuŵala mnope kwa lyuŵa.

<sup>1</sup>**kanga** *ku- msa.* 1 Kukata citela. 2 Kupanganya cinyago.

<sup>2</sup>**kanga** *li.* (yeji. kanga) Nguwo ja madomemadome.



- <sup>3</sup>**kanga m'jonje.** Liloŵe lyakulosya kayicila.  
**kangacila msa.** Kuŵeceta mwagwala.  
**kangaciya msa.** Ngakola cikulupi pa cindu kapena ngani.  
**kangala msa.** 1 Kulimba kwa cindu. 2 Ngapela kutenda cindu.  
**kangamala msa.** Kwenda kapena kutenda kandu mwakwanguya mnope.  
**kangana msa.** Kuwucisyana maloŵe panyuma pakutumbila ligongo  
 lyakutindana nganisyo pangani jine  
**kanganauka msa.** Kugaŵika kwa peŵanga.  
**kangande li.** (yeji. acikangande) citela cakucejelela pacilu pakwe, ca miŵa  
 sya ngoŵe cakola isogosi mpela masawu.  
**kanganicila msa.** Kulimbicia kuŵa upande wine wake.  
**kanganicisya msa.** 1 Kucisya mundu kutenda kandu. 2 Kuweca kapena  
 kwinjisy cindu cekulungwa mu camwana.  
<sup>1</sup>**kanganika msa.** Kulepela kwinjila kapena kopoka ligongo lya kunandipa  
 kwa lipesa.  
**kanganjekanganje mtagu.** Liloŵe lyakulosya kuganda ni kunandipa kwa  
 cindu.  
**kanganukula msa.** Kutyosya cindu pamalo pacaliji mwakutenda cisawu  
 akumatukula kapena kuwuta.  
**kangula msa.** Kupapula liŵele lya cinyama.  
**kanila msa.** Kusisya ni ngakuya yakuŵeceta mundu jwine.  
**kanilila msa.** 1 Kutama ngasosa kuleka cindu ciwutesileje kapena kutyoka  
 pamalo pawaliji. 2 Kulepeleka kutyoka kwa cindu kapena mundu pamalo  
 pali.  
**kanjelenga li.** (yeji. tunjelenga) Mtundu wa cuma camwana mnope.  
**kanjelenjele li.** (yeji. acikanjelenjele) Mtundu wa imanga yangakawa kuca  
 soni tumanga twakwe twaŵanaŵana, twatulewu, soni  
 twakutalikanganatalikangana pacisonde soni cisonde cakwe mpela  
 celewucece.  
**kanjema li.** (yeji. acikanjema) Kajani kamwana kakakusalongolela mkutula  
 wa majani.  
**kanjesa li.** (yeji. kanjesa) Mtundu wa muwa wamwana, wakunyilila,  
 wakuwuka.

**kanjila msa.** Kupita mwakuwambala malo.

**kanjilila msa.** 1 Kulimbicila ni kupilila pakutenda cindu. 2 Kutawilila cindu pamalo pakwe mwakulimbika mnope.

**kanjula msa.** 1 Kupasula kapena kupapula cindu. 2 Kuwuta mawupande gacindu cisawu mwakusatendela pakuwula cibangili.

**kantema li.** (yeji. acikantema) Cijuni ca liwuka cisawu njuwa ca ngose sykutema nambo soni cikusakamula nguku.

**kanula msa.** Kuwuta mawupande gawili ga cindu gagakamtene kuti galekangane.

**kanundu li.** (yeji. acikanundu) Sona jwampicilepicile.

<sup>1</sup>**kanya msa.** Kulekasya kutenda kapen kujigala cindu.

<sup>2</sup>**kanya msa.** Kukanyanga cisawu mwakusatendela ni lilongo lyagumbila yiwiga.

**kanyata msa.** Kukugwila kapena kukuliwata cindu ca usito.

**kanyenda li.** (yeji. acikanyenda) Cilowa ca mlasu cikutotela ulili.

**kanyililili Mtagu.** Liloŵe lyakulosya kuti kacindu kali kakanandi mnope.

**kanyula msa.** Kuwuta mawupande gawili ga cindu gagakamtene kuti galekangane.

**kanyuma li.** Ndaŵi jankaniciwice.

**kanyumakano m'jonje.** Liloŵe lyakulosya ndaŵi jakuwujo.

**kapa msa.** 1 Kukata kapena kugwpula ni cindu cikutema cisawu cipula ni cikwanje 2 Kuwa ni mtengo wakwela mnope. 3 Kwitisya mesi pa cisima.

**kapakapa mbika.** Mwayikusatendela kapena kupikanika yijuni kapena mbata pakoga.

**kapelepete li.** (yeji. tupelepete) kajuni kamwana, kacejewu kumcila, pacilu patuwala panondi

**kapemba li.** (yeji. kapemba) Utandi wa mbepesi wakusiwapakasya wali ngope ku jando.

<sup>1</sup>**kapena mlumbi.** Liloŵe lyakulumbikanya nganisyo nambo soni maloŵe gakulekana.

<sup>2</sup>**kapena m'jonje.** Liloŵelyakulosya kukayika.

**kapi mbika.** Mawagakusaŵela naga mundu kapena cindu acitasile mesi gejinji mwakutenda kuponya.

**kapici** *li.* (yeji. acikapici) Katela kamwana kakutepana cisawu mwakakusaŵela kakutejela ulimbo.

**kapicila** *msa.* Kukujiitacila mesi gawujegele.

**kapila** *msa.* Kutiŵila kwa lyuŵa kapena lwesi.

**kapile** *li.* (yeji. kapile) Mtundu wa usanje.

**kapili** *li.* (yeji. acikapili) Mtundu umo wa majoka, gepiliwu.

**kapisya** *msa.* Kwitisya mesi pa cisima.

**kapolo** *li.* (yeji. acikapolo) Mundu jwakamwilwe ku ngondo kapena jwamsumile kuti akamuleje masengo nambo mwangampa cine cilicose.

**kapu** *li.* (yeji. makapu) Cindu cakutenda kucipanganya cana cakamulila cakumwela mesi, tiyi ni yindu yine.

**kapukapu** *mbika.* Mwayikusawonecela yakumela yakuti yikukula mwakusengwa kapena mwakusawonecela mundu jwakuti cilu cakwe cikukula cenene cangali yilwele.

**kapula** *msa.* Kusimika mnope lijela mwitaka cisawu yakusatenda pakutipula mgunda wa mpunga.

**kapuliya** *li.* (yeji. acikapuliya) Cijuni ca lugomo lwangoŵe, ca manyunya gepiliwu kapena gecejewu kumtwe, cacikusalya tulombo.

**kapungu** *li.* (yeji. acikapungu) Cijuni ca cisawu ngwasi cakutama ku lutando.

**kapwe** *li.* (yeji. tupwe) Cuma camwana, cecejewu.

**kasa** *msa.* Kugumula kapena konanga cindu cetaka kapena yindu yine.

**kasakangoni** *li.* (yeji. acikasakangoni) Kanyama kakulya nyuci.

**kasalangwe** *li.* (yeji. acikasalangwe) Mtundu wa yijuni.

**kasanjala** *li.* (yeji. acikasanjala) Mtundu wa uŵasi.

**kasanya** *ku- msa.* Kucilekanganya cindu m'mawupande.

**kasapembe** *li.* (yeji. acikasapembe) Lipuku.

**kasapuli** *li.* (yeji. acikasapuli) Cibangili cakuwoneka mwacikasu, cacisyano, nambo soni cakulimba.

**kasaŵa** *mwa- m'jonje.* Liloŵe lyakulosya kuti yindu yipali yejinji mnope.

**kasenya** *li.* (yeji. acikasenya) Kanyama ka mtundu wa ngolombwe nambo kamwana, kecejewu mwine mweswela, kamisengo jepopotoce.

**kasicila** *msa.* Kutupa mnope kwa yindu kapena ŵandu.

**kasina li.** (yeji. acikasina) Songa ja uti.  
**kasingalukuku li.** (yeji. acikasingalukuku) Cijuni ca cisawu njuŵa.  
**kasinje li.** (yeji. acikasinje) Ciloŵa ca młasi cakutotela ulili.  
**kasipa li.** (yeji. acikasipa) Ulwele wakuyimbikasya ngongolo.  
**kasombolaugali li.** (yeji. ackasombolaugali) Kacindu ka mnowunowupe ka cisawu ngoŵe kakakusaŵa kungulo kwa mundu.  
**kasomilwe li.** (yeji. acikasomilwe) Cipula cacinandi.  
**kasongoni li.** (yeji. tusongoni) Kaciŵalo kakakusaŵa pa likuma cakumkuli panandi nambo soni kakusawoneka mpela lupwanda.  
**kasopela li.** (yeji. tusopela) Kasaku ka ndumba sitatu kakujigalila tuyindu twangali mate mnope.  
**kasoti li.** (yeji. tusoti) Kacipewa kamwana kandendela.  
**kasukusuku li.** (yeji. tusukusuku) Kawupa kakakusatutumbala pa malumbiko ga lusajo ni lusonjo.  
**kasukuti li.** (yeji. tusukuti) Malo gamwana ga litinji ni yitela yejinji.  
**kasumbanyasa li.** (yeji. acikasumbanyasa) Kaciŵalo kakakusaŵa pa likuma cakumkuli panandi nambo soni kakusawoneka mpela lupwanda. Alole soni ngopolo sya cisyoli ni cisongoni.  
**kasumbasulo li.** (yeji. acikasumbasulo) Kaciŵalo kakakusaŵa pa likuma cakumkuli panandi nambo soni kakusawoneka mpela lupwanda.  
**kasyoli li.** (yeji. tusyoli) Kaciŵalo kakakusaŵa pa likuma cakumkuli panandi nambo soni kakusawoneka mpela lupwanda.  
**kasyoŵe li.** (yeji. kasyove) Uganja wamkasyepela wa mundu jwamlume ni jwamkongwe.  
**kata msa.** 1 Kupita litala lyejipi. 2 Kupeleka mbiya kuti akupe citupa. 3 Kuleka kwa kunya kwa ula. 4 Kugaŵa cindu ni cindu cakutema cisawu cipula, lesala cikwanje ni yine.  
**katala li.** (yeji. tutala) Kukwela mtengo kwa cindu.  
**katapula msa.** Kwenda kapena kulima m'matope ga mesi mnope.  
**katasi m'jonje.** Liloŵe lyakulosya kuti papite ndaŵi jelewu citendecekwele cindu.  
**katatu m'jonje.** liloŵe lyakutagulila kuti cindu citendecekwe kapena ticitendecekwe kupunda kaŵili nambo ngakwana kacece  
**kataya li.** (yeji. kataya) Mtundu wa usanje.

- katema li.** (yeji. katema) Mpata kapena lipesa lyakutendela mwine soni lyakutendekwecela cindu.
- katemu li.** (yeji. acikatemu) Liwago lyepinde cisawu ukunje lyakumalichisya kuwulaga cinyama cakuti aciputile kala.
- katondo li.** (yeji. acikatondo) Litaka lyecejewu.
- katoto li.** (yeji. tutoto) Malo galumbikenye kapena kuwa cindu cisawu nguwo.
- katu mbika.** Mwakusatendela mundu pakuluma ni kutyosya upande wa cindu ni meno.
- katukutuku li.** (yeji. tutukutuku) kajuni kampela ngunda, kakuwujilila kapacilu pakucejelera.
- katula msa.** Kuluma ni kutyosya upane wa cindu.
- katumbwi li.** (yeji. acikatumbwi) Kanyama kangongo mcece kecejewu, kakusuga nambo soni kakulya somba.
- katundu li.** (yeji. acikatundu) 1 Yindu yakusajigala mundu pa ulendo 2 Yindu yosope yakusimanikwa m'nyumba.
- katundulimya li.** (yeji. acikatundulimya) Kututumbala kapena kuwa malo gakwela mumbali mosope muli mwatyatyatya.
- katungwe li.** (yeji. acikatungwe) Cindu cakwengwejela cakusatawilila katela ni ngonji kuti ang'andeje pakututana.
- kawa li.** (yeji. tuwa) Mwanace jwa mbwa.
- kawalewale li.** (yeji. tuvalevale) Kajuni kamwana kepiliwu nambo keswela ku lutumbo wandu wajinji wangalya.
- kawando li.** (yeji. tuvando) Litimbe kapena kamgunda kakanondi mnopemnope kakupanda liponda.
- kawili m'jonje.** Liloŵe lyakutagulila kuti cindu citendecekwe kapena ticitendecekwe kupunda kamo nambo ngakwana katatu.
- kawilikaŵili m'jonje.** Lilolŵe lakulosya kuti masengo kapena cindu cine cikusatendekwa ndaŵi ni katema.
- kawula msa.** Kupikanika mwakuwawasa kwa yindu cisawu yisogosi mpela masuku gangajiwula.
- kawumbata li.** (yeji. acikawumbata) Mtundu wa usanje.
- kawumbu li.** (yeji. acikawumbu) Mtundu wa citela.
- kawungululu li.** (yeji. ackawungululu) Mwanace jwa linjici.

<sup>1</sup>**kawusi** *li.* (yeji. acikawusi) Kanyama kangongo mcece kecejewu, kakusuga nambo soni kakulya somba.

<sup>2</sup>**kawusi** *li.* (yeji. tuwusi) Mwanace jwa mbusi.

**kesicana** *li.* (yeji. tusicana) Mwanace jwamkongwe jwakuti nganayice pa msingu wakuwumbala.

**kililika** *msa.* Kudandawula.

**kocela** *msa.* Kuyika pamkuli pa cindu cakuti caliji m'mesi mu lusulo kapena nyasa.

**kocesya** *msa.* Kuciyikasya pamkuli cindu cakuti caliji m'mesi mu lusulo kapena nyasa.

**kodola** *msa.* Kuwilanga mundu ni mkono.

**kojowa** *m'jonje.* 1 Kutenda yindu mwakulopa. 2 Kukwepa kwa cindu.

<sup>1</sup>**kokola** *msa.* Kutyosya yindu mwakumba pamalo payaliji.

**kokoma** *msa.* Kupikanika kwa lisegwe lyamacili lyakulosya kuti kwa mbungo kapena ula jejinji jikuwika.

**kokomba** *msa.* Kucelewa kutenda cindu.

**kokomesya** *msa.* Kulosya cisawu kuti cindu cisakele mnope kapena citemi cenene mnope.

**kokomoka** *msa.* 1 Kujigalika mnope ni kulya. 2 Kuwutucila kumalo kwayitendecekwe yindu.

**kokopola** *msa.* Kujigala cindu mwakwakula mwangaŵenda.

**kokosa** *msa.* 1 Kulosya meno. 2 Kugona camakuku.

**kokosola** *msa.* Kukatika papena kukutuka kwa cindu m'mawupande gakulekanganalekangana.

<sup>1</sup>**kokota** *msa.* 1 kulinganya pamalo pasakele 2 kupweteka m'matumbo mwakupala.

<sup>2</sup>**kokota** *m'jonje.* Kuweceta kapena kwimba nyimbo mwakulenda kapena mwakuwuta.

**kokotala** *m'jonje.* Mwasikusatendela mbeju naga silepelece kukula mnope ni kuwelecela mwamjipi.

**kokotela** *m'jonje.* Kulinganya ciwululu pakusosa kukamula ngumbi.

**kokoŵa** *msa.* Kuyika kapena kutyoka pamalo ndaŵi jiŵajenelaga kuyika

kapena kutyoka jili jipelembele.

**kokoya msa.** Kucelewasya kapena kaŵisya kutenda cindu.

**kola msa.** Kuŵa ni kandu.

**kolanga msa.** Kusala lina lya mundu kapena kumkodola nicakulinga cakuti ayice kuli ugwe.

**koleka msa.** Kupacika cindu cisawu cakuŵala pa msomali kapena pa citela.

**kolekana msa.** 1 Kutanjisyatananjisyana kapena kutaŵikanataŵikana kwa yindu. 2 Kutindana kwa ŵandu.

**kolekanya msa.** 1 Kutaŵikanya kapena kutanjisyatananjisy yindu 2 Kwatindanya ŵandu.

**kolekole mbika.** kwenda mwakulaga ligongo.

**kolekwa msa.** Kuleŵa.

**kolela msa.** 1 Kuwoneka lilamba lya moto pa cindu cisawu lusu. 2 Kuwoneka kwa lilanguka kutyocela pa ligesi, nyali ni yine.

**kolelwa msa.** Kwikuta mkologo.

**kolesya msa.** Kupamba moto kapena ligesi.

**koliga msa.** 1 Kuŵeceta mwakusalalisya ngani. 2 Kwimba mwakusalalisya nyimbo.

**kolijila msa.** Kwimba nyimbo mwakolosya.

**koloceka msa.** 1 Kukolosya cindu kuti ciŵe cakutililika. 2 Kukolosya cindu cicajonasice.

**kologanya msa.** Kutunganya yindu ni mtiko, supuni kapena kandu kane.

**kolojela msa.** Kutaga cilungo mu likoko lyakulula lya mkologo pali papite moŵa gatatu.

**kolokola msa.** Kutyosya cindu pamalo pawacikolece.

**kolokolanya msa.** 1 Kumasya ngani pakusala jwakulemwa ni kumpa camuko. 2 Kutyosya yindu pamalo paŵayikolece.

**kolokomboka msa.** Kupatuka kutyocela penani.

**kolokoti m'jonje.** Kuwoneka jwakudandawula.

**kolola msa.** 1 Kusokola ni kutyosya yiswani pa cisima. 2 Kutyosya makololo ku ngulo.

**koloma msa.** Lisegwe lyakupikanika kutyocela ku lukosi kwa mundu jwakulagasika ni ciwa.

**kolombana** *msa.* 1 Kutaŵikana kapena kukolekana kwa yindu. 2 Kuŵa cindu ca mitundu jakulekanganalekangana. 3 Kwapwilinganya ŵandu mwakwasokonesya.

**kolomboka** *msa.* 1 Kukopoka mu cindu cisawu mwakusatendela mwanace jwa nguku. 2 Kutuwunguka kwa cindu cisawu mwagakusatendela meso.

**kolombola** *msa.* Kukoposya cindu muyanyambatile cenene cisawu mwakusatendela pakumenya mbelemende.

**kolondola** *msa.* Kutyosya yindu mu cindu muyanyambatile cenene cisawu mwakusatendela pakumenya mbwanda syeŵisi.

**kolondosya** *msa.* Kulola mwakupalandasya meso.

**kolong'onda** *msa.* Kukoposya cindu muyanyambatile cenene cisawu mwakusatendela pakumenya mbelemende.

**kolong'ondola** *msa.* Kutyosya yindu yayisigalile cisawu mumpoto.

**kolongosa** *msa.* Kutokonya m'meno kuti yakulya yayikanilile yityoce.

**kolopoka** *msa.* Kuwulika kwa cindu pamalo paŵacitaŵilile.

**kolopola** *msa.* Kwakula cindu pamalo pacaliji. Kutyosya cindu pamalo pacaliji.

**koloposya** *msa.* 1 Kutyosya cindu pamalo pacaliji. 2 Kutanjisya ni kukamula somba ni cisopo.

**kolosa** *msa.* Kutonya, kukwaya kapena kukamula m'meso.

**kolosya** *msa.* Kulinganya cindu kuti ciwonece cenene.

**koloto mbika.** Mwacikusatendela cindu kapena mundu jwakopwece muŵaliji mwacitema nambo soni mwakwipuka.

**kolotoka** *msa.* Kukopoka kapena kutyoka kwa cindu m'malo mwakwe mwacitema nambo soni mwakwipuka.

**kolotola** *msa.* Kuminya kuti cindu cine cikopoce kapena cityoce.

**kolowasya** *msa.* Kutendekasya kuti mundu akolelwe.

**kolowola** *msa.* 1 Kutonya m'meso 2 kwinjisya cindu m'meso pakusosa kutyosya ciswani.

**koma ku-** *msa.* 1 Kugumbasya yindu mpaka pakamwa cisawu mwayikusaŵela yimanga mu ngokwe. 2 Kumputa mundu pamtwe ni suŵa. 3 Kuwugala litanga ni loko pakamulicisya masengo kiyi. 4 Kupeleka mbiya sya msongo. 5 Kulumbikanya cindu ni misomali cisawu mwakusatendela ŵandu pakutaŵa msakasa wa malata.



- komala msa.** 1 Kukula kuyika pakuti mpakakukamulicisya kapena kukamula msengo gakwe cenene 2 Kuŵa jwakupakombola mtela wa usaŵi.
- komanga msa.** 1 Kumalisya kuwulaga cinyama cakuti aciputile kala mundu jwine. 2 Kumputa mundu jwakuti agwile kala pasi.
- komangala msa.** Kuyika pakuti mpaka kukamulicisya kapena kukamula masengo gakwe cenene.
- komasya msa.** 1 Kupeleka moni kwa mundu jwakupita mwitala kapena jwayice pamlango. 2 Kumwusya mundu cayicile pamlango kapena mwajendele ku ulendo.
- komba msa.** Kukokota ni cala kapena cindu cine mu mbale, mpika ni yindu yine.
- kombe li.** (yeji. acikombe) Cakumela cakutambala ni kulisyelenga mu yijakwe cakusakolocesya yindu yakupaka ku mipamba kuti naga cinyama acisomile ciweje citema.
- kombekanya msa.** Kunyakulila pamo yindu yakulekanganalekangana.
- kombola msa.** Kumanyilila kutenda cindu.
- komboleka msa.** Kutendecekwa kwa cindu cakuti cisawisyeje.
- komela msa.** 1 Lisegwe lyakupikanika kutyocela ku lukosi kwa mundu jwali mlugono. 2 Kuyika lijela kapena liŵa ku mpini.
- komesya msa.** Kwatindanya ŵandu.
- komoka msa.** Kutena cisawu awile kaneko ni kusionukuka.
- konde li.** (yeji. acikonde) Maŵasi ga nembo sya mu mbali mwa mtwe syakulemba lligongo lya upoce.
- kong'onda msa.** kujigala cindu ni kuputisya pacijakwe.
- konga msa.** Kwinjisya cindu mkamwa ni kutendaga cisawu kukwemba mpela mwalikusatendela likandi ni liŵele lya mamagwe.
- kongola msa.** 1 Kucikolosya cindu cagongomala kuti ciŵe cagoloka. 2 Kwasima cindu camsyene ni kulangana kuti tiwuciwusya.
- kongoleka msa.** Ngasawusya kwasima kuti tiwususye m'wujo.
- kongolekanya msa.** 1 Kuyika pamo yindu yakulekanganalekangana. 2 Kwenda mwakamulana makono.
- kongondeka msa.** 1 Kusuga kwakwendelecela kwa nguku. 2 Kuŵeceta mwakwesya maloŵe nambo soni mwangajimicila.

**kongonecela** *msa.* Kumlambucisya mundu yindu yanganapanganya.  
**kongonoka** *msa.* Kukomangala mwacitema kwa mundu.  
**kongonokola** *msa.* kulekanganya yindu yayikamulene.  
**kongosya** *msa.* Kumpa mundu cindu kuti tawusye m'wujo.  
**kongotala** *msa.* Kulemala.  
**kongwe** *li.* (yeji. acikongwe) Cijuni cecejewu, celewu ngongolo, candungu jelewu, cakusimanikwa mnopemnope kwagali mesi cisawu lusulo kapena nyasa.  
**konjanya** *msa.* 1 Kuyika yindu pamo. 2 Kwajilanya wāndu wīwātindene.  
**konjela** *msa.* Kwitila mesi pa cindu cine panandipanandi.  
**konjesya** *msa.* Kuyika yindu yine pa yindu yayipali kala.  
**konya** *msa.* Kutenda cindu cakukujasikasya kapena kwajasikasya wāne upile wakutenda mwine soni wakupata cindu.  
**konyo** *mbika.* 1 Mwakusatendela mundu pakaŵa cisogosi mu citela. 2 Mwayikusaŵela naga mundu aposokwele cindu cisawu mkonjo wa potu.  
**konyola** *msa.* 1 Kukaŵa cisogosi cisawu cembe. 2 Kuposokola ni kutyosya cindu cisawu cakamulila ca kapu pamalo pakwe.  
<sup>1</sup>**kopa** *msa.* Kutenda yindu, kapena kuŵeceta maloŵe gakumnonyela nundu jwine ni nganisyo syakuti jwinejo akunonyele kapena akupe cindu.  
<sup>2</sup>**kopa** *li.* (yeji. kopa) Ciganda cejambule mtima.  
**kopocela** *msa.* 1 Kuyika pamalo kutyocela kwine. 2 Kucimanyilila cindu cakusisika.  
**kopoka** *msa.* Kutyoka mkati mwa cindu mpela mwayikusaŵela pakutyoka m'nyumba kuja kusa.  
**koposya** *msa.* Kutyosya cindu mkati mwa cindu cine cisawu mwayikusaŵela pakutyosya mbiya mu nsaku.  
**kosa** *msa.* Kucopa ni cindu ca lusonga cisawu cipula, lipanga ni yine.  
**kose** *m'jonje.* Liloŵe lyakugumbalichisya wangatendecekwa wa cindu.  
**kosokoso** *mbika.* Mwalikusapikanicila lisegwe lya mundu jwakukosomola.  
**kosola** *msa.* Kuputa mu nsaku kapena mwituli msewula, ngunde kapena sugama syejumu pakusosa kuti simenyece.  
**kosole** *li.* (yeji. kosole) Njete jakuŵaŵa mnope.  
**kosomola** *msa.* Kukoposya mbepo mwamacili ndaŵi jimo kutyocela

m'mapaŵa.

**kosoŵala** *msa.* Kuyika mtima mnope pa cindu kapena citendo.

**kosoŵalila** *msa.* Kuyicila mtima mnope pa citendo.

**kotima** *msa.* Kugwisya mtwe ni kulosya ngope pasi.

**koto** *mgumi.* Liloŵe lyakulosya kuti mundu apikene kupweteka.

**kotocesya** *msa.* Kupukunya likoyo pakulosya kukana.

**kotoka** *msa.* Kupukunya likoyo pakusosa kulosya kukana.

**kotopa** *msa.* Kuŵa jwakusalala nambo soni jwambone.

**kotopo** *mbika.* Mwakusatendela mundu pakumtokonya ni cala mjakwe mnopemnopo pa lijeje.

**kotopola** *msa.* Kumtokonya mundu ni cala mnopemnopo pa lijeje.

**koŵa** *msa.* 1 Kujigala panandi yindu cisawu mawuta ni cala. 2 Kupakula panandi mboga cisawu liponda, mbwanda ni sine.

**koŵeka** *msa.* 1 Kukamula masengo lyuŵa lyosope ngapumulila. 2 Kutambasya ngani. 3 Kutama ndaŵi jelewu.

**kowela** *msa.* Kupanda mbeju pamalo ga cinyesi.

**kowola** *msa.* Kugwagula lipende kapena mgoji.

**ku** *mbika.* Mwacikusapikanicila cindu naga cigwile.

**kubwi** *mbika.* Mwacikusapikanicila cindu naga mkuciponya m'mesi.

**kucila** *msa.* 1 Kusilila lisimbo ni litaka. 2 Kusimisya moto ni litaka.

**kucilume** *m'jonje.* Kwatyoccele jwamlume jwalombe pamusi.

**kujiya** *msa.* Kulinga ung'asi ndaŵi jakwe nkanijikwane.

**kujuka** *msa.* Kupowajila kwa cindu mpela mwacikusatendela cisogosi cejiwu.

**kukujila** *msa.* Kuŵilanga ŵanace ŵakwe cisawu mwajikusatendela nguku jamkolo.

**kukulika** *msa.* Kuŵa jwakumanyika ni ndamo jakwapocela cenene acalendo.

**kukuma** *msa.* Cikokomo ca mesi gakwenda mwakuwutuka m'lusulo cakupikanicila panawula.

**kukumika** *msa.* 1 Kusiŵa malo gagapapwice ni cigamba. 2 Kutotelela kanguwo pa cilisi kuti cisisice.

**kukusya** *msa.* 1 Kuŵilanga ŵanace ŵakwe cisawu mwajikusatendela nguku

jamkolo. 2 Kwasonganganya pamo wāndu wāwabalalikangene.

**kula** *msa.* Konjecesya msingu kwa cinyama, mundu kapena cakumela.

**kulika** *msa.* Kuwika sasū kapena manyasi gejinji pamoto kuti ukolele mnope.

**kulikana** *msa.* Kuyika pakonda mnope kwa yindu cisawu ung'asi.

**kulila** *msa.* Kutaga litaka m'matepo ga mbeju cisawu yimanga kuti sikagwa ni mbepo.

**kulucisya** *msa.* Kutenda cindu mwangawa mwamele.

**kulukuta** *msa.* Kupala yindu cisawu umbo mwangaleka kandu.

**kulukutala** *msa.* Kuwa cakulimba.

**kulukutika** *msa.* Kupalapatika kwa cindu mpaka mtundu wakwe ngawoneka ligongo lyakucikamilicisya masengo mnope kapena sawa.

**kulula** *msa.* Kutumbusukula lukonji kapena ulusi uwawusyengenyene cenene.

**kululila** *msa.* Kucuwula wato m'mesi.

**kululucila** *msa.* Kutulala mtima ni kuleka nganisyo syakusosa kumtendela yangalumbana mundu jwine.

**kululuka** *msa.* Kutulala mtima ni kuleka nganisyo syakusosa kumtendela yangalumbana mundu jwine.

**kulumbana** *msa.* Kutindana, jwine kwinjilila kwine mjakwe nombe najo kwinjilila kwine soni.

**kulumicika** *msa.* Kutendecekwa mwacitema.

**kulumicila** *msa.* Kukamula masengo mwacitema.

**kulumika** *msa.* Kwanguya kutenda cindu.

**kulumisya** *msa.* Kutendekasya mundu kuti atende citendo mwacitema.

**kulumula** *msa.* Kojesya mwakunda pacilu.

**kulung'ucika** *msa.* Kulikulupula kwa mundu juwakukamwile kapena kukukumbatila.

**kulung'unya mbika.** Mwayikusaŵe ngatawunika pakulya yindu yakuti nganiyimalila kupya.

**kulupilila** *msa.* Kukola nganisyo syangakayicila.

**kulupuka** *msa.* Kukola upile wakuwomboka ku yilagasyo.

**kulupyanda m'jonje.** Kumciji.

**kulusya** *msa.* Kusoma pambali ni liganga, mpamba kapena uti.

- kuluta msa.** Kumalisya masengo mwakolosya cenene.
- kuluwilo m'jonje.** Kuwa kwa mundu.
- kumasikusiku m'jonje.** Katema ka cikumala cilo ni kutanda kuswejela kuti lyuŵa likopoce.
- kumba msa.** Kuwika yindu cisawu iswani pamalo pamo.
- kumbatila msa.** Kum'wika mundu kapena cindu ku lutumbo.
- kumbekumbe mbika.** Mwayikusawonecela mundu naga ali atyosisye yiswani, manyasi, mapesi ni yine yosope.
- kumbika msa.** Kusacikwa kwa cindu.
- kumbila msa.** Kucisosa cindu ni mtima wosope ligongo lya kawonece kakwe kambone kapena pindu jakwe.
- kumbilila msa.** Kusonganya yindu ni kuyiŵika paliwunjili limo kapena mumawunjili igala.
- kumbucila msa.** Kuwucisya mu nganisyo yindu iyatendecekwe kala nikuyiwona munganisyomo muyatendecekwele.
- kumbusya msa.** Kum'yikasya soni mu nganisyo mundu jwine yindu yiyatendecekwe ni kuliŵalika.
- kumciji m'jonje.** Upane wa cili kwawuli mkono wangali macili mnope.
- kumeso m'jonje.** 1 Upane wa cilu kwagali meso. 2 Kuyalo kwa mundu jwamlume kapena jwamkongwe.
- kumika msa.** Kujigala nawo mbali kapena kwinjilila pa masengo kapena itendo yawuyisimene ili nkutendecekwa.
- kumkuli m'jonje.** Upane kapena malo gakwela pakuanicisya ni malo gane gakutuluka.
- <sup>2</sup>**kumkuli M'jonje.** Kumalo kwalukusatandila lusulo.
- kumlyo m'jonje.** Upane wa cili kwawuli mkono wamacili mnope.
- kumpoto m'jonje.** Upane wa cilambo wakulolegana ni wa kumwela.
- kumuka msa.** Kutyoka kapena kumala kwa kawonecene kapena mtundu usyesyene wa cindu cisawu nguwo jepiliyu kuwonekaga mpela jeswela ligongo lyakucapacapa kapena ligongo lya lyuŵa.
- kumwela m'jonje.** Upane wa cilambo wakulolegana ni wa kumpoto.
- kunda msa.** Kwiticisya yakusosa ŵandu ŵane mnopemnope pakwaŵenda kuti atende kandu kane.
- kundaŵi m'jonje.** Ndaŵi ja lisiku jagamba kupunda kumasikusiku kapena

kumala kwa cilo.

**kundilila** *msa.* Kwiticisya ni kulipelecela kukutenda citendo.

**kundiŵililolyuŵa** *m'jonje.* Upande wa cilambo walikusapilila lyuŵa.

**kundungu** *m'jonje.* Upande wa mtwe ca panyuma pa mawiwi.

**kung'unda** *msa.* Kuputa cindu cisawu ulili pakusosa kutyosya luwundu.

**kung'undika** *msa.* 1 Kumula ligongo lya kuisima. 2 Kwenda mwakutenda ndagulo.

**kunga** *msa.* Kukoka kapena kukanjilila ngonji sya bedi kapena sambo sya magitala kuti siŵe syakulimba.

**kungacisya** *msa.* Kulemwecesya pakutenda kandu kane.

**kungana** *msa.* Kusongana kapena kuyika pamalo gamo kwa yindu kapena ŵandu.

**kungopokolyuŵa** *mbika.* ku upande wa cilambo kwalikusakopocela lyuŵa kundaŵi kapena kumasikusiku.

<sup>1</sup>**kungula** *msa.* Kuwula yakuwala nikuyileka pamalo gane.

<sup>2</sup>**kungula** *msa.* Kutyosya utandi pamaganga gakusyajila.

<sup>3</sup>**kungula** *msa.* Kutyosya somba mu luwawo panyuma pakuloposya.

**kungulo** *m'jonje.* Kumalo kwakusapita mesi ni yakulya pakutyoka mkamwa nikujaga m'matumbo.

**kunguluka** *msa.* Kuŵecetana ngani syakulekanganalekangana ni mundu kapena ŵandu ŵane.

**kungulukuka** *msa.* Kutyoka m'malo mwake kwa cindu cisawu msakasa ligongo lya mbungo.

**kungulukutu** *m'jonje.* Liloŵe lyakutagulila kuti masengo kapena cindi cine catendecekwe cilo cose, mundu kapena ŵandu ŵatendagawo nganagona, ŵacesisye.

**kungulukwetiti** *li.* (yeji. acikungulukwetiti) Uŵasi wecejewu.

**kungulusya** *msa.* Kumŵecetesya mundu jwine, jwakulwala kapena jwawililwe, ngani syakulekanganalekangana kuti akaganisya mnope ya isawusyo.

**kunguma** *msa.* Kwinama mpela ukupita pasi pacindu cine.

**kungunukuka** *msa.* Kusisimuka ligongo lya woga kapena kuwujila ku umi panyuma pakukomoka.

**kunjika msa.** Kugusumukula kapena kugwisya yindu.

**kunjilila msa.** Kuwimba kukamwa kwa mpika kapena lulo ni lwawu.

**kunjukula msa.** Kupapula kapena kukacukula cindu ipinyasi.

**kunuka msa.** Kuwa ligongo lakulya kapena kumwa poyisoni.

**kunyuma m'jonje.** Upande wa cilu wakutandila pacanya pa mapuluputu ni kulecesya m'makoyo.

<sup>1</sup>**kupa msa.** Kulinganya utobwa, ukana kapena likoko pakuwanganya yindu yosope yakusosekwa ni kologanyaga.

<sup>2</sup>**kupa mbika.** Mwakusapikanicila mesi naga gali mkutenda matumbela.

**kupangupa msa.** Kumisika kwa yindu cisawu mesi.

**kupanjila msa.** Kulitaga mesi pakoga.

**kupila msa.** Kuwugala ni kuwugulu soni meso mwacitema pagosa kuti kandu kane kakajinjila mmeso kapena kucapa liso mwacipago.

**kupisya msa.** Kuliwalila cindu.

**kupitikupiti mbika.** Lilowe lyakutagulila kapikanice ka wandu ali nkupita.

**kupula msa.** Kutyosya mangame kapena mesi ga wula m'manyasi gamwitala pakusosa kuti upite cenene.

**kuputukuputu mbika.** Lilowe lyakutagulila kapikanice ka cinyama cili nkuwutuka.

**kusa ku- msa.** Kutyosya ni cipula lipende pacilu ca cinyama cisawu mbusi.

**kusi m'jonje.** Lipesa lyangaliwa pacanya kapena mumbali.

**kusikanya msa.** Kusonganya yindu pamalo gamo.

**kusula msa.** Kutyosya yindu mu cindu cine pakucigalawusya cinduco.

<sup>1</sup>**kusya msa.** Kusalacisya cindu kuti cikamulicisigwe masengo m'wujo.

<sup>2</sup>**kusya msa.** Kunda kapena kwitacisya kuti cindu cine citendecekwe.

**kusyeeto m'jonje.** Lilowe lya ucimbicimbi lyakolanjila mundu jwamkongwe jwamlombegwe.

**kusyene m'jonje.** Lilowe lyakusimicisya kuti cindu cine citendecekwe nditu kapena kulosya kuti masengo gane gatendecekwe mwakupunda mlingo wakwe usyesyene.

**kusyeto li.** (yeji. acikusyeto) Mbali jine ja cindu cisawu litumbi, nyumba, lutenje.

**kuta msa.** Kutenda mpela kuticita cisyano kapena cilingo cine cakatila pa cisyano cijakwe kapena peganga kuti ciŵe cakutema mnope.

**kutangula msa.** 1 Kutunganyika kwa mundu kapena cindu. 2 Kuwuta cakuwala ca mundu jwine kuti amanyilile kuti ukusosa kuŵeceta najo.

**kutika msa.** Kuswejela kapena kupalika kwa cindu.

**kutula msa.** 1 Kata cindu ni meno 2 kutyosya ciwa pamlango kapena mcilu mwa mmasyeto jwakuwililwa mwa mwambo.

**kutumula msa.** 1 Kupukunya mwamacili cindu cisawu nguwo kuti mesi kapena yindu yine yityoce. 2 Kumpta mundu kapena cindu mwamacili.

<sup>1</sup>**kuusa msa.** Kumba yindu kuti yiŵe pamo.

<sup>2</sup>**kuusa m'jonje.** Malo gakuti nganigawâ mkati.

**kuŵa msa.** Kuminika mu mbali mwa cindu cisawu mkeka, nguwo ni yine.

**kuwajila msa.** Kuliŵalila cindu.

**kuŵala msa.** Kutyosya cipi kapena kulosya kuswejela.

**kuwesi m'jonje.** Kumalo kwakusagona mmsyeto pandaŵi jiwakulokota.

**kuŵila msa.** Kupata cindu, kapena kusimana ni mundu mwakunjinjilicisya.

**kuŵita msa.** kuputa mundu mwangali canasa ni kumleka ali awulele kwejinji.

**kuwula msa.** 1 Kutyosya cindu cisawu liŵago, lijela ni yine mu mpini. 2 Kutyosya lino mu usinini.

**kuya msa.** kwenda panyuma pamundu jwine naga akuja kumalo kumo kapena kutenda cindu pakuya mwakutendela mundu jwine.

**kwaga msa.** 1 Kumpulisya mundu jwine. 2 Kumnyenjelela mundu pakumlapilila kapena kumpa yilanga yawunami.

**kwakujinji m'jonje.** Liloŵe lyakulosya kutendecekwatendecekwa kwa cindu.

**kwakula msa.** Kusumula cindu m'myala mwa mundu jwine mwakwanguya nambo soni mwamacili.

**kwala mbika.** Mwakusawonecela mundu jwakuti agonile mwakongoka ni kuwoneka cisawu mundu jwam'we.

**kwalamasika msa.** 1 Kuganda pa magongo gakulekanganalekangana. 2 Kuwuka ni mbepo.

**kwali m'jonje.** 1 Liloŵe lyakulosya kuti mundu ngakumanyilila ngani



kapena cindu cakucigamba mundu jwinejo. 2 Liloŵe lyakulosya kukayicila.

**kwaliko** *m'jonje*. Liloŵe lyakulosya kukayicila.

**kwamba** *msa*. Kusokola citela kuti ciŵe ngoma, lituli kapena cindu cine.

**kwambanya** *msa*. 1 Kutota lukonji lwndanda pakupanganya ulili. 2 Kusmula cindu kutyocela m'myala mwa mundu jwine.

**kwambilisya** *msa*. 1 Kupamba / komba msusi 2 kolosya lituli kuti liŵe ni mbugulo.

**kwanawula** *m'jonje*. Liloŵe lyakulosya kuti kumaloko kuli kwakutalika.

**kwanenega** *m'jonje*. Liloŵe lyakulosya kuti cindu mnopemnope cakuwala cili cejipi.

**kwang'wandula** *msa*. Kujigala cindu mwakusumula.

**kwanga** *msa*. Kupala kapena kukatanya cindu cisawu mwakusatendela pakatanya koko.

**kwangula** *msa*. Kumalisya kuteka yindu cisawu utobwa.

**kwangwasya** *msa*. kunola cipula kapena luwago peganga.

**kwanila** *msa*. 1 Kusimanikwa pane palipose. 2 Kutindikwa kapena kupela ni cindu. 3 Kuŵa yejinji yakuti pangali jwakumpelembela. 4 Kuŵa cekulungwa cenene mwakwilana ni cilu ca mundu cisawu mwayikusaŵela ni yakuwala.

<sup>1</sup>**kwapa** *msa*. Kupopola litinji.

<sup>2</sup>**kwapa** *mbika*. Mwakusatendela pakutama pasi mundu jwapesile ni masengo.

**kwapata** *msa*. Kujigala cindu mwakuŵanisya kungwapa.

**kwapi** *m'jonje*. Liloŵe lyakuwucisya malo.

**kwapu** *mbika*. Mwakusatendela mundu pakumnyesya mjakwe ni mpici.

**kwapula** *msa*. Kuputa ni mpici.

**kwasula** *msa*. 1 Kulila ugali mboga sya lukowo. 2 Kulya mboga sya lukowo syesuma.

**kwata** *msa*. 1 Kuputanya magasa kuti gasone. 2 Kung'eng'wesya limacesi pa cibilitu. 3 Kutega uti.

**kwaŵa** *msa*. Kwenda ni malungo mwakulikacisya ni makono cisawu mwakusatendela mwanace.

**kwaŵilila msa.** Kunyayilila cindu cisawu mwakusatendela come pakusosa kukamula nguku.

**kwaya msa.** Kugunda cindu cili cose ni yala kapena ni mbali jine jili jose jacilu.

**kwayisya msa.** Kuyika kapena kugundisya makono mwine soni yindu yine pa cindu mwangacituta.

**kwe mbika.** Mwayikusatendela mundu kapena cindu pakuwuta cine.

**kwecesya msa.** Kujitendekasya mbwa kuti jitoposye mundu kapena cinyama cine.

**kwekama msa.** Kusisa mbali jine ja ngani pakogokopa kusala yindu yine yati mpaka uwe nayo kapena uyice ŵandu ŵane pamagambo.

**kwekwela msa.** Kututa kapena kuwuta cindu mwakucikwekwesya pasi.

**kwekwele mbika.** Mwakikusatendela pakupakanika cindu cakucikwekwelesya.

**kwekwelenya msa.** Kucijendesya cindu mwakuciwuta kapena kucituta pasi.

**kwela msa.** Kutyoka pamalo gamo gakutuluka kuja kuŵika pamalo gane gapacanya kapena gakumkuli.

**kwelana msa.** Kutombana kapena kutenda nnsangu.

**kwelegula msa.** Kuŵeceta yindu yagamba kusosa kwasecesya ŵandu, mwangasimicisya yawukuŵeceta nipo yindu yamtunduwu ikusamalila pamalo papopo.

**kwelekwete mbika.** Ngawoneka pamalo kwandaŵi jelewu mnope.

**kwemba msa.** Kuwuta lyosi lya sona mkamwa ni kulikopocesya line mu mbula.

**kwembekanya msa.** Kulumbikanya yindu iŵili pamo.

**kwendesya msa.** Kusokoka mnope.

**kwendusya msa.** Kutamika mwakupendamika.

**kwengweja mbika.** Kutama mwakwengwejela.

**kwengwejela msa.** Kutama m'malele ngakwaya pasi cisawu mwacikusatendela cindu cacitaŵilile pa cindu cine.

**kwengwendu m'jonje.** Kuja kumbali kuleka litala lyakwe.

**kwengwenduka msa.** Kwenda mwakupepeluka.

**kwengwendusya msa.** 1 Gongomasya msela cisawu mwakusatendela ŵandu ŵane pakuwunga matuto. 2 Kupwitulila pakusala ngani.

**kwenya** *msa.* Kupweteka m'cilu kwakutenda cisawu minowu jikukwinyika.

**kwepa** *msa.* Kupolomoka kapena kuwulika kwa cindu ligongo lyakuti cikusile kupunda cindu cawukuciweca.

**kwesambuka** *msa.* Kunyalillila kwa masamba cisawu mwagakusatendela ga yimanga ligongo lya kwendelecela kwa lulanga.

**kwesambula** *msa.* Kutyosya masamba pa cakumela cisawu cimanga.

**kwesya** *msa.* 1 Kwawusya cindu penani pa cindu cine kapena konjecesya macili kapena ukumu wa cindu kapena mundu pamalo 2 kucimbisya cindu kapena mundu kuti awonece mpela jwakusosekwa kapena jwamacili.

**kwete** *mbika.* Mwayikusaŵela yindu naga yisimene mwakusimanya cenene.

**kwetemukuka** *msa.* Kutyoka m'malo mwakwe kwa cindu.

**kwetemula** *msa.* 1 Kunjukula cindu m'malo mwakwe. 2 Kugomba uti.

**kwewa** *msa.* kukamulana kapena kulimbangana kwa mesi kapena cindu cine campela mesi ligongo lyakuti mwana mataka kapena gatemi kwa ndawi jelewu gali gangawunicila.

**kwewana** *msa.* Kusisima ni kulimba kwa cindu cisawu mwayikusaŵela ni ugali wa teputepu.

**kwikwilika** *msa.* Kwinjisa cindu cakulimba mu cindu cine cakolowa.

**kwikwitika** *msa.* Kulila mwangakoposya malowe.

**kwilanga** *m'jonje.* Kutenda cindu mwakonecela kwa ŵandu, mwasangisa.

**kwiluka** *msa.* Kutupa kwa yindu iyaliji yamnono cisawu kupanda tumbeju twamnono ni kugowola yejinji.

**kwima** *msa.* Kukwinyala kwa cindu ligongo lyalyuwa kapena kusowa kwa mesi.

**kwinambuka** *msa.* Kwenda mwakwawula pawujo mwamacili mwakumjogoya mundu jwine ligongo lyakupya mtima.

**kwinani** *m'jonje.* Kwiwunde, kwalikusakopoka lyuwa kapena kugwa wula.

**kwindi** *msa.* Kupinda cenene nguwo nikujiwala mwakusungusya ciuno.

**kwindekwinde** *mbika.* Kupinda makono mpaka kuyika mungwapa ligongo lyakupikana kuisisima mnope.

**kwindimala** *msa.* Kulimba kapena kukandapala kwa cindu.

**kwindula** *msa.* Kumumunya pakusosa kulosya kusakalilwa.

**kwinya** *msa.* Kutendekasya kuti cindu cipindicepindice cisawu cipepala

kapena cakuwala.

**kwinyala msa.** Kunandupa mu msingu kwa cindu ligongo lyakuwumula kapena kusoŵa mesi.

**kwinyula msa.** Kutendekasya kuti cindu cisawu cakuwala cipindicepindice.

**kwipakwipa li.** (yeji. acikwipakwipa) Lipende lyalikusakopoka kwakumelela lukose.

**kwisila msa.** Kuwika sasu syakonjecesya pamoto.

**kwitiwo m'jonje.** Katema kakwete citumbo ni kuŵeleka mwanace jwandanda.

**kwiŵanda m'jonje.** Kumalo kwakutuluka kapena kwakumalila lusulo.

**kwiwunde m'jonje.** Kwinani kwatukusaliwona lyuwa, mwesi ni ndondwa.

## L

I Cilembo cangapikanika pajika.

**laciŵa msa.** Kulakamwa ni yindu cisawu yakulya ni yine.

**laga msa.** Kusimana ni yipwetesi cisawu ngakola yindu yakusosekwa pa umi wa mundu, kulwalalwala ni yine.

**lagala msa.** 1 Kumula panandi. 2 Kulama kapena wangatupa mesi wa cindu cisawu cinangwa, mbatata, lyongu ni yine.

**lagasya msa.** Kumpatisya mundu jwine yipwetesi.

**lagusya msa.** 1 Kutenda cilanga ni mundu kuti akatole kapena akapanganye cindu kuti ugwe tiwusume. 2 Kuŵenda mundu kuti akutendele cindu.

**lajilila msa.** Kutenda cindu atamuno ilingo ni macili pali pangali yakwanila.

**lajisya msa.** Kuŵenda kuti akusunjile cindu naga cipatikane.

**lakala msa.** Kumula mnopé.

**lakalaka msa.** Kukumbila kapena kusosa kutenda cindu.

**lakanya msa.** 1 Kukawula kwa cindu. 2 Kunyelenyesya kungulo.

**lakasa msa.** Kuŵawula kungulo kapena mu mbula ligongo lya mbepo mwine soni liwungo lya cindu.

**lakata Mbika.** Maloŵe gakulosya mwayikusatendela yindu cisawu yembe, maluŵa ni yine pakugwa kutyocela mwinani.

**lakatika msa.** Kugwila pasi kwa yindu cisawu masamba, maluŵa, yimanga yeputukule ni yine.

- lala msa.** 1 Kumala kwa cindu, mnopemnope cacisyano cisawu lijela, ligongo lyakucikamulicisya masengo. 2 Kusilala kwa maloŵe mnopemnope ligongo lya kwimba mwine soni kukosomola.
- lalata msa.** Kuŵeceta maloŵe gakucembulusya.
- lalatila msa.** 1 Kum'ŵecela mjakwe maloŵe gakucembulusya.
- lalika msa.** Kwenesya ngani kapena utenga kuti ŵandu ŵajinji awumanye.
- laluka msa.** Kukumbila ni kucisosa mnope cindu.
- lalulila msa.** 1 Kutenda cindu cine cilicose mwakupundanganya malile. 2 Kukandapasya yakuŵecetegwa.
- lama msa.** Kupola kwa ulwele; kongocela kwa mundu kapena cinyama cicaliji nkulwala.
- lamba msa.** Kulapita cindu ni lulumi.
- lambucisya msa.** 1 Kutenda yindu yakulosya cisawu kuti yipwetesi kapena yindu yambone yikutendekwecele. 2 Kuwanicisya mundu jwine kuti aŵecete kapena atesile cindu.
- lambusya msa.** Kusala kapena kuŵeceta yindu yawunami.
- lamila msa.** 1 Kukulupuka ni kuŵa cijumi ligongo lya cindu cine. 2 Kutenda yindu mwakuŵalanjila kapena kwegamila ukombosi ni macili ga mundu jwine.
- lamukwa msa.** Alole ngopolo ja jiwula.
- lamula msa.** 1 Kupeleka ukoto wakuti alombele kwa jwamlume kapena jwamkongwe pandema jakumala liŵasa. 2 Kusala yakuti mundu ayitende pa magongo gakulekanganalekangana cisawu kupatika jwa ulemwa pa magambo.
- landa msa.** Kulasya kawonece ka mundu jwine.
- landana msa.** Kuŵa ni kawonece kangalekangana.
- landanicisya msa.** 1 Kuwanicisya kuti mundu kapena cindu cikwete kawonece kangalekangana ni cine. 2 Kuwanicisya kuti yindu yili cisawu mwakuŵecetela mundujo.
- langa msa.** Kwamanyisya ŵane kuti ukutyoka.
- languka msa.** 1 Kumala kwa ukweti mu mkuli. 2 Kuswejela kwa kusa ni kwini ligongo lya kumala kwa cipi, mawunde gaula kapena lipundulo.
- langusya msa.** Kutendekasya kuti kusa kuswejele.
- lanji lina.** Yindu yakupaka ni kulosya utoto.

**lanjila** *msa.* Kulosya mundu, cindu kapena malo ni cala kapena maloŵepe.

**lapa** *msa.* 1 Kusala mwakandapasya ya katame kapena kapagwe ka mundu, cindu mwine soni malo 2 kusimonga cindu kapena cakutendekwa.

**lapilila** *msa.* Kwenesya ya umbone wa mundu, cindu kapena malo.

**lapita** *msa.* Kulamba ni lulumi.

**lapula** *msa.* Kumwa panandi mnopemnope mwakuwuta cisawu kuti yakumwayo yana moto.

**lapwa** *msa.* Kutenda yindu mwakuti ŵandu ŵane akulape.

**laŵa** *msa.* 1 Kwawula kukukamula masengo. 2 Kutanda kwenda ulendo kundaŵi mnope.

**laŵalaŵa** *msa.* Kutenda yindu mwangakulupicika kwisa soni mwangatamilicika.

**laya** *msa.* Kusangalala ni kupoka ligongo lya ukoto ni kupatika kwa yindu yakusosekwa pa umi wakwe.

**lecela** *msa.* Kupeleka ukoto wakulolela yindu kwa mundu jwine.

**lecelela** *msa.* 1 Kuŵa kapena kutama penani cisawu panjinga ngakamula kapena kwegamila cindu cine. 2 Ngajamuka kapena kulekasya yindu yangalumbana.

**leka** *msa.* Kwimika kutenda yindu.

**lekangana** *msa.* 1 Kuŵa mwangalandana.: Kuŵe kwi: tindana 2 Kwenda pajikajika.

**lekanganya** *msa.* 1 Kukolanga yindu yayikulosya wangalandana. 2 Kupwatukulanya yindu kapena ŵandu. 3 Kupeleka yindu mwangalandana.

**lekasya** *msa.* Kukanya kuti cindu cikasicitendekwa.

**lela** *msa.* Kusamalila ni kulolela mwanace.

**lelemuka** *msa.* Kutenguka ni kutenda lusingusyungu.: Kuŵe kwi.: lembuka.

**lelo** *M'jonje.* Kugopolela kuti lyuŵa alino.

**lema** *msa.* Kulepela kutenda cindu.

**lemba** *msa.* 1 Kacapula nembo pacilu. 2 Kukalasula ni kulosya malemba pacikalakala kapena malo gane.

**lembuka** *msa.* Alole ngopolo ja lelemuka.

**lembwesuka** *msa.* Kunyelenyenduka kapena kusungunuka kwa cindu.

**lembwesula** *msa.* Kunyelenyendula kapena kusungunula cindu.

**lemwa** *msa.* Kutenda cindu cangajilana ni malamusi kapena ndamo sya wāndu.: Kuŵe kwi.: soya, leŵa, cotocela.

**lemwecekwā** *msa.* Kutendekwa cindu mwangajilana ni malamusi kapena ndamo sya wāndu.

**lemwecesya** *msa.* Kutenda yindu yangalumbana yakumsakalisya ni kumlagasya mundu jwine.

**lenda** *msa.* 1 Kutenda yindu cisawu kuŵeceta mwakuwuta. 2 Kunanda cisawu linyololo.

**lendewala** *msa.* Koloŵa kwa cindu.

**lenga** *msa.* 1 Kumenya ni kukata cindu cisawu lyongu mwakwepepasya nambo soni mwakuulewuya 2 kwitanya migoji kuti jiŵe tayali.

**lepela** *msa.* Ngapakombola kutenda cindu.

**lepetala** *msa.* 1 Ngakaŵa kuteketuka. 2 Ngalimbangana cilu.

**leŵa** *msa.* Aole ngopolo ja lemwa.

**lewupa** *msa.* Kukola lisusa lyalikulungwa mwakutandalika kapena soni mwakwimika.

**libelo** *li.* (yeji. mabelo) 1 Nsaku wawukulungwa wa yindu cisawu sona, yakuwala, litonji ni yindu yine. 2 Kugongomala kwa cindu cisawu citela, msewu ni yine.

**libokosi** *li.* (yeji. mabokosi) Cindu cakukamulicisya masengo pakusunga kapena kujigala yindu yakulimba, cacyano, matabwa ni yine, cacitamilo ni maupande gane gakulimba nipo katema kejinji cikusakola cakuwunicila.

**licaka** *li.* (yeji. macaka) Kacindu kacisyano kandumbandumba mwine soni kangulungo cisawu kakakusaŵaga pamtima pa njinga. Aole soni ngopolo ja macaka.

**licakapitu** *mjonje.* Liloŵe lyakulosya ndaŵi jangali pacipelela.

**licecewu** *li.* (yeji. macecewu) Litunu lyakulukala nipo likusamnong'a kukamula yilango.

**licela** *li.* (yeji. macela) Lwawu lwakutejela somba lwakusatenda kwimicila ni tutela ni kululeka m'mesimo kuti somba sitanjileje.

**licende** *li.* (yeji. macende) Cindu cimo mwa yindu yangulungo yiŵili yayikusaŵa nkasaku ka lipende nipo yikusaŵaga leleŵaleleŵa cakucitepo ca liwolo. Kuŵe. kwi.: lipwala, lupwala lipwisi, litongo, lipumbu,

lumbwesese, lupele, lunjama.

**lichongwe** *li.* Cakumela campela likanga nambo cangali ulusi mkati mwakwe, cana tumiwa twakutependala mumbali mwakwe soni cana utomoni.

**licika** *li.* (yeji. macika) Cindu cakulucigwa pakukamulicisya masengo ngonji ni matete kapena mapesi, magugu, milasi ni lipe.

**licila** *li.* (yeji. macila) Makumi likumi.

**licinji** *li.* (yeji. macinji) Cijuni camtwe mpela lipuku cangali mang'omba ca meno gakutema cakumnong'a kuguluka cilu.: Kuwe kwi: Ciputiputi.

**lidome** *li.* (yeji. madome) Liwala lyakulekangana kawonece ni mwacikuwonecela cilu kapena cindu cosope. Kuwe. kwi.: lidondo, lijemba, liwala.

**lidondo** *li.* (yeji. madondo) 1 Alole ngopolo ja lidome. 2 Mesi gaksulula mwakaticisyakaticisya.

**lidotilo** *li.* Cakuyimba cakwangata lukosi cakatanda ligongo lya kupelebela kwa njete jakusosekwa m'cilu.: kuwe kwi. citolokoso.

**ligaja** *li.* (yeji. magaja) 1 Cindu cakatandika pasi cakusaluka cisawu mkeka pakukamulicisya masengo nlasa.: Kuwe kwi.: likanda 2 Cilingo cakuyika yindu cisawu lusenga cakusaluka pakukamulicisya masengo nlasa.

**ligalagasya** *msa.* Kugudumuka pasi mwangakutendekasya mundu jwine.

**ligamba** *msa.* Kudandawula ligongo lya yindu yangalumbana yawutesile gwasyegwe.

**liganga** *li.* (yeji. maganga) Cindu cakulimba cacipago cakusimanikwa pasi kapena pacanya petaka.

**ligasa** *li.* (yeji. magasa) Upande wa nkono.

**ligesi** *li.* (yeji. magesi) Cindu cakwendela magesi cacikusakolela ni kuwala cisawu nyali.

**ligogo** *li.* Kulisya kapena kutendekasya canasa.

**ligombela** *li.* (yeji. magombela) Kalombo kamang'omba gapacanya gakulimba cisawu ga litono, kakapiliwu nambo soni kamadome kapena madondo gamacejewu.

**ligombo** *li.* (yeji. magombo) Cakumela cangali nyambi ca mnowu wakoloŵa, isogosi yakwe ikusaŵa yayilewulewu yakulyolyopela naga ijiwilemo nipo ikusaŵa m'mikonga.

**ligongo** *li.* (yeji. magongo) Cindu cakatandisya citendo kapena yitendo.



- ligongwa li.** (yeji. ngongwa) Alole ngopolo ja liŵalangwangwa.
- ligosa msa.** Kuliŵambasya kapena kuliteteya ku yindu yakulekanganalekangana.
- ligudumu li.** (yeji. magudumu) Cindu candendela cagudumuka mwangalajilila: Kuŵe kwi: citungulu.
- ligugu li.** (yeji. ligugu/magugu) Cakumela celewu soni camwana cakulandana ni manyasi cakuwuka pacilu pakwe cisawu miwuwa.
- ligulo li.** (yeji. magulo) Upande wa lisiku kutandila lyuŵa napundape pewuwo mpaka kundiŵililo.
- liguluŵe li.** (yeji. maguluŵe) Cinyama cacipyonyoka lupula cacijipi mcila cakumnong'a kutuluma pakwenda nambo koga m'matope. Kuŵe kwi: ngumba.
- ligumi li.** (yeji. magumi) Ciwula cacikulungwa cakusimanikwa mnopemnopo m'matamanda ndema ja cukwu.
- liguwa li.** (yeji. maguwa) Kalombo kakuluma kampela membe jajikulungwa kakumnong'a kusuga mnopemnopo ng'ombe, soni ka waji kumgongo kwakwe.
- ligwa msa.** Kuŵa cakwiticika kuti mundu kapena cinyama mpaka cilye.
- ligwagula msa.** Kulityosya lipende kugakusatenda majoka ni acibulundwe.: Kuŵe kwi: kuliwula.
- ligwagulilo li.** (yeji. magwagulilo) Lipende lya lijoka kapena bulundwe jwaliwule.
- liimbaciga li.** cakuyimba mumbecembece ligongo lyakuti mundu ukwete liŵanga palukongolo nikutendesyaga cimbepombepo
- lijale li.** Upande umo wa cindu cilicose cacikatigwe paŵili mnopemnopo lyongu, mbonda ni yine.: Kuŵe kwi.: luŵale.
- lijani li.** (yeji. majani) Cinyama camwitinji cangongolo mcece, cakulandana ni mundu nambo mawiwi gakutamila mwinani.
- lijego li.** (yeji. majego) Lino lyalikulungwa lyalikusamela cakumbesi kwa mkamwa.
- lijeje li.** (yeji. majeje) Ciŵalo camnowu wakandapala cacikusaŵa pacilikati pa liso, cipundi ni liwiwi.
- lijela li.** (yeji. majela) Cilingo cakulimila cangwasa jajikulungwa.
- lijemba li.** (yeji. majemba) Alole ngopolo ja lidome.
- lijiganya msa.** Kumanyilila yindu yakuti nganiwuyimanyililaga kusepucila

mu kupikana kapena kutenda.

**lijiganyo** *li.* (yeji. majiganyo) 1 Mpango wa yindu yakusalijiganya mundu cisawu masamu ni yine. 2 Cindu cakamula mtima cawulokwete pa ngani kapena citendo.

**lijini** *li.* (yeji. majini) Cimo mwa yiwumbe ya Mlungu cangawoneka ni meso nipo ndema sine cikusakombolekaga kumkamula mundu nikum'wecetesyaga yakusosa mundu juŵawile kala.

**lijinya** *li.* Lindanda lya njipi.

**lijiticiya** *msa.* 1 Kuŵeceta mwakujikunda ngani jawujikanileje 2 Kucomola nyimbo ni kwanga gwasyegwe.

**lijoka** *li.* (yeji. majoka) Cinyama cacilewu msamba cangali ngongolo cakwenda mwakuliwuta.

**lijugo** *li.* (yeji. majugo) Mpango wa yindu yakuŵenda ŵandu ŵajinji kuti yitendekwe kapena yiŵele mwine kwa mundu jwakwete ukumu wawukulungwa.m

**lijugwija** *li.* (yeji. majugwija) Cuma cacilewu cisawu mbiji.

**lijusi** *li.* Lyuŵa lyatatu naga tuli tuŵalasile mwakuwujila panyuma kutandila lelo.

**hllikala** *li.* (yeji. makala) Sigasiga sya lusasu lwakuti lumasile kupya ni moto nambo nganiluyice pakutenda liwu.

**likalambwe** *li.* (yeji. makalambwe) Cilombo ca mtundu wa wa ciŵalaŵala camagongwa gamakulungwa ni mcila wakupindimala mwakulola kwinani caululu kwejinji naga cikulumile.: Kuŵe kwi.: likoloto.

**likalangulo** *li.* (yeji. makalangulo) Cilakolako ca yakumwa.: Kuŵe kwi: cibaba, njota.

**likalanje** *li.* (yeji. makalanje) Cilingo cakamulila somba, camilasi cakuluka cisawu licika nikucikolosya cisawu nsolola nambo kukamwa kwakwe kukusaŵa kwana tumilasi twesongole kuti sombasyo silepeleje kukopoka.: Kuŵe kwi.: nsipu.

**likambi** *li.* Cindu cilicose cakuti citawunigwe nikucisuna cisawu mwayikusaŵela pakutawuna miwuwa, mikota, miswaga ni yine.: Kuŵe kwi.: cikambi.

**likandi** *li.* (yeji. makandi) Mwanace jwamyala jwanapagwape.

**likangata** *li.* (yeji. makangata) Lisamba lya ngunde.

**likango** *li.* (yeji. likango) Kalwele ka jwamlume kapena jwamkongwe

- kakutendekasya kuti jwamkongwe kapena w̄anace w̄akupagwa mwiw̄asa  
aweje nkanakule.: Kuw̄e kwi: likula.
- likanyata** *msa.* Kulitwinyicisya pasi ni kulipweteka ni cindu ca usito.
- likawu** *li.* (yeji. makawu) Upande wa lukongolo wawukusamela yala nipo  
ukusaliw̄ata pasi.: Kuw̄e kwi: lusajo.
- likoko** *li.* Cakumwa kapena cakulya cangalimba cacikusatelecegwa  
kutyocela ku utandi, mpunga ni yine.: Kuw̄e kwi: lumbapa.
- likokoto** *li.* (yeji. makokoto) 1 Yindu mnopemnopo yakulya  
yayilalile, kumulila ni kukanilila mu ciwulugo kapena mu mpika. 2 Mundu  
jwankulungwa jwakulongolela liw̄ele kapena mtundu wakwe.
- likoleko** *li.* (yeji. ngoleko) Kamtolo ka yimanga kapena yindu yine  
yayitaw̄ikanye yiw̄iliyiw̄ili.
- likololo** *li.* (yeji. ngololo) 1 Alole ngopolo ja likalambwe. 2 Mata  
gakamatana gaksakolola mundu kutyocela kungulo.
- likolomilo** *li.* (yeji. ngolomilo) Ciw̄alo cambugu, campela makosa  
gelumbikanyelumbikanye cacikusalumbikanya mapapu ni ngulo.
- likolongo** *li.* (yeji. makolongo) Alole ngopolo ja likolomilo.
- likolosya** *msa.* Koga, kuwala ni kutenda yindu yine yakamucisya kuti mundu  
asalale.
- likoloto** *li.* (yeji. makoloto) Alole ngopolo ja likalambwe.
- likoma** *li.* (yeji. likoma?) Ndamo jakupeleka yindu kwa w̄andu w̄ane  
mwangasumanya ni cindu cine.
- likombolela** *msa.* 1 Kukola ukombosi wakutenda yindu mwangajegamila pa  
mundu jwine. 2 Kukola ukombosi ni macili gacilumelume gakutendela  
msangu.
- likombwa** *li.* (yeji. makombwa) Cikalakasa ca lindanda.
- likonde** *li.* Manyasi, mawukutu ni yakumela yine.: Kuw̄e kwi: Litinji.
- likong'onda** *li.* (yeji. ngong'onda) 1 Citela cacijumu mnopo. 2 Kandu  
kayikusatajila yijuni ni yinyama yine cisawu majoka, ngwena ni yine.:  
Kuw̄e. kwi.: lindanda, litaji.
- likong'ondela** *li.* (yeji. makong'ondela) Cindu cakuwala palukosi  
cacusacipanganya ni mapisya yigala ga yuma.
- likongolo** *li.* (yeji. ngongolo) Cipika cacijuma.
- likongwa** *li.* (yeji. ngongwa) Citela calipanda cakusam'weca mundu mlukosi  
kuti akajendagajendaga kapena kuti akatila.

**likonya** *msa.* Kutenda yindu yakulitandila yipwetesi kapena yilagasyo cisawu kukasa mbale ligongo lya kupya mtima.

**likosa** *li.* (yeji. makosa) Kandu kandendela cisawu citungulu kakuwala mu nkono.

**likoswe** *li.* (yeji. makoswe) Kanyama kampela lipuku kamcila wawulewu ni tumeno twamwanamwana twakutema nipo kakusanonyelwa kutama m'nyumba.

**likoti** *li.* (yeji. likoti) **1** Mtundu wa mpunga wawuswela cenene nambo wanganunjila. Kuŵe. kwi.: likuti. **2** cakulya cakulinganyigwa pakujigala imanga yangakomala, kuyisesasesa ni kutwa nikutawa m'masamba ga magombo, kuwika mciwiga ni kuteleka pamoto kuti ipye.

**likoŵa** *li.* (yeji. makoŵa) Cindu cacikusawimba kusa kwa yisogosi cisawu yembe, malalanje, miwa ni yine.

**likoyo** *li.* (yeji. makoyo) Upande wacilu wawuli pacilikati pa lukosi ni malumbiko ga nkono ni ciiliŵili.

**likuga** *li.* (yeji. makuga) Yinyama kapena ŵandu ŵajinji ŵakamulene ni kutendela yindu pamo.

**likukumusi** *li.* (yeji. makukumusi) Ilonda yekulungwakulungwa yausomasoma yayikusakopoka cilu cosope kupwatikapo kungope nipo gangakaŵa kwinjila kapena kumala.

<sup>1</sup>**likula** *li.* (yeji. makula) Umi wakupelwapelelwa upile wakupata kapena kutenda nawo yindu.: Kuŵe kwi: likungu.

<sup>2</sup>**likula** *msa.* Kugwisya cindu cisawu citela, nyumba ni yine kutandila pacimelele.

**likuluwangu** *li.* manyasi gamakulungwakulungwa kapena lipe lyagangalama.

**likuma** *li.* Ciŵalo ca cinyama kapena mundu jwankongwe kwagakusakopocela makweswo kapena mwanace pakuŵeleka.

**likumbi** *li.* (yeji. makumbi) Nguwo jakusawala kuyalo jwankongwe jwakulwala magono.

**likumi** *li.* (yeji. makumi) Yindu nsano kupwatikapo yine nsano.

**likunami** *li.* Ciŵalo cacikusawimba mnowu wa cinyama. Kuŵe kwi.: lipende.

**likunda** *msa.* Kulityosya jika likaku pacilu.

- likundewa** *li.* Cakumela cakutambala cacikusaweleva isogosi ya mpela ngunde soni yakulyaga.
- likungu** *li.* Alole ngopolo ja likula.
- likungulu** *li.* (yeji. makungulu) Mtundu wa cijuni, cacikulungwa kupunda njuŵa, cacipiliwu, caliŵala lyaliswela mlukosi.
- likusese** *li.* (yeji. makusese) Mtundu wa yijuni.
- likuta** *msa.* 1 Kutenda yindu yakulosya kusengwa mnope 2 kuponya liganga mwamacili.
- likutwe** *li.* Cakumela campela mapemba cakusogolaga cisogosi cakulyaga catumbeletumbele mkati mwakwe.
- likwanya** *li.* (yeji. makwanya) Mtundu wa cakumela ca songolo syamwana cakutenjela nipo cikusaŵeleka isogosi yayiyelewulewu ya waje wakuti naga ujumwilemo ukusanyenya nkuyikwayamo.
- likwata** *li.* (yeji. likwata) Ung'asi wangajimbila ngoma wakusaŵina acim'masyetope kwineku ali nkukwata m'myala.
- likwati** *li.* (yeji. makwati) Lisamba lya ligombo.
- likwekwe** *li.* (yeji. makwekwe) Citega cakutaŵa lukonji mwakusigasya lipesa kuti kandu kalikose kakwinjila pa lipsepo katanjile.: Kuŵe kwi.: lipogolo.
- likwemba** *li.* (yeji. makwemba) Likoŵa lya cimanga.
- likwenda** *li.* (yeji. makwenda) Mtundu wa citela nipo masamba ni yisogosi yakwe ŵandu akusalyaga.
- likwepe** *li.* (yeji. makwepe) Cijuni ca lugomo lwakandapala nambo soni lwalulewu cisawu lwa lititi.
- likwilili** *li.* (yeji. makwilili) Cijuni cacipiliwu cisawu namlamba nambo cakulila cisawu njuŵa cakum'nong'a kutama ni yijakwe m'mipingomipingo.
- lila** *msa.* Kugumila kapena kudandawula mwacinununu ligongo lya yipwetesi ya mitundu jakulekanganalekangana.
- lilama** *li.* (yeji. lilama) Ndamo jakutenda yindu mwakuti amboneambone nambo soni mwakulikwesya.
- lilamba** *li.* (yeji. malamba) Moto walapulapu wakolela nikutendekasya lilanguka.
- lilambo** *li.* (yeji. malambo) Malo gakuŵatama, gacinyesi ndema syejinji nambo soni gangali yitela mnope.

- lilamusi** *li.* (yeji. malamusi) Maloŵe kapena mitwe jakamulene wāndu kuti ajikuyeje pakutenda yindu.
- lilanguka** *li.* (yeji. malanguka) Kuwala kwa moto, nyali, magesi ni yine kwakamucisya kuti yindu yiwoneceje mwasawusya.
- lilasika** *msa.* Kudandawula ni kuligamba ligongo lyangapikanila ni kukuya yiwakusalile wāndu wane.
- lilayika** *li.* (yeji. malayika) 1 Umbo syakumela m'makono ni mu ngongolo. 2 Cimo mwa yiwumbe ya Mlungu cangawoneka ni meso ciwacipanganyisye kuti cintumicileje ni kuntindiwalila.
- lileca** *li.* (yeji. maleca) Cilingo cakulikundila pacilu cacusacipanganya kutyocela ku cisogosi.
- lilembe** *li.* (yeji. malembe) Lisimbo lyakumsilila mundu jwam'we.
- lilesa** *li.* (yeji. malesa) Cindu campela sandu ja matendewu casikusatawa nyuci kuti sisosolele wanace wakwe. Kuwe. kwi.: Lisyega.
- lilima** *msa.* Kupweteka kwa cilu.
- lilimuka** *msa.* Kukopoka yilomba pacilu ligongo lya kulya kapena kupakala yindu yakuwengana ni ciluco.: Kuwe kwi.: wenga.
- lilitungwisa** *li.* (yeji. matungwisa) cisogosi ca mtungwisa, cakuwoneka mpela mapwetecela, nambo ikusakola tumiwa pacilu pakwe.
- liloŵe** *li.* (yeji. maloŵe) 1 Lisegwe lyalikusakopoka pandema jakuŵeceta mundu, kwimba nyimbo, belo ni yine kwimsa soni pakatema kayikulila yinyama 2 Caŵecete mundu kuti mjakwe apikane ni kugopolela.
- lilombe** *li.* (yeji. malombe) Ngoma jajinandi jana ngongolo syakwimila nipo akusajigomba ni mipici jiŵili.
- lilongo** *li.* (yeji. malongo) Litaka lyakunyamba lyakusalikamulicisya masengo ndema syejinji pakugumba mipika, yiŵiga, mitala ni yine.
- lilumba** *msa.* Kulilosya, kulipela kapena kulicemelela kuti wāndu akulape. Kuwe. kwi.: Nemesya, Lumbanjila, Litwanjila, Litapanjila.
- lilumbiko** *li.* (yeji. malumbiko) Malo gayisimene ni kukamulana yindu.
- lilungo** *li.* (yeji. malungo) Lilumbiko lyapacilikati pa ciwiga ni lusonjo.
- lima** *msa.* Kukolosya mu mgunda cisawu kucocola, kuŵiliga matuto ni yine pakusosa kuti mbeju simele ni kukula cenene.
- limasa** *li.* (yeji. mamasa) Kulilika kwa lipende pacilu kapena umbo mu mtwe kwakukusatendekwa ligongo lyakuti mundu alile yakulya yakuwengana ni cilu cakwe. Kuwe. Kwi.: Ciwenga.

**limba msa.** 1 Kuŵa ciŵela ndaŵi jajilewu. 2 Ngatenganyika kapena kugwedela. 3 Ngajoloŵa kapena kuŵa gwa.

**limbangana msa.** Kukola macili gakutendela yindu.

**limbika msa.** Kutaŵa kapena kuwugala cindu mwangajejeka.

**limbila msa.** Kukola ntawu wakuti cindu cacirosekwe kaŵe citendekwe basi.

**limbukuka msa.** Alole ngopolo ja gwa.

**limbula msa.** Kupasya kapena kutanda kwene kulya mbeju syakumigunda sya cele cakaco.

**liminyula msa.** Kongola ni kulipotokola cilu pakuŵina. Kuŵe. kwi.: limonongola.

**limuka msa.** 1 Kukola woga. 2 Kuleka kwawula ku malo kapena kumjendela mundu.

**lina li.** (yeji. mena) Maloŵe gakuŵilanjila kapena kukolanzila cindu cine cilicose ca umi kapena cangali umi, cakuwoneka kapena cangawoneka.

**linaŵila li.** (yeji. manaŵila) Kamwanace ka somba.

**linda msa.** 1 Kutama pamalo ngatyoka ni nganisyo syakuti usimane kapena uwonegane ni mundu kapena cindu cine. Kuŵe. kwi.: jembecela 2 Kwimika kapena ngatenda cindu ni nganisyo syakuti yindu yine yakusosekwa yikuluŵane kaje.

**lindanda li.** Alole ngopolo ja likong'nda.

**lindandambuli li.** (yeji. mandandambuli) Lwawu lwacikusataŵa cinyangata. Kuŵe. kwi.: cinanambuli.

**lindenga li.** (yeji. mandenga) Luwumbo lwakumela pacinena ni kuyalo kwa mundu.

**lindilindili li.** (yeji. lindilindili) Kuwa kwa ciŵalo kwa kandaŵi panandi ligongo lya wangajenda cenene wa myasi. Kuŵe. kwi.: Mandilindili.

**lindima msa.** Lisegwe lyagungumila lyakutendekwa ni cindu cilicose cisawu njasi, ngoma ni yine.

**lindimu li.** (yeji. mandimu) Cisogosi cakulandana ni lilalanje, ca likoŵa lyangwinyatangwinyata nambo soni cakunyungunya.

**lindolo li.** (yeji. madolilo) Mtesa wawuŵisi wangakomala.

**lindondo li.** (yeji. mandondo) 1 Mesi kapena myasi ni yine yakujilima yayikusulula mwakuwungana panandipanandi nikugwaga pasi mwakaticisyakaticisya. Kuŵe. kwi.: lidondo. 2 Maŵala ga panguwu ni

yindu yine.

**lindutu li.** (yeji. mandutu) Cimanga caciwulice ligongo lya ndukutula nipo cikusalosya cam'kati caciswela cisawu litonji nambo soni cikusaŵa cakoloŵa mnope pakutawuna.

**ling'omba li.** (yeji. mang'omba) Cindu cacikusamela ni kuwimba pacilu pa yinyama cisawu nguku ni mitundu jine ja yijuni. Kuŵe. Kwi.: linyunya.

**linga msa.** 1 Kupima cindu pakamulicisya masengo nlingo wakwiticika pakusosa kuti usito, winji kapena ukulu wa cinduŵo umanyice. 2 Kutenda cindu mwangali cikulupi cakuti ticikombolece.

**lingaka li.** (yeji. mangaka) Cisogosi ca mtundu wa matapwito nambo cangali miŵa nipo akusacilyaga cangateleka.

**linganji li.** Kakoŵa kakwepepala mnope mpela lwembe.

**linganya msa.** Kuwucisya m'malo mwakwe kulungamika kwa cindu cicajonasice kapena kulemwecekwa. Kuŵe. kwe.: Kolosya.

**lingongo li.** (yeji. mangongo) Umbo syetiŵe ni kusitaŵa pamo.

**lingula msa.** Kulola mundu kapena yindu yayisisice mwacuŵilisi.

**lingwindimba li.** (yeji. mangwindimba) Mpunga waluwuka wamakowa gepiliwu nambo wamkatiwo ukusaŵa wecejewu, pati kutelekamo wanganong'a.

**lingwita li.** (yeji. mangwita) Manjelenjesa ga cisyano gakuwala ca nkasukusuku ka mu ngongolo.

**linjici li.** (yeji. manjici) Cijuni cacikulungwa kupunda njuŵa, camtwe ni meso gamakulungwa nipo cikusaguluka ni kulila cilope.

**lino li.** (yeji. meno) Ciŵalo ca mkamwa mwa mundu kapena cinyama cakatulila ni kutawunila yakulya.

**linolo li.** (yeji. manolo) Liganga lyakamulicisya masengo gakutendesya kuti yilingo cisawu yipula, maŵago ni yine yiŵe yakutema.

**linyasi li.** (yeji. manyasi) Cakumela camasamba gamalewulewu nambo gangwasa jamwana.

**linyololo li.** (yeji. manyololo) Cakumela ca yisogosi kapena masamba, camwitinji kapena cakupanda cakusateleka kuŵa mboga nipo cikusananda pakulya.

**linyunya li.** (yeji. manyunya) Aole ngopolo ja ling'omba.

**lipa msa.** Kupeleka mbiya kapena cindu ligongo lya magambo gawuleŵile.

**lipaŵa li.** (yeji. mapaŵa) 1 Kapende kakuŵeŵela kakakusajala pacanya pa



- matoga kwisa soni pacanya pa mnowu woso pe wa cipagala 2 Ciwalo camnowonowupe cakuwejelela cakuwukuta mbepo m'cilu mwa cinyama.
- lipalasa li.** (yeji. mapalasa) Kandu kajawajawa kakusatawilila nikujajawalaga ku lukonji lwa cisopo nipo kakusatiwila naga somba jili jikamwilwe.
- lipali li.** (yeji. mapali) Alole ngopolo ja felemu.
- lipalo li.** (yeji. mapalo) Liwupa lya likoyo. Kuwe. kwi.: Nangombe.
- lipalwa li.** (yeji. mapalwa) 1 Cilakolako ca yindu yakumwa cisawu mesi. 2 Cakulya cakulila cikombe cakusaciteleka pakukamulicisya masengo utandi, lusenga ni yine. Kuwe. kwi.: Lumbapa, likoko.
- lipananga li.** (yeji. mapananga) Kuwala kwejinji kwa moto kapena ndondwa kwakuswejelesya kwinani.
- lipanda li.** (yeji. mapanda) 1 Citela cacikwete malekano ganyambi gacipago kapena gakatenda kupanya 2 Upande wa citela wasimelele ni kwasana nyambi kapena watesile kupanya.
- lipanga li.** (yeji. mapanga) Cilingo campela mpamba nipo pakucikamulicisya masengo akusatenda kuponya ni nkono.
- lipapaya li.** (yeji. mapapaya) Cisogosi cacikulungwa cambugu mkati nipo cikusakola tusongolo twatujinji twatuswela nkanicijiwule nikugalawuka kuwa twatupiliwu mpela ndowe sya mbusi naga cijiwile nambo soni wandu akusalya.
- lipapiko li.** (yeji. mapapiko) Ciwalo cagulucila ca yinyama ya mtundu wa yijuni cisawu nguku, mbata ni yine.
- lipata li.** (yeji. mapata) 1 Upande wa citela wapacilikati pa miciga ni nyambi kapena lusonga. 2 Cindu cakusacikolosya cisawu lutenje kutyoka lisi limo lya lusulo kuja lisi line nipo akusatega misipu kuti akamuleje somba syasikusasangana mu litanda lyalikusapagwa kunkuli kwa maloga.
- lipayi li.** (yeji. mapayi) Citela cakamulicisya masengo m'malo mwa makwelelo pakuwela malo gakulekanganalekangana.
- lipe li.** (yeji. lipe) Mtundu wa manyasi gamakulungwa m'bili nipo wandu wajinji akusatawila ndenje kapena nseka.
- lipemba li.** (yeji. mapemba) Cakumela cakulandana ni mkota cikusatumbuka nipo ku luswaji lwakwe lukusakola songolo syakusakwiwita ni kulya m'matala gakulekanganalekangana.
- lipende li.** (yeji. mapende) Ciwalo cacikusawimba cilu ca cinyama.

- lipenga li.** (yeji. mapenga) Cilingo cakwimbila nyimbo kapena kuwılanjila wāndu cakusacilisya pakuwuta kapena kupepela mbepo.
- lipenu li.** (yeji. mapenu) Malo gosope ga kusa kwa nyumba, kutyocela pa lipupa mpaka pawupelele msakasa.
- lipepe li.** (yeji. mapepe) Cindu cakusatawa ni sici, utope, njelwa, maganga ni yine pakuciga kapena kugawa malo m'maupandeupande nipo ndema sine cikusajangata nsakasa. Kuwe. kwi.: lipupa.
- lipesa li.** (yeji. mapesa) 1 Ndaŵi jakuti mundu nganakola cakutenda. 2 Malo gangali kandu gakupatika kapena kusigala pacilikati pa yindu.
- lipeta li.** (yeji. mapeta) Cakumela campela mbatata nipo wāndu akusalya.
- lipetwa li.** (yeji. mapetwa) Citega ca yijuni cakusacikolosya pakutaŵa lipogolo.
- lipili li.** (yeji. mapili) Lityoka lyalijipi, lyamangandamanganda cisawu sato nipo lyakum'nong'a kwenda panandipanandi.
- lipilikanilo li.** (yeji. mapilikanilo) Ciŵalo cakamucisya kuti mundu kapena cinyama cikomboleje kupikana maloŵe kapena masegwe ga gayikusatenda yindu. Kuwe. kwi.: Liwiwi, Lipikanilo.
- lipipi li.** (yeji. mapipi) Kalombo kakapiliwu kangali mang'mba kakutulumbala lutumbo kakulandana ni lunyang'unyang'u.
- lipisya li.** (yeji. mapisya) Yuma yetunjetunje m'lukonji yakwanila kusyungula ciwunu.
- lipogolo li.** (yeji. mapogolo) Alole ngopolo ja likwekwe.
- lipolo li.** (yeji. mapolo) Likoko kapena mpunga wesisisi.
- lipombe li.** (yeji. mapombe) Cisogosi cakulandana ni lingaka, cikusawoneka cacikasu ni kugaluka likoŵa lyakwe naga cili cijiwile nipo cikusanunjila cenene. Kuwe. kwi.: Kayimbi.
- lipomombo li.** (yeji. mapomombo) Cijuni cakusapangana, ca lugomo lwalukulungwa, camasegwe nambo soni ca linunda lya manyunya pamtwe pakwe
- liponda li.** Masamba gane galigose gagakusatelecekwa nikuligwa cisawu mboga.
- lipongo li.** Kamwanace ka cinyama kakatemi moŵa gakuwālanjika m'citumbo mwa mamagwe. Kuwe. kwi.: Lilusa, Liwanda.
- lipowo li.** (yeji. lipowo) Lipesa lyakutenda kulipanganya pa cindu cakuti caliji cakusimana cenene. Kuwe kwi.: libowo.

**lipuje** *li.* 1 Mbepo jakopoka ni kwinjila mkamwa pakupumula. 2 Mbepo jamoto jakuwoneka cisawu lyosi jakutyocela m'mesi gagakutokota. Kuwe. kwi.: lipujungu.

**lipujungu** *li.* (yeji. mapujungu) Alole ngopolo ja lipuje.

**lipuku** *li.* (yeji. mapuku) Kanyama kakulandana ni likoswe, kamcila wawulewu ni tumeno twamwanamwana twakutema nipo kakusatama mwitinji.

**lipuluputu** *li.* (yeji. mapuluputu) Ciwalo camnowunowupe cacilumbikene ni ciyiga nipo mundu akusacikamulicisya masengo pakutama. Kuwe. kwi.: Litako.

**lipuluputwa** *li.* (yeji. mbuluputwa) Kalombo kagululuka kamapapiko gakwepepala mcece kakum'nong'a kutula m'maluwa. Kuwe. kwi.: Cipuluputwa.

**lipuluwa** *li.* (yeji. mapuluwa) 1 Cakuyimba cangali uwowu kapena mesi cakatanda mnopemnopo ligongo lyakuti kalombo kakulumile. 2 3 Utandi wawukamatene m'ciwulugo pandema jakuwunyila ligongo lyakuti mesi gasemwile mnopo.

**lipumbu** *li.* (yeji. mapumbu) Alole ngopolo ja licende.

**lipundugulu** *li.* (yeji. mapundugulu) Ukati wakulosya kusa cisawu kuti kwana lyosi.

**lipungu** *li.* Upande mwa maupande ga cindu gagagaŵile mwakwilanya cenene.

**lipupa** *li.* Alole ngopolo ja lipepe.

**lipute** *li.* (yeji. mapute) Liwanga lyakaŵa kupola.

**lipwala** *li.* (yeji. mapwala) Alole ngopolo ja licende.

**lipwetecela** *li.* (yeji. mapwetecela) Cisogosi cangulungo cacikusaŵa ca nakasamba naga cili caciŵisi nikuŵa cacicejewu naga cijiwile nipo ŵandu akusataga mu mboga kuti sinonye. Kuwe. kwi.: litimati.

**lipwisi** *li.* (yeji. mapwisi) Alole ngopolo ja licende.

**lipyombyo** *li.* (yeji. mapyombyo) Litete kapena linyasi lyambugu mkati mwakwe lyakusalisya cisawu pinto.

**lisace** *li.* (yeji. masace) Cilingo cakupyajilila.

**lisagala** *li.* (yeji. masagala) Lunyambi kapena liwupulu mnopemnopo lyakuti likacwice ni kugwa pasi.

**lisagamilo** *li.* Cakutendekwa, kuwoneka kapena kuwecetekwa kulugono.

Kuŵe. kwi.: Sagamisi, Masoka.

**lisajili li.** (yeji. masajili) Cindu cakulandana ni lipaka, cakunyakucila lisusa lyakwe, cakusacikamulicisya masengo gakusunjila yindu mnopemnopo yakulya.

**lisalo li.** (yeji. masalo) Upande wawupwatukwice pakusala lusasu.

**lisamba li.** (yeji. masamba) Cindu cacikusasipuka ku cakumela nipo ndema syejinji cikusaŵaga canakasamba.

**lisambi li.** (yeji. masambi) 1 Nguwo jakuti jimasile kapena jinandipe kwakuti ngaŵa nkujiwala; Kuŵe. kwi. Ciwisa. 2 liwukutu lyekungwa lyangali waje, lyapacilu pausamba.

**lisamulo li.** (yeji. masamulo) Cilingo cayisomangayisomanga cagopolanyicisya ni kwimika umbo. Kuŵe. kwi.: Cisakulo.

**lisandi li.** (yeji. masandi) Liwunjili lya yindu cisawu sasu ni yine.

**lisang'asi li.** (yeji. masang'asi) Mcagala wa mtesa ni mtesa wakwewo nkanawutotole.

**lisanjala li.** (yeji. masanjala) Cakuwala cacimale kapena cacipapucepapuce. Kuŵe.kwi.: Ciwisa.

**lisapa li.** Yindu yakoloŵa yacikasu yasikusapanganya nyuci nipo ndema syejinji ikusaŵaga pamlango pa nsinga kapena lisimbo lyasikutama nyucisyo. Kuŵe. kwi.: Lipula.

**lisasi li.** (yeji. masi) Yindu cisawu somba, masamba ni yine yakuti ayitaŵile ni kuyinyakulila pampepe.

**lisawu li.** (yeji. masawu) 1 Cisogosi camwana cisawu litungwisa calusongolo lwakulimba cacikusasogola mu citala ca msawu nambo soni andu akusalyaga. 2 Lisawu lyambele lila lyana mbisu.

**lisawusyo li.** Cindu cacikusamlagasya mundu mu nganisyo.

**lisegwe li.** Maloŵe gakupikanika mwakwesya pakuŵeceta, kwimbanyimbo, belo ni yetndo yine.

**liselema li.** (yeji. maselema) Kalombo kakanandi kakulandana ni ucece.

**lisembelepete li.** 1 Nsinga wangali uci. 2 Mundu jwakusesewala.

**lisesengule li.** (yeji. masesengule) Mundu jwangali mate.

**liseŵe li.** (yeji. maseve) Cisogosi camwana cisawu lisuku cacikusasogola m'citela ca mseŵe cakusatunga m'lukonji nikuwala mu ngongolo pakuŵina ung'asi wa maseŵe.

**lisi li.** Malo ga upande umo wa lusulo, nyasa kapena nsewo.

- lisicini li.** (yeji. masicini) Lijoka lya m'matumbo lyawuluwulu.
- lisimba li.** (yeji. masimba) Cinyama camwitinji camacili, cacikusakoloma ni kubangula mwakogoya ukanga kumtwe.
- lisimbo li.** Malo gasokwece petaka.
- lisinda li.** (yeji. masinda) Yimanga kapena yindu yine yakwanila kupomola kamo mwituli.
- lisindikula msa.** Kulilengula lukose mpaka mu mnowu.
- lisisya li.** (yeji. masisya) Lindanda lyakuti nguku kapena cinyama cine cilicose cacikusatajila mandanda catajisile nikuwutamila nambo nganimukopoka mwanace nipo likusaŵaga lyampaka kulya.
- <sup>1</sup>**liso li.** (yeji. meso) 1 Ciŵalo ca mundu kapena cinyama cakulolela. 2 Cimo mwa yindu cisawu yimanga yeputukule.
- <sup>2</sup>**liso M'jonje.** Maloŵe gakolanzila lisiku lyaŵili pakuŵalanzila kuwujila camunyuma kutyocela lelo.
- lisogo li.** (yeji. masogo) Cinyama camwitinji campela mbwa.
- lisokasoka li.** Kalombo kampela citete, kamtwe wamwana, meso gamakulungwa cisawu ga mgabadi nambo soni kana maŵalangwangwa gaŵili. Kuŵe. kwi.: Cikasaciyiga, Cikasaciwulugo, Ciwulaganganga, Cisokasoka.
- lisolokoto li.** (yeji. masolokoto) Cijuni ca linunda lya manyunya gamapiliwu pamtwe pakwe, camasegwe nipo cikusam'nong'a kulya yisogosi yamitundumitundu cisawu njele. Kuŵe. kwi.: bwebwe.
- lisondambaŵala li.** (yeji. masondambaŵala) Cijuni cacikasu, cacikulungwa cisawu nyandi nipo cikusam'nong'a kulya yisogosi cisawu njele.
- lisongolamembe li.** (yeji. masongolamembe) Lino lyakusongoka lya pamlango pa mkamwa mwa mundu.
- lisoso li.** (yeji. masoso) Mtundu wa mbamba.
- lisugulu li.** (yeji. masugulu) Katumbi ka litaka kawukusagumba ucece.
- lisulu li.** (yeji. masulu) Kanyama kamwitinji kakucejelela cisawu kandindi kakakusawulaga majoka.
- lisusa li.** Kulewupa kwa mundu kapena cindu mwakwimika.
- liswalalu li.** (yeji. maswalalu) Cindu cilicose cakuti cangali mate cakusosekwa kucijasa cisawu ligwagulilo lya lijoka ni yine.
- lisya msa.** 1 Kupeleka kapena kupatisya mundu kapena cinyama yakulya. 2

Kujigala cakulya ni kuciyika m'mkamwa mwa jwine. 3 Kutendesya kuti cindu citongole. 4 Kutendekasya kuti mundu agumile kapena adandawule mwacinunu.

**lisyalele li.** (yeji. masyalele) Cisogosi cawuluwulu cisawu mbonda nambo cangalya cakupatika m'matete ni m'magugu cakoposya ciwulo mpela sopo mwanti wandu wane akusacapilaga.

**lisyega li.** (yeji. masyega) Aole ngopolo ja lilesa.

**lisyonga li.** (yeji. masyonga) Aole ngopolo ja lisicini.

**lisyongo li.** (yeji. masyongo) Lijoka lya m'matumba.

**lisyucila li.** (yeji. masyucila) Cilonda camiwowu cangapweteka.

**lisyuka li.** (yeji. masyuka) 1 Cilonda camiwowu cacikusakopoka mwangamanyika cenene cacicitandisye. 2 Cindu cakuti cawile kapena nikugalawuka soni kuwa umi.

**lita msa.** Kutondoŵa kapena kusilala kwa ngani kapena moto.

**litagaluka li.** (yeji. matagaluka) Aole ngopolo ja kalunga.

**litaji li.** (yeji. ndaji) Kandu kayikusatajila yijuni ni yinyama yine cisawu majoka, ngwena ni yine.

**litaka li.** (yeji. mataka) 1 Nguwo jeŵilijeŵilije jajikusakwa ndema syejinji mayadi likumi kwisa nsano. 2 Cindu cacipago cakupatika pane palipose nipo yitela ni yindu yine yikusamela ni kutama pa calakweci.

**litako li.** (yeji. mataka) Aole ngopolo ja lipuluputu.

**litala li.** (yeji. matala) 1 Kamjololo kalimile kapena kukolosya kuti apiteje pakwawula ku malo gane 2 Katende ka yindu kapena mlundunde wa yindu yakusosa mundu kuti yitendekwe kuti apate yakuyisaka.

**litalila li.** (yeji. matalila) Mesi ga ula gakulimba cisawu liganga.

**litama li.** (yeji. matama) Upande wa kuyalo kwa mundu jwamkongwe wawukusaŵa ni makutu ni cisongoni.

**litamanda li.** (yeji. matamanda) Malo gakwima mesi nikupanganya litanda mwilambo.

**litanda li.** (yeji. matanda) Mesi gejinji pa malo gakusokoka.

**litanga li.** (yeji. matanga) Cilingo cakusiŵila pa mlango.

**litapanjila msa.** Aole ngopolo ja lilumba.

**litapwito li.** (yeji. matapwito) 1 Yisogosi yampela mangaka yine yamiŵamiŵa yine yangali, yine yakuŵaŵa yine yangaŵaŵa yakuti

ŵandu ŵane akusalyaga. 2 Cisogosi ca cakumela cakutambala camwitinji cacikusaŵa ca miŵamiŵa pacilu pakwe, ŵandu ŵane akulyaga cisawu lingaka.

**litaŵala li.** (yeji. mataŵala) Lipuku lyakalamuka lyapacilu pakucejelela nambo soni liwuka nipo likusajonanga mbeju m'migunda.

**litaŵilila msa.** 1 Kuliwulaga pakulikoleka ni lukonji mu mtela kapena malo gane gakutalicila ni pasi. 2 Kutenda yindu mwakulilagasya pakusosa kucipata cawukusosa.

**litenkenya li.** (yeji. matekenya) Kalombo kakanandi nipo kakusajinjila m'cilu mwa mundu mnopemnope m'jala mwanti ndema sine yalayo ikusalemala.

**liteleko li.** (yeji. mateleko) Cilingo cagumba ni lilongo cisawu mpika cacikulungwa kukamwa cakutelecela yindu. Kuŵe. kwi.: Ciŵiga.

**litemba li.** (yeji. matemba) Mtundu wa somba jenandi jangakula mnope, jalusoko lumo pamgongo, jeswela soni jana mawamba.

**litenda msa.** Aole ngopolo ja lilumba.

**litendewu li.** (yeji. matendewu) Kalombo kaguluka, kakuning'ana pacilikati nipo kakusalumila kumcila.

**litenje li.** (yeji. matenje) Yindu yejinji cisawu sasu, miwa ni yine yakuti ayiwunjice ni kuyitaŵa pamo. Kuŵe. kwi.: mtolo.

**litepo li.** (yeji. matepo) Malo gajipandigwe mbeju.

**litepwende li.** (yeji. matepwende) Lisimbo lyangasokoka mnope lyakuti ligumbele mesi gangajenda ni matope.

**litete li.** (yeji. matete) 1 Cakaumela campela ligugu nambo cambugu mkati camasamba gakusongoka cikusamela mu ngulugulu sulo kapena nyasa nipo ŵandu ŵane akusatotela maugono. 2 Cakumela cacisawu lipe camasamba gelewu gakusongoka cacikusamela mu ngulugulu mwa lusulo kapena mlusulo mwene nambo soni ŵand ŵane akusatotela ugono.

**litetemuka msa.** Kutenda kapena kuŵeceta yindu yakulosya cisawu kuti ŵandu ŵane akuganisa kuti ngani kapena citendo cacitendekweco nkutenda ni ugwe.

**litewo li.** (yeji. mawewo) Lijoka lyalikulungwa nipo likusasunila mata.

**litiŵi li.** (yeji. matiŵi) Malo gakutuluka mnope. Kuŵe. kwi.: citiŵi.

<sup>1</sup>**litika msa.** Kulipeleka kuti tiwutende kapena kukamula masengo gagapali.

<sup>2</sup>**litika li.** (yeji. matika) Yindu yangagumbala cilingo cakugalila.

- litima** *li.* (yeji. litima) Kusakalilwa ni upile wa mundu jwine.
- litimalika** *msa.* 1 Kutenda cindu mwangawutuka. 2 Kuŵa jwangacapuka citema.
- litimbe** *li.* (yeji. matimbe) 1 Mgunda wa liponda ni mbeju sine cisawu miwa wawukusaŵa ndema syejinji mu ngulugulu sulo kapena m'malambo. 2 Mgunda wa mu ngulugulu lusulo kapena nyasa.
- litindili** *li.* (yeji. matindili) Cimanga cangakomala cakusatema, kwanika ni kujakugayisya kuti ciŵe utandi wakuwujila ugali.
- litinji** *li.* (yeji. matinji/litinji) Manyasi ni yindu yine yakulimelela isyene.
- litita** *li.* (yeji. matita) Manyasi gakuti agawunjice ni kugataŵa pamo kupunda pa nsingu wa cisakata.
- lititembwe** *li.* (yeji. matitembwe) 1 Cakumela cacikumela kwene. Kuŵe. kwi.: lusoso, mkoma, msisi, mtili. 2 Cinyama camwana.
- lititi** *li.* (yeji. matiti) Cijuni cacikulungwa, cacipiliwu, calukosi lwalulewu, ca lugomo lwalukulungwa nambo soni lwakandapala cisawu lwa mbata.
- litiwo** *li.* (yeji. matiwo) Unyago wakusam'ŵina jwam'masyeto jwatandite kwene kucembesya.
- litoga** *li.* (yeji. matoga) Ciŵalo ca m'cilu mwa cinyama cakucejelela mwakuŵinda nipo pacanya pakwe pakusatama kansaku ka mesi gakuŵaŵa.
- litondo** *li.* (yeji. matondo) Cisogosi cacikulungwa cisawu cembe, cakununga cacikusasogola mu citela ca mtondo.
- litondolo** *li.* (yeji. matondolo) Lukonji lwalulewu lwakutaŵilila mbusi kwitinji kuti jigambeje kulya malo gagogopego.
- litonga** *li.* (yeji. matonga) Cisogosi ca cisawu ligulungulu cacikusasogola mu citela ca mtonga.
- litongo** *li.* (yeji. matongo) Alole ngopolo ja licende.
- litonji** *li.* (yeji. matonji) Cakumela nipo isogosi yakwe ikusaŵanguka nikukoposya yindu yayiswela yakusagombela nguwo kapena kupanganyicisya ulusi ni masengo gane.
- litono** *li.* (yeji. matono) Kalombo kaguluka kamang'omba kakuŵeŵela ni kakandapala kakujigalika ni lulanguka lya moto.
- litope** *li.* (yeji. matope) Litaka lyakuwanganicila ni mesi. Kuŵe. kwi.: utope.
- litowo** *li.* (yeji. matowo) Cisogosi cacikusasogola citela citela ca mtowo cakuti naga cikomelemo cikusaŵalukaga nipo cikusalendaga cisawu



linyolo naga nkucitawunamo.

**lituli li.** Cilingo camsimbo cakusacipanganya kutyocela ku citela kuti apomoleleje yindu cisawu yimanga, mapemba ni yine.

**litumbela li.** (yeji. matumbela) Mesi gakuwungana ni kuwoneka cisawu lituto m'nyasa kapena mu lusulo.

**litumbi li.** (yeji. matumbi) Malo ga mcanjamo nipo ndema syejinji gakusakola maganga gamakulungwakulungwa gejinji.

**litumbo li.** (yeji. matumbo) Ciwalo ca m'cilu cambugu mkati mwakwe mwamukusapitila yakulya pakutyocela ku ciwukala.

**litumbusi li.** (yeji. matumbusi) Cijuni cacikulungwa nipo ndema syejinji cikusaŵa cangali manyunya m'lukosi nambo soni cikusalya nyama ja yinyama yakuti iwile kala.

**litundusi li.** cakumela cakukwela pa citela cijakwe.

**litunjika li.** (yeji. matunjika) Cakumela camwana cakupagwa m'mawuja litepo lyakwe lili lisipucile soni.

**litunu li.** Cinyama camwitinji cacipiliwu mwine mwamswela cisawu cisuŵi, ca ngongolo syakuwujo syasilewu cakum'nong'a kukamula yilango.

**litupi li.** (yeji. matupi) Litaka lyalipwatukwice nikukamatana cisawu liganga. Kuŵe. kwi.: ligulumwa.

**litusa li.** (yeji. matusa) Cakuyimba capacilu cakuti mkati mwake mukusaŵaga mesimesipe cacikusayika ligongo lyakupya moto kapena magongo gane.

**lituto li.** (yeji. matuto) Litaka lyakuti aliwunjice ni kulikolosya cenene kuti apande mbeju. Kuŵe. kwi.: nsela.

**lituya li.** 1 Mwanace jwa mundu kapena cinyama jwakupagwa jwam'wile cile. 2 Mwanace jwa mundu jwangamalila kukomangala jwali m'citumbo mwa mamagwe.

**litwanjila msa.** Alole ngopolo ja lilumba.

**liŵago li.** Cilingo cakutema cacisyano cakusaciyika ku mpini wawulewu nipo akusacikamulicisya masengo gakulekanganalekangana cisawu kukatila ni kugwicisya yitela.

**liŵala li.** (yeji. maŵala) lidondo lya mtundu wine pa cindu cisawu pacilu ca nyama kapena nguwo.

**liwalangulo li.** (yeji. mawalangulo) Citete cakulandana ni sombe.

**liŵalangwangwa li.** (yeji. maŵalangwangwa) Ciwalo cakuŵanila

cayikusakola yinyama cisawu ngala. Kuwe. kwi.: ligongwa.

**liwale li.** 1 Cindu cilicose cakusapeleka kuti ciwe umboni wakuti ngani kapena cipasipasi cicapali, cisawu ulombela, cimasile. Kuwe. kwi.: mpamba. 2 Liganga lyakusalikulicila moto nikuponya mu yindu, cisawu yakulya ni yine, ni nganisyo syakuti yinduyo yipye.

**liwali li.** Alole ngopolo 2 ja liwale.

**liwamba li.** (yeji. maŵamba) 1 Kacindu kakuwoneka cisawu kakalaŵesa kakakusamela pacilu pa mitundu jine ja somba cisawu cambo, utaka ni sine. 2 Cimanga cam'nyambo cakuti mpaka cikombolece koca nambo mwangaŵandicisya mnopé kumoto.

**liwanda li.** Mwanace jwangamalila kukomangala jwa cinyama cisawu ng'ombe, mbusi, mbwa ni yine, jwali m'citumbo mwa mamagwe.

**liwandama li.** (yeji. maŵandama) Kaciŵalo ka mnowunowupe kakoloŵa kwejinji kakakusatama paciŵukala ku upande wakunciji.

**liwande li.** (yeji. maŵande) Malo gakuti litinji ligonile pasi ligongo lyakuti cindu cine canyikete kapena kuliŵata.

**liwanga li.** (yeji. maŵanga) Malo ga pacilu pa mundu kapena cinyama gagagwagwice lipende ligongo lya kuwulala kapena magongo gane.

**liwaniwani li.** (yeji. mawaniwani) 1 Cindu cagamba kuganicisya. 2 Cindu cangalumbana cacikolosisye mwakucilandanya ni cine cambone.

**liwanje li.** (yeji. mawanje) Yimanga yakumula nkaniyikomale.

**liwano li.** 1 Liwundika lyakoposya manina ga cisawu likoko. 2 Ciputa ca yijuni cakusacipanganya pakuŵalula mlasi kuti nkutejekulamo uŵaneje yijuniyo.

**liwasa li.** (yeji. maŵasa) 1 Mundu jwamlume ni jwamkongwe ŵalombene. 2 ŵandu ŵamkabala umo.

**liwasi li.** Lipende lyakuyika pamalo palyaliji liwanga.

**liwasi li.** (yeji. mawasi) Malo gakutuluka nambo soni gakuŵatama ga pacilikati pa matumbi kapena yikwesya.

<sup>1</sup>**liwata msa.** Kuponda cindu ni makawu kapena magudumu.

<sup>2</sup>**liwata li.** (yeji. maŵata) Cinyama cakulanga cakulandana ni nguku nambo cacilewu lukosi nambo soni calugomo lwangwasa jekulungwa cisawu cikombe nipo cikusamnong'a kung'amila m'mesi.: Kuwe kwi.: Mbata.

**liwele li.** (yeji. mavele) Ciŵalo ca pacilu pa mundu kapena cinyama nambo

cikusaŵaga cacikulungwa mnopo pa mundu kapena cinyama cacikongwe cakusajongaga mwanace.

**liŵelecelo** *li.* Cindu cacikusakopoka m'cilu mwa jwamkongwe kapena cinyama cacikongwe mwanace ali napagwape nipo calakweci ni cacikusakuŵa cili nkuteteya mwanacejo pa katema kali m'citumbo mwa mamagwe.

**liŵewe** *li.* (yeji. maŵewe) Lipananga lya moto wawukulungwa.

**liŵeya** *li.* (yeji. maŵeya) Cakuwala, cisawu kabudula, cangakamula cenene cilu.

**liŵiga** *li.* (yeji. maŵiga) Liganga kapena cindu cine cakwangata kapena kutamila ciwulugo pamoto.

**liŵinda** *li.* (yeji. maŵinda) lusigasiga lwa lusongolo pati luminyigwe mawuta.

**liŵinji** *li.* (yeji. maŵinji) Cakumela camwitinji campela mbatata nipo cikusaŵaŵa kwejinji.

**liwiwi** *li.* (yeji. mawiwi) Alole ngopolo ja lipilikanilo.

**liwogo** *li.* Upande wa cindanda wakutambalicila. Kuŵe. kwi.: Kwakutambalicila.

**liwolo** *li.* Ciŵalo cakusimanikwa kuyalo kwa mundu kapena cinyama cacilume cakulewupila nipo kumtwe kwakwe kwana lipowo lyakopocela makweso ni ulume. Kuŵe. kwi.: Ciwolo.

**liwondo** *li.* (yeji. mawondo) Cakuwala cacusacipanganya kutyocela ku likungwa lya citela.

**liwosya** *li.* (yeji. mawosya) 1 Ukala wakuwoneka mwakuŵinda nipo akuti usatendesya kuti jwakongwe alwale lukweso. 2 Lindanda lyakuti nguku kapena cinyama cine cawutamile nambo nganimukopoka mwanace nipo likusanunga mwamlokoso mwanti ngaŵa nkuligwa; kuŵe. kwi. lisisya 3 ŵalume ŵangaŵeleka.

**liwu** *li.* (yeji. liwu) Yindu yakuwululuka cisawu utandi yayikusigala naga cindu cili cipile mwakumalila cile.

**liwucisya** *msa.* 1 Kumtenda mjakwe yindu yangalumbana yakulandana ni yiŵakutendele jwalakwejo. 2

**liwukusi** *li.* Cinyama cilicose cakuwukula ni kutama mwitaka.

<sup>1</sup>**liwukuta** *li.* (yeji. makuta) Citela causamba pacilu pakwe cautomoni weswela wakamula mnopo, camasamba gamakulungwakulungwa

cakumnong'a kumela mu ngulugulu sulo.

<sup>2</sup>**liwukuta** *li.* (yeji. mbukuta) Cilingo ca nsaku wa lipende lya cinyama cakupepela moto pa cipala.

<sup>1</sup>**liwula** *li.* Alole ngopolo ja ciwula.

<sup>2</sup>**liwula** *msa.* 1 Kuputa mwamacili mnope. Kuŵe. kwi.: kudiwula. 2 Kulityosya ligwagulilo kapena yakuwala.

**liwuli** *li.* (yeji. mawuli) Mundu mnopemnopo jwamkongwe jwakuti nganaŵa pa ulombela.

**liwulika** *msa.* Kukopoka kwa yindu cisawu soso sya yimanga, uŵasi, swaji ni yine.

**liwumbi** *li.* (yeji. mawumbi) Alole ngopolo ja litaji.

**liwunda** *li.* (yeji. mawunda) Mwanace jwa ngunda.

**liwunde** *li.* (yeji. mawunde) Cindu cacikusawoneka cili nkujajaŵala mwinani cisawu lyosi nipo ndema sine cikusapeleka cikulupi kuti ula tijinye.

**liwundi** *li.* Cijuni cekulungwa cana mawiwi soni mtwe wampela come, camezo gamakulungwa, lukosi lyakuyungula mpaka kunyuma, cagulukaga, cukusakalamuka mnope ligulo kulekangana ni musi. kuŵe. kwi. Ciyisyamtima.

**liwundika** *li.* Ulwele wakosomola wakoposya mamina.

**liwundu** *li.* (yeji. mawundu) Mgunda wakalakala wakuti atandile soni kuwulima pali papite yaka yine uli mkugonela.

**liwungo** *li.* (yeji. mawungo) Kununga kapena kununjila kwa cindu.

**liwungu** *li.* (yeji. maliwungu) Cisogosi cakusogola mu lutwelo lwa mcagala wa Liwungu. Kuŵe. kwi.: Lyongu, lyungu.

**liwungutwa** *li.* (yeji. mawungutwa) Cisogosi caliwuka, cacikulungwa nambo soni cacilewu ccikusasogola mu citela ca m'wungutwa.

**liwuniko** *li.* Cindu cakuyika kukamwa kwa cindu cine cisawu mpika ni yine pakusosa kuteteya kapena kusisa yindu yayili mkatimo.

**liwupa** *li.* (yeji. mawupa) Cindu cakulimba cisawu nsengo, caliwuka, cacikusasimanikwa mu yiŵalo yine ya mundu kapena cinyama nipo cikusatendesya kuti cilu ciŵeje cakulimbangana.

**liwupulu** *li.* (yeji. mawupulu) Kalunyambi ka citela kakuti akakatile kwene.

**liwusi** *li.* (yeji. mawusi) Ciwungu caciswela cakusimanikwa pasi m'matimbe

- nipo cikusalisilila mwitaka nikulyaga miciga ja mbeju.
- liwuto li.** (yeji. mawuto) Malo gagona kapena kutama mnopemnopo cinyama.
- liwuwi li.** (yeji. mawuwi) Lijoka lyalipiliwu, lyawululu mnopo nipo likusatama m'mesi.
- liwuwo li.** (yeji. mawuwo) Malo gagakusamalicisya kusimanya cikalakasa ca mumtwe nipo gagakusatowajila nikutendaga cisawu gapumula mundu kapena cinyama cili cacinandi.
- liwuwute li.** (yeji. mawuwute) Konasika kwa yindu cisawu yakumela ni yine ligongo lya mpumbulima.
- liyaya li.** (yeji. liyaya) 1 Mtundu wa ung'asi 2 kabudula jwamkulungwa mnopo.
- liyimbaciga li.** (yeji. mayimbaciga) Cakuyimba cacikusayimba pa ciyiga mnopemnopo ligongo lyakuti ukwete liwanga pa lukongolo nipo cikusatendekasya cimbepombepo. Kuwe. kwi.: Cimbaciyiga.
- locesya msa.** 1 Kusala yindu yatiyicitendekwa kuwujo. 2 Kulosya m'malo mwa mundu jwine.
- loga msa.** Kutenda yilagu kuti mundu jwine awe, alwale kapena asimane ni yipwetesi yine.
- logo li.** (yeji. logo) Kupikanika kwa liwungo lya somba m'mesi mwasikusatama sombasyo. Kuwe. kwi.: lyogo.
- loka msa.** Kukola citumbo.
- lokosya msa.** Kutenda yindu kuti jwine ajigalice.
- lokota msa.** 1 Kupata cindu mwawupile pakwamba kucisimana picaliji mwangalajila kukamula masengo. 2 Kujigala cindu cicaliji pasi. 3 Kumdelela mundu pakumganicisya kuti jwangali macili kapena pangali campaka atende.
- lokotanya msa.** Kujigala cimocimo yindu yiyakusucile pasi.
- lola msa.** 1 Kuwugula meso gakuti galiji cisisinile. 2 Kuwugula meso ni kuti uwone cindu kapena mundu.
- lolecesya msa.** Kugalila kapena kulosya meso pa cindu mwakosoŵalila.
- loleka msa.** Kuwonecela mwangalajilila.
- lolesya msa.** Kusosasosa cindu cakuti ukupisye piwacyisile kapena cakuti ngawukumanyilila pacikusatama.
- lolosya msa.** Kumpembeka mwanace kuti amyalale.

**lomba** *msa.* Kujigala jwamkongwe jwawunonyele nikutaŵa najo liŵasa.

**lombegwa** *msa.* Kujigalwa ni jwamlume jwawunonyelene najo nikutaŵa liŵasa.

**lombekanya** *msa.* Kwataŵisya liŵasa ŵandu ŵaŵili mwangalajila acimisyene kusakana.

**lombela** *msa.* Mundu jwamlume kapena jwamkongwe kuŵa peŵasa.

**londa** *msa.* 1 Kukuya mundu jwine kwakwawula. 2 Kutega cindu ciwukusosa kuciponya kapena kusoma mwakwilanya cenene ni malo gawukusosa kuti cikayicile 3 Ngakulusya pakusoma cindu. 4 kulolela yindu pamalo kuti ikajiwigwa kapena konasigwa.

**londeka** *msa.* Kuŵa cambone kwisa soni cakulungamika.

**londola** *msa.* 1 Kutenda kapena kuŵeceta yindu yakwiticika. 2 Kuwula kapena kulanjila malo gawasisile cindu. 3 Kuwungunya ŵatesile yilagu kuti mundu alwale, awe kapena yimpate yipwetesi.

**londongana** *msa.* 1 Kuŵa mwakuyana nambo soni mwakusigasya tupesa pacilikati pa cindu cimo kuja pacijakwe Kuŵe. kwi.: ŵalaganya. 2 Kuŵeceta maloŵe gakamulana ni ga mundu jwaŵecete kala.

**londonganya** *msa.* Kuyika yindu mwakuyana nambo soni mwakusigasya tupesa pacilikati pakwe.

**longa** *msa.* Kuyika yindu mkati mwa cindu cine.

**longana** *msa.* Kwawula ku malo yimo.

**longola** *msa.* 1 Kutenda cindu ŵane nkanatende. 2 Kutenda cindu cimo pakwembecela kutenda cijakwe.

**longolela** *msa.* 1 Kuŵa jwandanda. 2 Kutandisya, kulondolela kapena kulolela likuga lya ŵandu.

**longolokola** *msa.* Kutyosya yindu cimocimo.

**longolola** *msa.* Kuŵeceta mwakwendelecela nambo soni mwakunyanyika. Kuŵe. kwi.: Kusinganga.

**longomana** *msa.* Kuŵa ŵakamulana. Kuŵe. kwi.: jilana.

**longomanya** *msa.* Kuyika yindu mwakuyiŵalaganya.

**lonjela** *msa.* Kugona yigono yigala kumalo kuwapite.

**lonya** *li.* (yeji. lonya) Cilonda cakopoka pacinena, mumtwe ni kucipundi naga mundu ali amyosile mandenga, umbo kapena ndewu.

**loola** *li.* (yeji. loola) 1 Mundu jwakulolecesya mnope 2 mtima wakusosa kuti

yindu yosope iwe yakwe.

**lopa** *msa.* 1 Ngapya cēnene, mnopemnope ugali, ligongo lya kunandipa kwa moto. 2 Kutenda yindu panandipanandi cisawu ngakusosa kapena mwakusesewala.

**loposya** *msa.* Kutanjisya ni kukamula somba ni cisopo.

**lopotoka** *msa.* Kuŵa jwangali macili.

**losoka** *msa.* 1 Kutoleka kapena kujigalika ni yindu. Kuŵe. kwi.: kokomoka.  
2 Alole ngopolo ja loŵela.

**lososo** *li.* Kulolecesya.

**losya** *msa.* 1 Kuyika pabalabalape kapena pakuwonecela yindu yakuti yasisisce. 2 Kulanjila kapena kumanyisya yindu.

**lota** *msa.* 1 Kuyiwona kapena kutenda yindu ku lugono. Kuŵe. kwi.: sagamila. 2 Kwamba kuganisisya kuti yindu yili mwanti m'yi kutendaga kuti ugwe yinduyo nganiwuyiwone.

**loŵeka** *msa.* Kuyika cindu m'mesi kapena m'cindu cakujilima cisawu mesi.

**loŵela** *msa.* Kutenda yindu mwangakalamuka.

**lowola** *msa.* Kupeleka cipanje kwa acinangolo ŵakucikongwe pakusosa kumlomba mwanagwawo.

**lucanamila** *li.* (yeji. njanamila) Lusici lwalukulungwa lwakusasimika mwipenu kuti nsakasa ulimbe.

**lucocola** *msa.* Kutyoka pamalo mwagwala nambo soni ndema sine mwakuwutuka. Kuŵe. kwi.: Tila, lukokola, lugwandula, lusyenyenda, luŵalaŵandula, lupatula, umbuka, lupopola, lumenya, kolotoka, lumininga, luwamula, tyatyatika, gudumuka, ŵiliŵitula.

**lugagayi** *li.* (yeji. lugagayi) Kupeleka yindu yamnono kutendaga kuti ukwete yejinji. Kuŵe. kwi.: Ugagayi.

**lugomba** *li.* Upande kapena malo gakulosya pacipelele cindu. Kuŵe. kwi.: mcinjika, mpika, malile.

**lugomo** *li.* (yeji. ngomo) Cimo mwa yiŵalo yiŵili yamnownowupe yakuwimbila pakamwa.

**lugono** *li.* 1 Kandu kakakusatendesya mundu kapena cinyama kuŵa cangalimanyilila nambo cili cijumi. 2 kuwugala meso cisawu awile nambo alinkupumula

**lugwandula** *msa.* Alole ngopolo ja lucocola.

**lujato** *li.* (yeji. nyato) kamnowu kakopocela mkaka kakakusaŵaga kumtepa

kwa liwēle. Kuwē. kwi.: Lunyato.

**lujeje** *li.* (yeji. majeje) Alole ngopolo ja lijeje.

**lujilima** *li.* (yeji. njilima) Mesi gakwenda mwamacili.

**lukala** *msa.* Kutenda yindu kapena kuwēceta maloŵe kwa acimijakwe gakulosya kuti mundujo asakalilwe atamuno kuti ŵanewo pangali calewile.

**lukalala** *li.* **1** Cilingo cakujigalila yindu, cangali yakamulila nipo akusacipanganya ni milasi jeŵalule nikujipala cenene. **2** Cindu cakuluka ni milasi.

**lukalaŵesa** *li.* (yeji. ngalaŵesa) Kacindu kakulimba mpela liwupa kakakusamela pacanya cakumptepa kwa cala. Kuwē. kwi.: Cikalawesa. alole soni ngopolo ja lukose.

**lukata** *li.* (yeji. ngata) Mlango wakopocela manyi kutyocela m'matumbo. Kuwē. kwi.: Lukundu, lupwasi, mtumbo.

**lukaŵi** *li.* (yeji. Ngaŵi) **1** Lipende lya mangandamanganda ga cipago lya pacilu pa mundu mnopemnope pa lutumbo lwa jwam'masyeto jwakwete citumbo. **2** Akatenda soni ni lukaŵi nganiyiŵa yawusimongo.

**lukokola** *msa.* Alole ngopolo ja lucocola.

**lukokosi** *li.* (yeji. ngokosi) Lukonji lwa ciwisa lwa ngoji lwamtela lwakusawala m'ciwunu.

**lukokoti** *li.* (yeji. ngokoti) cakumela cakutambala camasamba gampela ga maungu cikusasogola isogosi yakulyaga.

**lukolokombo** *li.* (yeji. ngolokombo) Citela cacilewu cakusacikamulicisya masengo gakolokolela yindu yayili penani panawula.

**lukolokoswa** *li.* (yeji. ngolokoswa) Cimanga ca mu cisonde cakuti cakusile mwakuwawatala. Kuwē. kwi.: lukolokombwa, lumbulukututu.

**lukoloma** *li.* (yeji. ngoloma) **1** Mpita wa mesi **2** Ngalande jakumgongo.

**lukolomo** *li.* (yeji. ngolomo) Kapende kawuluwulu cisawu mpila kakakusaŵa m'lutumbo lwa cinyama cakulya nyama nipo akuti ndema sine cinyamaco cikusakalukulaga ni kukamila soni.

**lukolopingo** *li.* (yeji. ngolopingo) **1** Cipanda cakusacitaŵilila ku katela kakalewu kuti ateceleje mesi m'cisima. **2** Katela kakutondoyecesa usito wa msingo kakusakapinjikanya pa likoyo lyankananyakula kandu nikunyikula kusi kwa msigo wawuli pa likoyo linelyo.

**lukombe** *li.* (yeji. ngombe) Cilingo cakoŵela yindu yatepetepe. Kuwē. kwi.:



Cikombe.

**lukombelo** *li.* Cilingo-cakuluka cisawu msolola cakamulila mapuku.

**lukonga** *li.* cakamulila ca mgowu.

**lukongolo** *li.* (yeji. makongolo) 1 Ciŵalo ca cinyama kapena mundu cakwendela. 2 Cilingo cacikusajimila cindu cisawu cindanda.

**lukonji** *li.* (yeji. ngonji) Cindu cakulewupila cakusacipota ni likanga, migoji ni yindu yine nipo akusacikamulicisya masengo gakulekanganalekangana.

**lukose** *li.* (yeji. ngose) Kacindu kakulimba mpela liwupa kakakusamela pacanya cakumtapa kwa cala. Alole soni ngopolo ja cikalaŵesa ni lukalaŵesa.

**lukoselo** *li.* (yeji. ngoselo) Katela kakutokonyecesya kwisimbo cisawu kwa ngala kapena soni m'meno.

**lukosi** *li.* (yeji. ngosi) Ciŵalo ca cilu cacikusalumbikanya mtwe ni ciŵiliŵili.

**lukosyo** *li.* Mtundu wa mundu.

**lukowo** *li.* Cilakolako cakusosa kulya yindu cisawu nyama, somba, mandanda ni yine.

**lukuju** *li.* (yeji. nguju) Cisogosi cacikusasogola mu citela ca mkuju cakuti ŵandu ŵane akusalyaga nipo ndema syejinji mkati mwakwe musaŵa mwana mbamba.

**lukula** *msa.* Kutyosya cindu mkamwa. Kuŵe. kwi.: suna.

**lukulusyo** *li.* (yeji. ngulusyo) Kulepela kuputa kapena kusoma pacili cindu.

**lukumbisi** *li.* kumbilakumbila yindu.

**lukunde** *li.* Mtundu wa cakumela cakulandana ni msewula nambo yisogosi yakwe ikusaŵa yakulila nipo masamba gakwe pampepe ni yisogosiyo yikusaligwa.

**lukundu** *li.* Alole ngopolo ja lukata.

**lukunula** *msa.* Alole ngopolo ja lucocola.

**lukupi** *li.* (yeji. ngupi) Wangawoneka wakutendekwa kusepucila mu yilagu. Kuŵe. kwi.: cikupi.

**lukwaku** *li.* (yeji. ngwaku) Kwiŵa cindu pakusumula mwamacili.

**lukwambala** *li.* (yeji. ngwambala) Cindu cakusapakasa ni nlasa mpela lukonji nipo ndema syejinji akusacikungaga ni kupika pacindanda.

**lukwangulo** *li.* (yeji. ngwangulo) Cindu cacisyano campela cipula cakutema

cakusacikamulicisya masengo gakulekanganalekangana cisawu kumyolela ndewu kapena kulengulila ngalaŵesa. Kuŵe. kwi.: Lwembe, wembe.

**lukwatu** *li.* (yeji. lukwatu) Alole ngopolo ja jiŵa.

**lukwes** *li.* Ulwele wawukusakamula mnopemnope cikososo nipo mundu akusatunda myasi.

**lukwimbi** *li.* (yeji. ngwimbi) Umbo syakumela kumtepa kwa cikopela.

**lulalula** *Mtagu.* Maloŵe gakulosya kuti cinduco nganiciŵa cine.

**lulanga** *li.* (yeji. lulanga) Kuŵala kwa lyuŵa ula jili jilesile kaje kunya.

**lulasi** *li.* Kumala kwa umbo mumtwe.

**lulele** *M'jonje.* Kupata cindu mwangalipila kapena kupeleka cilicose.

**lulembo** *li.* (yeji. nembo) Kaŵanga kakusakacapula pacilu kuti atikitile mtela kapena ligongo lya upoce.

**luli** *li.* Kubindicila m'nyumba kwa jwam'masyeto ni mwanace jwapali kwene.

**lulika** *msa.* Kuyika yindu malo gamo mwakusajikanya.

**lulilwa** *msa.* Kulya nikwikuta kwakusoŵa nako mtunjelele. Kuŵe. kwi.: mcedwa.

**lulimi** *li.* (yeji. ndimi) Ciŵalo camnowunowupe cangwasa jakulila, cakucejelela cacikusaŵa mkamwa mwa mundu kapena cinyama nipo cikusakamucisya pakututututa yakulya mkamwamo kwisa soni pakukoposya liloŵe. Kuŵe. kwi.: lulumi.

**lulowu** *li.* Mata gakulenda gakopoka mkamwa ligongo lya lukowo kapena magongo gane cisawu mwakusatendela mwanace jwakumela kwene meno.

**luluka** *msa.* 1 Alole ngopolo ja losoka. 2 Kuŵa canganong'a kapena ngakola macili.

**lulumala** *msa.* Kuŵa cikutile ligongo lya mcedwa.

**lulusi** *li.* Liloŵe lyakusona lyakopoka pakamwa pa mundu ali apyonyele ngomo nikupepelaga kapena kuwutila mbepo mkamwa.

**lulusya** *msa.* 1 Kuŵinisya mtwe mwakusyungusya. 2 Kusokonesya kapena kuwatanganya katende ka yindu. 3 Alole ngopolo ja cilika. 4 Kutokotesya ni kwitisya mesi cisawu mwakusatendela pakuteleka kalongonda.

**luluta** *msa.* Kuŵinisya lulimi mwagundanisya ngomo.

**luma** *msa.* Kukamula ni kupowola kapena kucuŵa cindu ni meno.

**lumba** *msa.* 1 Kukolanga mundu kapena cindu. 2 Lisegwe lyakupikanika pandema jakuti cindu cikusosa kutemeka kapena kutyoka m'malo mwakwe.

**lumbana** *msa.* Kukola mate kapena umbone.

**lumbanjila** *msa.* 1 Kukolanga lina lya mundu juŵawile kalakala mu mapopelo. 2 Alole ngopolo ja lilumba.

**lumbapa** *li.* Alole ngopolo ja likoko.

**lumbele** *li.* (yeji. mbele) Tumbeju twakutyocela mucisogosi.

**lumbikana** *msa.* Kukumulana kapena kukwetekana kwa yindu yakuti yaliji pajikajika.

**lumbikanya** *msa.* Kukumulanya kapena kukwetekanya yindu yakuti yaliji pajikajika.

**lumbili** *li.* Ngani jakwaya ndamo kapena yakutenda ya mundu atamuno soni jakwaya cindu.

**lumbisi** *li.* (yeji. acilumbisi) Mtundu wa cijuni cakucejelela kulutumbo, calisegwe nipo cikusamnong'a kutanda kulila kundaŵindaŵipe nambo soni cikusakamula tulombo twaguluka.

**lumbukula** *msa.* Alole ngopolo ja gopola, gombokola.

**lumbwesese** *li.* (yeji. mbwesese) Alole ngopolo ja licende.

**lume** *Mtagu.* Lipata lya liloŵe lyakulosya kuti cindu mnopemnopo cawumi nganiciŵa cacikongwe.

**lumembe** *li.* (yeji. membe) Kalombo ka ngongolo nsano ni lumo, mang'omba gaŵili, meso gamakulungwa nipo kakusamnong'a kutama mnopemnopo pamalo pakuti pana yindu yakusakala.

**lumenya** *msa.* Alole ngopolo ja lucocola.

**lumeta** *li.* Alole ngopolo ja lukwalangula.

**lumika** *msa.* Kutyosya myasi m'cilu mwakujiciga ni cilingo cisawu ciwuŵi pakusosa kuposya ulwele.

**lumila** *msa.* 1 Kulya cindu mwakupasya ŵandu ŵane nkanalye kapena ali alile kala 2 kutiwisya kwa cisopo (kutiwisigwa ni somba).

**lumininga** *msa.* Alole ngopolo ja lucocola.

**lumukula** *msa.* Kuŵeceta mwan gasisa maloŵe.

<sup>1</sup>**lunda** *msa.* 1 Kukusya kapena kulewuya cindu cakuti caliji cacinandi

kapena cacijipi kuti ciyice pamlingo wakuwusosa. 2 konjecesya maloŵe gaŵecete ŵane

<sup>2</sup>**lunda li.** (yeji. lunda) 1 Ukombosi waganisya ni kumanyilila yindu mwangalajilila. 2 Nganisyo syakutendela cindu.

**lundamila msa.** 1 Kuŵa panyuma pa jwine pa mlundunde. 2 Kuputa kapena kusoma cinyama kaŵili jwine ali aciputile kapena ali acisomile kala. Kuŵe. kwi.: Pakanila.

**lundandambuli li.** (yeji. ndandambuli) Lwawu lwa cinyangata.

**lundanga li.** (yeji. ndanga) 1 Kuŵeceta ngani mwakuculuya. Kuŵe. kwi.: Cingongo. 2 Yindu yayikusaŵaga ndema syejinji yigala mkati mwa cisogosi cimo cisawu lyongu, mbonda, lilalanje ni yine nipo yikusamelaga naga nkuyipandamo.

**lundanya msa.** Kuyika yindu mwakulumbikanya.

**lundila msa.** Kupundasya mpika wa cindu.

**lunduka msa.** Ngakuŵajila kapena kukutama cindu cisawu cakuwala. Kuŵe. kwi.: lundukwa, lusa.

**lundukwa msa.** Alole ngopolo ja lunduka.

**lundumbilwa msa.** 1 Kusimonga kwakusonesya nganisyo mwanti mundu jwangamanyilila yakuti atende 2 Kulwala ligongo lyakulya mnope.

<sup>1</sup>**lundumuku li.** Ŵandu kapena yinyama yayijinji yayikutyoka pamalo ndaŵi jimo.

<sup>2</sup>**lundumuku Mbika.** Mwayikusatendecekwela yindu yayipaswice.

**lundunga msa.** 1 Kusimanila mundu ali nkutenda citendo. 2 Alole ngopolo jaŵili ja lulusya.

**lunembo li.** Liŵasi lyakupagwa ligongo lya kulikacapula pacilu pa upoce kapena pakusosa kuposya ulwele.

**lung'wanu li.** Kuŵa jwakucinonyela kapena kucisosa cindu.

**lungamika M'jonje.** Kuwona kapena ngali ulemwa.

**lungumbisi li.** Kutenda m'meso wunduga yayikusatendesya kuti ulepele kuyiwona cenene yindu. Alole soni ngopolo sya Majelijeli ni Ndandagasi.

**lungusya msa.** Kwawusya kwine cindu cawupoccele.

**lungwe li.** Kalombo kampela ngumbi nambo kakusaguluka musi napula nipo cilu cakwe cikusaŵaga camiselamisela.

- lunjama li.** (yeji. njama) Alole ngopolo ja licende.
- luno li.** (yeji. luno) Malo gakuti wāndu ataŵile musi pangakaŵapa.
- lunyambati li.** Mtundu wa citela nipo masamba gakwe naga nkugayika pa cindu, gakusanyambatilaga.
- lunyanyu li.** Cakumela cakutenjela cisawu cisilisya nipo masamba gakwe gakusanyanya naga nkugakwayamo. Kuŵe, kwi.: lunyenye.
- lupatula msa.** Alole ngopolo ja lucocola.
- lupele li.** (yeji. mapele) Alole ngopolo ja litongo.
- lupembe li.** Mlango wakwinjilila nyuci mnopemnopo wa mbugu jajili m'citela.
- lupepelo li.** (yeji. mapepelo) Cilingo cakupulila mbepo kuti mundu akapikana citukuta.
- lupeta li.** (yeji. mbeta) Cindu candendela cakusaluka ni milasi kuti apeteleje yindu cisawu yimanga, mpunga ni yine.
- lupindi li.** (yeji. mbindi) Malumbiko ga yindu.
- lupiya li.** (yeji. mbiya) Makobili ga matambala kuŵa likumi kwisa gaŵili.
- lupopola msa.** Alole ngopolo ja lucocola.
- lupula li.** (yeji. mbula) Ciŵalo cacili pacilikati pa meso ni pakamwa nipo cikwete mapowo gaŵili.
- lupuso li.** Mtima wangalumbana wangasaka kuti mundu jwine akole yindu yambone.
- lupwala li.** (yeji. mapwala) Alole ngopolo ja litongo.
- lupya li.** (yeji. lupyā) Litinji lyakuti lipile ni moto. Kuŵe, kwi.: upya.
- lupyo li.** (yeji. mbyo) Cimo mwa yiŵalo yiŵili yamnowunowupe yayikusatyosya yindu yakusakala m'cilu kupwatikapo kupanganya makweso cakwandikana ni ciwango.
- lusagu li.** (yeji. lusajo) Ndamo jakwawona wāndu wane kuŵa wāngali mate.
- lusajo li.** (yeji. sajo) Alole ngopolo ja likawu.
- lusangu li.** Mnowu wawukulungwa wawukusapatika kunyuma kwa lukongolo pecela pa mbindi ja lilungo. Kuŵe, kwi.: nasangwi.
- lusasū li.** (yeji. sasū) Citela cacijumu cakusakolecesya moto.
- lusembele li.** (yeji. sembele) Cindu cacikusaŵa ndema syejinji cimpepe mkati mwa cisogosi nipo ndema cikusamelaga naga nkucipandamo. Kuŵe, kwi.: Lusongolo.

- lusimbi li.** (yeji. simbi) Ling'omba lyalilewu lyakucisusunyo.
- lusombe li.** (yeji. sombe) Mtundu wa citete cacikulungwa cisawu mgabadi nambo cikusaŵaga ca pacilu pakucejelela.
- lusonga li.** (yeji. songa) **1** Upande wakumbesi wa cindu cisawu uwa wakuti nganiwuŵa lipata kapena mciga. **2** Citela, mlasu kapena cindu cine cilicose cacisongole.
- lusongolo li.** (yeji. songolo) Cindu cacikusaŵa mkati mwa cisogosi nipo ndema syejinji cikusamelaga naga nkucipandamo. Kuŵe. kwi.: lusembele.
- lusonjo li.** (yeji. sonjo) Alole ngopolo ja lusangu.
- lusopo li.** (yeji. sopo) Katela kakusasongola nikutunjila kapena kupagalila cipagala.
- lusoso li.** (yeji. soso) Kacindu kakakusakopoka kumbeju nikulosya kuti mbejujo jikumela.
- lusuci li.** (yeji. suci) Kacindu kakapiliwu, kalusonga kakakusaŵaga kumtepa kwa manyasi ga suci.
- lusugama li.** (yeji. sugama) **1** Cakumela cakupanda cakula cisawu mtesa cakusogolela yisogosi mwitaka ca songolo sya ngulungo sayakuti ŵandu akusateleka ni kulya. **2** Cindu cimo mwa yindu yangulungo yiŵili yayikusaŵa nkasaku ka lipende nipo yikusaŵaga leleŵaleleŵa cakucitepo ca liwolo.
- lusulo li.** (yeji. sulo) Kujilima kwa mesi mwacipago mwikwaŵa.
- luswaji li.** (yeji. swaji) Cindu cawilawila cacikusaŵaga kumtepa kwa cakumela cisawu cimanga naga cili citumbwicemo.
- lusyasyo li.** Cindu cakutendekwa cisawu cine cacipali kala.
- lusyenyenda msa.** Alole ngopolo ja lucocola.
- luta li.** (yeji. luta) Alole ngopolo ja lukowo.
- lutama li.** (yeji. lutama) Cilakolako cacikulungwa mnopo ca yindu yakwete mundu jwine.
- lutando li.** (yeji. malutando) **1** Malo gakwela gasikusatulucila sulo. **2** Mkuli wawupali pacilikapti pa malo gaŵili.
- lutawu li.** (yeji. lutawu) Lulowu lwalujumulile nikulembelela kukamwa.
- lutenje li.** Cindu cacikusataŵigwa ni njelwa, magugu, matete, milasi kapena lipe pakusosa kuteteya nyumba, malo ni yindu yine nipo cikusaŵaga cangali msakasa.
- lutepa li.** **1** Mlasi wakwimicila lwawu. **2** Katela kakusasyelenga ulimbo.

Kuŵe kwi.: mtepa. 3 Katela kakusataŵilila lukonji lwa cisopo.

**lutewu li.** (yeji. ndewu) Luwumbo lwakusamela mnopemnopo mundu jwamlume kucipundi, m'majeje, pacanya pa lugomo lwa kwini ni kusi kwa lugomo lwakwicela.

**lutikwe li.** Ngoma jajinandi jakusajigomba ali ajikwapatile kungwapa.

**lutonyo li.** (yeji. ndonyo) Katela kakutyocesya sigasiga sya yakulya m'meno. Kuŵe. kwi.: Lusokonyolo, lukoselo.

**lutoto li.** (yeji. ndoto) Msela waupagwa ligongo lyakutota ni ulusi pa yindu cisawu yakuwala, sapato ni yine.

**lutotowu li.** Wangapilila ku ululu ucinandipa muno. Kuŵe. kwi.: utotowu, lunyenye.

**lutumba li.** (yeji. ndumba) Ndonya jajikusapagwa cisawu pamalo pagakusasimanila mapupa ga nyumba ni malo gane.

<sup>1</sup>**lutumbo li.** (yeji. ndumbo) Upande wa cilu wakusimanikwa mwicela mwa cidali, mkati mwakwe mukusaŵa mwana ciwukala ni matumbo.

<sup>2</sup>**lutumbo li.** (yeji. ndumbo) Upande wa cilu ca cinyama, wawukusapatika cakumeso kwakwe pasikati pa mbalati ni ciwunu nipo ukusava mpela nsaku wa ciwukala.

**lutwelo li.** (yeji. ndwelo) Cakumela cakutambala ca masamba gekulungwa gakuti akusalyaga cacikusasogola yisogosi yakusayikolanga kuti mongu.

**luulo li.** (yeji. ulo) Cindu cagumba ni lilongo cisawu mpika nambo cakulila, cakukamwa kwakunandipila nipo akusacikamulicisya masengo gakutecele ni kusunjila mesi.

**luŵala li.** (yeji. maluŵala/mbala) 1 Malo gakolosisye kuti aŵinileje maung'asi. 2 Malo gakusalima ni kupyajilaga pamlango.

**luŵalati li.** (yeji. mbalati) Mawupa gamajinji gagakusasimanikwa m'cipagala ca mundu ni yinyama yine nipo gakusateteyaga mapapu, mtima, matoga ni yiŵalo yine.

**luŵalaŵandula msa.** Arole ngopolo ja lucocola.

**luŵale li.** (yeji. mbale) Upande umo wa cindu cakasile mnopemnopo yindu cisawu lyongu, mbonda ni yine.

**luŵandasi li.** Cakumela cakutenjela nipo cikusakombolekaga kumela pajika mwangalamila pa mcagala wakwe.

**luŵando li.** (yeji. mbando) Malo gakulima mbeju syakulekanganalekangana.

Kuŵe. kwi.: Ciŵando, mgunda.

**luwanga li.** Mtundu wa yinangwa yangaŵaŵa. Kuŵe. kwi.: Maŵanga.

**luŵano li.** (yeji. mbano) Cindu cakusakolosyaga mnopemnopo pakuŵalula milasi mwangalekanganya mawupandego kuti aŵanileje yindu cisawu somba, yijuni ni yine.

**luwano li.** kumjigalila mundu kukasyepela nikumkanganika kapena kum'bana kuti asale cindu cakucisisa.

**luwaso li.** 1 Alole ngopolo jatatu ja londa. 2 Ulwele wakogoya wakusawupata mnopemnopo mundu jwalume ligongo lyakutenda msangu ni jwamkongwe jwapite panapitape. Kuŵe. kwi.: Lwaso.

**luŵejeŵeje li.** (yeji. maŵejeŵeje) Upande wakulumbikanya ngongolo ni ciŵiliŵili.

**luwembe li.** Alole ngopolo ja lukwangulo.

**luwila li.** (yeji. luwila) Litinji lyakumela mu mgunda mbeju sili siŵelece kala.

**luwolawola li.** (yeji. mbolawola) Kacindu kacisawu lusuci kakakusaŵa kucipyepye kwa tulombo cisawu nyuci nipo ndema sine kakusasigalilaga pacilu pa mundu naga kalomboko kalumile.

**luwuli li.** (yeji. uuli) Luwumbo lwaluswela lwalukusamela ligongo lya ucekulu kapena cipago cisawu mwacikusatendela citwesima.

**luwumbo li.** (yeji. umbo) Yindu yayipiliwu, yayiswela kapena yayicejewu yampela ukanga yayikusamela mumtwe mnopemnopo mwa mundu.

**luwundu li.** (yeji. luwundu) Litaka lyekuwunduce cisawu utandi.

**lwala msa.** Kuŵa jwangasimana cenene m'cilu ligongo lya cilwele.

**lwaso li.** Alole ngopolo ja luwaso.

**lwawu li.** (yeji. nyawu) Cindu cakuluka ni ulusi, likanga, migoji ni yine cakusakamulila somba kapena yinyama cisawu ngolombwe.

**lwendo li.** (yeji. lwendo) Mteto wakwambaga kwendajenda ngatamilicika malo gamo.

**lwesa msa.** Kuŵeceta maloŵe gakogoya gakum'wendela mjakwe likungu.

**lwesi li.** (yeji. lwesi) Kuŵala kwa mwesi.

**lya msa.** Kwinjisy cindu m'matumbo pakukamulicisya masengo kukamwa.

**lyalya msa.** Kulola aku nakuku cisawu kuti pana cindu ciwukusosa kugwasya. Kuŵe. kwi.: ng'anakamung'anamuka.



**lyalyasya** *msa.* 1 Kupaka yindu cisawu penti, mawuta ni yine mwangaculuya. Kuwe. kw.: tipasya. 2 Kupilisya kapena kucitendekasya cindu kuti ciwe cangalumbana. Kuwe. kwi.: Kalaŵila, Sakasya.

**lyembelela** *msa.* Kusyenga cindu cisawu lukonji mu kandu kane. Kuwe. kwi.: syenga.

**lyola** *msa.* Kuweceta ni kuseka mwakulijesya.

**<sup>2</sup>lyola** *li.* (yeji. mola) Alole ngopolo ja ciwula.

**lyolyopela** *msa.* Kunong'a cisawu mwakusatendela suga, uci kapena uwa.

**lyongu** *li.* (yeji. mongu) Alole ngopolo ja liwungu.

**lyuwa** *li.* (yeji. moŵa) 1 Cindu cacipago cakuŵawula cisawu moto cacikusaŵala musi kutyocela kwiwunde. 2 Kuŵala ni koca kwa lyuwa. 3 Ukati wakutandila pa katema kalikopoka lyuwa mpaka kuja kukapila. Kuwe. kwi.: lisiku.

## M

**m** Cilembo cangapikanika pajika.

**m'balambala** *li.* (yeji. mibalambala) Cinyama kapena cindu cacikulungwa mnopo pakuciwanicisya ni yijakwe.

**m'baŵa** *li.* (yeji. mibaŵa) Mtundu wa citela cangalakatika masamba nipo naga cikomele nyama jakwe jikusaŵa jajicejewu.

**m'bili** *li.* (yeji. m'bili) Kwimbala kwa cindu cisawu citela, uwa ni yine.

**m'bilicila** *li.* (yeji. m'bilicila) Mtundu wa cakumela nipo mijiga jakwe akusawundula nikutaga mu mboga kuti sinonye. Kuwe. kwi.: Cikasu.

**m'bilo** *li.* (yeji. acaŵilo) 1 Mundu jwangaŵa jawulongo jwajojesye kapena kusika malilo. 2 Mundu jwakuweceta kapena kutenda najo yakwelegula.

**m'bujo** *m'jonje.* Ndaŵi, upande kapena kumalo kwatukuja. Kuwe. kwi.: m'wujo.

**m'bulili** *li.* Malo gewimbice cenene gakuti ngagakum'ŵalila lyuwa. Alole soni ngopolo ja m'wulili.

**m'bwabwa** *li.* (yeji. mibwabwa) Citela cacikulungwa nipo cikusasogola yisogosi yakuti ŵandu akusalyaga.

**m'bwabwata** *li.* (yeji. mibwabwata) Cisyano cakuti acisyanile nikuwa catyatyatya. Kuwe. kwi.: mpwapwata.

**m'cilewu** *m'jonje.* Upande wawukulungwa wa cindu cisawu nyumba.

**m'cisengambali** *m'jonje*. 1 Kwenda kapena kuŵa camumbali. Alole soni ngopolo sya m'citegambali ni m'cisengwe. 2 Kulola yayikutendekwa ku upande wakumlyo kapena kumciji mwangalajila kugalawusya mtwe.

**m'cisengwe** *m'jonje*. Kwenda kapena kuŵa camumbali. Alole soni ngopolo sya m'cisengambali ni m'citegambali.

**m'magambo** *li*. (yeji. amagambo) Mundu jwakumjimba magambo panganya.

**m'magongo** *li*. (yeji. amagongo) Mundu juwaŵengene najo.

**m'mela** *li*. (yeji. mimela) Mbeju mnopemnope yimanga yayinandi yakuti nganiyiyece pakuŵelekula.

**m'mwe** *mkwimi*. Maloŵe gakwinjila m'malo mwa lina la mundu jwatukuŵeceta najo.

**m'mwenye** *li*. (yeji. amwenye) Mundu jwamswela jwa ulukosyo wa ku India.

**m'ng'wenya** *li*. (yeji. ming'wenya) Mtundu wa citela nipo cikusaŵaga cakulimba kwejinji cisawu cipisyaŵago.

**m'ŵelesi** *li*. (yeji. avelesi) Mundu jwaŵelece mwanace. Alolesoni ngopolo ja nangolo.

**m'wujo** *li*. kumalo kwawukuja kapena kwawulolite

**m'wulili** *li*. (yeji. miwulili) Malo gewimbice cenene gakuti ngagakum'ŵalila lyuŵa. Alole soni ngopolo ja m'bulili.

**m'wutasomba** *li*. (yeji. awutasomba) Mundu jwakusakamulicisya masengo lwawu pakukamula somba.

**m-** Mbwaticila japandanda jakamulanya maloŵe.

**ma-** Mbwaticila japandanda jakulosya kutupa kwa yindu yine yakuti maloŵe gakwe gakusatanda ni Li.

**mabulu** *li*. mtundu wa miwa jekulungwakulungwa mnopo nambo jangalyolyopela.

**mabwala** *li*. (yeji. mabwala) Yakuŵeceta, nganisyo, kapena yikulupi yangali mate. Kuŵe. kwi.: mambwala.

**macaka** *li*. (yeji. macaka) Tuyindu twacisyano twandumbandumba mwine soni twangulungo cisawu twatukusaŵaga pamtima pa njinga. Alole soni ngopolo ja licaka.

**macakala** *li*. (yeji. macakala) Cikalakasa ca ngonokongo jekulungwa nipo ŵandu ŵane akusacijocaga liwu lyakwelyo nikutendela swakala.

**macakapitu** *m'jonje*. Liloŵe gakulosya ndaŵi jangali pacipelela..

**macawi** *li.* (yeji. macawi) Ndamo jakutenda yindu mwacitema.

**macela** *li.* (yeji. macela) Malwawu gakutejela somba gakusatenda kwimicila ni tutela ni kululeka m'mesimo kuti somba sitanjileje. Aole soni ngopolo ja licela.

**macepele** *li.* (yeji. macepele) Ngwinyatangwinyata syakupagwa pacilu mnopemnopo ca mundu ligongo lya kwimbala ni magongo gane.

**macila** *li.* (yeji. macila) 1 Cindu campela cindanda ndema sine cangali ngongolo cakusanyakulila ŵakulwala kapena mtembo. 2 Ciŵalanjilo ca yindu kapena ŵandu ŵakupunda licila limo. Aole soni ngopolo ja licila.

**macili** *li.* (yeji. macili) Cindu cacipago cicikusatendesya mundu kapena cindu caumi atamose soni cangali umi kuti cikombole kutenda citendo.

**macingamilo** *li.* (yeji. macingamilo) 1 Ung'asi ni yitendo yakutendegwa ku unyago mnopemnopo wa msondo kapena ciputu pali pasigele moŵa gakuŵalanjika kuti akopoce kwisa soni lyuŵa lyakopoka lyenelyo. 2 itendo yakumpocela mundu jwine juŵatyosile kapena jwacilendo

**macisu** *li.* (yeji. macisu) Ndamo jakusakalilwa ni upile kapena cindu capatile mundu jwine.

**madandawusi** *li.* (yeji. madandawusi) Yindu kapena ngani jajikutendesya mundu kuti aŵe jwangasengwa nipo akusosa kuti ŵandu ŵane amkamucisye.

**madolilo** *li.* (yeji. madolilo) Mtesa wawuŵisi wangakomala. Aole soni ngopolo ja lindolo.

**magadi** *li.* (yeji. magadi) Cidulo cisawu ca bonongwe cakusakamulicisya masengo pakukolosya yindu cisawu sona jwakunusya.

**magajawisa** *li.* (yeji. magajawisa) 1 Cakuwala cepapucepapuce. 2 Cakuwala ca wilawila ca mlasa cakusawala m'ciwunu pa unyago.

**magambo** *li.* (yeji. magambo) Cileŵi caleŵile mundu kwa mjakwe.

**maganigani** *li.* (yeji. maganigani) 1 Maloŵe kapena ngani jakuwunga mundu mu mtima. 2

**magaŵagaŵa** *li.* (yeji. magaŵagaŵa) Yilonda yayikulungwakulungwa, yakucejelela yayikusakopoka pacilu.

**magaŵanyo** *li.* (yeji. magavanyo) 1 Maupande ga cindu. 2 Litala lyagaŵila yindu.

**magei** *li.* (yeji. magei) 1 Yindu yakwendela macili ga nyesi ja mu batile

kapena jakusapukusa pa macini yakusamulicila pamalo. Alole ngopolo ja ligesi. 2 Macili ga nyesi cisawu ja njasi nipo akusakombolekaga kugapitikusya kuti gapelece ndukutula, kuwala kapena kwendesya yindu cisawu sitima, micini ni yine.

**magongo li.** (yeji. magongo) Yindu yakutandisya citendo kapena yitendo. Alole soni ngopolo ja ligongo.

**magono li.** (yeji. magono) Miyasi jajikusakopoka kuyalo kwa mundu jwam'masyeto mwesi ni mwesi.

**magudulila li.** (yeji. magudulila) Kuwiliga yindu mu cakuwala mnopemnopo nguwo jakuti mundujo awete.

**magwandulule li.** (yeji. magwandulule) 1 Nembo syelewu syakulembaga kumeso kuti mundu awonece cenene ligongo lya upoce 2 mawanga gakwika ligongo lyakuti miwa jikung'alaswile

**majani li.** (yeji. majani) 1 Mtundu wa manyasi nipo gakusaŵaga gamajipi. 2 Yinyama yamwitinji yakulandana ni citumbili. Alole soni ngopolo ja lijani

**majelijeli li.** (yeji. majelijeli) 1 Ulwele wa meso wawukusatendekasya kuti upande wapacilikati wa liso uwimbice ni kacindu kampela lipende kakaswela. Alole soni ngopolo ja ng'ala. 2 Kutenda m'meso wunduga yayikusatendesya kuti ulepele kuyiwona cenene yindu. Alole soni ngopolo sya lungumbisi ni ndandagasi. 3 meso gakulila nambo soni gakutakata

**majumba li.** (yeji. majumba) Yindu ya msakasa ni mapupa yakusataŵa ni yilingo yakulekanganalekangana ni mate gakuti wandu agonejemo.

**majusi m'jonje.** Liloŵe lyakulosya ndaŵi jamunyuma nambo jangaŵa jakalakala mnopo.

**makaca li.** (yeji. makaca) 1 2 Makoŵa ga yimanga.

**makaka li.** (yeji. makaka) Yinangwa kapena makaka yakuti ayimenyile ni kuyijumusya kuti yikawola.

**makala li.** (yeji. makala) Alole ngopolo ja likala.

**makalalilo li.** (yeji. makalalilo) Mang'omba gamalewulewu ga m'mapapiko ga cinyama cisawu nguku ni yijuni.

**makalamuko li.** (yeji. makalamuko) Kutenda yindu mwakumasya lunda.

**makalangulo li.** (yeji. makalangulo) 1 Cilakolako cacikulungwa cakusosa kumwa yakumwa cisawu mesi. 2 Mumbalimbali mwa likolongo.

**makalanje li.** (yeji. makalanje) Cuma cecejewu cacikulungwa.

**makalikali li.** (yeji. makalikali) Yakulya yakuti amsigacisye mundu jwine.

**makambilo** *li.* (yeji. makambilo) Alole ngopolo ja ikambilo.

**makame** *li.* (yeji. makame) Mwanace jwakumalisya.

**makana** *li.* (yeji. makana) Yindu yayikusasyukukaga naga yimanga ni yindu yine yamtunduwu ali ayipomwele.

**makani** *li.* (yeji. makani) Ndamo jakutenda kapena kuweceta malowe mwangaŵalanjila nganisyo sya wandu wane.

**makanyato** *li.* (yeji. makanyato) Kuliwata kwa ngongolo cisawu mwayikusaŵela pakuwina ung'asi.

**makasa** *li.* (yeji. makasa) 1 Mtundu wa mongu. 2 Mang'omba gamangandamanganda.

**makasandongo** *li.* (yeji. makasandongo) Matendewu gaŵanaŵana cisawu membe.

**makasi** *li.* (yeji. makasi) Cindu cacisyano calipanda cakumyolela umbo .

**makata** *li.* (yeji. makata) Mbelemende, nsewula ni yindu yine cisawu yiyi yakuti ayitelece yewisi nambo soni yangamenya.

**makokoto** *li.* (yeji. makokoto) Sigasiga sya yakulya syakuti sikanilile ni kumulila mu cilingo ciŵayiŵisile.

**makololo** *li.* (yeji. makololo) Yindu yampela mata yakandapala nambo soni yakunanda yakutyocela kungulo.

**makolowe** *li.* (yeji. makolowe) M'mela, mnopemnope mcewele, wakusipucila kutyocela ku uŵapandile ni kukata mwaceso.

**makombe** *li.* (yeji. makombe) 1 Mbusi jajilume. 2 Cisogosi cakupagwa ku citela ca mkombe.

**makombo** *li.* (yeji. makombo) Yakulya yakusigala wandu ali alile ni kwikuta.

**makonope** *li.* (yeji. makonope) Kuŵa jwangawala cindu cine cilicose.

**makuku** *m'jonje.* 1 Kugona mwakulosya lutumbo pasi, mapuluputu kwinani.

**makumbukwa** *li.* (yeji. makumbukwa) Magombo gamakulungwakulungwa ga makoŵa gandumbandumba.

**makumi** *li.* (yeji. makumi) 1 Mtundu wa yisogosi ya mwitinji. 2 Alole ngopolo ja likumi

**makunami** *li.* (yeji. makunami) 1 Lipende lya cinyama. 2 Lyuŵa lyaŵili nambo soni lyakumalisya lya unyago wa litiwo.

**makupete** *li.* (yeji. makupete) kacilingo kakuwinjila inyama kumigunda

- kakusalinganya ni isyano yakusona nikutaŵilila ku lukonji.
- makuti** *li.* (yeji. makuti) kumlya jwakutuyana najo pa ung'asi wa juga mwakumjiŵila.
- makutu** *li.* (yeji. makutu) Yindu yamnowunowupe yampela ngomo yayikusawimbira pa likuma.
- makwale** *li.* (yeji. makwale) Somba syakuŵamba syaŵanaŵana mnopemnope sya mwikuga lya utaka.
- makwati** *li.* (yeji. makwati) Masamba gamakulungwakulungwa ga yakumela cisawu magombo.
- makwelelo** *li.* (yeji. makwelelo) Cilingo cakusacipanganya ni yitela kapena yisyano yiŵili yayilewu mwakwimika ni yine yayijipijipi mwakupinjikanya yakusaliŵata pakusosa kuŵicila malo gagali penani.
- makwemba** *li.* (yeji. makwemba) Alole ngopolo ja makaca.
- makwenyelela** *li.* (yeji. makwenyelela) Ngwinyata sya pacilu ca mundu ligongo lya ucekulu.
- makweso** *li.* (yeji. makweso) Mesi gacijete gakutyocela m'cikoso ca cinyama gagakusakopocela ku yalo.
- makwinyato** *li.* (yeji. makwinyato) Kuŵiliganaŵiligana kapena kupindikapindika kwa cindu cakoloŵa cisawu nguwo ni yindu yine.
- mala** *msa.* Wangapatika soni wa yindu yakuti yapali.
- malaka** *li.* (yeji. malaka) Maŵasi gakupagwa ligongo lyakulilembalemba pacilu.
- malambo** *li.* (yeji. malambo) 1 Alole ngopolo ja lilambo. 2 Liwupulu lyaliŵisi lya masamba gejinji lyakusalijala pasi kuti ayice nyama kapena kuti mundu jwakucimbicika atamile.
- malangano** *li.* (yeji. malangano) Yindu yakamulene kuti yitendekwe.
- malango** *li.* (yeji. malango) Ngani syakusamsalila mundu pakusosa kumjamuka kapena kumjongololela.
- malapo** *li.* (yeji. malapo) Kuŵeceta mwakutwanga kapena kulilapilila.
- malasha** *li.* (yeji. malasha) Maganga gamapiliwu, gakunyata gakusagawukula pasi ni kukamulicisyaga masengo gakolecesya moto ni yindu yine.
- <sup>1</sup>**malaŵi** *mjonje.* Lyuŵa lyakuyicisya kuswa kwa lelo.
- malekano** *li.* (yeji. malekano) Malo gakuti matala gasimene ni kwasana

- kwinjilila maupande gakulekanganalekangana.
- malemba li.** (yeji. malemba) Tumisesela twakusatukolosya mwakulekanganalekangana twakwimila kapikanice ka maloŵe gakulekanganalekangana.
- malendele li.** (yeji. malendele) Kugalawuka kwa kapinikanice ka maloŵe ga mcanda ligongo lyakuti sambano akusile.
- malenjelo li.** (yeji. malenjelo) Ndamo kapena mteto wa casa.
- malepelo li.** (yeji. malepelo) Yakulya yayisigele pandema jakulya.
- malicika msa.** 1 Kutyoka kwa upande wa cindu uwasigalile. 2 Kuŵika pacipelela kapena pambesi.
- malicisya msa.** 1 Kutenda kapena kuŵa kumbesi. 2 Kukamulicisya masengo cindu pakuŵikasya cindu cine kumbesi.
- malile li.** (yeji. malile) Malo kapena ndaŵi jakupelela cindu.
- malilima li.** Lisegwe lya kujilima kwa mesi mu lusulo kapena kupuga kwa mbungo.
- malilo li.** (yeji. malilo) 1 Kulila ligongo lya kuwa kwa mundu ni yitendo yosope yakutendekwa pakumsika jwakuwajo. 2 Cilu ca mundu jwam'we.
- malilolilo li.** (yeji. malilolilo) Yindu yacisawu mkaka kapena yine yayikusakopoka m'citela naga ali acikapile.
- malimbi li.** (yeji. malimbi) Yindu yayikusasigala yakulya yili yigayice m'cilu nipo yikusakopocela ku mtumbo nambo soni yikusaŵa yakunyalaya ni yakununga kwejinji. Aole soni ngopolo ja manyi.
- malimewo li.** mtundu wa muwa wakulandana ni kanjesa nambo ukusaŵa wagangalama.
- malindi li.** (yeji. malindi) Mteto wakulosya cisawu akutenda nawo yindu yayikutetendekwa nikuja kumpaca mundu jwinejo kuti yimpate yipwetsi.
- malingana m'jonje.** Maloŵe gakulosya kwilana kwa ngani jakuŵeceta mundu ni ngani jijapali kala.
- malipilo li.** (yeji. malipilo) Mbiya ni yindu yine yakusampa mundu ali akamwile masengo.
- malisya msa.** Kuŵika pambesi pa cindu.
- maliŵato li.** (yeji. maliŵato) Kulembeka kwa sajo pamalo paliŵete mundu.
- malo li.** (yeji. malo) Upande wakuti ni kuyika, kutama kapena kutendela kandu.

**malombo** *li.* (yeji. malombo) Ndumba sya mkwamba wa nguwo.

**malombola** *li.* (yeji. malombola) Yuma yetunjetunje yakolece mundu mumtwe.

**malonda** *li.* (yeji. malonda) 1 Mteto wakusumisya ni kusuma yindu. 2 Yindu yakusumisya.

**malonje** *li.* (yeji. malonje) Yindu yacikwanekwane.

**malonjela** *li.* (yeji. malonjela) Maupande ga ulendo.

**malopa** *li.* (yeji. malopa) Kutupa mnope kwa yakulya yakulekanganalekangana.

**malota** *li.* (yeji. malota) Malaja gamalewu mpaka kuyika m'malungo.

**malukwi** *li.* (yeji. malukwi) Yuma yekulungwa yeswela.

**maluli** *m'jonje.* Meso ni meso kapena katema kakoko.

**maluma** *li.* (yeji. maluma) Malo gayisimene ni kulumbikana yindu.

<sup>1</sup>**malumbo** *li.* (yeji. malumbo) Ngopolo sya maloŵe kapena cindu cacitendekwe.

**malundelunde** *li.* (yeji. malundunguli) Yindu yayilumbikene ni kuŵa cimo.

**malundunguli** *li.* (yeji. malundunguli) Ulwele wakokota m'matumbo.

**malungwi** *li.* (yeji. malungwi) Liwunjili lya yindu lya mtundu wine uliwise.

**maluŵa** *li.* (yeji. maluva) Upande wa cakumela wayikusatyocela yisogosi.

**malweso** *li.* (yeji. malweso) Yakuŵeceta yakogoya yakumsosela mundu jwine likungu.

**mama** *li.* (yeji. acimama) 1 Mundu jwamkongwe juŵakuŵelece ugwe. 2 Mundu jwamkongwe jwalijose jwakwete mwanace.

**mamata** *msa.* Kunyambatila kwa cindu pa cijakwe.

**mambala** *li.* (yeji. acimambala) 1 mundu jwangalondeka, jwaukoleko, jwakulaŵalaŵa, kuja palipose ŵandu ni kumdandawulaga 2 Malo gagakulupwice ku upya mu ukweti.

**mambalo** *li.* (yeji. mambalo) Yindu yayikusakopoka kwikuma pandema jakuti jwamkongwe akwete cilu.

**mamboko** *li.* (yeji. mamboko) Yindu yacisawu miwowu yayikusakopoka m'meso.

**mambulu** *li.* (yeji. mambulu) Yimanga yakuti apomwele ni kuyiteleka.

**mambwala** *li.* (yeji. mambwala) 1 Mceŵele wewawatale kapena kuti



uwajumwile mkaniwukomale. 2 Ngani jakuweceta mundu nambo jangali mate.

**mambwimbwi li.** (yeji. mambwimbwi) Tuyindu twampela ciwulo

twatukusatutuma kutyocela pasi kuja kwinani m'mesi gakusisima.

**mamenyano li.** (yeji. mamenyano) Ndamo jakutimbana.

**mamina li.** (yeji. mamina) Yindu yamesimesipe mwine soni yakandapalila, yakunanda yayikusakopoka mu mbula mnopemnopo pandema jakuti munu akulwala liwundika.

**mandenga li.** (yeji. mandenga) Umbo syakumela pacinena ni kuyalo kwa mundu jwamkulungwa.

**mandeya li.** (yeji. mandeya) Mtundu wa ung'asi wa acakongwe.

**mandilindili li.** (yeji. mandilindili) Kuwa kapena kuisisima kwa yiŵalo kwangajendelecela kwakukusatendekwa ligongo lya wangajenda cenene wa miyasi.

**mandisa li.** (yeji. mandisa) Casa kapena kuwala yakuwala yambone.

**mandiŵindiŵi m'jonje.** Kuweceta mwakusisa mate.

**mandolo li.** (yeji. mandolo) Mtesa wawuŵisi wangakomala.

**mandunji m'jonje.** Kusimana kapena kuonekana meso ni meso mwangajembecela.

**mandutu li.** (yeji. mandutu) Yimanga yakuti akalasile ni kuwulika nipo ikusaŵa yayiswela nambo soni yakoloŵa pakulya.

**manemba li.** (yeji. manemba) Ciwumbe ca Mlungu cangaoneka ni meso cacikusatama m'cilu mwa mundu ni kutendekasya kuti mundujo akole umi.

**mang'ana li.** (yeji. mang'ana) Cindu cakusimonjesya.

**mang'aning'ani li.** (yeji. mang'aning'ani) Cindu cakuti cangatendekwatendekwa.

**mang'omba li.** (yeji. mang'omba) Yindu yampela umbo yayikusamela pacilu pa yinyama cisawu nguku ni yijuni.

**mang'ungutu li.** (yeji. mang'ungutu) Cilema cakuyika mnopemnopo ligongo lya ulwele kapena kuwulala.

**mang'unung'une li.** (yeji. mang'unung'une) Mundu jwangatamilicika malo gamo.

**mang'unung'unu li.** (yeji. mang'unung'unu) Yitendo ya mundu yakusimonjesya yakulosya cisawu kuti mtwe wakwe ngawukwenda

cenene.

**mangaka li.** (yeji. mangaka) Ung'asi wakusagombela ngoma jakusajikolanga kuti lingaka.

**mangale li.** (yeji. mangale) Kutenda citagu cakuti mundu jwine akolekwe naco.

**mangame li.** (yeji. mangame) Mesi gakugwa pamanyasi, pamasamba ni yindu yine ligongo lya kuisima kapena naga ula jili jinyele.

**manganje li.** (yeji. manganje) Likoŵa lyakuŵeŵela lya muwa, mkota, mswaga ni yindu yine yamtundu wa manyasi.

**manganya li.** (yeji. vanganya) Mesi gagwa pamanyasi, pamasamba ni yindu yine ligongo lya kuisima kapena naga ula jili jinyele.

**mangaŵa li.** (yeji. mangava) Cindu, cisawu mbiya, ciwajasime kwa mundu jwine.

**mango li.** (yeji. mango) 1 Yisogosi ya mtela wa mcembe. 2 Macili gakwete mundu m'cilu gakumulila masengo kapena kutendela citendo.

**mangolo li.** (yeji. mangolo) Mwanace jwa cinyama.

**mangolongondo li.** (yeji. mangolongondo) Cilingo cakusacikolosya pakwala masalo gakusagasepa kuti gasoneje mwakulekanganalekangana nipo akusagomba mnopemnopo kumigunda pakusosa kuŵinga yinyama.

**manguku li.** (yeji. manguku) Alole ngopolo ja makuku.

**mangulu li.** (yeji. mangulu) Upande wa cilambo ca Mozambique kuŵatyoccele ŵandu ŵakolanjikwa kuti Angulu.

**mangulunyata li.** (yeji. mangulunyata) Cakumela cakutambala cacikusasogola yisogosi yakulandana ni magombo.

**mangungu li.** (yeji. mangungu) 1 Yimanga yakuti yilepelece kupomoka, nikuyiteleka kuti alye. 2 Wangatamilicika mu nganisyo kapena soni mu yitendo.

**mangwengwe li.** (yeji. mangwengwe) Alole ngopolo ja mang'unung'unu.

**mani li.** (yeji. mani) Kusakula ni kutanjisya yinyana yamwitinji mu lwawu.

**manimwinimwi li.** Kutenda yindu yakuti naga mundu jwine alape aleŵe.

**manjamo li.** (yeji. manjamo) Cakumela ca miciga jacikasu jakusawundula nikutaga mu mboga kuti sinunjileje cenene.

**manjapele li.** (yeji. manjapele) Lipende lyaleleŵaleleŵa, lyangwinyatangwinyata.

**manjawule li.** (yeji. manjawule) Alole ngopolo ja mani.

**manjesa li.** Mtundu wa manyasi gapwapwapwa, gandumba siwili, kwine kwakutulumbala, nambo gamalewu mnopé, gangali mbindi, yanakasamba, nipo ikusasogolaga cisogosi cakale cakulyaga cautanditandi, catuwaji twatukusakola utukutu pati tikomele

**manonyelano li.** (yeji. manonyelano) Ndamo ni yitendo yakulosya kusengwa ni mundu jwine.

**manulilo li.** (yeji. manulilo) 1 Yindundulimya ya pacilu pa mbango. 2 Mawupa gakutama mwakututumbala.

**manungo li.** (yeji. manungo) Liwungo lyangalumbana lya cindu.

**manunjinunji li.** yindu yakununjila kapena yakununga.

**manunu li.** (yeji. manunu) Kuweweta ni kuweceta yangali mate ligongo lya kusokonecela mtwe.

**manya msa.** 1 Kukola ukombosi wakutenda cindu. 2 Ku jwakuti waciweni kapena wacipikane cindu. 3 Kukola ndamo jakwacimbisya ni kwapikanila acakulungwa.

**manyanyambusi li.** (yeji. manyanyambusi) Ciwungu ca waje wakunyanya mnopé.

**manyasi li.** (yeji. manyasi) Cakumela canyama jangalimba, cakula mwakwima cisawu citela ca masamba gelewulewu.

**manyelanyela li.** (yeji. manyelanyela) 1 Mesi gakopoka ku cisau caciwisi cakuti cili pamoto. 2 Sigasiga sya makala kapena sasu sya pacipala syakuti nganisimalicice kupola.

**manyi li.** (yeji. manyi) Yindu yayikusasigala yakulya yili yigayice m'cilu ni kukopocela kumtumbo nambo soni yikusaŵaga yakunyalaya kwisa soni yakununga.

**manyicisya msa.** Kuŵa jwakuti wacilolecesye kapena wacipikanisye mnopé cindu.

**manyika msa.** Kuŵa jwakupikanika kwejinji.

**manyilila msa.** Kuŵa jwakuti waciweni kapena wacipikane cindu.

**manyisya msa.** 1 Kuŵa jwakuti waciweni kapena wacipikane cindu. 2 Kumsalila mundu ngani kapena cindu cacipali.

**manyomwa li.** (yeji. manyomwa) Cilanga camkasyepela.

**manyowa li.** (yeji. manyowa) Ndoŵe, ndotosi kapena yakumela yewole mnopé yakonjecesya cajila mwitaka.

**manyunyuwa** *m'jonje*. Kutama kwakupinda ngongolo cisawu ukusosa kutindiŵala nambo mwangakwayisya malungo pasi.

**mapalamandu** *li*. (yeji. mapalamandu) Yindu yakupalapatika kapena kutyoka pa cindu cine.

**mapalamba** *li*. (yeji. mapalamba) Maŵasi ga nembo sya mu mbali mwa mtwe syaŵalembaga cisawu cimanyisyo ca mtundu wa ŵandu nambo pandanda ŵalembaga ŵandu ŵakuŵina ung'asi wa mkonde.

**mapalapatwao** *li*. (yeji. mapalapatwa) Yindu yayikokwete pamalo piyakanilile

**mapalasi** *li*. (yeji. mapalasi) Maganga gakusagajala kuti ŵandu aliŵateje pakupita pamalo.

**mapale** *li*. (yeji. mapale) Maupande ga cindu cagumba ni litaka cisawu ciwulugo.

**mapali** *li*. (yeji. mapali) Alole ngopolo ja makwelelo.

**mapanga** *li*. (yeji. mapanga) Mipingu jakuti jwamkongwe jwakulwala kumwesi ajikuyeje.

**mapanje** *li*. (yeji. mapanje) Mgunda wakuti atandile soni kuwulima pali papite yaka uli nkugonela.

**mapawa** *m'jonje*. Ngali usito.

**mapelemapele** *m'jonje*. Kutenda kapena kutendekwa kwa cindu mwangajimicila.

**mapepetelo** *li*. (yeji. mapepeto) Yindu yakamucisya kulinganya cindu kuti cisalale.

**mapepulilo** *li*. (yeji. mapepulilo) Matimba ga mceŵele.

**mapeto** *li*. (yeji. mapeto) Kuwusya ngani mkasyepela.

**mapokolanyo** *li*. (yeji. mapokolanyo) Kumasya ukangani kusepucila mu cikamucisyo ca mundu jwine.

**mapomboti** *m'jonje*. Ng'ong'ondala kapena kwinyatala mnopemnopo kwa lipende lya mumtwe.

**mapote** *li*. (yeji. mapote) Ngwinyata sya pacilu.

**mapundi** *li*. (yeji. mapundi) Ndamo jakusosa kukangana ni kumenyana ni ŵane ndema josope.

**mapupu** *li*. (yeji. mapupu) Alole ngopolo ja lipaŵa.

**mapusi** *li*. (yeji. mapusi) Alole ngopolo ja mapepulilo.

**mapwelelo** *li.* (yeji. mapwelelo) 1 kuisima kapena kutulala mtima pa ngani kapena yindu yiyatendekwe. 2 kupwa / kunandupa kwa mesi mulusulo lilyagumbalile.

**masacila** *li.* (yeji. masacila) Mang'omba gakusatawila ku mpamba.

**masacimu** *li.* (yeji. masacimu) Acakulungwa wakusamkamucisya mcimwene kwimba magambo ni yitendo yine.

**masakatumbo** *li.* (yeji. masakatumbo) Kukwenya kapena kuwuta kwa pacisowu ni mumbalati kwanti mundu mpaka kulepela kwenda.

**masale** *li.* (yeji. masale) Kutukulatukula kwa minowu ja upande wine wa cilu cisawu kuti mkatimo mwana kalombo.

**masambala** *li.* (yeji. masambala) Alole ngopolo ja magajawisa.

**masambi** *li.* (yeji. masambi) Malo gakuti wandu watyosile ni kuja kutama kwine.

**masame** *li.* (yeji. masame) Alole ngopolo ja masambi.

**masanga** *li.* (yeji. masanga) Mtundu wa ngoma.

**masangalanda** *li.* (yeji. masangalanda) 1 Alole ngopolo jawili ja mangungu.

2 Kusengwa mnopu. 3 Masamba ni nyambi sya mcagala wa mtesa.

**masanjala** *li.* (yeji. masanjala) Alole ngopolo ja magajawisa.

**masanje** *li.* (yeji. masanje) 1 Kung'anda kwakusatenda wanace pakuliwanicisya kuti ali pa ulombela ni kusyasyaga yakusatenda acakulungwa. 2 Kutenda yindu ya wanace. 3 Yakulya yakusateleka wanace mwakutuyana ni kulilaga pamo.

**masano** *li.* (yeji. masano) Jwamkongwe jwamkulungwa jwa mwenye.

**masapi** *li.* (yeji. masapi) Matimba gakandapala ga mbeju cisawu mpunga ni sine.

**masawasa** *li.* (yeji. masawasa) Cisogosi ca citela ca msawasa.

**masawuli** *li.* (yeji. masawuli) 1 Malowe gakumjongolela mundu pa ngani jajipali. 2 Malowe gakamulene.

**masewe** *li.* (yeji. masewe) Ung'asi wa acandanda wakusawina mwakusumbasumba ali awete yindu yawilawila mu ngongolo ali alitawilile masewe gagajumu.

**masema** *li.* (yeji. masema) 1 Kuweceta ni kutenda yindu yangali mate ligongo lya kusokonecela mtwe. 2 Ulwele wakutendekasya masoka yinyama.

**masengo** *li.* (yeji. masengo) Citendo cine cilicose.

**masete li.** (yeji. masete) Matimba ga yimanga gakuti agawundwile kuti atelece ni kulya.  
**masije li.** (yeji. masije) Nyumba jakuti msyene wajasice.  
**masika li.** (yeji. masika) 1 Ndema jagowola mbeju kumigunda. 2 Ndema jakuti yakulya yipali yejinji.  
**masikini li.** (yeji. masikini) Mundu jwakulaga jwakupita mciwenda wenda.  
**masikwekwe li.** (yeji. masikwekwe) 1 Mundu jwampele camuko wanganya ligongo lya cilewi cakwe. 2 Alole ngopolo ja lisawusyo.  
**masililo li.** (yeji. masililo) Ndamo jakulosya wangajikutila ni yindu yakukupa ligongo yakuti ngayikuyika pa mlingo wakwe.  
**masilisili li.** (yeji. masilisili) Tumadondo twa mtundu wine pa cindu ca mtundu wine soni.  
**masimanicisyo li.** (yeji. masimanicisyo) Malumbiko ga cindu.  
**masimanilo li.** (yeji. masimanilo) Malo gakusongangana ni kutendela yindu.  
**masimano li.** (yeji. masimano) Alole ngopolo ja masimanilo.  
**masinga li.** (yeji. masinga) Tusilu twakusalemba pa cindu kuti gajinjileje meno ga cindu cijakwe.  
**masoka li.** (yeji. masoka) Ulwele wakuwatanga ututu wawukusatendesya kuti atendeje yindu yangalumbana.  
**masokolikoko li.** (yeji. masokolikoko) yindu yewawate kapena kuwawata kwa yindu.  
**masombwani li.** (yeji. masombwani) Lipanda lyakwangata lisajili lyakusatawa nyumba pacanya pa pacilikati pa mesi kapena mu mgunda.  
**masosoce li.** (yeji. masosoce) Wandu kapena asilikali wakumanyilila cenene kuputa ngondo.  
**masutesute li.** (yeji. masutesute) Alole ngopolo ja mapundi.  
**masuwani li.** (yeji. masuwani) Mapesi ga mbeju syakuti agowelee.  
**maswaswa li.** (yeji. maswaswa) Kawugu ka mu mbula kwisa soni tuwugu twine twakutyoka mu mbula kuja m'mawupa ga mumtwe.  
**masweswe mwa- m'jonje.** Kumyoleka umbo kutandila ku usyo kuja ca kwiwuwo kwakutendekwa pamagongo gane ngawaga ucekulu.  
**masyonga li.** (yeji. masyonga) Kuguluma kwa m'matumbo.  
<sup>1</sup>**mata li.** (yeji. mata) Mesi ga cisawu ciwulo gakopoka mkamwa.

<sup>2</sup>**mata msa.** Kuyika cindu kuti cikanilile pa cijakwe.  
**matakope m'jonje.** Kuŵa jwangawala cindu cine cilicose.  
**matambalicilo m'jonje.** Upande walosisye sajo mundu jwagonile.  
**matambwa li.** (yeji. matambwa) Cakuwala ca wilawila cakusataŵilila  
 m'ciunu pandema jakuŵina ung'asi mnopemnope pa unyago.  
**matana li.** (yeji. matana) Ulwele wa yilonda yakopoka yisyene yayikusakata  
 yala.  
**matande li.** (yeji. matande) Payityocele yindu kapena ngani.  
**matapata li.** (yeji. atapata) Ukana wakusamwa ali asicile malilo.  
**matapisi li.** (yeji. atapisi) Yakulya yakuti mundu ŵamisile nambo  
 yikukopocela soni mkamwa ligongo lya nselu kapena kulwala.  
**matapwata li.** (yeji. atapwata) Yakuwala yemalemale kapena  
 yepapucepapuce.  
**matapwili li.** (yeji. atapwili) Lisimbo lyangasokoka mnope lyakuti  
 ligumbele mesi gangajenda ni matope.  
**mate li.** (yeji. mate) 1 Kukamula mtima kapena kupikanika cenene kwa  
 yindu yakuŵeceta mundu. 2 Ngopolo sya maloŵe kapena yitendo.  
**matemanya li.** (yeji. matemanya) Cuma cacilewu cecejewu kapena ceswela.  
**matepa m'jonje.** Ndonya cisawu sya nyumba ja likome.  
**maticita li.** (yeji. maticita) Ngani kapena yitendo yam'kasyepela.  
**matika msa.** Kuponya yindu cisawu matope ni yine pa cindu cine.  
**matikamatika mtagu.** Kuŵa ŵajinji kapena yejinji.  
**matikana msa.** 1 Kutama pamo mwakuŵandikana mnope. 2 Kukanililana  
 kapena kunyambatikana kwa yindu.  
**matikulilo li.** (yeji. matikulilo) Upande wa cilu wakulumbikanya ciŵiliŵili  
 ni mapuuluputu.  
**matimba li.** (yeji. matimba) Makoŵa gagakusatyoka ku yimanga ni yindu  
 yine naga ali ayipomwlemo.  
**matindili li.** (yeji. matindili) Yimanga yeŵisi yetwetwetwe ni kwanika kuti  
 atende utandi.  
**matipa li.** (yeji. matipa) Maŵasi ga nembo syekulungwakulungwa sya  
 m'mapuluputu.  
**matolilo li.** (yeji. matolilo) Alole ngopolo ja lindolo.

**matyambila li.** (yeji. matyambila) Misi ja kwanawula ja mcimwene.  
**maŵambamaŵamba mtagu.** Yindu yacisawu ngose yayikusamela pacilu pa somba cisawu cambo.  
**mawawa li.** (yeji. mawawa) Ula jakunya mwakwamba kunyulunyunda.  
**maŵengu li.** (yeji. mavengu) Yindu kapena yitendo yakulosya kuti mtwe wa mundu ngawukwenda cenene.  
**mawilo li.** (yeji. mawilo) Kumenyana kwampaka ciwa.  
**mawingu li.** (yeji. mawingu) Matapisi gakopoka ligongo lya kumwa mwayi.  
**mawucisyo li.** (yeji. mawucisyo) Yitendo yakumtenda mundu ligongo lyakuti jwalakwejo nombe najo ŵakutesile yakwe.  
**mawuja li.** (yeji. mawuja) Ulendo wakutyocela kumalo kuwajile.  
**mawulukutu li.** (yeji. mawulukutu) Kutenganyikatenganyika kapena ngatamilicika mnopemnope pamalo gawugonile.  
**mawulusa li.** (yeji. mawulusa) Cakumela camtundu wine uliwise cakununjila cakusataga mu mboga.  
**mawuluwute li.** (yeji. mawuluwute) Kuliŵataliŵata kwa pamalo kwakulosya kuti paliji pana yinyama yejinji kapena mpumbulima.  
**mawundi li.** (yeji. mawundi) Ung'asi wa unyago wa ciputu wakusaŵina ŵali ali awete mawungawunga, yine kuwala m'ciwunu ni makosa ga mapesi ga yimanga kapena mceŵele.  
**mawundo li.** (yeji. mawundo) Misyungu jakusiŵasalila ŵali ku unyago.  
**mawundule li.** (yeji. mawundule) Kuliŵataliŵata kwa pamalo kwakulosya kuti paliji pana yinyama yejinji kapena mpumbulima.  
**mawungo li.** (yeji. mawungo) Kutenda litima ni misece.  
**mawuno li.** (yeji. mawuno) Mbeju syawugowe.  
**mawupawupape m'jonje.** Ganda kwejinji.  
**mawuta li.** (yeji. mawuta) 1 Yindu yakunakana yayikusasimanikwa m'minowu ja nyama. 2 Yindu yakunakana yakujilima cisawu mesi yakusataga kapena kalanjila mboga. 3 Yindu yakusapakala ŵandu pacilu ni kungope kuti lipende lyawo liŵeje lyakutipitila ni lyakuweŵa. 4 Yindu yakujilima cisawu mesi yakusataga m'macini.  
**mawuwute li.** (yeji. mawuwute) Kuliŵataliŵata kwa pamalo kwakulosya kuti paliji pana yinyama yejinji kapena mpumbulima.  
**mayimbo li.** (yeji. mayimbo) Kuyimba kwa mtundu wine uliwise kwa



pacilu.

**mayinoyino li.** (yeji. mayinoyino) Ung'asi wakuwina mundu jikape.

**mayinyoyinyo li.** (yeji. mayinyoyinyo) Yindu yakutendekwa m'kasyepela.

**mbaaba li.** (yeji. mbaaba) Somba jakulandana ni cambo, jakukamwa kwakupyonyoka panandi nambo soni jangakula mnopo.

**mbaata li.** (yeji. mbaata) Cinyama cakusalanga wandu cangongolo siwili ni mapapiko gawili soni cisawu nguku cangomo syekulungwa syakupwapwatala cakumnong'a kung'anda m'mesi.

**mbakamiko li.** (yeji. mbakamiko) Malo gakanganika ga pacilikati pa yindu yiwili yayilolegene.

**mbakatika li.** (yeji. mbakatika) Nyenyeko sya yindu yakulya.

**mbalagulo li.** (yeji. mbalagulo) kupalagula kapena kusombola cindu casyene.

**mbalale li.** (yeji. mbalale) 1 Cilambo cangali wandu. 2 Mundu jwangawumbala.

**mbalambanda m'jonje.** Kuwa pakuwonecela.

**mbalapi li.** (yeji. mbalapi) Cinyama camwitinji campela mbusi camisengo jakwima.

**mbalasati li.** (yeji. mbalasati) Mtundu wa nguwo ndema syejinji jecejewu nambo soni jamiselamisela.

**mbalasi m'jonje.** Kuwusya mbusyo pa mundu jwakuti nganalewa.

**mbalasilo li.** Tumisela twatucejewu twatukusalembekalembeka mwacipago pacilu mnopemnopo m'mapuluputu ni m'yiwigwa ni m'nasangwi.

**mbalati li.** (yeji. mbalati) Mawupa yigala gakupwapwatala ga m'cipagala gagakusateteya matoga, mtima ni yine.

**mbalawungu li.** (yeji. mbalawungu) Ciwungu cangali waje cacipiliwu mwine mwacikasu cakumnong'a kulya masamba.

**mbale li.** (yeji. mbale) Cindu cacisyano, litaka ni yine camsimbo kapena cajalaga cakusayika mnopemnopo yindu yakulya cisawu ugali.

**mbali li.** (yeji. mbali) Upande wa cindu kapena malo.

**mbalika li.** (yeji. mbalika) Tusongolo twampela mbwanda twakusogola mu m'balika twakuti wandu wane akusajenga mawuta.

**mbambangwe li.** (yeji. mbambangwe) Ngoma jekulungwa jakusakamulicisya masengo aciwenyepa.

**mbambesu li.** (yeji. mbambesu) Kalombo kampela mbamba nambo kakakulungwa panandi kakuwutuka kakuoneka mnopemnopo cawu.  
**mbambu m'jonje.** Maloŵe gakulosya yindu yakonjecesya pa ciŵalanjilo cacikolasile kala.  
**mbamu li.** (yeji. mbamu) Ugali wagaŵile mundu kuti akamate.  
**mbana li.** (yeji. mbana) Lipesa lya pacilikati pa yindu yiŵili yakuti mpaka ikombolece kusimana kapena kwayana.  
**mbanda li.** (yeji. mbanda) 1 Malekano ga nyambi sya citela. 2 Mu ngulugulu lusulo.  
**mbanga m'jonje.** (yeji. mbanga) Lisimbo lyalikulungwa lyakusimanikwa m'maganga kapena mu yitela.  
**mbangwe li.** (yeji. mbangwe) Ndomondo jajilume jekulupe.  
**mbanilo li.** (yeji. mbanilo) Mlasi waŵalwile kuti aŵanileje yindu yamoto ndi yine.  
**mbanje li.** (yeji. mbanje) Mgunda wasambano wakuti citandilile pangali mundu juŵawulimile.  
**mbapaji li.** (yeji. mbapaji) Kutupilwa masengo.  
**mbapani li.** (yeji. mbapani) Kalombo ka mtundu wa njipi kakakusasimanikwa pacilu pa yinyama cisawu mbwa.  
**mbapata li.** (yeji. mbapata) Ndamo jakuti jawusosile kaŵe ciŵe cicoco.  
**mbasa li.** (yeji. mbasa) Kapende kakaswela kagwaguka pacilu ali alamile ku ulwele wekulungwa ni yine.  
**mbata li.** (yeji. mbata) Cakumela cam'mesi camaluŵa gekulungwa geswela, gacikasu kapena gecejewu kwisa soni masamba gekulungwa.  
**mbatata li.** (yeji. mbatata) Cakumela cakutambala cakuti miciga jakwe ŵandu akusasola ni kulyaga.  
**mbatawata li.** (yeji. mbatawata) Cakumela cakujaŵala pa mesi.  
**mbati m'jonje.** Kugona camumbali.  
**mbaŵe li.** (yeji. mbave) Kanya kamwitinji kasajo cisawu sya mbwa kakusawukula masimbo gasikusatama ndinu ni tunyama twine.  
**mbe mbika.** Kuswejela kwa cindu, kwinani kapena kusa.  
**mbece li.** (yeji. mbece) Mbele sya cisogosi.  
**mbega li.** (yeji. mbega) Mtundu wa citumbili.  
**mbeju li.** (yeji. mbeju) Songolo, mbele, upande wa cakumela wakusapanda

- ni kumela. Yakumela yamitundu jakulekanganalekangana yakusalima wandu.
- mbelego li.** (yeji. mbelego) Ulwele wakuyimbikasya sajo.
- mbeleko li.** (yeji. mbeleko) Nguwo jakum'welecela mwanace jiwatotelelaga tuguwo twakutaŵila mu ndunmba syosope.
- mbelemba li.** (yeji. mbelemba) Cindu campela lupeta cepetepete mu mkombelo mwakwe.
- mbelemende li.** (yeji. mbelemende) Cakumela cacikusasongola yindu yampela msewula nambo katela kakwe kakusaŵa kakalewu nakasamba naga kali keŵisi.
- mbelenje li.** (yeji. mbelenje) Manyasi gamwana gejinji gakuŵijikana kapena yisici yepye moto.
- <sup>1</sup>**mbelete li.** (yeji. mbelete) Mapesa gakusimanikwa pa cindu ligongo lyakuti nganasimanya pakupanganya cinduco.
- mbeletembelete mtagu.** Kukola mapesa kwa cindu mpaka kulolecela yakusa, cisawu litanga, lutenje kapena nsakasa
- mbembe li.** (yeji. mbembe) Kanyama kakuswejelela kangongolo mcece ka mcila welewewu wa wenjwenje kakumnonyela kukwela m'yitela ni kulya mtesa ni yindu yine.
- mbendela li.** (yeji. mbendela) Kanguwo ka mtundu wine uliwose kakusakakamucisya masengo gakwimila likuga kapena cilambo.
- mbengo li.** (yeji. mbengo) Ciŵalo cakututumbuka cakusimankwa pacilikati pa meso ni pakamwa cana tuwugu twatukusakoposya manina.
- mbenje li.** (yeji. mbenje) Maloŵe kapena yitendo yaseko.
- mbenya li.** (yeji. mbenya) Malo gakuti lino lyakuwice.
- mbepo li.** (yeji. mbepo) 1 Moya wakwenda kutyocela malo gamo kuja malo gane. 2 Kupikana kususima.
- mbepulo m'jonje.** (yeji. mbepulo) Matimba ni yiswani yine yakusayipeta kuti asigale ni yimanga, mpunga, mapemba ni yine yamtunduwu.
- mbesa li.** (yeji. mbesa) Kalombo kaguluka kakapiliwu ka lugomo lwalulewu kakakusapekesa mbeju cisawu yimanga, mbwanda ni yine.
- mbesi li.** (yeji. mbesi) Pakupelela cindu kapena citendo.
- mbeto li.** (yeji. mbeto) Mawunjili ga usanje wakatile.
- mbewe li.** (yeji. mbewe) Mtundu wa yitela ya mkesha.

**mbewu li.** (yeji. mbewu) Kalombo kakacejewu kangongolo nsano ni lumu ka tumisengo tuwili kakumnonyela kutama m'majumba.

**mbiko li.** (yeji. mbiko) Yakulya yasalesye kuti alye kanyuma kano.

**mbila li.** (yeji. mbila) Kacindu kakusepa kang'andila acanda ka upande umo wekulungwa wine wakupyonyoka kakusakakwapula kuti katitileje pasi.

**mbilika li.** (yeji. mbilika) Cilingo cacisyano, candendela cakutelecela kapena kujigalila mesi soni cana cigolya cakopocela mesigo, ciwuniko ni cakamulila.

**mbilimo li.** (yeji. mbilimo) 1 Kupikanika ni ucimbicimbi. 2 Kutenda yindu mwakulimbicila nambo soni mwakuwusimana mtima.

**mbilipili li.** (yeji. mbilipili) Sabola jwa wanawana jwakuwana mnope.

**mbilisi m'jonje.** Kuwoneka panandi ligongo lyakunandipa kwa lilanguka.

**mbiliwili li.** (yeji. mbilivili) 1 Ngoma jajikulungwa. 2 Ngani.

**mbimbilwa li.** (yeji. mbimbilwa) Alole ngopolo ja mtandandumbili.

**mbindingu li.** (yeji. mbindingu) Misece jakutenda ni nganisyo syakuti jwakum'gambajo yipwetece mnope.

**mbindombindo li.** (yeji. mbindombindo) Kuwa ni malo gejinji gegongomale.

**mbinga li.** (yeji. mbinga) Katema kapena ndawi.

**mbinjika li.** (yeji. mbinjika) Kutamika cindu mwakatanya cijakwe.

**mbipe li.** (yeji. mbipe) Kajuni kakapiliwu cisawu namlambda kaguluka mu likuga lya yijakwe kakupatikapatika ku nyasa nambo soni kakumnonyela kulya somba.

**mbisi li.** (yeji. mbisi) Mbale jekulungwa jacitela jajalaga.

**mbisu li.** (yeji. mbisu) Kalombo kanenjenenje kakaswela kangali ngongolo kakusimanikwa mnopemnope mu yindu yewole.

**mbisyambisya m'jonje.** Kwenda mwagambaga kupitapita pamalo.

**mbito li.** (yeji. mbito) Katema kakuti mwesi usigele panandi kuwoneka.

**mbitu li.** (yeji. mbitu) Lijoka lyalipiliwu lyakutililika lya mitwe jiwili.

**mbiya li.** (yeji. mbiya) Cindu cilicose cakwiticika kuti mundu mpaka akombolece kusumila kandu.

**mboga li.** (yeji. mboga) Yakulya cisawu liponda, nyama mbwanda ni yine yakusateleka ni kutaga njete kuti alileje ugali.

**mbole li.** (yeji. mbole) Lindanda lyakuti nguku jawutamile naga

nganijisosola.

**mbolela li.** (yeji. mbolela) Cuma cakupililila.

**mbolembale m'jonje.** Malowê gakulosya kuti yindu yitendekwe panandipandi mwakusamala cenene.

**mbomondo li.** (yeji. mbomondo) Katela kakulilimbanganyicisya pakwenda.

**mbonda li.** (yeji. mbonda) Cisogosi campela cipanda cakusateleka ni kulya cisawu mongu.

**mboneko li.** (yeji. mboneko) Katema kakuti mwesi uwonece kwene.

**mbongo li.** (yeji. mbongo) Migoji jakuti akulwile ni kusagula kuti asinjile ngonji.

**mboni li.** (yeji. mboni) Mundu jwakusajisilila nganya yakuyimanyilila yakwaya magambo gakwimbana wandu.

**mbonongwa li.** (yeji. mbonongwa) Liponda lyakuti atwele ni kuteleka.

**mbopesi li.** Cindu cakusapeleka mundu kwa Mlungu kapena misimu.

**mbopo li.** (yeji. mbopo) Cipula cacikulungwa cakusakamulicisya masengo pa kukata matete ni yindu yine.

**mbosi li.** (yeji. mbosi) Ukana wakuti ugonile moŵa gatatu cilulile.

**mbu mbika.** 1 Mwacikusawonecela cindu ceswela. 2 Mwakusawonecela mundu naga apakele luwundu. 3 Mwayikusawonecela yindu naga yigumbele mu cilingo cayitasile.

**mbugalilo li.** (yeji. mbugalilo) Citela cakusakoleka ni kupinjikanya pa litanga kuti liwugalice.

**mbugu li.** (yeji. mbugu) Lisimbo lya pa cindu cisawu citela ni yine.

**mbuje li.** (yeji. acambuje) Malowê gakucimbiyicisya mundu.

**mbujuju li.** (yeji. mbujuju) Yimanga yayijumu yayitelece yambumbu. Kuŵe. kwi.: mbule, mtakula.

**mbule li.** (yeji. mbule) Yimanga yejumu yakuti ayitelece yambumbu.

**mbulilo li.** (yeji. mbulilo) Cimanyisyo cakalamusya wandu.

**mbulimbuli li.** (yeji. mbulimbuli) Cindu cilicose cangulungo cakusacitaŵilila ku lukonji ni kucisyungusyaga kuti cilileje mwakulekanganalekana.

**mbulu li.** (yeji. mbulu) Kuwungana kwa mesi ga m'cilu pa lutumbo.

**mbulukwanda li.** (yeji. mbulukwanda) Mtundu wa bulundwe jwamkulungwa.

**mbulula li.** (yeji. mbulula) Yuma yangatunga.  
**mbulumunde li.** Kalombo kaguluka kaliwuka kampela tombolombo.  
**mbulusi li.** (yeji. mbulusi) Mundu jwacilendo.  
**mbuluti Mtagu.** mtundu wa cindu cisawu nguwo jangatelesya,  
 jakukandapala.  
**mbulutu li.** (yeji. mbulutu) Lilanguka lyandanda lyakulosya kuti kusa  
 kucele.  
**mbuluwuto li.** (yeji. mbuluwuto) Twakumela twaŵanaŵana twanakasamba  
 twatukusamela pamalo pa cinyesi cisawu m'mapupa ga njelwa.  
**mbuluwutu li.** (yeji. mbuluwutu) Mbamba syecejewu.  
**mbumba li.** (yeji. mbumba). Ŵanace ŵakupagwa kwa cemwali.  
**mbumbu li.** (yeji. mbumbu) cindu cangapungula, cangatema, cangagawa,  
 mucapagwile.  
**mbumu li.** (yeji. mbumu) Ulwele wakupumula mwakulajilila ligongo lya  
 wangakamula cenene masengo wa mapapu.  
**mbunda li.** (yeji. mbunda) Cinyama ca mwitinji camisela jeswela  
 jakupacisyana ni jepiliwu cakwima mtwe mpela bulu.  
**mbungala li.** (yeji. mbungala) Mtundu wa mpunga.  
**mbungo li.** (yeji. mbungo) Mbepo jakuputa mwamacili.  
**mbuni li.** (yeji. mbuni) Cijuni cacikulungwa mnope nambo cangaguluka,  
 cakuwutuka mnope, ca lukosi lwelewu lwangali manyunya, kamtwe  
 kakwe kamwana.  
**mbunju li.** (yeji. mbunju) Cinyama camwitinji ca mtundu wa ngolombwe  
 nambo cekulungwa kupunda ngolombwe.  
**mbunumbu li.** (yeji. mbunumbu) Kamsengo kamwana ka ndembo.  
**mbusa mtagu.** Cindu cakonjecesya, cakulandana ni cakukamulicisya  
 masengo.  
**mbusambusape pa- m'jonje.** kutenda kandu pacabecabe, pangali cakupata,  
 pangali pindu kapena pangali cakupocela cilicose.  
**mbusi li.** (yeji. mbusi) Cinyama cakulanga ca yikotwa yakulandana ni ya  
 ngolombwe nambo cekulungwa panandi cakuti pakulila cikusati mee.  
**mbusyo li.** (yeji. mbusyo) Citendo mnopemnope cangalumbana  
 cakumtendela mundu jwine ligongo lyakuti jwalakwejo nombe najo  
 ŵakutendele cindu cine cakwe.

- mbutu li.** (yeji. mbutu) Tumitolo twa manyasi twakusatawa ni kponya pamsakasa.
- mbuu li.** (yeji. mbuu) Kalombo kacisawu utitili kakakusawandisya ulwele wakasa ni kukolesya moto cilu mwakutandilatandila.
- mbuwa li.** (yeji. mbuwa) Ukulu kapena kuweŵela kwa cindu cisawu litabwa.
- mbwa li.** (yeji. mbwa) Cinyama cakulanga cakulondela pamlango kapena cakusakula yinyama mwitinji.
- mbwaji li.** (yeji. mbwaji) Ndamo jangasosa kukamula masengo kapena kutenda citendo ngaŵa ligongo lya ulesi nambo magongo gane.
- mbwanda li.** (yeji. mbwanda) Cakumela cakupanda cakula mwakawukutu cacikusasogola tusogosi twatulewulewu cisawu twa likwanya tusongolo twakweto tukusaŵa twapwapwata twine twawuluwulu twakuti wandu akusateleka kutenda mboga.
- mbwani li.** Yinangwa yecejewu.
- mbwatembwate m'jonje.** Cindu cakupeleka mwakonjesya pa yindu yasumene.
- mbwawa li.** (yeji. mbwawa) Yindu cisawu mtesa yakuti yijumwile mwakunyala ligongo lyakuti wasosile nkaniyimalile kukomala.
- mbwe mbika.** 1 Mwayikusawonecela yindu yakuti agambile kuyiponya pamalo posepepo mwangayilondesya cenene. 2 Kukopocela pamalo.
- mbwela li.** (yeji. mbwela) 1 Yakumela yakola mbeju syakwesyakwe cisawu mwayikusaŵela ni yimanga. 2 Mbeju syapandile m'malo mwa sine syasijonasice pa magongo gakulekangalekangana cisawu lulanga lwakwendelecela.
- mbwepa li.** (yeji. mbwepa) yindu yangakomala.
- mbwepwe li.** (yeji. mbwepwe) Yimanga yameso gaŵanaŵana yangalimba pakutawuna naga uli uyikalasile. Kuŵe. kwi. Kambwepwe.
- mbwese li.** (yeji. mbwese) Yuma yangatunga.
- mbwesoli.** (yeji. mbwesoli) Cakumela cakupanda cakula mwakawukutu cacikusasogola tusogosi twatulewulewu cisawu twa msewula nambo tusongolo twakweto naga tujumwile tukusaŵa twanakasamba cisawu mbele sya linylolo.
- mbwi m'jonje.** Mwakusatendela mundu jwakusumba.
- mbwila m'jonje.** Mwakusawonecela mundu jwakusumba.

- mbwinya li.** (yeji. mbwinya) Ndamo jakuwa jwakusakalilwa, jwangagopoka ni kukunguluka ni wandu wane.
- mbyo li.** (yeji. mbyo) tindu tuwili twangulungo twamlutumbo mwa cinyama twatukusasimanika pacilikati pa matoga
- mbyu li.** (yeji. mbyu) Mbwanda syecejewu.
- mcaca m'jonje.** Kusenga umbo ni kuleka sine cisawu cingangalimba ca nguku.
- mcagala li.** (yeji. micagala) Litepo lya cakumela cisawu mtesa, mongu, mbonda ni yine.
- mcalamila li.** (yeji. micalamila) Citela cakusapangana nambo soni cacipiliwu pacilu pakwe wandu wane akusacisepa kutenda mtela wawukusa wa wakuwa wa mnope.
- mcalumo m'jonje.** Malowe gakulosya kulandana kwa yindu kapena ngani. Kuwe. kwi. yalumo.
- mcanamila li.** (yeji. micanamila) Citela cakola masamba gewisi caka cosope.
- mcanda li.** (yeji. acanda) Mundu jwamlume jwamnandi jwakuti nganakwanisye yaka yakulombelela.
- mcanjo li.** (yeji. micanjo) 1 Liwunjili lya mataka. 2 Upande wa litumbi wawutesile ndonya. Msewu kapena litala lyakutendekwa pakucika litaka kuti liwe pamcanjamo pamalo ga cinyesi.
- mcece mtagu.** Ciwalanjilo ca yindu cakuya pa yitatu nambo soni ngayika pa nsano.
- mceje li.** (yeji. miceje) Kutetemela panandi ligongo lya woga kapena kusengwa.
- mcele li.** (yeji. micle) Citela cakisawu mta wa camasamba gawana wana cakuti cikusakomboleka kumela pacitela cijakwe wandu wane akusagoma utomoni wakwe kutenda ulimbo nambo soni tusogosi twakwe yinyama yine ni wandu akusalyaga.
- mcese li.** (yeji. micese) Mundu jwakuti amtyosisye njama kuti akawelega.
- mcesela li.** (yeji. micesela) Ngani jakutesya soni.
- mcesulo li.** (yeji. micesulo) Mesi gecejewu gakupagwa pakuloweka upande wa citela ca msece.
- mcewele li.** (yeji. micewe) Cindu cakumela ca mtundu wa manyasi cacikusa weleka yindu yepiliwu yampela usanje yakusapomola ni kutenda



utandi.

**mciga li.** (yeji. miciga) Upande wa cakumela wakuti pakukula ukusajinjila pasi.

**mciji m'jonje.** 1 Upande wa cilu kwawuli mkono kapena lukongolo lwangali macili mnope. 2 Yindu yakuti ngawukusayinonyela.

**mcila li.** (yeji. micila) Ciwalo ca cinyama cacilewu kapena cacijipi cakumela penani pa lupwasi mwakulumbikana ni mgongo.

**mcililo li.** (yeji. micililo) Cisyano cesongole upande umo winewo ni kuweca citela cakamulila cakucikulicila moto ni kupowolelaga mipini.

**mcilingo li.** (yeji. wayilingo) Mundu jwayipanje.

**mcilu li.** (yeji. micilu) Liwukutu lya mtundu wine uliwose.

**mcimba li.** (yeji. micimba) Manyi gakulimba.

**mcimbo li.** (yeji. micimbo) Lijani kapena citumbili cekelungwa.

**mcimwa m'jonje.** Kuwa jwangasengwa, jwa ndwii.

**mcinjika li.** (yeji. micinjika) Malo gakulosya mwawupelele nambo soni mwawutandile upande wine.

**mcinjo li.** (yeji. micinjo) Mteto wakwaciga wandu kapena yindu yayijesileje kuti yijime.

**mcisango li.** mkumanyilila kapena mundu jwakumanyilila yindu yakusisika.

**mcitagambali M'jonje.** kwima mwakutagambula ngongolo.

**mcocoko li.** (yeji. micocoko) Mteto wakwatyosya wandu masengo.

**mcocolelo m'jonje.** Kulima kamjololo kakuti kakamucisye pakulima mgunda wasambano.

**mcokoco li.** kupungula wandu wamasengo mwakusatendela makampani naga wanduwo atupile.

**mcokoto li.** (yeji. micokoto) Kampici kesongole kakusolela tusimbo.

**mcokwe li.** (yeji. micokwe) Yimanga yakuti apomwele ni kupeta.

**mcololo li.** (yeji. micololo) Malo gacikwesya gakuti mesi ga m'lusulo gakutendaga kugwa pakuja kwicela.

**mcoma li.** (yeji. micoma) Ngoma jmwana.

**mcombwa li.** (yeji. micombwa) Ung'asi wakusang'anda wandu wawili pakuwika tuganga, kapena yindu yine mu tusimbo mcecemcece m'cijipi ni nsano kwisa tutatu m'cilewu palitabwa kapena pa cindu cine.

**mcongwe li.** (yeji. micongwe) Citela ca tusamba twawanawana cakucejelela,

camiwa jeswela nambo jelewulwuwu.  
**mculusi li.** (yeji. aculusi) Mundu jwakendajenda kutyoka malo aga ni kuja malo gane kupita mcisumisya yindu yaŵanaŵana.  
**mdala li.** kuŵaluka kwa lipupa lya nyumba kapena ciŵiga.  
**mdalanga li.** (yeji. midalanga) Mtundu wa ung'asi.  
**mdangwe li.** (yeji. midangwe) Lukonji lwapacanya kapena kusi kwa lwawu lwakutejela somba.  
**mdeca li.** (yeji. mideca) Katela kakwinjicisya woga mu uti ja cikala.  
**mdendenga m'jonje.** Kuwala mwangakwanila cenene.  
**mdumba li.** (yeji. midumba) Mpamba wangali lusonga.  
**mdumu li.** (yeji. midumu) Cisowu cacikulungwa.  
**mela msa.** Kukopoka mwitaka kapena pa cindu cine ni kulosya masamba cisawu mwasikusatendela mbeju syapandile mundu.  
**mele m'jonje.** Kutenda cindu uli mkumanyilila cenene yakuya yakwe ni yine yosope.  
**melemenda msa.** Kuwoneka mwakuŵala kapena kunyesimila.  
**membe li.** (yeji. membe) Kalombo ka ngongolo nsano ni lumo, mapapiko gaŵili, meso gekulungwa, cilu cawajewaje kakusimanikwa mnopemnopo pamalo payili yindu yakunyalaya.  
**memena msa.** Kupweteka kwa cisawu kutawuna kwakupikanika mnopemnopo m'mawupa.  
**memenesya msa.** Kulila kwajikusatenda mbusi jelume pakusosa kuwukwela mkolo.  
**menya msa.** Kutyosya likoŵa lya cindu. 2. Kuputa.  
**menyeka msa.** 1 Kutenda yindu yakulosya kulukala. 2 Kutyoka kwa likoŵa lisyenepe.  
**menyula msa.** Kugaŵa cindu m'maupande ni yala.  
**mesa msa.** Kutyosya manyunya ni mang'omba ga cijuni.  
**mesi li.** (yeji. mesi) Cindu cacipago cacikusaŵika ni ula nambo soni cikusasimanikwa cili mkujilima mu sulo ni nyasa.  
**mesya msa.** Kuŵala kwa lilanguka lya njasi.  
**meteka msa.** Kupaka mwakuponya yindu yatepetepe cisawu likoko pa cindu cine.  
**mgalawu li.** (yeji. migalawu) Liwukutu lyakuti masamba gakwe gakusalola

- ku lyuŵa nambo son kuti gakuŵumbutukuka naga kuli kwana lyuŵa.
- mganda li.** (yeji. miganda) Ung'asi wa Acheŵa wakusaŵina acalumelumpe ni kwimbilaga ngoma jekulungwa jekunje lipende mbali siŵili.
- mgawo li.** (yeji. migawo) Cindu cakusogola mu mcagala wa cisawu wa mbonda, campela cipanda nambo cana cakamulila cakusamwela ŵandu ŵane mesinambo soni utobwa.
- mgogo li.** (yeji. migogo) Cindu cacitendekasisye kuti ŵandu alepele kupita mu msewu kapena litala cisawu citela cacigwile ni kupinjikanya petala.
- mgoji li.** (yeji. migoji) Likungwa lyakoloŵa lyakusakulula ŵandu ni kutendelaga masengo gakulekanganalekangana cisawu kutaŵila ndenje, kusinga ngonji ni yine.
- mgole li.** (yeji. migole) Citela cacistawu ca yikunda cacikusaŵeleka yisogosi yakolanjikwa kuti koko.
- mgomba li.** (yeji. migomba) Citela cacilewu cakusatandalika pa mapupa ga nyumba kuti ajimicile acikalunga ŵakwangata msakasa wa nyumbajo kapena soni kuti agonecele acikapitolosi.
- mgongo li.** (yeji. migongo) Upande wa cindu caumi wawuli kunyuma kutandila mwicela mwa lukosi kuja kuyika mwinani mwa mapuluputu.
- mgongondo li.** (yeji. migongondo) Kaganga kamwana kakusatendela kuti lisyago likaŵa lyakutililika.
- mgosa li.** (yeji. migosa) Mtundu wa citela.
- mgoso li.** (yeji. migoso) Mpingu wakusosekwa kuwukuya pa ndamo sya acinangolo ŵakala.
- mgulungulu li.** (yeji. migulungulu) Citela cakuwuka, cakutililika camasamba gaŵana cakusogola yisogosi ya wuluwulu cisawu yikunda yakuti naga yijiwilemo yikusaŵa yacikasu mwa ŵandu ŵane akusakasa nikulyaga.
- mgumbayiŵiga li.** (yeji. acigumbayiŵiga) Mundu jwakusapanganya yiŵiga.
- mgunda li.** (yeji. migunda) Malo gakulima mbeju syakulekanganalekangana.
- mgundanguluwe li.** (yeji. migundanguluwe) Cakumela ca uluŵa cakula mwaliwukutu.
- mgungu li.** (yeji. migungu) Mbalapi jajilume jakuti jili jikape.
- mgwala li.** (yeji. migwala) Cisyano cacilewu cepinde ni kupanya panandi upande umo cakunyikulula yindu yawusito.

**mgwalangwa li.** (yeji. migwalangwa) Citela cacipiliwu cangali nyambi  
capacilu cisawu cipyaji cikusasogola yisogosi yanakasamba yili yewisi  
nikucejela naga yijumwilemo yakuti wandu wane akusang'wenya ni  
kulyaga.

**mikumbu li.** (yeji. mikumbu) Ngunde, mbelemende ni yine yakuti atelece  
yewisi yangamenya.

**mila msa.** Kwinjisa yindu m'matumbo kutyocela mkamwa.

**milanya li.** (yeji. milanya) Mtundu wa magombo.

**milimisika msa.** Kupukunya cilu pakuwina ung'asi.

**milo mbika.** Mwakusatendela mundu jwakwinjisa cindu m'matumbo  
kutyocela mkamwa. Kuwe. kwi. milu.

**mimina msa.** 1 Kwenda mwapendapenda ligongo lya kusitopelwa. 2 Kutaga  
yindu yakujilima cisawu mesi m'cilingo cine kutyocela mu cilingo  
ciyaliji.

**minala msa.** Kwikuta mnope.

**minangula msa.** 1 Kulya cindu cisawu ugali mwakuculuya. 2 Kugaŵa cindu  
cisawu mbamu ja ugali mwakusya.

**minigasya msa.** Kwimika mapuluputu pakuwina kapena pakwenda.

**minika msa.** Kupinda ni kutota kumbesi kwa nguwo kuti jikakululukaga.

**mininga msa.** Kugomba ngoma jakulongolela ja maloŵe gamwana  
jakolanjikwa kuti ciminingo.

**miningula msa.** 1 kupinda ngomo 2 kulilisa mnope 3 kukata mbamu  
jekulungwa pakulya 4 kulipindaga pakulijongola mpaka kulumba  
mumbindi

**minya msa.** Kukamula mwamacili kwakuti yindu yayili mkati mpaka  
kuwulutuka.

**minyanya li.** somba syakuti awuleje nikusijanika nambo nganisijumulisa

**minyikanya msa.** Kukanganika kwakusoŵa pakupumulila kapena pakutilila.

**misa msa.** Kuponya yindu cisawu mbeju kapena mesi pamalo.

**misago m'jonje.** Upande wakusalosya mundu mtwe pagona.

**misanga msa.** Kukamulicisa masengo yindu mwawasasi.

**misila msa.** Kumtaga mundu jwine mesi, mataka kapena msanga.

**mitala li.** (yeji. mitala) Ndamo jakulombela acakongwe wakupunda jumo.  
Alole soni ngopolo ja ciyele.

- mitatu li.** (yeji. mitatu) Kukola litima.
- mitukuti li.** (yeji. mitukuti) Ngunde, mbelemende ni yine yakuti atelege yewisi yangamenya.
- miwula li.** (yeji. miwula) Miwa jangoŵe.
- miwumbi li.** (yeji. miwumbi) Ula jakunya panandipanandi nambo mwakwendelecela.
- miyasi li.** (yeji. miyasi) Yindu yacisawu mesi yecejewu yayikusajenda m'mitasi ja m'cilu mwa wandu ni yinyama yine.
- miyule li.** (yeji. miyule) Kanguwo kakamulicisya masengo cisawu lamba.
- mjakwe li.** (yeji. acimijakwe) Mundu jwakunguluka ni kutenda najo yakulekanganalekangana.
- mjalajala li.** (yeji. mijalajala) Ndamo jangatamilicika kapena jangakola lung'wanu ni yindu.
- mjale li.** (yeji. mijale) Citela cacikasu cisawu msetanyani cikusasogola tusogosi twakuti naga tujumwilemo wandu wane akusakasa nikulyaga cisawu mtesa.
- mjalo li.** (yeji. mijalo) Mtundu wa citela camiwa cakuti lusasu lwakwe lwangali usito mciga wakwe wandu wane akutaŵa pa lukongolo kuti lulece kupweteka.
- mjamilo li.** (yeji. mijamilo) Kutenda lisegwe mwakwesya malowe pakutopola yinyama kapena kulosya wangakamulana ni yitendo mwine soni yakuweceta mundu jwine.
- mjangu li.** (yeji. acimijangu) Mundu jwawukusakunguluka ni kutenda najo yitendo yakulekanganalekangana.
- mjawo li.** (yeji. acimijawo) Mundu jwakusakunguluka ni kutenda najo yitendo yakulekanganalekangana mundu jwine.
- mjembo li.** (yeji. mijembo) Cipanda cekulungwa.
- mjengwe li.** (yeji. mijengwe) Mu ngulugulu lusulo kapena nyasa.
- mjenjemeso m'jonje.** 1 Kulola kosekose. 2 Kulola mwakunyinya. 3 Kusagula cindu cangalumbana kutyocela pa yindu yejinji yakuti usagule.
- mjenu li.** (yeji. acimijenu) Mundu jwamkusakunguluka ni kutenda najo yitendo yakulekanganalekangana.
- mjetu li.** (yeji. acimijetu) Mundu jwatukusakunguluka ni kutenda najo yitendo yakulekanganalekangana.
- mjika li.** (yeji. mijika) Cakumela cam'mesi camaluwa gekulungwa geswela,

- gacikasu kapena gecejewu kwisa soni masamba gekulungwa.
- mjilinjili li.** (yeji. mijilinjili) Ulwele wakwendela mwesi wakuti mundu akusakomoka ni kukopokaga ciwulo kukamwa.
- mjina li.** (yeji. mijina) Umbo syejipi syakuti sikukopoka kwene.
- mjinga li.** (yeji. ajinga) mundu jwangamanyilila cakatenda, jwangalijiganya, jwangamanyilila kutenda citendo cine.
- mjitila li.** (yeji. mijitila) Mteto wakutaga mesi pamalo kuti mbeju sikule.
- mjoka li.** (yeji. mijoka) Cakumela cakatambala cacikusakola mciga wekulungwa cisawu lipeta nambo wangulungo wandu wane akusasola ni kutenda mtela.
- mjombo li.** (yeji. mijombo) Citela cakutililika nambo soni cecejewu pacilu camasamba gawanawana wandu akusakulula migoji cakatendela masengo gakulekanganalekangana.
- mjowe li.** (yeji. mijowe) 1 Lukonji lwakuwutila lwawu lwakamulila somba.  
2 Mundu jwakusapaka utoto mawato.
- mjusi li.** (yeji. acajusi) Mundu jwawuwendi.
- mjuwajuwa li.** (yeji. mijuwajuwa) Umo mwa mitundu ja yitela yamwitinji yakola maluwa.
- mkaci li.** (yeji. mikaci) Catela camwana camasamba gawanawana gewisi cuku ni cawu cakwe cikusasogola tusogosi twecejewu.
- mkago li.** (yeji. mikago) Upande wa nguwo wakuwile.
- mkaju li.** (yeji. mikaju) Citela camasamba gekulungwa ngwamba gewisi cuku ni cawu cakwe cacikusasogola cisogosi cana kacindu kampela lumbwanda kucitamilo kwakwe kakuti mkati mwakwe mukusa wa mwana kacindu kampela mtesa kakusalya wandu wane.
- mkaka li.** (yeji. mikaka) Yindu yakujilima cisawu mesi yayikusakopoka m'mawe le ga yinyama cisawu ng'ombe, mbusi ni yine nambo soni mundu jwamkongwe naga ali awelece mwanace.
- mkakatuku li.** (yeji. mikakatuku) 1 Cindu cilicose cakulimba mwanti gwa.  
2 Umo mwa mitundu ja yitela yakulimba.
- mkako li.** (yeji. mikako) Mtundu wa citela.
- mkala li.** (yeji. mikala) Mundu jwakumnong'a ukangani nambo soni jwangaka wa kupya mtima.
- mkalati li.** (yeji. mikalati) Citela cakulimba cakuti cikusasogola yisogosi yayikusakola songolo m'makowa gakumenyecela m'cilewu cisawu ga

mtesa.

**mkalimo** *m'jonje*. Kulemwesya ngani kapena katende ka cindu.

**mkalo** *li.* (yeji. mikalo) 1 Cindu cacisyano, camwana nambo soni cakutema cakatila yindu. 2 Cindu cacisyano ca upande umo wamwana wine wekulungwa cana cakamulila cakusakoŵela matope pakutaŵa cindu ninjelwa.

**mkambako** *li.* (yeji. mikambako) Cinyama, cisawu mbata, celume.

**mkamusi** *li.* (yeji. acimkamusi) Mundu juŵawumbele kala jwakusampa mwali kuti amkamucisyeje ni kumsalila yindu yine yakusosekwa kutenda ku unyago.

**mkamwa** *li.* (yeji. mkamwa) Upande wa mtwe wa cinyama wawukusasimanikwa meno ni lulimi.

**mkanda** *li.* (yeji. mikanda) Lamba jwa lipende.

**mkang'anda** *m'jonje*. Kucenyendela umbo.

**mkangamba** *li.* (yeji. mikangamba) Umo mwa mitundu ja yakumela ya m'mesi ya masamba ni maluŵa gekulungwa.

**mkangande** *li.* (yeji. mikangande) Citela ca mwitinji ca miŵamiŵa nambo soni cikusasogola yisogosi yakulandana ni ya masawu.

**mkangandembo** *li.* (yeji. mikangandembo) Katela kangakula mnope nambo kakutenjela, kapacilu pakuwuka soni masamba ganakasamba, kakusogola isogosi yambele yakulyaga soni yakunong'a mnope.

**mkangawula** *li.* (yeji. mikangawula) Citela capacilu pakusapangana cacikusasogola yisogosi yaŵanaŵana yayikusaŵa yepiliwu nambo soni yakulimba mnope naga yijumwile ŵandu ŵane akusayikasa nikulyaga tuyindu twatukusaŵa mkati mwakwe twakunong'a cisawu mtesa.

**mkapa** *li.* (yeji. mikapa) 1 Citela ca utomoni wejinji wakuwoneka cisawu mkaka wokusawukamulicisya masengo gakucapila yindu. 2 Yimanga yayitumbwice mkaniyikule mnope.

**mkapwe** *li.* (yeji. mikapwe) Cuma camwana cecejewu cisawu njelwa jejoce.

**mkasa** *li.* (yeji. mikasa) Umo wa mitundu ja yitela.

**mkasawulo** *li.* (yeji. mikasawulo) mwanace jwangakamulika, jwangapikana yakuŵeceta ya ŵandu, jwagulucila.

**mkaso** *li.* (yeji. mikaso) Cindu campela tebulo ndema sine cikusakola yitungulu cakusatamika libokosi lya malilo kapena kujigalila malilo pakuja ku malembe.

**mkate li.** (yeji. mikate) Cakulya cakusapanganya pakuwanganya utandi ni magombo ni kuyitwa mwituli kaneko ni kuyiyika m'makwati ga magambo ni kuyiteleka.

**mkati m'jonje.** Malo ga pacilikati pa yindu yaŵijilile mu mbali mwakwe.

**mkeka li.** (yeji. mikeka) Cindu cakusaluka ni mlasa kuti atamileje kapena kugonela.

**mkoba li.** (yeji. mikoba) Cindu cilicose canguwo, calipende kapena cakuluka cakusacikolosya kuti ajigalileje yindu.

<sup>1</sup> **mkoka li.** (yeji. mikoka) Cinyama cangongolo mcece, cisawu mbusi, ng'ombe ni ngondolo caganda mnope ligongo lya kulwala kapena kupelebela yakulya.

<sup>2</sup> **mkoka li.** (yeji. mikoka) Cijuni cacipiliwu mwine mwamcejewu camanyunya gejinji pamtwe cakuti naga cilisile ŵandu ŵane akusakulupilila kuti ula tijinye.

**mkokakokape m'jonje.** Ngakola mnowu.

**mkokoliko m'jonje.** Litala lyakutunjila yuma ni ngonji makumi gaŵili.

**mkokomoko li.** (yeji. acimkokomoko) Mundu jwakunyepala.

**mkokonasimba li.** (yeji. mikokonasimba) Citela caliwuka cakutililika pacilu nambo soni ca likungwa lyakapala cisawu lya mpolowoni.

**mkoli li.** (yeji. acimkoli) Mundu jwakamwilwe ku ngondo.

**mkolipo li.** (yeji. mikolipo) Nyumba jandendela jamsakasa wamwinani mnope.

**mkolo li.** (yeji. mikolo) Cinyama cekongwe.

**mkologo li.** (yeji. mikologo) 1 Ukana wakuti umasile moŵa mcece citelecele. 2 Cindu cilicose cakuti mundu naga amwele akusakolelwa.

**mkologonja li.** (yeji. mikologonja) Citela ca uluŵa ca pacilu peswela.

**mkolombiso m'jonje.** Kutondoya usito wa msigo pakutandalika katela pa likoyo lyangali kandu ni kuwunyikula msigowo.

**mkolongo li.** (yeji. mikolongo) Umo mwa mitundu ja yitela.

**mkolonjo li.** (yeji. mikolonjo) Mtundu wine wa yitela ya mkologonja.

**mkoloso li.** (yeji. mikoloso) Citela camasamba gekulungwa ngwamba geŵisi cuku ni cawu cakwe cacikusasogola cisogosi cana kacindu kampela lumbwanda kucitamilo kwakwe kakuti mkati mwakwe mukusaŵa mwana kacindu kampela mtesa kakusalya ŵandu ŵane.



- mkolowa li.** (yeji. acimkolowa) Mundu jwakuti ndema syejinji akusasimanikwa ali ajikwite mkologo.
- mkoma li.** (yeji. mikoma) 1 Mbeju jakuti jikopoka kapena kuti jikumela kwene. 2 Mundu jwakumanyilila mnope yilagu.
- mkomasi li.** (yeji. acimkomasi) Mundu jwakumanyilila mnope yilagu.
- mkombe li.** (yeji. mikombe) citela cekatigwe ni kulingacigwa cenene cakuwutila wato.
- mkombelo li.** (yeji. mikombelo) Cindu candendela cisawu citungulu cisawu milasi jakusapindilila mu ngomo mwa lupeta kapena lukalala.
- mkomelo li.** (yeji. mikomelo) Nyundo jacitela jekulungwa mtwe jakusajikamulicisya masengo pakukolosya cakuwala cakutyocela kwikungwa.
- komwa li.** (yeji. mikomwa) Citela cakusacikamulicisya masengo pakupanganya ngoma ni matuli.
- mkonde li.** (yeji. mkonde) Ung'asi wakuwina acakongwe ni calume wuwatyocela ku Mwembe.
- mkondo li.** (yeji. mikondo) Yimanga yewisi.
- mkong'onda li.** kalisegwe / kusona kwa cindu cacikukatigwa cisawu citela cejumu.
- mkong'ondo m'jonje.** Lisegwe lyakupikanika ligongo lyakuti mundu kapena cindu cine cakwe cikuputa pa cijakwe.
- mkonga li.** (yeji. mikonga) Cikonyo cosope mucikusaŵela pa citela cakwe ca yindu cisawu magombo.
- mkongo li.** (yeji. mikongo) Cikonyo cosope mucikusaŵela pa citela cakwe ca yindu cisawu magombo.
- mkongomwa li.** (yeji. mikongomwa) citela canakasamba, camasamba gaŵana, cakusakola ibalo.
- mkongoso m'jonje.** Kwegamila kwejinji pa cindu.
- mkonjo li.** (yeji. mikonjo) Cindu cacilewu cakusalumbikanya ku ciŵiya cisawu mpoto, ciwaya ni yine kuti akamuleje pakukamulicisya masengo ciŵiyaco.
- mkono li.** (yeji. mikono) Upande wa cilu wakutyocela pekoyo mpaka kwigasa.
- mkopa li.** (yeji. mikopa) Kacindu kamwana kakuyika yindu kakutaŵilila m'ciwunu.

**mkopoka li.** (yeji. acimkopoka) Mundu kwakumnong'a ukangani nambo soni jwangakaŵa kupya mtima.

**mkoso li.** (yeji. mikoso) 1 Katela kakusolela mapuku. 2 Katela kakulucila yakulukaluka.

<sup>1</sup>**mkota li.** (yeji. mikota) Cakumela cakupanda cacisawu mapemba cakusamenya ni kulyaga cisawu muwa.

<sup>2</sup>**mkota li.** (yeji. mikota) Cinyama cekulungwa cakuti ciŵelece ŵanace yigala.

**mkotamu li.** (yeji. mikotamu) Cakumela caketambala ni kulisyelenga mu yindu yine.

**mkoto li.** (yeji. acakoto) Mundu jwakutenda yambone.

**mkotokotope li.** (yeji. acakotokotope) mundu jwakutenda yindu yambone.

**mkuŵi li.** (yeji. mikuwi) Mtundu wa citela cakulimba nambo cangali usito.

**mkuca li.** (yeji. mkuca) Lyuŵa lyaŵili kutyocela malaŵi.

**mkufu li.** (yeji. mikufu) Kandu ka tusyano twelumbikanelumbikane kakusawala m'lukosi ndema syejinji.

**mkugwawilila li.** (yeji. acikugwawilila) mundu jwakwenda mwacuwilisi panandipanandi kuti akamkamule kapena kumtenda kandu kane mundu jwine.

**mkugwaŵilila li.** (yeji. akugwaŵilila) Mundu jwakwenda mwacuŵilisi mwangatenda lisegwe kuti am'wone kapena am'kamule mundu jwine kapena cinyama.

**mkujigasya li.** (yeji. akujigasya) Mundu jwakumkamucisya jwine kunyakula ndundu.

**mkuju li.** (yeji. mikuju) Mtundu wa citela ca pacilu pacikasu kapena liwuka cakuti ndema syejinji cikusamela mu ngulugulu sulo nambo soni cikusasogola yisogosi yakuti mkati mwake mukusaŵa mwana mbamba.

**mkuka li.** (yeji. mikuka) Nyumba jandendela.

**mkulakula li.** (yeji. mikulakula) Liwukutu lyakuti cawu atamose cuku likusaŵa lyana masamba geŵisi.

<sup>1</sup>**mkuli li.** (yeji. mikuli) Kanyama kacisawu come kakumnong'a kwenda cilo ŵandu ŵane akusati kakusalambucisya kuwa nambo soni akusati kakusalonda ku yikolelo pakusosa kum'luma mundu.

<sup>2</sup>**mkuli m'jonje.** 1 Ku lutando. 2 Malo gakwela. Upande wagakutyocela mesi ga m'lusulo kapena m'nyasa. 3 Kutalikangana kwa malo.

**mkuloposya li.** (yeji. akuloposya) Mundu jwakusawulaga somba ni cisopo.

**mkulugwe li.** (yeji. acakulugwe) Mundu juwatandite kupagwa mwa mamagwe kapena mwa acalongo ajawo mamagwe ugwe mkaniwupagwe.

**mkulukulu li.** (yeji. mikulukulu) Mitundu ja mawukutu.

**mkululu li.** (yeji. mikululu) Mtundu wa liwukutu.

**mkumba li.** (yeji. mikumba) Litala lyakonda lyakuwoneka cenene.

**mkumbeje li.** (yeji. mikumbeje) citela cekulungwa masamba, cakoposya utomoni mpela wa kacele naga ucikatile, capacilu paliwuka soni cakusogolaga tusogosi twakugangalama.

<sup>1</sup>**mkunda li.** (yeji. mikunda) 1 Citela cacipiliwu cangali nyambi capacilu cisawu cipyaji cikusasogola yisogosi yakusayikolanga kuti yikunda yanakasamba yili yewisi nikucejela naga yijumwilemo yakuti wandu wane akusang'wenya ni kulyaga. 2 Libotolo lyekulungwa.

**mkundanguluwe li.** (yeji. acimkundanguluwe) Mtundu wa citela camasamba gacikasu.

**mkundasi li.** (yeji. mikundasi) Yitela yamcilewu mwa cindanda.

**mkunde li.** (yeji. mikunde) Cisogosi cacikasu cisawu lilalanje.

**mkundi li.** (yeji. mikundi) Citela cacikulungwa ca masamba gawanawana cacikusasogola yisogosi yacisawu mbwanda nambo yekulungwa yakuti naga yejiwilemo mkati mwakwe mukusaŵa mwakucejelela wandu wane akusalyaga.

**mkungu li.** (yeji. mikungu) citela cacikusakulaga mpela sanya, camasamba gamwana, pacilu pakutililika, cangaliwuka mnope, cakuwoneka mwanti mbuu.

**mkunguli li.** (yeji. mikunguli) Kuwecetana mwakunguluka.

**mkungulu li.** (yeji. mikungulu) 1 Kuwecetana mwagamba kukunguluka. 2 Citela ca pacilu peswela nambo soni ca masamba gekulungwa. 3 Cipiciti ca citela cakatile.

**mkungumbe li.** (yeji. mikungumbe) Citela cakusogola yisogosi yawuluwulu yakulyolyopela yakutililika yecejewu kapena yacikasu yacitoto campela mtesa.

**mkunguni li.** (yeji. mikunguni) Citela camwitinji cakutenda uluŵa.

**mkungusa li.** (yeji. mikungusa) Citela ca masamba gawanawana gakuwa geŵisi caka cosope cikusaŵeleka tusogosi tawanawana twakulimba twakuti wandu wangalya.

**mkunguti li.** (yeji. mikunguti) Citela ca masamba geŵisi caka cosope cisasogola mbele syasikusaŵa mu yindu yatepetepe nambo yakandapala ni kunyambatila.

**mkuni li.** (yeji. mikuni) Liwungo lya yinyama.

**mkunu li.** (yeji. mikunu) Liwukutu lyakuti likusasogola yisogosi yakusayilokotanya ni kukolocesya lumuli.

**mkunyumbule li.** (yeji. mikunyumbule) Ūmo mwa mitundu ja usanje.

**mkupulilo li.** (yeji. mikupulilo) 1 Cindu cakulipujila mbepo kapena kuŵinjila membe ni tulombo twine. 2 Kampici kakupatulila mangame m'manyasi kuti upite cenene.

**mkuputu li.** (yeji. mikuputu) Lisegwe lyakupikanika cinyama cili mkuwutuka.

**mkuse m'jonje.** Kuwujila soni mwakala.

**mkuta li.** (yeji. mikuta) 1 Cakumela cakutambala cakusacikamulicisya masengo cisawu lukonji comesi gejinji gakuti mpaka kumwa. 2 Kasaku kakuluka kasungulila mkologo ni yine.

**mkute li.** (yeji. mikute) 1 Citela cecejewu kapena caliwuka cakulakatika masamba cawu cangasogola yisogosi. 2 Ugali wawusile lelo ni kugona kuyika malwi.

**mkuti m'jonje.** Maloŵe gakuwucisya kuti mundu umanyilile cindu cisawu mwagakusatendela maloŵe gakuti nambi.

**mkutula li.** (yeji. mikutula) Yinyama kapena wandu wajinji.

**mkututa li.** (yeji. mikututa) Mtundu wa citela.

**mkuwenda li.** mundu jwakuwenda

**mkuwendeya li.** (yeji. acimkuwendeya) Mundu jwakwaŵecetela ni kwaŵendela wandu wane kuti akapocela camuko.

**mkuwina li.** (yeji. akuwina) Mundu jwakucika unyago cisawu ngaliba kapena nakanga jwa unyago wa acakongwe.

**mkuwo li.** (yeji. mikuwo) Yindu yecejewu yayikusawoneka pa cisyano cisawu cipula naga cili citemi ndaŵi jelewu ali ngakucikamulicisya masengo kapena ligongo lya cinyesi.

**mkuya li.** (yeji. mikuya) Mtundu wa cakumela cakupanda cakula

mwakawukutu cikusasogola tumbele twapwapwata twakununjila  
twakusakalanga wāndu wane ni kulilaga ugali.

**mkwakwa li.** (yeji. mikwakwa) Umo mwa mitundu ja yitela yakoposya  
utomoni wakunyambatila.

<sup>1</sup>**mkwala li.** (yeji. mikwala) Mpamba wangali lusonga wakuwulajila yijuni.

<sup>2</sup>**mkwala li.** (yeji. mikwala) Litala lyakonda mnope.

**mkwale li.** (yeji. mikwale) Mtundu wa citela.

**mkwalu li.** (yeji. mikwalu) Mtundu wa ngoma.

**mkwalula m'jonje.** Kutenda yindu mwangakolosya cenene.

**mkwamba li.** (yeji. mikwamba) Mlingo wakwana makono gaŵili gejongole  
kutyocele kumbesi kwa ligasa lya mkono wamciji kuja ku mbesi kwa  
ligasa lya mkono wakumlyo.

**mkwandala li.** (yeji. mikwandala) Lamba jwa lipende.

**mkwandula li.** (yeji. mikwandula) Cakumela cakutambala ca nakasamba  
cacusacikamulicisya masengo pakuluka yitundu ni yindu yine.

**mkwanga li.** (yeji. mikwanga) Umo mwa mitundu ja mkesha.

**mkwasa li.** (yeji. mikwasa) Mtundu wa citela.

**mkwatama li.** (yeji. mikwatama) Cakumela cakutambala ni kulisyelenga mu  
yindu yine.

**mkwece li.** (yeji. mikwece) Cinyama cecekulupe.

**mkwelanyani li.** (yeji. mikwelanyani) Umo mwa mitundu ja yitela  
yakulimba nambo yangali usito.

**mkwesa li.** (yeji. mikwesa) Kuwulala panandi.

**mkwesu li.** (yeji. mikwesu) Citela cakucejelela ca masamba gaŵanaŵana  
cacikusasogola yisogosi yelewulewu yakuwawasa yakusalya wāndu  
wane.

**mkwingwisu li.** (yeji. ngwingwisu) Cakumela cakula ni kutenda liwukutu  
lyekulungwa cakusogola yisogosi yacisawu ngunde yayikusasogola  
kumbesi kwa ukati wa ula.

**mkwinyima li.** (yeji. mikwinyima) Cinyama celume cecekulupe cangongolo  
mcece kapena cinyama celume cacikulongolela mkutula wa yijakwe.

**mkwita li.** (yeji. mikwita) Cindu cacisyano campela likosa cakusawala mu  
lukongolo

**mlaja li.** (yeji. acimlaja) Jwakuya pa mlongolo.

**mlaka li.** (yeji. milaka) 1 Citela cejumu mnope. 2 Lipula lyakusamata pa ngoma kuti jilileje mwamtundu wakusosa. 3 Musi wa mcimwene wawuli kwanawula.

**mlala li.** (yeji. milala) Masamba ga mgwalangwa wamwana.

**mlalu li.** (yeji. milalu) Lijoka lyaliwuka lya misela jakupililila cilu cakwe cacinandi cakuwoneka cisawu bulundwe.

**mlamba li.** (yeji. milamba) 1 Ulewu wa cindu. 2 Litala lyakonda mnope.

**mlambala li.** (yeji. milambala) Lituto lyekulungwa lyakusawunga pakusosa kunandiya kuwutuka kwa mesi.

**mlambe li.** (yeji. milambe) Citela cekulungwa cakuswejelela ca likungwa lyamigojigojipe cacikusasogola yisogosi yakuti naga yijumwile wandu wane akusakasa ni kulyaga mbele syakwesyo mwakutenda kumumunya.

**mlambi li.** (yeji. alambi) Mundu jwali pa ulamusi wa mcimwene.

**mlambo li.** (yeji. milambo) Yindu yakupeleka pakutogolela.

**mlamu li.** (yeji. acalamu) Mundu jwalombe alumbugwe.

**mlandali m'jonje.** 1 Kukolela mnope kwa moto. 2 Kujitandila soni ngani jemalemale.

**mlangali li.** (yeji. milangali) 1 Kukolela mnope kwa moto. 2 Cakuwala cecejewu cangali mawala.

**mlango li.** (yeji. milango) Malo gakwinjilila ni kopocela mu nymba kapena mu cindu cine cilicose.

**mlanguka li.** (yeji. milanguka) Cuma cakulandana ni kwiwunde kuli kwangali mawunde ga ula.

**mlanjilo li.** (yeji. milanjilo) 1 Umo mwa mitundu ja yitela. 2 Cala cakulundana ni cacikongo.

**mlapika li.** (yeji. mlapika) Cindu cilicose cakupunda yine kapena cakusimonjesya.

**mlasa li.** (yeji. milasa) Masamba ga mgwalangwa wamwana.

**mlasi li.** (yeji. milasi) Cakumela celewu cambindimbindi cisawu muwa cakusaŵalula wandu ni kulucila ngalala, mbeta ni yine atamose soni kutaŵila msakasa wa nyumba.

**mlaŵalaŵa li.** (yeji. acimlavalava) Mundu jwakutenda yindu yangatamilicika.

- mlega li.** (yeji. milega) Kuwungana pamalo gangali mbugu cisawu pa lunyambi lwa citela kwa tulombo twa mtundu umo mnopemnope nyuci.
- mlekano li.** (yeji. milekano) Nguwo jangali maŵala nambo soni jangagalawuka mtundu ligongo lyakuŵawuka ni lyuŵa ni yine.
- mlekasya li.** (yeji. milekasya) Cindu kapena mundu jwakutendekasya kuti cindu cilepelece.
- mlela li.** (yeji. acimlela) Mundu jwakulolela ni kuteteya mwanace.
- mlelemba li.** (yeji. milelemba) Umo mwa mitundu ja usanje.
- mlelesi li.** (yeji. milelesi) Umo mwa mitundu ja yitela.
- <sup>1</sup>**mlendele li.** (yeji. milendele) Kulewuya pakuŵeceta ngani.
- <sup>2</sup>**mlendele li.** (yeji. acimlendele) Mundu jwakupakombola kuŵeceta yakamula mtima pameso pa ŵandu ŵajinji.
- mlendo li.** (yeji. acalendo) Mundu jwakuŵika, jwangali ulongo kapena kumanyika ni ŵandu ŵa mu mkuliwo.
- mlengalenga li.** (yeji. mlengalenga) Upande wosope wawuli pacilikati pa litaka ni kwiwunde.
- mleljesa li.** (yeji. milenjesa) Mtundu wa ung'asi.
- mlepa li.** (yeji. milepa) Umo mwa mitundu ja yitela.
- mleso li.** (yeji. mileso) Nguwo jecejewu nambo jangaŵala.
- mlila li.** (yeji. milila) 1 Litala lyakutyocela ku Mwembe kuja ku Blantyre pakupitila ku Mangochi ni ku Cikala lyakuti jikusapitila misimu ja Ayawo ŵawilile mwakwenda pakuja ku Mwembe mwanti ndema sine musi ni cilo cakwe maliŵato gawo kwisa soni ngoma sikusapikanika sili mkulila 2 Utomoni ni mesi gakopoka m'yitela.
- mlimba li.** (yeji. milimba) Cakuwala cakusanyambatika kuyalo acimmasyeto pagosa kujilima kwa miyasi ja kumwesi.
- mlimbo li.** (yeji. milimbo) Citela cakupinjikanya pamlango pakusosa kuti litanga liwugalice.
- mlimbu li.** (yeji. milimbu) Yimanga, mtesa, mongu ni yine yakuti akulya kandanda cikomalile yinduyi.
- mlindimila li.** (yeji. milindimila) Mtundu wa citela ca maluŵa ni yisogois yecejewu.
- mlingo li.** (yeji. milingo) Cindu cakupimila ulewu, usito winji ni yine yakwaya yindu.

- mlisyanyundo li.** (yeji. mlisyanyundo) Citela camwana ca masamba gakupililila gamiŵamiŵa cakusogola tusogosi twambele twecejewu.
- mliwi li.** (yeji. miliwi) Upande wa nyasa kapena lusulo wakusokoka mnope.
- mlole! msu.** Kum'wenda mundu kuti apikanile kapena alosye ngope jakwe kwakumlanjila.
- mlombela li.** (yeji. acimlombela) Mundu jwamtumile kuja kuwusya ulombela m'malo mwa jwine.
- mlombwa li.** (yeji. milombwa) Citela cakusapangana pacilu cisawu napini cakopoka utomoni wecejewu nambo soni cikusasogola cisogosi cangalya cakatutmbala kwisa soni wajewaje pacilikati.
- mlombwe li.** (yeji. alombwe) Mundu juŵawumbele kala jwakusaŵalindilila ni kwatumivila ŵali ku unyago mnopemnope wa jando.
- mlonda li.** (yeji. acilonda) Mundu jwakamula masengo gakulindilila ni kuteteya ndundu sya mundu jwine kuti ŵawiyi akajiŵa.
- mlonde li.** (yeji. mlonde) 1 Citela catukungwatukungwa pacilu cikusasogola tusogosi twangalya twapwapwata cisawu ngwingwisu. 2 Kukuluya yakuŵeceta.
- mlongo li.** (yeji. acalongo) Mundu jwakupagwa najo mu liŵasa kapena liŵele limo.
- mlongola li.** (yeji. acimlongola) 1 Mundu jwakwalanjila ŵandu mwakupita. 2 Mundu jwamsagwile kuti aŵe jwamkulungwa jwa likuga lya ŵandu.
- mlonje li.** (yeji. milonje) Citela cekulungwa cakuswejelela ca likungwa lyamigojigojipe cacikusasogola yisogosi yakuti naga yijumwile ŵandu ŵane akusakasa ni kulyaga mbele syakwesyo mwakutenda kumumunya.
- mlope m'jonje.** Maloŵe gakulosya kutupa kapena kula kwa cindu.
- mlowe li.** (yeji. milove) Yimanga yapomwele ni kutaga mesi.
- mlowoka li.** (yeji. alowoka) Jwammasyeto jwajile kutama kwa ŵamkwakwe.
- mlukosyo li.** (yeji. alukosyo) Mundu jwakupagwa ku liŵasa lyaukoto kapena lyaucimwene.
- mlukutu li.** (yeji. milukutu) Lisegwe lyakupikanika ligongo lya kwenda kapena kuwutuka kwa cinyama.
- mlulo li.** (yeji. milulo) Kutenda ciwulo nambo soni kuŵaŵa logongo lya kutamilisya kwa yindu cilowecele.
- mlulu li.** (yeji. alulu) Mundu jwakunyepala.



**mlumba li.** (yeji. alumba) Mundu jwakulonda kapena jwangakulusyakulusya pakusoma yindu.

**mlumika li.** (yeji. milumika) Mteto wakuposya yilwele pakumtyosya miyasi jwakulwalajo.

**mlundo li.** (yeji. milundo) Umo mwa mitundu ja yitela.

**mlungamu li.** (yeji. milungamu) Citela ca nyama jecejewu. 2 Liwukutu lyakoposya uluŵa.

<sup>1</sup>**mlungu li.** (yeji. milungu) Cindu cakumela cakupanda cambindimbini cisawu mlasu cakusamenya ni kutawunaga, mesi gakwe gakusaŵa gakulyolyopela.

<sup>2</sup>**mlungu li.** (yeji. mlungu) Msimu wuwagumbile cilambo ca pasi ni ca kwini ni yindu yosope yakusimanikwa mu yialamboyi.

**mlungwe li.** (yeji. milungwe) Citela cakulimba mnope cacitima catusamba twa ŵanaŵana ca mciga wecejewu, capacilu patuwambatuwamba, cikusakoposys ukawu wacikasu naga cili cewisi.

**mlupata li.** (yeji. alupata) Mundu jwakusakula yinyama yamwitinji.

**mlusu li.** (yeji. milusu) Ukana wa lyuŵa lilyolyo wakuti nganiwuŵe kulula.

**mlututu li.** (yeji. milututu) Liganga lyakuwoneka cisawu mwakukusaŵela kwiwunde kuli kwangali mawunde ga ula.

**mlyo m'jonje.** Upande wawuli mkono kapena lukongolo lwamacili mnope.

**mmwe mkwimi.** Liloŵe gakum'ŵilanjila kapena kum'kolanjila mundu jwawukuŵeceta najo, mwanace kapena mjakwe jwa ula jimo.

**mnaka li.** (yeji. minaka) 1 Mbalika syekanyanjekanyanje. 2 Cindu cakupele ni kukulecela mundu kuti tiwumkumbucileje pitaciwapo.

**mnami li.** (yeji. anami) Mundu jwangaŵeceta yakuwona.

**mnangu li.** (yeji. minangu) 1 Liganga lyakupatika mu yikalakasa yeswela yayikusapatika mu ngulugulu nysa ja Mbwani. 2 Kapu jakusalala jakusagamba kujitamika kuti jisalalisyeje pamalo.

**mnasa li.** (yeji. minasa) Mtela wakusawala mutwe, m'lukosi kapena pacidali.

**mnasala li.** (yeji. anasala) Mundu jwa dini ja Cikilisitu nambo mwakulemwesya linali ŵapele Asilamu kapena mundu juŵatendega malonda mu ngulugulu nyasa ja Mbwani.

**mnasi li.** (yeji. anasi) Mundu jwaulongo ligongo lyakutyocela ku lukosyo lumu.

**mndilaniya li.** (yeji. mindilaniya) Umo mwa mitundu ja yitela.

**mndogonya li.** (yeji. mindogonya) Cakumela cakutambala cakulisyelenga mu yindu yine cikusakoposya utomoni weswela cisawu mkaka.

**mndondole li.** (yeji. mindondole) Umo mwa mitundu ja yitela.

**mnduluweleluwiko li.** (yeji. minduluweleluwiko) Umo mwa mitundu ja mawukutu.

**mndyakamba li.** (yeji. mindyakamba) Mtundu wa yitela yamasamba gekulungwa ngwamba geŵisi cuku ni cawu cakwe yayikusasogola yisogosi yana tuyindu twampela lumbwanda kucitamilo kwakwe twakuti mkati mwakwe mukusaŵa mwana tuyindu twampela mtesa twakusalya ŵandu ŵane.

**mndyamaleje li.** (yeji. mindyamaleje) Umo mwa mitundu ja yitela.

**mndyamsongwe li.** (yeji. mindyamsongwe) Umo mwa mitundu ja mawukutu.

**mndyangwasi li.** (yeji. mindyangwasi) Umo mwa mitundu ja yitela ya nguju.

**mndyanyandi li.** (yeji. mindyanyandi) Umo mwa mitundu ja yitela.

**mndyapimbwa li.** (yeji. mindyapimbwa) Umo mwa mitundu ja yitela.

**mndyodyolo li.** (yeji. mindyodyolo) Umo mwa mitundu ja mawukutu.

**mndyokola li.** (yeji. mindyokola) Umo mwa mitundu ja yitela.

**mnene li.** (yeji. minece) Citela camwitinji cakusogola yisogosi cisawu ya maposa.

**mnema li.** (yeji. minema) Mtundu wa yuma yacikasu kapena yecejewu nambo soni yeswela.

**mng'andu li.** (yeji. ming'andu) Ndondwa jekulungwa jajikusawoneka mnopemnope kumasikusiku.

**mng'wenya li.** (yeji. ming'wenya) citela cakumela mungulugulu lusulo, capacilu pakucejelela soni pakutililika panondi, camasamba gamanandi, cangasogolaga.

**mngole li.** (yeji. mingole) Citela cacisawu ca yikunda cacikusaŵeleka yisogosi yakolanjikwa kuti koko.

**mngoswe li.** (yeji. angoswe) Mundu jwakutendela umboni nambo soni kukamucisya kwajilanya ŵandu ŵalombene.

**mnguwawe li.** (yeji. minguwawe) Umo mwa mitundu ja mawukutu.

**mnguwonguwo** *li.* (yeji. minguwonguwo) Umo mwa mitundu ja yitela.

**mnjelenjele** *li.* (yeji. minjelenjele) Umo mwa mitundu ja mawukutu gagakusasogola yisogosi yayikusakola songolo m'makoŵa gakumenyecela m'cilewu cisawu ga mtesa.

**mnjesa** *li.* (yeji. minjesa) Cakumela campela litete nambo masamba gakwe gangali songa cacikusamela mu ngulugulu lusulo kapena nyasa.

<sup>1</sup>**mnong'a** *li.* (yeji. minong'a) Umo mwa mitundu ja yitela.

<sup>2</sup>**mnong'a m'jonje.** Kuwilisya kutenda yindu ligongo lya kusengwa nayo.

**mnong'o** *li.* (yeji. minong'o) Cindu cilicose cakulyolyopela.

**mnono mtagu.** Liloŵe lyakulosya yindu nganiyiŵa yejinji kapena yekulungwa.

**mnope m'jonje.** Liloŵe lyakulosya kuti cindu cipundile mlingo wakwe.

**mnowu** *li.* (yeji. minowu) Nyama jakusimanikwa pacilikati pa lipende ni liwupa lya cinyama kapena mundu.

**mnula** *li.* (yeji. anula) Mundu jwakunyepala.

**mnumba** *li.* (yeji. anumba) Mundu jwakusakula yinyama ya mwitinji.

**mnung'uma** *li.* (yeji. acimnung'uma) Mundu jwakwete yaka yamnono pacilikati pa ŵanace wosope ŵa mwiŵasa mwakwe.

**mnunji** *li.* (yeji. minunji) 1 Mtundu wa mceŵele wawukusaŵa wakununjila nambo soni wa wajewaje. 2 Liwungo lya cindu cilicose.

**mnyalo** *li.* (yeji. minyalo) Kukola soni ligongo lyakuti utesile cindu cangalumbana kapena pa katema kawukusimana kandanda ni acinangolo ŵa mundu jwawukusosa kulombana najo.

**mnyambo** Alole ngopolo ja minyanya.

**mnyanguluti** *li.* (yeji. acinyanguluti) Mundu jwakuloŵela.

**mnyanyo** *li.* (yeji. minyanyo) 1 Malo gakunyakuka. 2 cakumela cakatambala camasamba gawaje soni gakunyanya.

**mnyelo** *li.* (yeji. acimnyelo) Mundu jwakulya mnope.

**mnyenye** *li.* (yeji. minyenye) Cakumela cakuti yisogosi yakwe akusataga m'mesi kuti awulaje somba.

**mnyenyesi** *li.* (yeji. minyenyesi) Cakumela cakatambala cacikusasogola tukonyo twa yisogosi.

**mnyomwe** *li.* (yeji. minyomwe) Umo mwa mitundu ja yitela.

**mnywenywe li.** (yeji. minywenywe) citela capacilu pakutililika, cakuwuka cikusaweleva isogosi ya waji soni yakulyaga.

**-mo mtagu.** Lipata lya liloŵe lyakuŵalanjila cindu candanda kapena cakuŵa jikape.

**moga msa.** 1 Kumyola umbo sya mtundu wine uliwose. 2 Kumjamuka mundu pa ngani jajipali mwangamsisila maloŵe.

**momoka msa.** Kutyoka kapena kucuŵika kwa manyunya kapena mang'omba pacilu pa cinyama ca mtundu wa yijuni.

**momola msa.** Kutyosya kapena kucuŵa manyunya kapena mang'omba ga cinyama ca mtundu wa yijuni.

**mong'onoyoka msa.** kutemeka ni kugwila pasi.

**monje mtagu.** Ciŵiga, mtala, kapena lulo ni yine yakuti akutanda kwene kuyikamulicisya masengo.

**monyola msa.** Kuposokola cindu.

**mopo li.** (yeji. mopo) manyasi gagakusipuka kapena litinji langakomala.

**mose m'jonje.** Liloŵe lyakulosya kuti pangali malo gagasigele mkati mwa cinduco.

**mosola msa.** Kutyosya kapena kucuŵa manyunya kapena mang'omba ga cinyama ca mtundu wa yijuni.

**mosope m'jonje.** Liloŵe lyakulosya kuti pangali malo gagasigele mkati mwa cinduco.

**moto li.** (yeji. moto) Cindu cacikusapeleva lilanguka ni ndukutila mnopemnope cakatenda kukolesya ni sasu.

**motola msa.** 1 Kucuŵa manyunya, litini ni yine pakupwatikanya pampepe ni lipende kapena litaka. 2 Kulima mwakuleka litinji line kapena kumyola mwakusigasya umbo.

**mpaata li.** (yeji. mipaata) 1 Lipesa lyakupatika pacilikati pa yindu yayiŵandikene. 2 Ndaŵi jakuti nganiwukutenda citendo kapena kukamula masengo.

**mpabulu li.** (yeji. mipabulu) Umo mwa mitundu ja mawukutu.

**mpacempace m'jonje.** Kututilana cileŵi.

**mpago li.** (yeji. mipago) Muŵacipanganyicisye Mlungu cindu.

<sup>1</sup>**mpaka li.** (yeji. mipaka) Yikalakala yakutendela ung'asi wa juga.

<sup>2</sup>**mpaka m'jonje.** Liloŵe lyakulosya ndaŵi kapena malo gakupelecesya

cindu.

**mpakanisi** *li.* (yeji. acimpakanisi) Mundu jwakusakula jwakusamalisya kuciwulaga cinyama cakuti mundu jwine aciputile ni kuciwulasya kala.

**mpakasa** *li.* (yeji. mipakasa) Citela ca liwuka ca masamba ga nakasamba penani kusi galiwuka gang'gong'ondala nambo soni cikusasogola yisogosi yapwapwata yangalya yacisawu ya mlonde.

**mpakula** *li.* (yeji. mipakula) Cakumela caketambala ni kulisyelenga mu yindu yine cacikusasogola yisogosi yangalimba yacikasu nambo soni cikusaŵa cana miŵa jeswela.

**mpalanganga** *li.* (yeji. mipalanganga) citela cecejewu, camiŵamiŵa camasamba gamwanamwana ganakasamba.

**mpalapaca** *m'jonje.* Lyuŵa lyansano kutyocela malaŵi.

**mpalasilo** *li.* (yeji. mipalasilo) Citela celewu ca upande umo wekulungwa wapwapwata cakusakumulicisya masengo pakwendesya wato.

**mpale** *m'jonje.* Kuwujila soni mwakala.

**mpalilo** *li.* (yeji. mipalilo) Cipula camwana cakolocesya tumilasi twakulucila msipu ni yindu yine kuti yikaŵa yanyangalala.

**mpalu** *li.* (yeji. apalu) Mundu jwakujigala ni kugwasya yindu ya mundu jwine kuti yiŵe yakwe.

<sup>1</sup>**mpama** *li.* (yeji. mipama) Cakumela ca mtundu wa mapeta.

<sup>2</sup>**mpama** *li.* (yeji. mipama) Upande wa ukunje wakusakamula pakusosa kuponya mpamba.

**mpamba** *li.* (yeji. mipamba) Cindu cakusaponya ni ukunje cakuti ndema syejinji cikusakola kasyano kesyane cenene kakusongoka cisawu lipanga.

**mpambo** *li.* (yeji. mipambo) Umo mwa mitundu ja yitela.

**mpambwesu** *li.* (yeji. mipambwesu) Umo mwa mitundu ja yitela.

**mpandaluŵala** *li.* (yeji. mipandaluvala) Umo mwa mitundu ja yitela.

<sup>1</sup>**mpando** *li.* (yeji. mipando) Cindu cakusakolosya kuti atamileje.

<sup>2</sup>**mpando** *li.* (yeji. mpando) Ngapela kusosa cindu mpaka cipatice kapena cikombolece.

**mpango** *li.* (yeji. mipango) Kanguwo kakanandi kakuti ndema syejinji acim'masyeto akusataŵa kumtwe kapena kutaŵa m'ciwunu kuti nguwo jawete jilimbe.

**mpanje li.** (yeji. mipanje) Upanje wa mawupawupape wa kuwujo kwa lukongolo wa pacilikati pa kasukusuku ka kulusajo ni lilungo.

**mpapa li.** (yeji. mipapa) Umo mwa mitundu ja yitela yayikusasogola yisogosi yayikusakola songolo m'makoŵa gakumenyecela m'cilewu cisawu ga mtesa nambo soni likungwa lyakwe akusagwagula ni kusinjila ngonji kapena kuputa kuti ciŵe cakuwala.

**mpaso li.** (yeji. mipaso) Lukongolo lwakuwujo lwa cinyama cangongolo mcece.

**mpatila li.** (yeji. mipatila) Kasaku kakanandi ka lipende kakutaŵilila m'ciwunu.

**mpeceso li.** (yeji. mipeceso) Katela kakologanyicisya yindu.

**mpeepe li.** (yeji. mipeepe) Mesi ga ula gaguluka ni mbepo.

**mpela m'jonje.** Liloŵe lyakulosya kwilana kapena kulandna kwa yindu.

**mpelanjilu li.** (yeji. mipelanjilu) Citela cakuti cakulandana ni ca mwayi cakuti naga mundu mkumwa mesi gakwe mpaka awe.

**mpelela li.** (yeji. mipelela) Utandi wa mceŵele.

**mpelele li.** (yeji. mipele) Mtundu wa citela cakuti naga likungwa lyakwe mkuliloŵekamo mesigo gakusapitikuka ni kuŵa gecejewu.

**mpelemende li.** (yeji. mipelemende) Cakumela cakusapanda ni kusogola yisogosi yelewu yasongolo cisawu sya ngunde yakuti ŵandu akusateleka ni kulya.

<sup>1</sup> **mpelenganya li.** (yeji. mpelenganya) Ulendo wangajima pamalo gasosekweje kwima.

<sup>2</sup> **mpelenganya li.** (yeji. mpelenganya) Kajuni kakanandi kecejewu kakakusataŵa cisusi ca milango jiŵili.

**mpelesi li.** (yeji. mipelesi) Cakumela camwitinji cakutambala ni kulisyelenga mu yindu yine cacikusasogola tusagwa twa yisogosi twawuluwulu.

**mpelesya li.** (yeji. mipelesya) Cakumela camwitinji cakutambala ni kulisyelenga mu yindu yine cacikusasogola tusagwa twa yisogosi twawuluwulu.

**mpeleŵele li.** (yeji. mipelelevele) Lyuŵa lyamcece kutyocela malaŵi.

**mpelo li.** (yeji. mipelo) Mpamba wangali lusonga wakuwulajila yijuni.

**mpema li.** (yeji. mipema) Liwungo lyakusakalisya.

**mpembu li.** (yeji. mipembu) Umo mwa mitundu ja yitela.

**mpendeka m'jonje.** 1 Kумыола upande umo wa mtwe. 2 Kukola upande umo wawusito kapena wakunyakuka kupunda ujakwe.

<sup>1</sup>**mpepe mtagu.** Lipata lya liloŵe lyakusya ujika kapena kulandana kwa yindu.

<sup>2</sup>**mpepe li.** (yeji. mipepe) Umo mwa mitundu ja yitela yambone yakusatendela matabwa.

**mpepela li.** (yeji. mipepela) 1 Sala jakogoya. 2 Mesi ga ula gaguluka ni mbepo.

**mpesi li.** (yeji. mipesi) Lipata lyambindimbindi lya cakumela cisawu cimanga, mapemba ni yine.

**mpewu li.** (yeji. mipewu) Umo mwa mitundu ja yitela.

**mpici li.** (yeji. mipici) Katela kakutependala cenene kakutendela yindu yakulekanganalekangana cisawu kwapulila mundu mwine soni cinyama. Alole soni ngopolo ja cikoti.

**mpiika li.** (yeji. mipiika) Cindu cagumba ni lilongo cakutelecela yindu cisawu mboga.

**mpiiko li.** (yeji. mipiiko) Citela cakutukulila cipagala ca ngokwe.

**mpiingo li.** (yeji. mipiingo) 1 Ŵandu ŵajinji ŵakwenda yimo kapena ŵatemi malo gamo. 2 Ŵandu ŵayikulupi yakulandana ŵakusapopelela pamo.

**mpika li.** (yeji. mipika) Pakupelela pa upande kapena malo.

**mpiko li.** (yeji. mipiko) Citela cakusakoleka ndundu syakusanyakusyana m'makoyo ŵandu ŵawili.

**mpila li.** (yeji. mipila) 1 Cindu cakupopa cawuluwulu cakusaputa kapena kuponyelana. 2 Citela cacisawu mtapasya cikusasogola tusogosi nambo soni cikusakoposya utomoni wakuti ŵandu ŵane akusamatila cubu ca njinga.

**mpilipili li.** (yeji. mipilipili) Umo mwa mitundu ja yitela.

**mpilu li.** (yeji. mipilu) Umo mwa mitundu ja yitela.

**mpimbilima li.** (yeji. mipimbilima) Ndewu jangali msyene.

**mpindaliŵago li.** (yeji. mipindalivago) Umo mwa mitundu ja yitela cakulimba mnope.

**mpindimbi li.** (yeji. mipindimbi) citela caliwuka campela papaya ca

masamba gatatugatatu nipo wāndu akusawukata ni kulinganyaga ikowi ni mitiko.

**mpingo li.** (yeji. mipingo) Citela ca liwuka, camiŵamiŵa ca masamba ga ŵanaŵana cacitimatima cepiliwu.

**mpingu li.** (yeji. mipingu) Cindu cakusacikululila kuti cikusalepelekasya kuti yindu yine yitenekwe cakuti naga ngacikuya mundu mpaka yimpate yipwetei.

**mpini li.** (yeji. mipini) 1 Cindu cakusepa cacitela cakupowola ni kuweca liŵago, lijela ni yine. 2 Cindu cakusaŵanisya lesala ni kumyolelaga ndewu ni yine.

**mpinji li.** (yeji. mipinji) Citela caliwuka camiŵamiŵa ca masamba ga nakasamba cikusasogolo tusogosi twakuti tukusaŵa twecejewu kapena twacikasu naga tujiwile, nambo soni twakupyonyoka cisawu lindanda.

**mpipa li.** (yeji. mipipa) Citela ca nyama jecejewu.

**mpita li.** (yeji. mipita) Katala kakupita tunyama mnopemnopo twaŵanaŵana cisawu mapuku.

**mpitilila li.** (yeji. mipitilila) Mtundu wa citela ca pacilu pakupililila, masamba gaŵanaŵana nambo soni makungwa gakwe ŵandu ŵane akusatendela mtela wakuti ŵapeleteje pakwasosasosa naga ali aleŵile.

**mpolo li.** (yeji. mipolo) Kamwanace kakuti kali m'citumbo mwa mamagwe, nganikapagwe. Mundu jwawulesi kapena soni jwangali macili.

**mpololo li.** (yeji. mipololo) Liŵasi lya nembo syakulilemba pacilikati pa usyo.

**mpolomondo li.** (yeji. mipolomondo) Kacindu kakututumbala kakakusaŵa kumbesi kwa cakamilila cisawu ca palitanga.

**mpomolo li.** (yeji. mipomolo) Yimanga yakuti atwele kwene.

**mponjela li.** (yeji. mponjela) Mtundu wa citela ca pacilu pa liwuka wawukusasogola yisogosi yakulyolyopela yakuti naga yijiwile yikusaŵa yecejewu ya likoŵa lyakandapala ni songolo syepiliwu.

**mponjelo li.** (yeji. mponjelo) Cakumela ca m'mesi ca masamba ni maluŵa gekulungwa.

**mposa li.** (yeji. miposa) Mtundu wa citela ca pacilu pa liwuka wawukusasogola yisogosi yakulyolyopela yakuti naga yijiwile yikusaŵa yecejewu ya likoŵa lyakandapala ni songolo syepiliwu.

**mpoto m'jonje.** Upande wakulolegana ni wa kum'mwela.



- <sup>1</sup>mpoto li.** (yeji. mpoto) Cindu cacisyano candendela camsimbo cana cakamulila cakutelecela yindu.
- mpuci li.** (yeji. mipuci) Lukonji lwakuputula kacindu kang'andila acanda ka upande umo wekulungwa wine wakupyonyoka kuti katitileje.
- mpukuso li.** (yeji. mipukuso) Katela kapena lipesi lyakusasomeka tutela mwakutupinjikanya upande umo ni kukologanyicisyaga mbwanda, ngunde ni mboga sine syemenyemenye kuti siŵe cipalasya.
- mpuli li.** (yeji. mipuli) Mundu kapena cinyama celume cakuti acityosisye njama kuti cikakwelaga mikolo.
- mpulukututu li.** (yeji. mipulukututu) Citela cakutenjela ca masamba gakalakatala cikusasogola tusogosi twaŵanaŵana cisawu mbindimbi twacikawu naga tuli tweŵisi nambo twakulyolyopela naga tujiwile.
- mpumbe li.** (yeji. mipumbe) Umo mwa mitundu ja yitela.
- mpumbi li.** (yeji. mipumbi) Umo mwa mitundu ja yitela ya nguju. Kuŵe. kwi. mpumbumbi.
- mpumbulu m'jonje.** Kulinganyicika kutaŵa mpango m'ciwunu.
- mpumundo li.** (yeji. mipumundo) Umo mwa mitundu ja yitela.
- mpunga li.** (yeji. mipunga) Cakumela ca cisawu manyasi ga suci cacikusasogola yindu yacisawu mapemba yakusakuŵita ŵandu ni kulyaga yetelece kapena yakuloŵeka.
- mpuso li.** (yeji. mipuso) 1 Umo mwa mitundu ja yitela. 2 Yakulya yakuti ayitelece kandaŵi kamnono ni kuyijanika kuti yisunjice cenene.
- mputi li.** (yeji. acimputi) Mundu jwakupeleka misyungu.
- mputo li.** (yeji. miputo) Katela kakutependala kakwapuli yinyama, mundu ni yine.
- mpuuti li.** (yeji. mipuuti) Litinji lejinji.
- mpwakwe li.** (yeji. apwakwe) Mundu juŵapali jwine ali apali kala.
- mpwanga li.** (yeji. acapwanga) Mundu juŵapali ugwe uli upali.
- mpwawo li.** (yeji. acapwawo) Mundu juŵapali jwinejo ali apali kala.
- mpwece li.** (yeji. mipwece) Kupatika mnope kwa yindu.
- mpwenu li.** (yeji. acapwenu) Mundu juŵapali m'mwe nli mpali kala.
- msacilo li.** (yeji. misacilo) Lukonji lwakuputula kacindu kang'andila acanda ka upande umo wekulungwa wine wakupyonyoka kuti katitileje.
- msagala li.** (yeji. misagala) 1 Lunyambi lwejumu kapena lwakatile m'citela.

2 Liwupulu lwekulungwa lwaŵisile petala pakusosa kwalanjila wāndu kwakuja kapena lwawimbile cinyama cinyama caciwe pakusosa kulosya kuti cinyamaco casyene.

**msago li.** (yeji. misago) Cindu cakusaŵika pamalo gagona kuti agoneceje mtwe.

**msakala li.** (yeji. misakala) Umo mwa mitundu ja yitela.

**msakali li.** (yeji. misakali) Wangakaŵa kucapuka.

**msakasa li.** (yeji. misakasa) Cindu cakusataŵa ni kusawimba ni yindu yakulekanganalekangana kuti cipeleceje m'bulili nambo soni cicijeje ula.

**msakasaka li.** (yeji. misakasaka) Cijuni camwitinji ca kamtwe kakusongoka.

**msakatembwe li.** (yeji. misakatembwe) Umo mwa mitundu ja mawukutu.

**msakato m'jonje.** wamnono mu ciwalanjilo cisawu wāndu kapena inyama.

**msaku li.** (yeji. misaku) 1 Cindu cakusacikolosya pakutota nguwo, mapende ni yine kuti aŵiceje kapena kujigalila yindu cisawu utandi, yimanga ni yine. 2 Kanguwo kakusatotelela pa kabudula, malaja, andiloko ni yine kuti aŵiceje yindu. 3 Ndewu syelewu syasikusamela yalumo ni pakamwa pa come, likoswe ni yinyama yine.

**msakula li.** (yeji. acimsakua) 1 Mundu jwakusaja kutoposya ni kukamula yinyama ni mbwa kapena nyawu. 2 Mundu jwakusawulaga somba ni lwawu.

**msakulo li.** (yeji. acimsakulo) Mteto wakutendela manjawule yimo, wāndu wakuponya simbo, wākwete mbwa, wā nyawu kwisa soni wā uti.

**msalalilo li.** (yeji. misalalilo) Kawonece kapena katame kakutesya lung'wanu.

**msalanjasi li.** (yeji. misalanjasi) Citela cakuti njasi jiputile.

**msalanyande li.** (yeji. misalanyande) Lijela kapena liwāgo lyangali usito lyakusalikamulicisya masengo akaŵe pa yitendo yakumanyika yakwaya ndano sya wāndu.

**msalapa li.** (yeji. misalapa) Ndewu syelewu syasikusamela yalumo ni pakamwa pa come, likoswe ni yinyama yine.

**msamilo li.** (yeji. misamilo) Cindu cakusaŵika pamalo gagona kuti agoneceje mtwe.

**msana li.** (yeji. msana) Upande wa lisiku wakutyocela pakatema ka likutanda lyuŵa kutukutula kuja kuyika pa likutanda koca mkaniliyive pewuwo.

- <sup>1</sup> **msanga li.** (yeji. misanga) Tuganga twaŵanaŵana twampela litaka twakusimanikwa mnopemnope mu ngulugulu sulo ni nyasa.
- <sup>2</sup> **msanga li.** (yeji. misanga) Lisasi lya yakulya yataŵile m'manyasi.
- msangalasi li.** (yeji. misangalasi) Umo mwa mitundu ja yitela yakuti makungwa gakwe akusatendela mtema pakutokotesya ni kumwa.
- msangalusi li.** (yeji. misangalusi) Umomwa mitundu ja yitela.
- msangu li.** (yeji. misangu) Citela ca miŵamiŵa cakupeleka cajila ca tusamaba twaŵanaŵana twatukusapakatika cuku.
- msanja li.** (yeji. misanja) Ung'asi wakuŵina ali awete yindu yakusona.
- msanjo li.** (yeji. misanjo) Cindu cagonela cakusatota ni matete.
- msapatonji li.** (yeji. misapatonji) Citela cakuwoneka cisawu mlambe cikusasogola yisogosi yayikusaŵaluka ni kukopoka yindu yacisawu litonji.
- msape m'jonje.** 1 Kutenda cindu mwangali cakulinga cisyesyene. 2 Cindu kapena mundu wamba.
- msapila li.** (yeji. acimsapila) Mundu jwakumkolakola cikululu.
- msapulo li.** (yeji. misapulo) Upande wekulungwa wa lipesi lya cimanga kapena mceŵele wakusawukamulicisya masengo pa kukologanya mkologo.
- msati li.** (yeji. misati) Citela cakusasolela pacilikati pa nyumba kuti cijangate msakasa.
- msawasa li.** (yeji. misawasa) Mtundu wa litonji lyakusaanda ligongo lya mawuta ga mu mbele syakwe.
- msaŵi li.** (yeji. asavi) Mundu jwakwapweteka kapena kwawulaga ŵandu ŵane kusepucila mu yilagu.
- msawulolusulo li.** (yeji. misawulolusulo) Umo mwa mitundu ja mawukutu.
- msawulonguwo li.** (yeji. misawulonguwo) Mundu jwakamula masengo gakucapa yindu cisawu yakuwala ni yine.
- msawusya li.** (yeji. acimsawusya) Mundu jwakutenda yindu yakusakalisya.
- msece li.** (yeji. misece) 1 Kuŵeceta maloŵe gakumcembulusya mundu jwine msyenejo pali pangali. 2 Mtundu wa ung'asi. 3 Mtundu wa liwukutu lyakuti muliloŵekamo mesi gakusagalawuka ni kuŵa gecejewu.
- msecela li.** (yeji. miseconda) Mtundu wa citela cacikusakoposya utomoni wakusapakaga pa mitundu jine ja ngalala kuti mesi gakajinjilaga.

- msecelakunyuma li.** (yeji. msecelakunyuma) Umo mwa mitundu ja yitela.
- mseje li.** (yeji. miseje) Cakumela ca mtundu wa bonongwe ca masamba gecejewu.
- mseka li.** (yeji. miseka) Manyasi gakusatanda kuwimba pa msakasa ni kugatawa mbalaŵala.
- msekwe li.** (yeji. misekwe) Cijuni camwitinji cacilewu lukosi cakulandana ni mbaata.
- msela li.** (yeji. misela) 1 Kulundana kwa yindu mwakutotogana. 2 msesela wakulembeka pa cikalakala. Litaka lyawunjile kuti apande mbeju
- msele li.** (yeji. misele) Mpunga wetelece.
- mselekete li.** (yeji. miselekete) citela ceswela, catusamba tamwana, cikusaŵeleka tusogosi twamwana nipo cikumela pesugulu kapena pecenje.
- mselu li.** (yeji. mselu) Kuŵilikula kwa ku lukosi kwakukusamtendekasya mundu kuti asose kutapika.
- msemu li.** (yeji. misemo) 1 Mtengo wa cindu kapena mlingo wakutindanyicisya yindu. 2 Ndamo kapena yitendo ya mundu.
- msenga li.** (yeji. misenga) Yuma yecejewu yakusawala yiŵili pamtima ni yiŵili yine pa lukosi ca kunyuma acim'masyeto ŵa cimasaninga.
- msengo li.** (yeji. misengo) 1 Yindu yakulimba cisawu liwupa yayikusamela pamtwe wa cinyama cisawu ngombe. 2 Mtela wakutendela usaŵi.
- msese li.** (yeji. msese) 1 Nyama jelesanyelesanye ni kwanika. 2 Kwinjisy liwolo kwikuma ni kutikulilanaga.
- msesela li.** (yeji. misela) Kulembeka mwakwendelecela kwa pamalo kwakulosya kuti cindu cine cakwe cijesileje mwakuliwuta kapena mwagudubuka.
- mseso li.** (yeji. miseso) Malo gamnono ga yitelatelape.
- msetanyani li.** (yeji. misetanyani) Citela cacikasu cakutililika pa cilu pakwe.
- <sup>1</sup>**mseŵa li.** (yeji. miseva) Citela cakuwuka ca masamba gekulungwa ga nakasamba ca likungwa lyakwepepala lyakuti mundu mpaka akombolece kukulula kutenda ngoji.
- <sup>2</sup>**mseŵa li.** (yeji. miseva) Mundu jwakuseseseŵala.
- mseŵe li.** (yeji. miseve) Mtundu wa citela wawukusasogola yisogosi ya maseŵe.

**msewo** *li.* (yeji. misewo) Litala lyekulungwa lyakupita wāndu wākwenda pasi, pagalimoto, panjinga ni yine.

**msewula** *li.* (yeji. misewula) Cakumela cakutenda kupanda cakula mwakawukutu cacikusasogola tusogosi twelewu cisawu ngunde twakuti wāndu akusateleka ni kulya.

**msicisi** *li.* (yeji. misicisi) Citela cekulungwa ca masamba geŵisi cuku ni cawu cakwe cacikusasogola yisogosi ya mbele syecejewu syakusajenga mawuta.

**msika** *li.* (yeji. misika) 1 Malo ga kusuma ni kusumisa yindu. 2 Upande wakusokoka wa litanda lyakusasokola kuti wāndu asujeje.

**msilanyama** *li.* (yeji. msilanyama) Umo mwa mitundu ja yitela.

**msilila** *li.* (yeji. msilila) Mteto wakumbila mnope yindu yakwete wāndu wane.

**msilo** *li.* (yeji. misilo) Litaka lyepiliwu mnope.

**msilu** *li.* (yeji. misilu) Cindu kapena mundu jwakwatendekasya wāndu wane woga.

**msima** *li.* (yeji. misima) Cindu kapena malo gosope.

**msimbi** *li.* (yeji. msimbi) Ling'omba lyelewu mnopemnopo luakucisusunyo.

**msimbiti** *li.* (yeji. msimbiti) Umo mwa mitundu ja yitela.

**msimbo** *li.* (yeji. msimbo) Kasokoce ka mbale ni yindu yine ya mtunduwu kutyocela mu ngomo kuja kucitamilo.

**msimila** *li.* (yeji. msimila) Umo mwa mitundu ja yitela yakoposya utomoni wakunyata.

**msimu** *li.* (yeji. misimu) Ciwumbe ca Mlungu cangawoneka ni meso cacikusatama m'cilu mwa mundu kuti mundujo akole umi.

**msinda** *li.* (yeji. misinda) 1 Musi wekulungwa. 2 Malo ga m'cilambo gakusatama wāndu wājinji gagakwete majumba ni maofesi gakutawidwa cenene kwisa soni misewu jambone gakusagalongolela mwenye jwajijusamsagula boma.

**msindo** *li.* (yeji. misindo) 1 Ciwungu cekulungwa cakuswelela ca waje welewu nambo soni wejinji. 2 Kulindima kwakupikanika ligongo lyakuti cindu ca usito ciputile pa cine kapena pasi. 3 Cindu campela mtasi cacikusalumbikanya nyama jamwicela ni ja mwinani kusyeeto kwa lilungo.

<sup>1</sup>**msinga** *li.* (yeji. misinga) Likungwa, citini lulo ni yine yakusayika pamalo

gasagwile kuti sinjile ni kutama nyuci.

<sup>2</sup>**msinga li.** (yeji. misinga) Uti jwekulungwa.

**msingati li.** (yeji. misingati) Mtundu wa citela.

**msingu li.** (yeji. misingu) Ulewu kapena ukulu mundu kapena cindu.

**msingusi li.** (yeji. misungusi) Citela cekulungwa ca masamba gewisi cuku ni cawu cakwe cacikusasogola yisogosi ya mbele syecejewu syakusajenga mawuta.

**msinjili li.** (yeji. misinjili) Kuleka kutenda cindu ligombo lyakuti mundu jwine akusakalisye.

**msinjo li.** (yeji. misinjo) Cipula cakuti cikumbu cakwe cili msengo wa ndomondo.

**msipani li.** (yeji. misipani) Mtundu wa citela cakuti akusakulula migoji ni kulucila malwawu.

**msipu li.** (yeji. misipu) Cindu cakuluka cakamulila somba cakusatumula ni tutungula twa syengo ni yine pamlango pakwe pakwe akusayika tumilasi twesongole twakulola mkati kuti somba naga sijinjilemo sikakopokaga.

**msisi li.** (yeji. misisi) 1 Cakumela cakupucila. 2 Malo gakusayika kaselo ka mbepesi ni yisasi ku ndagala.

**msisimanga li.** (yeji. misisimanga) Mtundu wa litonji lyakusaanda ligongo lya mawuta ga mu mbele syakwe.

**msisita li.** (yeji. misisita) Umo mwa mitundu ja yitela yakuti matabwa gakwe gakusaŵa gambone kwejinji.

**msiso li.** (yeji. misiso) Mteto wangajuwula ngani kapena yindu.

**msitu li.** (yeji. misitu) Malo gakuwutala mnopemnope ni yitela.

**msiŵani li.** (yeji. acasuvani) Mwanace jwa alumbu ŵawo mamagwe kapena alumbu ŵawo babagwe.

**msiŵi li.** (yeji. misiŵi) Mtundu wa citela.

**msiya li.** (yeji. asiya) Mundu jwakuseseŵala.

**msoci li.** (yeji. misoci) Lupula lwelewu cisawu lwa ndembo.

**msokolo li.** (yeji. misokolo) Yimanga yapomwele ni kupeta.

**msokosa li.** (yeji. misokosa) Mtundu wa citela.

<sup>1</sup>**msolo li.** (yeji. misolo) Pamalo ndema syejinji pa citela cisawu cacimbakasa pakusapelecela mbepesi.

<sup>2</sup>**msolo** *li.* (yeji. misolo) Liwupa lya nasangwi.

**msolokoto** *li.* (yeji. misolokoto) Tuyindu twampela ciwulo twatukusatutuma kutyocela pasi kuja kwini m'mesi gakusisima.

<sup>1</sup>**msolola** *li.* (yeji. misolola) Cindu cakuluka cakusatumula ni tutungulu cisawu msipu cekulungwa kukamwa ni kupyonyoka cangali cisena cakamulila tunyama.

<sup>2</sup>**msolola** *li.* (yeji. misolola) Cindu cakupyonyoka panandipanandi kutyoka mpika umo kuja ujakwe.

**msolomoka** *li.* (yeji. misolomoka) Mundu jwapundile pa yitendo yakutuyana.

**msomali** *li.* (yeji. misomali) Kacisyano kakusongoka upande umo winewo kana mtwe kakusakomela wandu yindu yakulekanganalekangana.

**msombi** *li.* (yeji. misombi) **1** Kamjololo kakusakaleka kangalima pacilikati pa migunda. **2** Upande wa litumbi wawutesile ndonya. **3** Kanyasa kakupagwa ligongo lya kusisilika kwa upande wakulumbikanya kanyasako ni nyasa jisyene. **4** Ndago jamwana ja lusulo ni nyasa.

**msombola** *li.* (yeji. acimsombola) Mundu jwakwiwa yindu mwakwakula.

**msombwe** *li.* (yeji. acimsombwe) Mcanda jwakuti awumbele nambo nganalombele kapena ngaŵelece mwanace.

**msomelo** *li.* (yeji. misomelo) Cindu campela cipanda cana lukonga.

**msomoka** *li.* (yeji. misomoka) Cindu kapena mundu jwamlewu kapena jwakupikanika mnope.

**msonde** *li.* (yeji. misonde) Litinji lya wajewaje lyakuwoneka cisawu m'mela wa yimanga.

**msondo** *li.* (yeji. misondo) **1** Unyago wa wanace wakongwe wakuti akuti akusiŵamwesya msondoka nambo kalakalako akuti wakataga kasongoni. **2**

**msondoka** *li.* (yeji. misondoka) Katela kamiwamiwa kangakula mnope kakusagola tusogosi twakuwaŵa.

**msongolo** *li.* (yeji. asongolo) Mcanda jwangawumbala.

**msongomsongo** *m'jonje.* **1** Kupeleka yindu jwalijose panandipanandi mpaka kukwana mlingo wakwe.

**msongwe** *li.* (yeji. misongwe) Mtundu wa citela.

**msonjemsonje** *m'jonje.* Kupeleka yindu jwalijose panandipanandi mpaka

- kukwana mlingo wakwe
- msonogo li.** (yeji. asonogo) Jwamkongwe jwawulombe kapena jwawukusosa kulombela.
- msonyo li.** (yeji. misonyo) 1 Lisegwe lyakopoka pakamwa pagundanya ngomo ni kuwuta mbepo mwamacili pakusosa kulosya kusakalilwa ni yindu yayitendeckwe. 2 Mtundu wa citete cacinandi ca lugomo lwelewu, ca mapapiko mcece ca nakasamba ca mawuta gejinji mwanti wandu wane akusalyaga.
- msopa li.** (yeji. misopa) citela cakutililika, cakuwuka soni camiwa jakutalanganatalikangana pacilu pakwe.
- msopela li.** (yeji. misopela) Kasyano kawakamulicisyaga masengo pakutwinyisya wonga mu uti.
- msopelo li.** (yeji. misopelo) Cindu cakusapeleka mwakonjecesya pa yindu yakusumisya kapena yasumisye.
- msosi li.** (yeji. misosi) Mesi gakopoka m'meso ligongo lya canasa kapena kusengwa.
- msosola li.** (yeji. misosola) Mtundu wa citela.
- msucila li.** (yeji. misucila) Lumbamba lwekulungwa panandi, lwecejewu nambo soni lwakuluma mnope.
- msuka li.** (yeji. misuka) Upande wa ngwasa jenandi wa cindu cine cilicose.
- msukambisi li.** (yeji. misukambisi) citela ca masamba gecejewu kusi, kwinani kwa nakasamba capacilu pakutililika, cakuwuka nambo soni masamba gakwe gakulewupila.
- msuku li.** (yeji. misuku) Citela ca pacilu pakuwuka, ca makungwa gangasawusya kugwagula, nambo soni cikusasogola yisogosi yecejewu naga yijiwile, ya songolo syejinji yakuti wandu wane akusalyaga.
- msukunya li.** (yeji. misukunya) Kulindima ni kutenganyika kwa cilambo ligongo lya kuputa kwa njasi kwisa soni magongo gane gakulekanganalekangana.
- msukusuku li.** (yeji. misukusuku) Kutenganyika panandi kwa cilambo.
- msuli li.** (yeji. misuli) Cisoti candendela cangali lipenu ca ulusi wa wilawila capewuwo.
- msulila li.** (yeji. masulila) Jwakongwe jwamwana jwa mwenye.
- msuliya li.** (yeji. masuliya) Alole ngopolo ja msulila.
- msuluso m'jonje.** Kucembulusya mundu kapena cindu.



- msumbi li.** (yeji. misumbi) Citela cakusasoleta pacilikati pa nyumba jandendela kuti cijangate msakasa.
- msumbu li.** (yeji. misumbu) Kapende kakakusawimbila cipyoto.
- msumbuti li.** (yeji. misumbuti) citela capacilu pakutililika panondi soni pana ikakasyande, ca masamba gaŵanaŵana ganakasamba, cikusaweleva mbande syakupwapwatala
- msumwa li.** (yeji. misumwa) Umo mwa mitundu ja yitela ya mpingo.
- msundi li.** (yeji. misundi) Usanje wawukusaŵa wesongocesongoce.
- msunduli li.** (yeji. misunduli) Cibaba cakusosa kutombana.
- msungu li.** (yeji. asungu) Mundu jwamswela jwangaŵaga mmwenye kapena mfilika.
- msunje li.** (yeji. misunje) Likoko lyangateleva lya utandi ni mesi.
- msupuko li.** (yeji. acimsupuko) 1 Mundu jwakutesya woga. 2 Mundu jwakupikanika kapena kumanyika.
- msusa li.** (yeji. misusa) Kutama mwakwimila songa sya yala ni kupinda malungo, nambo soni mapuluputu ngakwaya pasi.
- msusi li.** (yeji. misusi) Mesi gagakusapatika mu mboga gagakusanunjila ni kunonga cisawu mbogasyo.
- msuŵi li.** (yeji. misuvi) Citela ca nyama jakandapala cakusakolocesya yindu yakunyakulila yindu yawusito mnopu.
- mswaci li.** (yeji. miswaci) Katela kecanyande upande umo kakucapila m'meno.
- mswaga li.** (yeji. miswaga) Lipesi lyewisi lya cimanga lyakusatema ni kutawunaga cisawu muwa.
- mswakanyo li.** (yeji. miswakanyo) Lisegwe lyakupikanika ligongo lyakukwaya manyasi gejumu.
- mswele li.** (yeji. miswele) Mtundu wa usanje.
- mswenene li.** (yeji. mswenene) Mteto wakulimbicila kutenda yindu kuti mpaka yawukuyisosa yikombolece.
- msweswe m'jonje.** 1 Kumyola lupala ni kuleka tuwumbo twine cisawu cingangalimba ca nguku. 2 Kusenga umbo ni kuleka sine cisawu cingangalimba ca nguku.
- msweta li.** (yeji. misweta) Cipukutu ca yuma yetunjetunje.
- msyene mkwimi.** Lipata lya liloŵe lya mundu jwakwete cindu.

**msyoŵe li.** (yeji. asyove) Mundu jwawukusang'anda nambo soni kukamulana najo.

**msyunga li.** (yeji. misyunga) Mtundu wa citela cakuti ndema sine yisogosi yakwe akusawulajila somba.

**msyungu li.** (yeji. misyungu) Maloŵe gakusamsalila mundu gakwaya yakusosekwa kutenda pakutama ni ŵandu.

**mtagaluka li.** (yeji. acimtagaluka) Kanyama kamwitinji, kakanandi mpela come, kakalamuka nambo soni kakuwutuka mnope, kamawiwi gelewu kwisa soni meso gamakulungwa.

**mtajili li.** (yeji. matajili) Mundu jwakupata.

**mtala li.** (yeji. mitala) Cindu camwna cagumba ni lilongo cakutecela ni kusunjila mesi.

**mtalaŵanda li.** (yeji. mitalavanda) Citela ca pacilu pecejewu cakulimba cakusona mwanti akusatendela ngwasala ku ndagala.

**mtalya li.** (yeji. atalya) Kajani kamwana kakakusalongolela mkutula wa majani.

**mtamba li.** (yeji. mitamba) Nguwu jambone ja buluwu.

**mtambala li.** (yeji. mitambala) Yindu yejinji cisawu sasus yakuti ayitaŵile pamo.

**mtambe li.** (yeji. mitambe) 1 Masamba ga ngumbe. 2 Cakumela ca liwuka cakutambala cisawu cisilisya nambo cekulungwa cakumnong'a kulisyelenga m'yitekete cakuti ŵandu ŵane akusakata ni kutaŵilaga mitambala.

**mtambo li.** (yeji. mitambo) Upande wajikutendekwecela ngondo.

**mtambulo li.** (yeji. mitambulo) Yindu kapena ngani jakonjecesya.

**mtamilo li.** (yeji. mitamilo) Cindu cakwegamicila mapuluputu.

**mtanda li.** (yeji. mitanda) Ugali wakwanila cikoŵi cimo.

**mtandandumbili li.** (yeji. mitandandumbili) Citela cagoloka, camasamba gamakulungwa panandi, cikusasogola tusogosi twa ŵanaŵana.

**mtandanyelele li.** (yeji. mitandanyelele) Mtundu wa citela.

**mtandasya li.** (yeji. mitandasya) Utandi wa yinangwa.

**mtang'anda li.** (yeji. mitang'anda) Mkuli welewu.

**mtanga li.** (yeji. mitanga) Msimu wawukusayikasya sala.

**mtapanyuci li.** (yeji. mitapanyuci) Mtundu wa citela.

**mtapasya li.** (yeji. mitapasya) Mboga sya masamba ga umo mwa mitundu ja yitela ya yinangwa.

**mtapicilo li.** (yeji. acimtapicilo) Msaŵi jwalukwile mwayi m'yilagu.

**mtapo li.** (yeji. mitapo) Yuma yayitunjile mu lukonji lwelewu.

**mtapwito li.** (yeji. mitapwito) Cakumela ca mwitinji cakutambala cacikusasogola yisogosi yampela mangaka ya pacilu pa miŵamiŵa.

**mtasi li.** (yeji. mitasi) Kampita ka miyasi ka m'cilu mwa mundu kapena cinyama.

**mtata li.** (yeji. mitata) Mtundu wa citela.

**mtatasika li.** (yeji. mitatasika) Mtundu wa bonongwe jwamasamba gamacejewu.

**mtatu li.** (yeji. mitatu) Njinga ja habu jekulungwa jakulila cisawu mcekece pakwenda.

**mtaŵa li.** (yeji. mitava) 1 Citela ca miŵamiŵa, catusamba twaŵana twanakasamba, cikusasogola yisogosi yakulyaga yakolanjikwa kuti ndaŵa. 2 Citela cakutililika pacilu cakuswejelela cikusasogola tusogosi twampela njele.

**mtaŵanga li.** (yeji. acimtavanga) Mundu jwa ndamo jakusakalisya.

**mtawu li.** (yeji. mtawu) Mteto wakulimbicila kutenda yindu kuti mpaka yawukuyisosa yikombolece.

**mtacetu m'jonje.** Cindu cakulimba nambo cangakaŵa kukatikakatika.

**<sup>2</sup>nteete li.** (yeji. miteete) Cakuwala cakusanyambatika kuyalo acimmasyeto pagosa kujilima kwa miyasi ja kumwesi.

**mtega m'jonje.** Ngaŵandika kapena pambali.

**mtela li.** (yeji. mitela) 1 Yindu yakamucisya kunandiya kapena kuposya yilwele nambo soni yakupeleka upile kapena yilagasyo. 2 Cakumela ca nyama jakulimba, cacilewu cakuti cikusaŵa ciŵela uŵisiŵisi yaka yejinji.

**mtelasi li.** (yeji. mitelasi) Mtumbila wekulungwa.

**mtelési li.** (yeji. acimtésesi) Msyene unyago wa litiwo.

**mtembe li.** (yeji. mitembe) Mlandanyo wakusema wa mundu kapena cinyama.

**mtembelo li.** (yeji. mitembelo) Citela cakusanyakusyanila ŵandu ndundu.

**mtembo li.** (yeji. mitembo) Cilu ca mundu jwam'we.

**mtemela li.** (yeji. mitemela) Ngani jakuŵeceta m'kasyepela.

**mtendele** *li.* (yeji. mtendele) Kuŵa pangali ukangani.

**mtenga** *li.* (yeji. acimtenga) 1 Mundu jwakupita mcisala maloŵe. 2 Maloŵe gakusalile gakutyocela kwa mundu jwine.

**mtengo** *li.* (yeji. mitengo) Mbiya kapena yindu yalamwile mundu jwakusumisya cindu kuti upelece kuti cinduco ciŵe ca ugwe.

**mtengu** *li.* (yeji. acimtengu) 1 Mundu jwakupita mcisala maloŵe. 2 Maloŵe gawupocela kutyocela kwa mundu jwine.

**mtepa** *li.* (yeji. mitepa) 1 Upande wa kumbesi wa cindu. 2 Katela kakutependala kesyelenje ulimbo.

**mtepela** *li.* (yeji. mitepela) Mtundu wa citela.

**mtepesi** *li.* (yeji. mitepesi) Madomemadome ga likaku.

**mtepo** *li.* (yeji. mitepo) Likoŵa lya cindu cisawu mtesa.

**mtesa** *li.* (yeji. mitesa) Cakumela cakupanda cacikusasogolela yisogosi yakwe mwitaka cisawu sugama.

**mtete** *li.* (yeji. mitete) Kawisa kakucijila miyasi kakusawala jwam'masyeto pandema jakulwala kumwesi.

<sup>1</sup>**mtete** *li.* (yeji. miteete) Citela cacikasu ca pacilu pa miŵa ja ngoŵe ca tusamba twaŵanaŵana.

**mtewe** *li.* (yeji. mitewe) Cakumela cakusogola yisogosi cisawu mtesa yakuŵangucila m'cilewu.

**mtiko** *li.* (yeji. mitiko) Katela kakusasepa kuti akologanyicisyeje yindu.

**mtima** *li.* (yeji. mitima) 1 Kaciŵalo kamnowunowupe kakakusasimanikwa m'cipagala ca cinyama kapena mundu kakakusapopa miyasi m'cilu. 2 Ndamo ni yitendo ya mundu.

**mtimatusya** *m'jonje.* Kutenda yindu mwanawutuka kapena kogopa.

**mtimbajilila** *li.* (yeji. mitimbajilila) Katela kakusakakalicisya masengo pakwenda mundu jwamlemale m'malo mwa sisyesyene syakwendela ŵandu ŵalemale.

**mtimbulilo** *li.* (yeji. mitimbulilo) Citela cakusasepa kuti atweleje yindu cisawu yimanga.

**mtina** *li.* (yeji. mitina) Mpamba wangali lusonga wakuwulajila yijuni.

**mtindi** *li.* (yeji. mtindi) Mtundu, kapagwe ni kaŵe ka yindu.

**mtindiso** *li.* (yeji. mitindiso) Ndodo jakwendela.

**mtindo** *li.* (yeji. mitindo) Mtundu, kapagwe ni kaŵe ka yindu.

**mtinga** *li.* (yeji. mitinga) Citumbo cakwembecela kupagwa kwa mwanace.  
**mtipwe** *li.* (yeji. mitipwe) Mtela wakusiŵamwesya ŵandu kuti jwali msaŵi awe.

**mtiti** *li.* (yeji. mititi) 1 Lisipuka lwekulungwa cisawu lya ligombo. 2 Cijuni cakulandana ni njuŵa nambo cekulungwa soni cecejewu meso.

**mtiŵa** *li.* (yeji. mitiva) Lijoka lyamwana lyakogoya mnope.

**mtolanje** *li.* (yeji. mitolanje) 1 Mlasi wana lopowo lyekulungwa. 2 Uti jelewu kwakopocela yipolopolo.

**mtolilo** *li.* (yeji. mitolilo) Mboga sya masamba ga mbatata.

**mtombo** *li.* (yeji. mitombo) 1 Mtwe wa cakuyimba. 2 Ckuyimba cakulimba cakusajo cakusakulupilila ŵandu ŵane kuti cikusatanda ligongo lya kukwemba sona.

**mtomoni** *li.* (yeji. mitomoni) Citela ca tukungwa twaŵanaŵana cacikusakopoka mesi geswela cisawu mkaka.

**mtondo** *li.* (yeji. mitondo) Citela ca pacilu pakusapangana, ca tusamba twaŵanaŵana cacikusasogola yisogosi ya nakasamba yayikusapitikuka ni kuŵa yacikasu naga yijiwile nambo soni yakununga.

<sup>1</sup>**mtondo** *m'jonje.* Lyuŵa lyaŵili kutyocela lelo.

**mtondogolo** *m'jonje.* Lyuŵa lyatatu kutyocela malaŵi.

**mtondowoko** *li.* (yeji. mitondowoko) citela capacilu peswela, pakutililika, camasamba gakunandipila nipo cisasogolaga isogosi yampela masuku nambo yangalya.

<sup>1</sup>**mtonga** *li.* (yeji. atonga) Mundu jwa mtundu wa Citonga.

<sup>2</sup>**mtonga** *li.* (yeji. mitonga) Citela cakuwuka cacikusasogola yisogosi yampela mangulungulu.

**mtonje** *m'jonje.* Kuwusya ngani jajitendecekwe.

**mtonji** *li.* (yeji. mitonji) Cakumela cakusasogola yisogosi yacisawu matowo nambo naga yiŵalwicemo yikusakoposya yindu yakusasinjila ulusi wagombela nguwo.

**mtonjimanga** *li.* (yeji. mitonjimanga) Citela ca lironji cangali usito.

**mtotomtoto** *m'jonje.* Kutendecekwatendecekwa.

**mtowasi** *li.* (yeji. mitowasi) Malo ga ciŵata.

**mtowo** *li.* (yeji. mitowo) Citela ca masamba gakalakatala ga cisawu

mwambulele cacikusasogola yisogosi yayikusaŵaluka ni kunakana  
nikopokaga yindu yampela manina nambo ŵandu ŵane akusatawunaga.

**mtuka li.** (yeji. mituka) Cindu cakumpa mundu ku mwangalajila kusuma  
kapema kukuŵenda.

**mtukape m'jonje.** Mwangali masegwe nambo soni panandipnandi.

**mtukulu li.** (yeji. mitukulu) Mtundu wa citela.

**mtukuta li.** (yeji. mitukuta) Kupikanika moto panandi.

**mtula li.** (yeji. mitula) Citela cilicose cekulungwa cakusagoneka mtembo  
pasi pakwe ali mkwembecela kuti malembe gamale kusola.

**mtulo li.** (yeji. mitulo) Yindu yakupeleka pakutogolela.

**mtuluko li.** (yeji. mituluko) Ula jwakunya pakutanda pa cuku.

**mtumba li.** (yeji. mitumba) 1 Lilambe lyekulungwa. 2 Citumbo  
cakwembecela kupagwa kwa mwanace. 3 Cipanda cekulungwa.

**mtumbati li.** (yeji. mitumbati) Citela ca makungwa gekulungwa  
gakulakatikaga, camasamba gakulewupila cakusogola yisogosi ya  
wajiwaji nambo yangalya, caku mkucikatamo cikuskoposya utomoni  
wecejewu wampela miyasi.

**mtumbo li.** (yeji. mitumbo) 1 Kasimbo ka cindu ca umi kakopocela manyi  
kapena ndoŵe. 2 Lipisya lya yuma lyakwanila cenene m'ciwunu.

**mtumbu li.** (yeji. mitumbu) Citela ca yilondayilonda pacilu ca masamba  
gaŵanaŵana cakusataŵila ndenje nambo soni ŵandu ŵane akusacipanda  
ku malembe.

**mtumwa li.** (yeji. acimitumwa) Mundu jwakamula masengo gakupita  
mcipeleka mautenga, yibaluwa ni yine.

**mtundajilo li.** (yeji. mitundajilo) Katela kakusakakalicisya masengo  
pakwenda mundu jwamlemale m'malo mwa sisyesyene syakwendela  
ŵandu ŵalemale.

**mtundi li.** (yeji. mitundi) Mtundu wa citela.

<sup>1</sup>**mtundu li.** (yeji. mitundi) Kapagwe ni kaŵe ka cindu kapena mundu.

<sup>2</sup>**mtundu mtagu.** Cindu cosope pangali upande wakutyosya.

**mtundula li.** (yeji. mitundula) Nyama jakuti mundu anyakule kapena  
atwicile.

**mtundulusi li.** (yeji. mitundulusi) Yakumela yakutambala  
yakulekanganalekangana yayisyelengenesyelengene.

**mtunga li.** (yeji. mitunga) Katela kamwana.

**mtungwi li.** (yeji. mitungwi) Cindu campela lukalala nambo cana cakuwunicila.

**mtungwisa li.** (yeji. mitungwisa) Katela kamwana, kamiŵamiŵa, kakusasogola tusogosi twanakasamba twaŵanaŵana nambo twangalya, twakuti tuli tujiwile tukusaŵa twacikasu.

**mtunjelele li.** (yeji. mtunjelele) Kuŵa pangali masegwe, ukangani kapena umenyani.

**mtunu li.** (yeji. mitunu) Katela kamwana.

**mtunungu li.** (yeji. mitunungu) Katela kamwana.

**mtupa li.** (yeji. mitupa) Mtundu wa citela.

**mtusumtusu li.** (yeji. mitusumtusu) cindu cakuti kucikamulamo kapena kulyaga cikusatusuka cisawu cimanga cangakomala.

**mtuta li.** (yeji. mituta) Cisusi ca lipuku.

**mtutu li.** (yeji. mitutu) Cakumela cakulandana ni mpelemende cakuti masamba ni tusogosi twakwe akusawulajila somba.

**mtutumuku li.** (yeji. mitutumuku) Citela catukungwatukungwa pacilu cikusasogola tusogosi twangalya twapwapwata cisawu ngwingwisu.

**mtuwa li.** (yeji. mituwa) mlasu wangakomala.

**mtuwi li.** (yeji. mituwi) Cilu ca mundu jwam'we.

**mtuwu li.** (yeji. mituwu) Mtundu wa yinangwa yangaŵaŵa, yecejewu makoŵa.

**mtwana li.** (yeji. mitwana) Citela cakusogola tusogosi cisawu twakuŵangucila m'cilewu.

**mtwe li.** (yeji. mitwe) 1 Ciŵalo ca cinyama kapena mundu cacikusaŵa pacanya pa lukosi cacikwete yiŵalo yine cisawu meso, mbula ni mawiwi. 2 Mesi gakulongolela ga cikumbwa. 3 Kacaso jwakuŵaŵa mnope, jwandanda kopoka pakatema kakuteleka. 4 Kagulumwa ka uwowu kakakusaŵa pacilikati pa cakuyimba. 5 mundu jwalunda mnope.

**mtwenje li.** (yeji. mitwenje) Mtundu wa citela cakusogola yisogosi.

**muci li.** (yeji. mici) Mundu jwataŵice cilu cakwe ligongo lya mpingu wa ciwa kapena ligongo lyakasa mipingu.

**mulamula mlanji.** Liloŵe lyakulosya kuti malo gakwe gali gakumanyika kala.

**mulika** *msa.* 1 Kulola mwayiŵelele yindu. 2 Kulangusya pamalo ni nyali, moto ni yine kuti ayiwone yindu yayipali.

**mulimuli** *m'jonje.* Mwakusatendela mundu pakwendesyajendesya cindu ckulangucisya pamalo kuti ayiwone yindu yayipali.

**mulumunya** *msa.* Kulya yindu mwangatawuna nambo kwamba kuyigalawusya mkamwa ni kumilaga mesi gakwego.

**mum'wulili** *m'jonje.* Pamalo pangaŵalila lyuŵa ligongo lyakuti pawimbice ni yindu yine.

**mumbwe** *li.* (yeji. mumbwe) Liganga lyakuti liwosile mwanti likwamba kukasika.

**mumomo** *mlanji.* Liloŵe lyakulosya kugombelesya kuti malo gakwe nganigaŵa gane.

**mumunya** *msa.* Kugwedanya ngomo pakulosya kumdelela kapena kumcembulusya mundu jwine.

**mumupemu** *m'jonje.* 1 Liloŵe lyakulosya kugombelesya kuti malo gakwe nganigaŵa gane. 2 Liloŵe lyakulosya kuti ngajombocela kwine.

**mundalanga** *li.* (yeji. mindalanga) Mtundu wa ung'asi.

**mundu** *li.* (yeji. vandu) Ciwumbe ca umi ca Mlungu cangongolo siŵili cacikusaŵeceta ni kuganisya yalunda kupunda yindu yosope.

**mung'unya** *msa.* Kugwedanya ngomo pakulosya kumdelela kapena kumcembulusya mundu jwine.

**mungulugulu** *m'jonje.* Mu mbali mwa cindu cisawu lusulo, nyasa, mgunda ni yine.

**mungunga** *li.* (yeji. mingunga) Mtundu wa citela.

**munjala** *li.* (yeji. minjala) Mtundu wa citela.

**muno** *mlanji.* Lipata lya liloŵe lyakulosya malo gakuŵandicila mnope.

**munyu** *li.* (yeji. munyu) Liganga lyakutililicisya yindu yagumbagumba kuti yiŵe yakusalala.

**munyula** *msa.* Kubudulabudula upande wakutema wa cilingo ni kucitendekasya kuti ciŵe cangatema.

**musi** *li.* (yeji. misi) Nyumba syejinji syagona ŵandu syataŵile mu upande wa mwenye jumo.

**muso** *li.* (yeji. miso) Upande wakusongoka wa wato kapena liboti.

**musulila** *li.* (yeji. masulila) Jwamkongwe jwamwana jwa mwenye.



**muusi m'jonje.** 1 Upande wa lisiku wawukusaŵa ni lilanguka lya lyuŵa. 2 Upande wa lisiku wakutandila pa katema ka likuyika lyuŵa pewuwo mpaka katema ka likupendeka.

**muwanji li.** (yeji. miwanji) Cakumela cilicose ca nakasamba nambo soni cakoloŵa.

**muwimbi li.** (yeji. miwimbi) Mtundu wa citela.

**muwula li.** (yeji. miwula) Mtundu wa citela.

**muwulaji li.** (yeji. awulaji) Mundu jwam'macisye mjakwe umi pangaŵaga mwausaŵi.

**muwumbo m'jonje.** 1 Kungapililo lyuŵa. 2 Mbepo jakutyocela kungapililo lyuŵa.

**muwungu li.** (yeji. miwungu) Yindu ykusosa mundu kuti anyakule kapena kujigala.

**muwungutwa li.** (yeji. miwungutwa) Citela cakuwuka ca masamba gekulungwa gakalakatala cacikusasogola yisogosi yekulungwa nambo soni yelewu.

**muwungwe li.** (yeji. miwungwe) Cakumela cakusogola yisogosi.

**muwuwa li.** (yeji. miwuwa) Mtundu wa citela.

**muwuwu li.** (yeji. miwuwu) Mtundu wa yitela yaŵanaŵana.

<sup>1</sup>**mwa msa.** Kutaga mkamwa yindu yakujilima kuti yijinjile m'matumbo.

<sup>2</sup>**mwa m'jonje.** Mwayikusatendela pakulekangana yindu yakuti yakiji pamo.

**mwacejusi m'jonje.** Caka cicamasile mwakulundana ni caka cacimasile kweneci.

**mwaceso m'jonje.** Caka cicimasile mwakulundana ni caka acino.

**mwaga msa.** Kukalasula pacilu papakunyanya ni ngose kapena yindu yine.

**mwagaŵa m'jonje.** Kutenda yindu mwakupeleganya. kwa ŵandu ŵane.

**mwaja li.** (yeji. myaja) Mtundu wa citela.

**mwaju m'jonje.** Kuwugula kukamwa uli mkuwutila mbepo m'matumbo ligongo lya kupela kapena sala.

**mwakwe m'jonje.** Kuŵa m'malo mwayikusosecekwa.

**mwalamasya msa.** kwasasya cindu kapena yindu kuti ijumule.

**mwali li.** (yeji. ŵali) 1 Jwamkongwe jwakuti ŵawumbele nambo nganaŵelece mwanace. 2 Mundu jwali ku unyago.

**mwali** *li.* (yeji. aciŵali) Mundu jwasyomile mnope mpaka kuyika pa mlingo wakwajiganya ŵane.  
**mwali** *ndembo li.* (yeji. ŵalindembo) Jwamkongwe jwakuti ajigele citumbo candanda.  
**mwambi** *li.* (yeji. ŵambi) Cindu casambano cangalana ni yine yiyapali kala.  
**mwam**bone *m'jonje.* Liloŵe lyakulosya kuti yindu kapena nganijo jili m'yoyo.  
**mwame**le *m'jonje.* Liloŵe lyakulosya kuti yinduyo yitendecekwe mundujo ali mkumanylila.  
**mwam**jinji *m'jonje.* Liloŵe lyakulosya kuti malogo nganigaŵa gamo.  
**mwana**ce *li.* (yeji. ŵanace) Mundu jwakuti nganaŵa jwamkulungwa.  
**mwana**gwawo *li.* (yeji. ŵanaŵawo) Mundu jwakuti nganaŵa jwamkulungwa jwa mundu jwine.  
**mwana**gwenu *li.* (yeji. ŵanaŵenu) Mundu jwakuti nganaŵa jwamkulungwa jwa m'mwe.  
**mwana**ngu *li.* (yeji. ŵanangu) Mundu jwakuti nganaŵa jwamkulungwa jwa une.  
**mwana**si *li.* (yeji. ŵanasi) Mundu jwaulongo ligongo lyakutyocela ku lukosyo lumo.  
**mwanda** *li.* (yeji. miyanda) Yindu kapena ŵandu ŵajinji.  
**mwandun**ji *m'jonje.* Kutendekwa mwangajembecela.  
**mwanga** *li.* (yeji. miyanga) Msengo wa ndembo.  
**mwango** *li.* (yeji. miyango) Msengo wa ndembo.  
**mwanja** *m'jonje.* Kunyakuka ulendo.  
**mwanja**mwewe *mkwimi.* Liloŵe lyakwakanjila ŵanace ŵatalicile panandi.  
**mwapi** *m'jonje.* Liloŵe lyakuwucisya malo gacili cindu.  
**mwapu**lo *li.* (yeji. miyapulo) Lukongolo lwa kuwujwa lwa cinyama.  
**mwapwe**lele *m'jonje.* Kuŵa kapena kutendecekwa mwakogoya.  
**mwasya** *msa. 1* Kwasasya yindu cisawu yimanga, utandi ni yine yajanice palyuŵa kuti yijumule. *2* Kuponya yindu pamalo mwangakolosya cenene.  
**mwai** *li.* (yeji. mwayi) Citela cakusogola yisogosi yakuŵalucila m'cilewu cakusagwagula makungwa gakwe ni kutendela mtela wakwamwesya ŵandu kuti jwa msaŵi amanyice.

**mwela li.** (yeji. mwela) Ulwele wakuyimba mapwisi.  
**mwele mlanji.** Liloŵe lyakulosya mwacili cindu.  
**mwelesya msa.** Kupapila mnope mkologo.  
**mwembe li.** (yeji. miwembe) Citela cakusogola yembe.  
**mwemula mlanji.** Liloŵe lyakulanjila malo gacaliji cindu.  
**mwenya li.** (yeji. mimwenya) Mtundu wa citela cakusacikamulicisya masengo mnope pakolocesya mawato.  
**mwenye li.** (yeji. acivenye) Mundu jwawukumu wakusunga musi ni kwasamala ŵandu ŵam'musimo.  
**mwepe li.** (yeji. miyepe) Mwanace jwa cemwali.  
**mwesi li.** (yeji. miyesi) 1 Cindu campela lyuŵa cacikusaŵala cilo. 2 Ndaŵi jakwana yijuma mcece.  
**mwesya msa.** 1 Kumpa mundu cakumwa. 2 Kupitisa mpila pa golo.  
<sup>1</sup>**mwetu mkwimi.** Liloŵe lyakulosya kuti malogo ga jemanja.  
<sup>2</sup>**mwetu mbika.** Mwakusatendela mundu pakuwugula pakamwa ni kulosya meno ligongo lya kusengwa.  
**mwetulila msa.** Kuwugula pakamwa ni kulosya meno ligongo lya kusengwa.  
**mwimbi li.** (yeji. mimbi) Mtundu wa citela.  
**mwimbila li.** (yeji. mimbila) Lisimbo lyakuti kanyama kasokwele mwitaka.  
**mwina li.** (yeji. mina) Lisimbo lyakuti lisokwele lipuku kapena likoswe.  
**mwinjilo li.** (yeji. minjilo) Malaja kapena cakuwala cine cilicose cakuti mundu jwawetejo cikumkulila mnope.  
**mwipwa li.** (yeji. vepe) Mwanace jwa cemwali.  
**mwisi li.** (yeji. misi) Citela cesepe cenene cakutwela kapena kupomolela mwituli yindu cisawu yimanga. Aole soni ngopolo ja citwelo.  
**mwisicana l** (yeji. vesicana) Mwanace jwamkongwe jwakuti nganayice pa msingu wakuwumbala.  
**mwisya li.** (yeji. misya) Lisimbo lyakuti lisokwele lipuku kapena likoswe.  
**mwisyo m'jonje.** Kuwugula kukamwa ni kukoposya mbepo mwamacili kusepucila kumwa ni mu mbula cisawu mwakusatendela mundu jwanusisye soona.  
**mya mbika.** 1 Kuŵa cakutililika kapena pakutililika. 2 Kwenda cenene

pangali cakusawusya.  
**myalala** *msa.* Kuleka kulila.  
**myalasya** *msa.* Kumlolosya mwanace kuti alece kulila.  
**myamyalala** *mbika.* Kwenda mwagwala mwangatenda lisegwe.  
**myata** *msa.* Kuŵa cakunyambatila kapena cakoloŵa.  
**myatika** *msa.* Kuŵa jwakalamuka pakamwa.  
**myo** *mbika.* Mwakusatendela pakumoga umbo.  
**myola** *msa.* Kupalapata umbo syosope ngasigasya atamose panandi.  
**myu** *mbika.* 1 Kumala yosope. 2 Kupya cenene mwanti naga sili somba  
 mpaka kulya ni miŵa syakwe.

## N

**n** Cilembo cangapikanika pajika.  
**nacilongola** *li.* (yeji. anacilongola) Mundu jwakwalamulila nambo soni  
 akwete ukumu wakutenda yindu m'malo mwa ŵandu ŵane.  
**naciula** Ndembo jangali misengo.  
**naciŵamuno** *mlumbi.* Liloŵe lyakulosya kuti yindu tiyigalawucile mwine.  
**naga** *mlumbi.* Liloŵe lyakulumbikanya maloŵe kapena nganisyo.  
**nakagombo** *li.* Cakumela ca nakasamba cacikusajajaŵala pacanya pa mesi  
 mu sulo ni m'nyasa.  
**nakakumo** *li.* Mtundu wa yisogosi yamwitinji.  
**nakamo** *mgu.* Liloŵe lyakalamusya kuti mundu alole cindu cacikwisa.  
**nakamope** *M'jonje.* M'jonje. Kutenda cindu mwangawilisya.  
**nakana** *msa.* Kukola mawuta mu mnowu.  
**nakanya** *msa.* Kupaka mawuta.  
**nakapweso** *li.* Mtundu wa yisogosi ya mwitinji.  
**nakasowu** *li.* mtundu wa uwasi wakusawa weswela kusi kwakwe, nambo  
 penani pakuwuka; kuweceta kwine; uwumbu  
**nakaswaga** *li.* Citela cakununjila.  
**nakatope** *li.* Mtundu wa citela.  
**nakawago** *li.* Mtundu wa citela cekulungwa.  
**nakusa** *li.* Mtundu wa membe jakuluma.

**nalignwandi** *li.* Mundu jwacasa mnope.

**nalikata** *li.* Mundu jwasawa jwakuwala mwangalondeka nambo soni jwangasakula umbo.

**namalaluka** *li.* Liwukutu lyakuti miciga jakwe akusajitwa ni kutaga m'mesi kuti somba siwe.

**namaloŵe** *li.* Kupikanika soni kwa maloŵe ga mundu jaŵecete mpela kuti pana mundu jwine jwakusyasya.

**namami** *li.* Cijuni ca mawiwi gambanganda meso gekulungwa cisawu linjici nambo cakunandipila.

**nambo mlumbi.** Liloŵe lyakulumbikanyisya ngani pakusosa konjecesya kapena kulekanganya yayiŵecetekwe kala ni yayikusosa kuŵeceta.

**namtikutiku** *li.* Kajuni kamwana keswela mwine mwampiliwu cisawu mwiwomwiyo kamasegwe mnope.

**namtundila** *li.* (yeji. acinamtundila) Kacilombo kampela njelele ka yisupunduyisupundu m'lukosi kangali mapapiko kakuti naga kakutundile pacilu pkusakopoka matusa.

**nanambuka** *msa.* Kuwutika ni kuwujila soni m'malo kwa cindu.

**nandi M'jonje.** Kuŵa cakuwujilila ukulu wakwe.

**nandupa** *msa.* Kuŵa yamnono.

**nangolo** *li.* (yeji. acinangolo) Mundu juŵakuŵelece.

**nangololo** *li.* Cijuni ca manyunya gacikasu pamtima.

**nangwale** *li.* Cakumela cakuti masamba gakwe akusalya cisawu linyololo.

**nangwesu** *li.* citela cakutililika, camasamba gawana, caciswela.

**naŵa** *msa.* Kutyosya ni mesi likaku ni yindu yine m'myala.

**ndago** *li.* (yeji. ndago) Malo gakuti mesi ga lusulo lwine gakwinjila mu lusulo lujakwe kapena mu nyasa.

**ndaka** (yeji. ndaka) **1** Ulwele wakosomola ligongo lyagonana mwangakuya misyungu jakwe m'nyumbamo muli mutendecekwe ciwa. **2** Mpingu wakwaya ciwa.

**ndambasi** *li.* Cakumela ca cisawu msewula nambo songolo syakwe syekulungwa syakusateka ni kulya masamba gakwe nombe nago akusateleka ni kulya.

**ndambika** *msa.* Kujilima kwa yindu cisawu mesi mu cilingo.

**ndambwe** *li.* Ndambwe) Kutenda cisawu kuti kusa kwana lyosi.

**ndamile li.** Yakusatendatenda mundu pa umi wakwe.

**ndamo li.** Yakusatendatenda mundu pa umi wakwe.

**ndanda Mtagu.** 1 Lipata lya liloŵe lyakulosya cindu cicayice cine cilicose mkaniciyice. 2 Lipata lya liloŵe lyakulosya pacatyoccele cindu.

**ndandagasi li.** (yeji. ndandagasi) Alore ngopolo ja lungumbisi.

<sup>1</sup>**ndandala li.** (yeji. ndandala) ndondomeko, mwakulundana.

<sup>2</sup>**ndandala m'jonje** Kuŵa mwakulundana pa msela umo.

**ndanga li.** (yeji. ndanga) Mbele cisawu sya mongu kapena mbonda.

**ndangatanga li.** (yeji. ndangatanga) Kusalasala ngani jakusosekwa kuti jikamanyikwa kwa ŵandu.

**ndaŵi li.** 1 Catukusacipima m'ma awala, masiku, yijuma, miyesi ni yine. 2 Katema kapena lipesa lyalipali lyakutendela citendo.

**ndeleko li.** (yeji. ndeleko) Yakulya yeteleceetelece.

**ndema li.** (yeji. ndema) Upande wakumanyika wa ndaŵi.

**ndembe li.** (yeji. ndembe) Nguku jelume jamwana.

**ndembo li.** (yeji. ndembo) Cinyama ca mwitinji cekulungwa mnope kupunda yijakwe ca mawiwi gekulungwa, ca misengo cakulola kuwujona nambo soni cana caso.

**ndendela li.** (yeji. ndendela) Cindu cisawu nyumba, jakuti ajikolosisye mwangayika ndumba nambo kwamba kusyungusya.

**ndenya li.** (yeji. ndenya) Cimanyisyo cakuti cindu mpaka cikombolece konasoka mwangasawusya.

**ndepa li.** (yeji. ndepa) Tutela twakwimicila lwawu.

**ndesi li.** (yeji. ndesi) Liwupa lyamwana lyalikusawimbila upande wakumeso wa lilungo.

**ndete li.** (yeji. ndete) 1 Kacindu kandendela kacitela kapena cisyano ka ciwuniko ni citamilo cakupwapwatala kakusasunjila yindu cisawu sona ni yine. 2 Kutenda yindu yakulosya woga cindu cakucijogopaco mkaniciyice.

**ndetemo li.** (yeji. ndetemo) Kutenda yindu yakulosya woga cindu cakucijogopaco mkaniciyice

**ndewu li.** (yeji. ndewu) Umbo syakumela kucipundi.

**ndikatika li.** (yeji. ndikatika) Ndeketu sya yindu cisawu yakulya ni yine.

- ndinu li.** Kanyama ka mwitinji kakakusatama kwisimbo lya mbaŵe kakakusamela pacilu yindu yampela mipamba.
- ndolecesya li.** (yeji. ndolecesya) Mundu jwakusajisilila nganya yakuyimanyilila yakwaya magambo gakwimbana wandu.
- ndoli li.** (yeji. ndoli) Mwayikusatendela yindu yakujilima cisawu pakusulula panandipanandi mwakatakata kutyocela penani kuja pasi.
- ndolola li.** (yeji. ndolola) kupowola liwiwi ligongo lya ulwele, cisawu mwela.
- ndomecela li.** (yeji. ndomecela) 1 Kutama mwakuwandikana kwa yindu. 2 Kuŵa pakuwandicila mnope ni cindu cacikusosekwa.
- ndomondo li.** (yeji. ndomondo) Cinyama campela ndembo nambo cakunandipila soni cangali caso ni misengo cakulola cakuwujō cacikusatama m'mesi ni kumkuli kwakwe.
- ndondwa li.** (yeji. ndondwa) Cindu cakuwala kwinani caciksawoneka cilo cisawu lwesi nambo cakunandipila.
- ndonya li.** (yeji. ndonya) Upande wa malo wakuti upyonywece mwakwinjila mkati mwa malo gane.
- ndope li.** (yeji. ndope) Cinyama camwitinji cecejewu, cakulandana ni ngolombwe.
- ndotosi li.** (yeji. ndotosi) Manyi ga nguku ni yijuni ya mtundu wine uliwose.
- nduka li.** (yeji. achinduka) Mundu jwakuyika.
- ndukutila li.** (yeji. ndukutila) Kupikanika kwa mtukuta pamalo.
- ndulo M'jonje.** Mwakusatendela mundu pakukoposya mbepo mwamasegwe kutyocela m'matumbo kuja kusa kusepucila mkamwa ni mumbula.
- nduluko li.** (yeji. nduluko) 1 Malo galutandile lusulo. 2 Ula jandanda.
- ndumbucisya li.** (yeji. ndumbucisya) Cilicose cakonjecesya mwakutenda kutaga cisawu mwakusatendela ni mesi.
- ndumbulisi li.** (yeji. ndumbulisi) Kugumbala ni kwasicila kwa mesi ga m'lusulo.
- ndumetume li.** (yeji. ndumetume) Mundu jwakupita mcipeleka mautenga kapena ndundu kutyoka malo gane kuja nasyo malo gane.
- ndumu li.** (yeji. ndumu) Kapu kapena libeseni lyamwana lya lilongo.
- ndundu li.** (yeji. ndundu) 1 Cilingo ca młasi cakwembela soona 2 Yindu yosope yakusajigala mundu pa ulendo. 3 Yindu yosope yakwete ni kusunga mundu.

**ndundulika msa.** Kumala kwa yindu yiŵakwete mundu.  
**ndundumala msa.** Kutama mwakutagambula ngongolo.  
**ndundumasya msa.** Kumsagula mundu pa yitendo kapena pamalo.  
**ndundumila msa.** Kutetemela cisawu kuti mundujo jimkwete mbepo.  
**nduni m'jinji** Liloŵe lyakamulicisya pakusosa kuwusya kuti ammanyeye mundu jwatesile kandu.  
**ndunje li.** (yeji. ndunje) Lukonji lwakutunjila yuma.  
**ndunji li.** (yeji. ndunji) Upande wacili cindu.  
**ndunjika li.** (yeji. ndunjika) Lyongu lyamwana lyakusogola m'mawuja mcagalawo uli usipucile soni.  
**ndusi li.** 1 Kalombo kakaswela kampela ucece nambo kekulungwa kamtwe wa wululu kakuteketula yindu mnopemnope yakulimba cisawu manyasi ni yine. 2 Liguluŵe lya mwitinji lyelume. lyecekulupe. 3  
**nduta li.** (yeji. nduta) Kalombo kepiliwu ka cikalakasa cakulimba kakumnonyela kugubudusya ndoŵe kapena manyi.  
**nduŵi li.** (yeji. nduŵi) Ulwele wakoposya matusa pacilu wakuti naga uposilemo kumeso kukusatendega tuŵasi twa masimbomasimbo.  
**nduŵila li.** (yeji. nduŵila) Kanguwo kakusalisyelenga mumtwe.  
**ndwelo li.** 1 Mtesa wetwetwetwe.  
**ndyocelo li.** Cindu cakumtendekasya mundu kuti atyoce pamalo.  
**nema msa.** 1 Kwenda mwakulinyakula kapena kuti kulikwesya. 2 Kuwala mwakulisamalila mnopemnope.  
**nemeka msa.** Kwasalila ŵandu ŵane ngani sya unami mwakulikwesya.  
**nemela msa.** Kumganicisya mundu jwine kuti ali jwakamucisyangana ni ugwe.  
**nemesya msa.** Kulosya kusengwa ni yindu yawuyikombwele kuyitenda kapena yalepele mundu jwine kuyitenda.  
**nene li.** (yeji. nene) Kudandawula kapena kulila ni yindu yangali mate.  
**nenega mtagu.** Kwipipa kapena kunandipa kwa cindu.  
**nenegala msa.** Kutama mwakulinyambatika nambo soni kolomboka pa cindu cine.  
**nenembela msa.** Kusigala panandi kukatika.  
**neng'a mbika.** Mwacikusawonecela cindu kapena mundu jwakuti atemi pacanya pa cindu cisawu pa citela, pesugulu, pa citengu ni yine.



**neng'ena** *msa.* Kata ni kutyosya cindu cisawu mwakusatendela pakulenganya usanje ni mpesi wakwe.

**neng'enula** *msa.* Kukata mwangasigasya upande nambo soni mwakonanga.

**nengenula** *msa.* Kutikusya lutumbo ni mapuluputu pa ung'asi.

**ng'aala** *li.* (yeji. ng'aala) Ulwele wa meso wawukusatendekasya kuti upande wepiliwu wa liso ukole kapende keswela.

**ng'aasi** *li.* (yeji. ng'aasi) Kanyama ka m'mesi ka cikalakasa cakulimba, kampela ngong'o.

**ng'akala** *msa.* Kupya mtima kwampaka konanga nako yindu kapena kwawulasya nako wāndu wāne wāngalewā.

**ng'alang'anduka** *msa.* Kwimuka mwakwipuka.

**ng'ambila** *msa.* Kwenda m'mesi cisawu somba pakupalasa ngongolo ni makono.

**ng'ambula** *msa.* Kuciga kapena kuliteteya ku mkono mwine soni cindu caponyisye mundu jwine kuti akupute.

**ng'amula** *msa.* Kusimonga mwakwipuka.

**ng'amwita** *msa.* Kuwēceta mwakuwatanganyawatanganya.

**ng'anamuka** *msa.* 1 Kusupuka kapena kwipuka. 2 Kuwēceta yangalondeka cisawu masoka.

**ng'anamula** *msa.* Kugalawusya cindu mnopemnopo cakupwapwatala.

<sup>1</sup>**ng'anang'ana** *msa.* Kulola aku na kuku.

<sup>2</sup>**ng'anang'ana** *m'jonje.* Mwakusatendela mundu pakucipetenga cindu ligongo lyakuti ngakulolecesya.

**ng'anapuka** *msa.* Alole ngopolo ja ng'anamuka.

**ng'anda** *msa.* Kutenda yindu mwagamba kulisengwasya.

**ng'andila** *msa.* Kujigala cindu ni kutendaga naco yitendo yakwamba kulisengwasya cisawu mwakusatendela ni mpila, nyengo ni yine.

**ng'anima** *msa.* Kuwāla kwejinji kwangajendelecela cisawu mwajikusatendela njasi.

**ng'anyang'anya** *msa.* Kukumbisya cindu mundu jwine.

**ng'asi** *li.* (yeji. ng'asi) Liwupa lyamwana lyalikusawimbila upande wakumeso wa lilungo.

**ng'aso** *li.* (yeji. ng'aso) Cipala cakunyelenyendulila yisyano.

**ng'asula** *msa.* Kumwaga pacilu mwagwandulula.

**ng'olong'ondokola** *msa.* Kutyosya makolokoto gagajumulile mu cindu cisawu mpika.

**ng'ombe** *li.* (yeji. ng'ombe) Cinyama cekulungwa cakulanga cakuti ndema syejinji cikusakola linunda kwisa soni misengo jakulewupila.

**ng'ong'onala** *msa.* Kukwinyatalakwinyatala ni kumula mnope.

<sup>1</sup>**ng'ong'onda** *mbika.* Mwacikusawonecela cindu cakuti cipindicepindice ni kumula mnope.

<sup>2</sup>**ng'ong'onda** *li.* (yeji. ng'ong'onda) Kajuni kakutotota yitela yejumi kusosa mbisu ni tulombo twine.

<sup>1</sup>**ng'ong'ondala** *msa.* Kupindika ni kumula kwa yala kapena cindu cakumela ligongo lyacilwele mwine soni magongo gane.

**ng'onyulela** *msa.* Kutawuna yakulya mpela kuti nganiwukola meno.

**ng'ulung'unda** *msa.* Kupala ni kumala kutyosya yindu yosope yiyakanilile pa cindu cine.

**ng'una** *msa.* Kukata mwakwepula umbo kapena manyasi.

**ng'ung'una** *msa.* Kupala ni kumala kutyosya yindu yosope yiyakanilile pa cindu cine.

**ng'ung'unda** *msa.* Kutyosya yiswani ni yindu yine mu yindu yakujilima mpela mesi pakuyitaga pa cindu cisawu kanguwo kuti yisululileje mu cindu cacinjilicisye.

**ng'ung'usika** *msa.* Kunyinyita pa magongo gakulekanganalekangana.

**ng'ung'usya** *msa.* Kunyinyita pa magongo gakulekanganalekangana.

**ng'unula** *msa.* Kunupula cindu mnopemnope ni meno kapena yala.

**ng'unulila** *msa.* Kuswekula lukosi pakusosa kuti ucilolecesye cenene cindu.

**ng'walasula** *msa.* kutona mwakumwaga.

**ng'wang'ula** *msa.* Kusumula yindu mwawumani.

**ng'wang'wasya** *msa.* 1 Kung'weng'wesya cisyano cisawu cipula pa cindu cine kuti cite me. 2 Kulola aku na kuku mwacuwilisi.

**ng'wasula** *msa.* Kumwaga mwakusimika ngose mpaka kugwagula lipende.

**ng'we** *mbika.* Mwayikusatendela kapena kuwoneka naga cindu ciwutice.

**ng'wenambula** *msa.* Kum'tyosya mundu pamalo paŵaliji mwakum'wuta kapena kumnyakula mwangali ucimbicimbi.

**ng'weng'we m'jonje.** Kapikanice ka yindu yayikwenda mwakwayana.  
**ng'weng'wesya msa.** Kwendesya cindu mwakucikwayisya pa cijakwe.  
**ng'wenya msa.** Kulya cindu cisawu cembe mwakatula ni meno.  
**ng'wesula msa.** Kugwagula lipende lya pacilu.  
**ng'wi mbika.** Mwalikusapikanicila liganga naga mkuliponya mwimacili.  
**ng'winambuka msa.** Kwipuka ni kwenda mwakwanguya kuti akampute mundu jwine.  
**ngaasi li.** (yeji. ngaasi) Kanyama ka m'mesi ka cikalakasa cakulimba, kampela ngong'o.  
**ngaci li.** (yeji. ngaci) Citela cangalosya masamba gasyesyene cakopoka utomoni weswela cisawu mkaka.  
**ngaka li.** (yeji. ngaka) Cianyama ca ngongolo mcece ca pacilu ni kapagwe cisawu ngwena cakuti wandu wane akusakulupilila kuti cikusa wilasya ula.  
**ngala li.** (yeji. ngala) Kanyama ka m'mesi ka cikalakasa cakulimba nambo soni ka magongwa gawili kakwenda mcitegambali.  
**ngalwe li.** (yeji. ngalwe) Ngalwe ni mteto wakalalisya wa mundu jwakusakala mtima; kumula mtima.  
**ngangawila li.** (yeji. ngangawila) Kanyama kamwitumbi kangongolo ncece, kangali yala, kangali soni mcila, kapacilu paliwuka, ka mawiwi mpela come, kana tundewu, soni kakulyaga. kuweceta kwine: ngangayila.  
**ngani li.** (yeji. ngani) Yakuweceta kapena yakuwalanga yakuti mundu akusamsalila mjakwe.  
**nganisyo li.** (yeji. nganisyo) Yindu yakusa wa mundu ali mkuwungunyawungunya mu mtima kuti ayitende.  
**nganya li.** (yeji. nganya) 1 Malo gakuwecetela magambo. 2 Kwakulila yakulya acalumelumepe.  
**ngasi li.** (yeji. ngasi) Liganga lyakutilicisya yindu pa lisyago.  
**ngocesi li.** (yeji. ngocesi) Yindu yagakokosile mesi ni kyilulika malo gane.  
**ngolengole li.** Ujakwe wakutendela yindu yalumo.  
**ngolokolo li.** (yeji. ngolokolo) Makweso gakandapala ligongo lya ulwele wa m'cikoso wawukusamtendekasya mundu kuti atundeje mwakuwilinganya kapena soni yilwele yine.  
**ngolokombwa li.** (yeji. ngolokombwa) Yimanga ya yisone yamwanamwana

yakuti ndema syejinji w̄angayiw̄ika mu ngokwe.

**ngololo li.** (yeji. ngololo) 1 Utandi wewanganye ni mesi wakusiw̄alemba nawo w̄ali pacilu pakuja kwimba kungwe kapena kupetela mwanambela. 2 Mpamba wa ndinu wa mbugu.

**ngolombe li.** (yeji. ngolombe) Tutela twakusaputanya cisawu ngwasala pa ung'asi wa cindinda.

**ngolombwe li.** (yeji. ngolombwe) Cinyama camwitinji campela mbusi cacicejewu ku lutumbo kwesela pakuwutuka kakusasumba mnope.

**ngoma li.** (yeji. ngoma) Cindu ca mbugu cakusakunga lipende upande umo ni kucigombaga pakuw̄ina ung'asi cisawu wa manganje.

**ngona M'jonje.** Liloŵe lyakulosya kukayicila.

**ngonamakungwa li.** (yeji. ngonamakungwa) Kajuni kamwana kakucejelela ka manyunya gakuwuka kumtwe.

**ngondi M'jonje.** Kulola pasi mwasoni.

**ngondo li.** (yeji. ngondo) ngondo ni kumenyana mwine soni kuwulagana kwa wandu pakukamulisa masengo yida.

**ngondolo li.** (yeji. ngondolo) Cinyama cakulanga campela mbusi ca mcila wekulungwa, cekongwe misengo jakwe jangawonecela mnope nambo celume misengo jakwe jikusaŵa jagonela kunyuma.

**ngonela li.** (yeji. ngonela) Cindu ca yaka yayipite.

**ngonelo li.** (yeji. ngonelo) 1 Cakulya ca cilo. 2 Cakulya calile mundu mkanagone.

**ngong'o li.** (yeji. yeji. ngong'o) Kanyama kakumnong'a kulya uŵasi, kakwenda ni cikalakasa cakulimba pa mgongo kakuti naga kasimonjile kakusajinjisa mtwe ni ngongolo syakwe m'cikalakasamo.

**ngongole li.** (yeji. ngongole) Cindu cilicose ciwujasime kuti tiwuciwusya m'wujo.

**ngonokono li.** (yeji. ngonokono) Kalombo kakwenda panandipanandi, kakutelesya mwanti pakapite kakusalemba yindu yampela mamina mtundu wine ukusaŵa wana cikalakasa nambo wine ukusaŵa wangali.

**ngope li.** (yeji. ngope) Upande wamtwe wajili usyo, meso, lupula ni pakamwa.

**nguku li.** (yeji. nguku) Kanyama kakulanga ka yipalapasilu ni ukulu cisawu nganga kapena ngwale nambo kangaguluka mkuli welewu.

**ngulembe li.** (yeji. ngulembe) Mtundu wa kalombo kakuluma mnope

- kampela membe jekulungwa kakumnong'a kusuga mnopemnope ng'ombe.
- ngulo** *li.* (yeji. ngulo) Ciwalo ca kulukosi ca mbugu jajikusapita yakulya ni mesi pakutyocela mkamwa kuja m'matumbo.
- ngulugulu** *m'jonje.* Upande wakuwandicila cindu cisawu lusulo, nyasa, moto ni yine.
- ngumba** *msa.* Cinyama cakulanga campela luguluwe lya mwitinji ca lupula lwekwinyuce, cacijipi mcila, cakutuluma pakwenda cakumnong'a koga m'matope.
- ngumbaluwala** *li.* (yeji. ngumbaluvala) Ula jakunya wandu ali agowe mbeju syawo.
- ngunde** *li.* (yeji. ngunde) Cakumela cacikusasogola tusogosi twampela msewula nambo tweekulungwa panandi, masamba gakwe akusakaŵa ni kutenda mboga syakusasikolanga kuti makangata.
- ngundende** *M'jonje.* Kutama mwangatunganyika nambo soni mwangaŵeceta kandu.
- ngunga** *li.* (yeji. ngunga) somba jampela lijoka kawonece kakwe.
- ngungulukutu** *M'jonje.* Cilo cosope.
- ngunguni** *li.* (yeji. ngunguni) Kalombo kamwana kecejewu kakonga miyasi ja wandu kakumnong'a kutama m'mapupa mwamugalwice, m'mipando, yindanda ni yindu yine.
- ngusya** *li.* Lijela kapena liwago lyakusaŵicilila ku citela kapena cisyano kuti asoleleje masimbo.
- nguŵikuŵi** *li.* (yeji. nguŵikuŵi) Umbo syakumela capenani pa cikopela.
- nguwo** *li.* (yeji. nguwo) Cakuwala kapena cakuliwunicila cagombile ni litonji ni yindu yine.
- ngwakwata** *li.* (yeji. ngwakwata) Mtundu wa sapato syasikusakola cakuliwatila ni malamba gakamula sajo.
- ngwale** *li.* (yeji. ngwale) Ngwale ni cijuni camwitinji cakalamuka cakulandana ni nguku nambo cakunandipila nipo ngongolo syakwe sikusava syecejewu.
- ngwalo** *M'jonje.* Mteto wakusisa upande wine wa ngani.
- ngwamba** *M'jonje.* Liloŵe lyakulosya kukana.
- ngwapa** *li.* (yeji. ngwapa) Upande wa cilu wakusi kwa mkono ca pekoyo wawukusamela umbo naga mundujo ali jwamkulungwa.
- ngwasa** *li.* (yeji. ngwasa) Ukulu wa cindu cisawu nguwo mu upande

wamwana.

**ngwasi li.** (yeji. ngwasi) Cijuni ca kunyasa campela lukungulu nambo cekulungwa panandi cakumnonyela kulya somba nambo soni cikusalila mwakwiticisyana ni cijakwe.

**ngwawi li.** (yeji. ngwawi) Li. n(ji-si- (yeji. ngwawi) Mtundu wa mapuku.

**ngwelegulo li.** (yeji. ngwelegulo) Ngani jakunguluka.

**ngwelengwende Mbika.** 1 Liloŵe lyakulosya kuti yindu yimasile mwanti pangali kanekalikose kakasigele. 2 Liloŵe lyakulosya kuti kusa kucele kapena kwangali mawunde ga ula.

**ngwena li.** (yeji. ngwena) Cinyama cakuwoneka mpela sakata nambo cekulungwa cacikusatama m'mesi ni pamkuli pakwe.

**ngwesa (yeji. ngwesa)** 1 Citendo cakusatenda mundu pakusosa kupata yindu yakumkamucisya pa umi wakwe. 2 Cakumela cangali masamba campela ngaci.

**ngwikwi li.** (yeji. ngwikwi) Kulila kwakulukosi kwakutenda cisawu mundu akukwipuka kwakukusatanda kusyene.

**ngwingwisu li.** (yeji. ngwingwisu) cakumela.

**ngwinyata li.** (yeji. ngwinyata) Kukwinyikakwinyika kwa cindu.

**ngwita li.** (yeji. ngwita) Ngwinyata mnopemnopo sya lipende lya mumtwe.

**ngwiya msa.** Kuwundika mesi mkamwa ni kugatunganya mnopo ni majeje kuti yindu yiyakanilile yityoce.

**nimkaŵa M'jonje.** Liloŵe lyakulosya kukayicila.

**ning'ana msa.** Kunandipa pacilikati pa maupande gaŵili kusigala panandi kukatika.

**ning'winicisya msa.** 1 Kukologanya ni mwisi yindu mwtuli pakutwa. 2 Kugalawusya yakulya mkamwa mwakulosya kuti yikunong'a. 3 Kulondesya ngani mwakupikanika cenene nambo soni mwangaculuta maloŵe.

**njalale li.** (yeji. njalale) Ndamo ja ukoleko cisawu jakujigala yindu ya ŵandu ŵane acimisyene ali mkukanya.

**njalamila li.** (yeji. njalamila) Citela cakusasimika mwipenu kuti cijangate ni kulimbikasya msakasa.

**njasi li.** (yeji. njasi) Kung'anima kwakukusawoneka pa liwunde lya ula kwakukusakuyana ni kulindima kwa mwiwundemo.

**njati li.** (yeji. njati) Cinyama ca mwitinji ca cisawu ng'ombe nambo

- cekulungwa panandi ca misengo caketenda cisawu jakutwicila.
- njelele** *li.* kanyama kakusalala, kakacejewu, kangongolo ncece, kakusalila cuku, kagombela kunyuma (kuwe: kwi: njelema.
- njelenje** *li.* citela cekulungwa capacilu pakuwuka soni pakutililika, cakusogolaga tusogosi twampela twa tende, cangatenda makungwa mnope, camasamba gaŵanaŵana.
- njembele** *li.* (yeji. njembele) Jwamkongwe jwakuti jwam'ŵeleje mwanace.
- njembo** *li.* (yeji. njembo) Cakutecela mesi ca cipanda cana cakamulila ca lukonji.
- njenjema** *li.* (yeji. njenjema) Kalombo kakanandi kaguluka ka ngongolo nsano ni lumo kakakusajonga miyasi ja mundu nambo soni ndema sine kakusajambucisya ulwele wa ciwawasa.
- njete** *li.* (yeji. njete) Yindu yakuti ndema syejinji yikusaŵa yeswela yakusataga mu yakulya kuti yinonye kapena kuti yitame moŵa gejinji mkaniyijonasice.
- njijo** *li.* (yeji. njijo) Yindu yakumlekasya mundu kutenda yakusosa.
- njilisi** *li.* (yeji. njilisi) Mtela wakusatunga mu lukonji ni kuwala pa lukosi.
- njinga** *li.* (yeji. njinga) Kacindu ka yitungula yiŵili kakusakwela ni kupalasaga.
- njiipi** *li.* (yeji. njiipi) Kacilombo kakanandi kakumnonyela kutama mu umbo kapena mu yakuwala kakakusajonga miyasi ja mundu.
- njombwa** *li.* (yeji. njombwa) Songolo kapena maganga gakuŵalanjila gakusagakamulicisya masengo pa ung'asi wa mcombwa.
- njota** *li.* (yeji. njota) Kukupata cilakolako ca mesi.
- nkabala** *li.* (yeji. mikabala) Liŵele kapena citepo ciyatyocele yindu.
- nondi** *Mtagu.* Lipata lya liloŵe lyakulosya wangatupa, wangakwanila kapena wangakula wa cindu.
- nondiya** *msa.* Ngatupiya kapena ngakusya cindu.
- nong'a** *msa.* Kutama cenene mkamwa pakulya cisawu mwayikusatendela yakulya.
- nono** *Mtagu.* Lipata lya liloŵe lyakulosya kuti yindu nganiyiŵa yekulungwa kapena yejinji.
- nonoceya** *msa.* 1 Kuŵeceta mwakwesya maloŵe. 2 Kutenda cilicose mwakonjecesya. 3 Kum'ŵenda mundu jwine kuti agopolanye cenene ngani.

**nonono Mtagu.** Lipata Iya liloŵe lyakulosya kusawusya kwa cindu.  
**nonopa Mtagu.** Lipata Iya liloŵe lyakulosya kusawusya kwa cindu.  
**nonoya msa.** Kulimbikasya kapena kutendekasya cindu kuti ciŵe cakusawusya.  
**nonyela msa.** Kusengwa ni cindu kapena mundu.  
**nosya msa.** Kumkamucisya kapena kumsamala mundu jwine.  
**nsipa li.** cilwele cakuyimba kumeso ndaŵi sine mpaka m'malungo.  
**nulila msa.** Kuwulaga mundu.  
**nung'umicisya ku- msa.** kuwika cindu pamalo mwanasimanya.  
**nunga msa.** Kukoposya liwungo lyangalumbana.  
**nunjila msa.** Kukoposya liwungo lyambone.  
**nunuka msa.** Kupakombola mnope kutenda citendo.  
**nupuka msa.** Kukatika kwa cindu mwakonasika cenene cisawu cakumela pa katema kakusosa mundu kucicicuŵa.  
**nupula msa.** kukata cindu mwakuwuta.  
**nusya msa.** Kuwutila mbepo mu mbula mwakulosya mbula ku cindu cawukusosa kucipikana liwungo cisawu mwajikusatendela mbwa pakuwungunya kwajili nyama.  
**nya msa.** Kukoposya ndoŵe, ndotosi kapena manyi kusepucila ku mtumbo.  
**nyada msa.** Kunyada ni kulikwesya kwakulosya kuti ugwe uli jwakupunda ŵane wosope.  
**nyakala msa.** Kuŵa cangawonekela cenene kapena cangasengwasya.  
**nyakula msa.** Malaja gacikongwe gakutota mwakukwinya ni kukwesya m'makoyo.  
**nyala msa.** Kumula mwanamalica cisawu mwayikusatendela yimanga naga lulanga lujendelecele.  
**nyalapa msa.** Ngasosa kukamula kapena kucilolecesya cindu ligongo lyakuciwona kusakala.  
**nyalasya msa.** Kumpembeka mundu mnopemnope mwanace jwakulila kuti alece kulilako.  
**nyalaya msa.** 1 Kutenda yindu yakumsakalisya mundu jwine. 2 Kuŵa cangawoneka kapena jwangawoneka cenene.  
**nyalula msa.** Kutyosya mbele ni kukolosya yindu cisawu litonji pakusosa kupata mbonji syambone.



**nyama** *li.* 1 Cindu ca umi cangongolo mcece cisawu mbusi ni yine. 2 Mnowu wa cindu cilicose ca umi cangongolo mcece.

**nyamangula** *msa.* 1 Kugolosya kapena kongola cindu. 2 Kulijongola kapena kwima mwakongoka.

**nyamangunda** *li.* mtundu wa miwa jekulungwa, jeswela, jakulyolyopela soni jakoloŵa.

**nyamba** *msa.* 1 Kulimba nambo soni ngakola mesi cisawu mwalikusaŵela lyongu lyetelece 2 Kunanambuka ni kunyambatila kwa cindu mwajikusatendela ngamba.

**nyambatila** *msa.* Kumata ni kukanilila kwa cindu cisawu mwawukusatendela ulimbo.

**nyambatukula** *msa.* Kutyosya cindu cicamatilile ni kukanilila pa cijakwe kapena kuyilekanganya yindu yiyamatililene.

**nyanya** *msa.* Kupikana kusomasoma kapena cisawu kuti kandu kane kakukujenda pacilu ni kutendekasya kuti usose kulimwaga.

**nyanyama** *msa.* Kuŵa penani.

**nyanyata** *msa.* Ngakola lung'wanu ni cindu.

**nyasa** *msa.* (yeji. nyasa) Mesi gejinji gangajumilila wamba gakutama malo gekulungwa.

**nyela** *msa.* Kulya mnope.

**nyelwa** *msa.* Kunyoŵa ni ula.

**nyema** *msa.* Kugaŵa ni kutyosya upande wa cindu.

**nyepala** *msa.* 1 Kulya mnope nambo soni wangakana yakulya. 2 Kukola ndamo jakusosa kulya yakulya jikape.

**nyocola** *msa.* Kucuŵa cindu cisawu umbo, mwakutenda kuwuta.

**nyolola** *msa.* 1 Kukula mwanagajimbala nambo kwambaga kulewupa 2 Kulenda ni kutelesya cisawu mwalikusatendela linyololo.

**nyololoka** *msa.* Kulewupa ni kuwoneka kuti cinduco cangali macili.

**nyono** *mjinji.* Lipata lya liloŵe lyakwimila lina lya mundu kapena cindu cawuciliŵalile.

**nyopola** *msa.* Kukata cindu mwakutenda kuwuta.

**nyosya** *msa.* Kuŵeceta kapena kutenda yindu yakumcembulusya mundu jwine.

**nyoŵa** *msa.* Kukwayana kwa cindu ni mesi.

**nyuci li.** (yeji. nyuci) Kalombo kaguluka kakakusapanganya uci nambo soni kana luwolawola.

**nyukula msa.** 1 Kukwesya nguŵikuŵi pa magongo gakulekanganalekangana. 2 Kututa yakulya kutyocela m'ciwukala ni kuyitawuna soni cisawu mwajikusatendela mbusi kapena ng'ombe.

**nyulula msa.** Kusapula kapena kujigala yindu yamnono kutyocela pa yindu yayipali.

**nyuma M'jonje.** Lipata lya liloŵe lyakulosya upande wawütyocele kapena wawutundumalile.

**nyumba li.** Cindu candendela kapena candumbandumba cakusataŵa ni yilingo yakulekanganalekangana kuti ŵandu atameje.

## O

**o** Cilembo cakupikanika pajika.

**oneka msa.** 1 Kupatika kwa cindu kapena mundu. 2 Kukomboleka kwa kucimanyilila cindu kuti cipali pakukamulicisya masengo meso.

**osepe mtagu.** Liloŵe lyakulosya kuti pangali ŵatasigale.

## P

**p** Cilembo cangapikanika pajika.

**paasa m'jonje.** Malo gangacijika ni cindu cine cilicose.

**paasi m'jonje.** Pa litaka.

**paata msa.** kututa cindu cacikugwilile pacilu

**paatuka msa.** kugwa kutyocela penani kuja kuyika pasi

**paatula msa.** Kugwa kwa cindu kutyocela penani.

**paca msa.** 1 Kudandaula ni kusala yayikukupweteka m'cilu. 2 Kuwula ngani kapena mundu juwatesile najo citendo.

**pacaka m'jonje.** Liloŵe lygopolela kuti caka ca malaŵi.

**pacanya m'jonje.** Malo ga penani pa cindu cine.

**pacikaŵa m'jonje.** Liloŵe lyakulosya kuti atamose papite ndaŵi jajilewu uli.

**pacila msa.** 1 Kulonganya yindu mu cindu. 2 Kucinjika mkongwa pa litanga kuti liwugalice cenene.

**pacilikati m'jonje.** Upande wa cindu wakuti nganiwuwa wakumbali.

**pacilu m'jonje.** Malo galigose ga cindu cisawu mundu ni yine.

**pacisya msa.** 1 Kupanda mbeju kaŵili m'malo mwakuti syalepelece kumela.  
2 Kuyika yindu yakulekangana pa msela mwakutindanyatindanya.

**pacisyepela m'jonje.** Malo gapambali gakuti pangali wāndu wāne.

**pacuka msa.** 1 Kukatika kwa lunyambi lwa citela. 2 Kugwa kwa mundu ni lunyambi lwa citela.

**pacula msa.** Kutayosya ni yala cindu cisawu lunyambi lwa citela, ciwalo ca cinyama ni yine.

**pagala msa.** Kutaŵa msakasa wa nyumba ni yine.

**pagwa msa.** 1 Kukopoka m'citumbo mwa mamagwe. 2 Kuŵa nawo pamalo.

**pajii m'jonje.** Pamalo pangali masegwe.

**pajika m'jonje.** Pamalo pangali mundu jwine nambo ugwepe.

**paka msa.** Kung'weng'wesya kapena kutaga yindu yakujilima cisawu mesi pa cindu cine.

**pakala msa.** Kulitaga yindu yakuti mpaka yisigalile ni kuwoneka pacilu.

**pakama msa.** Kukolekwa kwa cindu pa cindu cine.

**pakamika msa.** 1 Kuyika cindu kwanaula kwakuti ngaŵa mkuciwona soni.  
2 Kukoleka cindu pa cindu cine.

**pakamukuka msa.** Kugwa kutyocela penani.

**pakamukula msa.** kutonya cindu cacili mwinani kuti cigwile pasi.

**pakamwa m'jonje.** Upande wa mundu kapena cinyama wawukwete ngomo.

**pakana msa.** Kumsosa kapena kumlumba mundu kuti um'wucisye yiŵakutesile.

**pakaniila msa.** 1 Kuputa cinyama cakuti mundu jwine aciputile kala. 2  
Kupata magambo pa cindu cakuti caliji cejonasice kala nambo ugwe ugambile kucimalisya.

**pakasa msa.** Kuluka cindu cisawu mkeka kapena ngokwe.

**pakasya msa.** Kung'wesyang'wesya kapena kutaga yindu yakuti mpaka yisigalile ni kuwoneka pacilu kapena pa cindu cine cakwe.

**pakata msa.** Kuyika mwanace pamakongolo.

**pakatika msa.** Kugwa mwakulongosyana kwa yindu cisawu masamba.

**pakaŵa m'jonje.** Liloŵe lyagopolela kuti pakukokoŵa.

**pakombola** *msa.* Kumanyilila kutenda citendo mwakulondesya.

**pakula** *msa.* Kutyosya yakulya mu mpika kapena m'ciwulugo ni kutaga mu mbale.

**pakwe** *m'jonje.* Liloŵe lyakulosya kwikutila ni mwayitendekwecele yindu.

**pakwepakwe** *m'jonje.* Liloŵe lyakulosya kuti yindu yikaŵa pamo.

<sup>1</sup>**pala** *msa.* 1 Kulima mwangasimika mnope lijela. 2 Kutyosya yapacanya pa cindu cisawu litabwa kuti liŵe lyakutililika. 3 Kuja kusosa yakulya yiwapatile yili yimasile.

**palagula** *msa.* kujigala cindu camsyene msyenejo akakusosa.

**palandasya** *msa.* Kutulumbasya meso.

**palangwisa** *msa.* Kupalasa pasi ni ngongolo cisawu mwajikusatendela nguku.

**palapata** *msa.* kutosya cindu cacikanilile pacijakwe pakukamulisya masengo cilingo cisawu cipula.

**palasa** *msa.* 1 Kwendesya njinga ni ngongolo kapena makono. 2 Kwendesya wato. 3 Kuwukula pasi ni yala kapena katela.

**palasya** *msa.* Kukasa mbwanda ni yine pa lisyago.

**palatula** *msa.* Kucopa ni cindu cakutema.

**palaŵala** *mbika.* Kukopocela pamalo pakuti nganakujembecelaga.

**palaŵandula** *msa.* Kusala lisalo.

**palila** *msa.* 1 Kupanda mbeju ula jandanda mkanijinye. 2 Kutyosya litinji mu mgunda.

**palipose** *m'jonje.* Liloŵe lyakulosya kuti pangali malo gagasigele.

**palula** *msa.* Kuŵalula kapena kukata upande wa cindu.

**palwa** *msa.* Kupikana kupweteka m'matumbo ligongo lya kululilwa.

**pama** *msa.* Ngapeleka lipesa kwa ŵandu ŵane lyakamulicisya masengo cindu ca wosope.

**pamanda** *msa.* Kusiŵa mapesa ga pacilikati pa sici ni manyasi kuti agumbe cenene.

**pamba** *msa.* 1 Kukolesya cisawu mwakusatendela ni moto. 2 Kucuŵika mbamu mu nsusi.

**pambakamiko** *m'jonje.* Pakapesa kamnono.

**pambali** *m'jonje.* Malo gangaŵaga ga pacilikati.

**pambalika** *msa.* Kuliwanga mu mgugu wa wāndu.  
**pambalila** *msa.* Kusyoŵelela mnope kutenda citendo.  
**pambanukula** *msa.* Kukusya lisimbo.  
**pambanula** *msa.* Kukusya lipesa mwakutenda kupasangula.  
**pambesi** *m'jonje.* Pakumalila cindu.  
**pambicila** *msa.* Konjecesya cindu cine pa yindu yampele kapena yasumile mundu.  
**pambikana** *msa.* Kunyambatikana ni kuŵa cimo.  
**pambikanya** *msa.* Kupwatikanya ni kuyika kapena kujigalila pamo.  
**pambila** *msa.* Konjecesya pa yindu yakuti ujigale kapena unyakule.  
**pambukula** *msa.* Kulekanganya yindu yakuti yamatikene.  
**pambula** *msa.* Konjecesya kuti yindu yitupe.  
**pamilila** *msa.* Kutenda mpando pa nganisyo syakwete mundu.  
**pana** *m'jonje.* Liloŵe lyakulosya kuti cindu cipali.  
**panawula** *m'jonje.* Liloŵe lyakulosya kuti kumaloko kuli kwakutalika.  
**panda** *msa.* Kusilila kapena kusimika mbeju mwitaka.  
**pandamula** *msa.* Kuleŵa magambo.  
**pandicila** *msa.* Kucuŵa mbeju kapena yindu yine ni kuja kusimika malo gane kuti yimele.  
**panducila** *msa.* Kugaŵa kapena kusapula yakulya panandi.  
**panduka** *msa.* Kwagalawucila ni kutenda nawo uŵengani wāndu ŵawukamuleneje nawo.  
**pandukula** *msa.* Kucuŵa mbeju syemelemele.  
**pandula** *msa.* Kutyosya upande wa cindu cine cilicose.  
**pane** *m'jonje.* 1 Liloŵe lyakulosya kukayicila. 2 Liloŵe lyakulosya kuti katema kane.  
**panga** *msa.* Kumsalila mundu yakutenda.  
**pangakaŵa** *m'jonje.* Liloŵe lyakulosya kuti yindu ngayicelewa.  
**pangala** *msa.* Kuyika ni kutaŵa yitela ya pamsakasa.  
**pangali** *m'jonje.* Liloŵe lyakulosya wangapagwa wa yindu.  
**pangula** *msa.* 1 Kutaga mesi mu likoko ni yindu yine kuti yimwelece cenene. 2 Kupowola mlango pa lipupa. 3 Kuceceta kukamwa kwa cipanda kuti kukule.

**panika msa.** Kucisya mundu kuti aŵecete kapena asale yakuwona yisyenyene.

**panjika msa.** Kuwulika kapena kupapuka kwa cindu.

**panjipa m'jonje.** Liloŵe lyakulosya kukayicila kuti yindu mpaka yitendecekwe.

**panopano m'jonje.** Liloŵe lyakulosya kuti malo gakwe ni gagogo galigo.

**panulila msa.** 1 Kusepuka mwitala mwawujesileje. 2 Kuŵeceta ya unami.

**panya msa.** Kusepa cindu kuti cikole lipanda.

**papajila msa.** Kulimbicila mnope.

**papalasya msa.** Kuwulika kwa yindu mwakutotoganya.

**papali m'jonje.** Liloŵe lyakulosya malo gacili kapena gacikutendecekwa cindu nambo gangakugamanyilila mwine soni gagaliŵalile.

**papaluka msa.** 1 Kupya mwangamalicika. 2 Kuwulika kwa cindu. 3 Kuganda ligongo lya sala kapena magongo gane.

**papamba msa.** Kupupuluma nambo soni ngawusimana mtima pakutenda yindu.

**papasya msa.** Kusosasosa cindu ni yala mnopemnopo m'cipi.

**papatika msa.** Kusiŵa m'mapesa ga cindu ni yindu yine.

<sup>1</sup>**papi m'jonje.** Liloŵe lyakamulicisya masengo pakusosa kugamanyilila malo gagakusosekwa.

<sup>2</sup>**papi mbika.** Mwakusatendela mundu pakumwa mesi gejinji mwangapumulila naga jimkwete njota mnopo.

**papopo m'jonje.** Liloŵe lyakamulicisya masengo pakusosa kulosa kuti malo gakwe ni galigo, agasimene kapena gamanyice.

<sup>1</sup>**papula msa.** Kulesa cindu ni yala, lesala, cipula ni yine.

<sup>2</sup>**papula msa.** Kupakatusya yisogosi ni maganga kapena yikongo.

**papulila msa.** Kupita litala lyakata.

**Pasa msa.** Kukwesambula masamba ga manyasi kuti gawonece cenene cisawu mwakusatendela ni lipe.

**pasula msa.** Konanga cindu kuti cikakamula masengo soni.

**pasya msa.** Kucikwayisya cindu palulumi kuti ucimanyilile kanonye kakwe.

**pata msa.** 1 Kukola yindu yejinji. 2 Kujigala cindu kuŵa cakwe.

**patikana msa.** Kusimanikwa kapena kuwoneka kwa cindu.

**patipati mbika.** Mwayikusaŵela yimanga naga yili yikwete matumba ga ŵanaŵana.

**<sup>1</sup>patipo mlumbi.** Liloŵe lyakamulicisya masengo pakusosa kupeleka mate gakutendela cindu.

**patukula msa.** Kukata ni kutyosya upande wa cindu.

**patwa msa.** Kuŵa mu yilagasyo.

**pawa msa.** Kulola kumalo kwali mundu jwine mwakwiŵila.

**pawujo m'jonje.** Katema kapena malo gawukuja.

**pawusyo mlanji. malo** Upande wa mtwe wa mundu wakuwujo capenani pa meso ngayika ku umbo.

**payinoyino m'jonje.** Malo gakusisika gakuti ŵandu ŵane kwangali.

**-pe mbwati. kuny** Mbwaticila jakulosya kuti citendo ticitendecekwe katema kane ngaŵa akano.

**pe- mbwati. kuwu** Mbwaticila jakulosya kuti citendo cikwendelecela, kulosya mujaŵelele ndaŵi ni yine.

**pecela m'jonje.** Upande wakutuluka wa malo.

**pecesya msa.** Kulongana najo mundu jwali pa ulendo kuti akajenda jika.

**peesya msa.** Kupeleka mbepesi ku misimu kuti ula jinye kapena soni magongo gane.

**peeta msa.** Kuponya ni kwanga ni lupeta yindu cisawu yimanga pakusosa kutyosya matimba ni yindu yine.

**pegulu m'jonje.** Liloŵe lyagopolela kuti penani.

**pegwa msa.** Kupata cindu mwalulele kutyocela kwa mundu jwine.

**peka msa.** 1 Kusokola lisimbo ni cindu ca lusonga. 2 Kukolesya moto ni lupeko. 3 Kukolosya nyimbo jasambano. 4 Kutandisya ngani jangali mtwe usyesyene.

**pekesa msa.** 1 Kusungusya lupeko mwakuwilisyawilisya mpaka moto ukolele. 2 Kupowola lipowo pakusungusya mwakuwilisyawilisya cindu ca lusonga.

**pela msa.** 1 Kumala macili ligongo lya kukamaula masengo. 2 Kumala mningwa ni cindu.

**pelecesya msa.** Kulosya pacimalile kapena pacijile kuyika cindu.

**peleganya msa.** Kujigala yindu ni kwapa ŵandu.

**pelegula msa.** Kupowola lipowo pa lupula kapena pa liwiwi.

**peleka msa.** Kujigala cindu ni kumpa mundu jwine.

**pelela msa.** 1 Kulepela kupocela kapena kuyiwona yindu ligongo lyakuti yimasile. 2 Kulosya pacimalile kapena pacijile kuyika cindu.

**pelembela msa.** Kuŵa yangakwanila kutendela citendo.

**pelenganya msa.** 1 Kwenda ni ngajima pa malo kapena pa cindu pasosekweje kwima. 2 Kutenda yindu yasosekweje kuleka kuyitenda. 3 Kupundasya malile ga cindu.

**pelenyendula msa.** Kusokola lisimbo.

<sup>1</sup>**pelepa m'jonje.** Liloŵe lyakulosya kuti malo gakwe ni agano.

**pelepeta msa.** Kukula kwa cindu cakuti unjisye cijakwe cisawu mwayikusaŵela ni lusapato ni lusajo.

**pelesya ku- msa.** Kutendekasya mundu kapena cindu kuti cipite pamalo.

**peleta msa.** 1 Kumpunda mundu juŵaliji kuwujo. 2 Kwenda ni kupunda pamalo pasosekweje kwima.

**pembeka msa.** 1 Kunyenjelela mwanace kuti alece kulila. 2 Kupeleka pepani ni kuŵenda kuti mkamulano utande soni.

**pembena m'jonje.** Kutama mwakupendeka kapena mwakwegamila pa cindu cine.

**pembendu m'jonje.** Liloŵe lyakulosya kuti pambali.

**pembeneka msa.** Kuwugula cindu panandi kapena kucileka cangawugala.

**pembenukuka msa.** Kuŵa cewugule panandi kapena kuŵa cangawugala.

**pembenukula msa.** Kuwugula cindu panandi.

**pembenula msa.** 1 Kuyilekanganya yindu yiŵili kuti paŵe pana lipesa. 2 Kuwugula cindu cisawu mwakusatendela ni libokosi.

**pembesya msa.** Kuŵenda mwakucondelela.

**pembula msa.** Kusenyenda yindu cisawu mwakusatendela ni yimanga kapena mpunga wetwetwetwe.

**pemelela msa.** Kupumula mwakusinganga mnopemnopo uli m'lugono.

**pemendela msa.** Kukonga kapena kunyulunyusya yindu cisawu mtela pamalo papakusosekwa.

**pemenela msa.** Kupumula mwakusinganga mnopemnopo uli m'lugono.

**penani m'jonje.** Pacanya pa cindu cine kapena malo gakwela.



- penda** *msa.* Kuja kuwusya ni kulola wakukulagasya pa umi wakwe kwa mundu jwa mtela.
- pendama** *msa.* Kwima mwagoŵecela upande umo.
- pendeka** *msa.* Kuŵa mwagoŵecela upande umo.
- penga** *msa.* Kukoposya mu mbula yindu yakulenda pakuyituta mwamacili ni mbepo jakupitila mu mbulamo.
- penula** *msa.* 1 Kuwugula meso mwakulajilila. 2 Kukamulila kapena kujigalila cindu camumbali.
- penyula** *msa.* Kubedula ni kutyosya upande wa cindu ni kucitendekasya kuŵa ca menomeno.
- pepa** *msa.* Kupendeka ni kutondoŵa kwa kuŵala kwa lyuŵa.
- pepani** *m'jonje.* Liloŵe lyakumpembecela mundu juwam'leŵele kuti atulale mtima.
- pepela** *msa.* Kukoposya mbepo m'matumbo mwamacili kusepucila kukamwa.
- pepeluka** *msa.* Kwenda kapena kwima mwapendapenda mwangalimbangana cisawu mwakusatendela mundu jwajikwite mkologo.
- pepepe** *m'jonje.* Liloŵe lyakulosya kuti yindu yimasile yosope pangali cakusigala.
- pepesya** *msa.* Kupeleka pepani kwa mundu jwawum'leŵele.
- pepetela** *msa.* kusalalisya cindu kuti ciwoneceje cenene
- pepula** *msa.* Kuŵinisy lupeta mwakusungusya kuti songolo syekulungwa kapena yindu yambone yiŵe pacanya, syaŵana kapena maganga gaŵe pasi.
- pesa** *msa.* Kututa yindu cisawu manyasi pa lutenje kuti paŵe pana lipesa lakulingulila mkati.
- pese** *mbika.* Mwayikusapikanicila ni kuwoneka yindu yakuti yikutusuka.
- pesi** *m'jonje.* Upande wine wa lusulo kapena nyasa pangawaga wali mundujo.
- pesya** *msa.* Kumasya lung'wanu ligongo lya kuŵilinganya kutenda kapena kuyiwona yindu.
- <sup>1</sup>**peta** *msa.* 1 Kupuga kwa mbepo. 2 Kusalalisya cindu ni yindu yakulekanganalekangana.
- <sup>2</sup>**peta** *mbika.* Mwayikusaŵela nambo soni mwayikusatendela yindu mbepo

jili mkupuga.

**petenga msa.** Kucilolecesya cindu mwakosoŵalila cenene nambo soni mwakucigalawusyagalawusya.

**pewogo mlanji. malo** Pasi pakusatandika yagonela.

**pewuto mlanji. malo** Malo gakutama.

**picika msa. 1** Kuyika cindu cisawu mkongwa pa litanga kuti liwugalice cenene. **2** Kuluka misela ja cindu.

**picikulana msa.** Kukamulana, kutegana ni kugwiszana pasi.

**picila msa.** Kuyika ni kumsyelenga sona mwisamba lya cimanga kapena mu cikalakala.

**picilika msa. 1** Kuyika cindu cisawu mkongwa pa litanga kuti liwugalice cenene. **2** Kuluka misela ja cindu.

**picisika msa.** Kutupilwa masengo kwangakola nako lipesa lyakutama pasi.

**piilila msa. 1** Kuŵa cepiliwu kapena jwampiliwu. **2** Kuŵa ca likaku kapena jwalikaku.

**pika msa. 1** Kupakasa kapena kutiŵa lukonji. **2** Kunyakusyana msigo ŵandu ŵaŵili pakuwukoleka pa citela ni kunyakula citelaco m'makoyo.

**pikana msa. 1** Kumanyilila liloŵe kapena lisegwe lyakwinjila mwiwiwi. **2** Kumanyilila cindu cakutendecekwa pacilu cisawu kupweteka kapena kukolesya moto **3** Kumanyilila ni kwiticisya maloŵe gaŵecete ŵandu ŵane. **4** Kukosya yaŵecete mundu jwine.

**pikanicisya msa. 1** Kutega liwiwi kuti yakuŵeceta mundu jwine yijinjile ni kutamilicika cenene. **2** Kumanyilila mnope maloŵe gaŵecete mundu jwine.

**pikanila msa.** Kugakosya maloŵe gaŵecete mundu jwine.

**pikanya msa.** Kulumbikanya yindu.

**pikinicisya msa.** Kutama mwakulikanganicisya pa malo gamnono.

**piku mbika.** Mwachikusatendela cindu naga cigwile mwakulosya upande ucatamile.

**pikula msa.** Kututa kapena kunyakula cindu mwakucigalawusya ni kulosya upande ucatamile.

**pikusya msa. 1** Kutamika cindu mwakupendamisya. **2** Kupitikusya cindu kuti upande wa pacanya uŵe pasi, wa pasi uŵe pacanya.

**piliga msa.** Kupakasa kapena kutiŵa lukonji.

**pilila msa.** Kulimba nayo yipwetesí.

**pilimala msa.** Kuŵa kapena kukopocela pacanya.

**piliminda msa.** Kuligalawusyagalawusya pasi kapena soni kwambaga kulipukunyapukunya.

**pilinga m'jonje.** Kwenda kwa kwinjilila aku ni kuwuja ni kwinjilila soni aku.

**pilipita msa.** Kuligalawusyagalawusya pasi kapena soni kwambaga kulipukunyapukunya.

**piliŵili mbika.** Mwayikusawonecela yindu yecejewu.

**piliwu mtagu.** Kuŵa ni kawonece ka cisawu msilo kapena likwilili.

**piluka msa.** Kuseleleka ni kupendecela upande umo.

**pilula msa.** Kutama mwakupendeka.

**pimba msa.** Kwima kwa liwolo.

**pimbitala msa.** Kugongomala kwa cindu.

**pimicisya msa.** Kukumbusya yiŵamsalile mundu mkaniyiwonece yayitendecekwe.

**pimilila msa.** Kulimba ni kuyisyoŵelela yipwetesí.

**pimindika msa.** Kumgombelesya mundu kuti atende yamsalile.

**pimisy msa.** Kukwesya mtengo wa cindu kuti ŵandu alepele kusuma cinduco.

**pimya msa.** Kumnyenjelela jwamkongwe kuti atyoce kwa ŵamkwakwe

**pinda msa.** Kugongomasya kapena kuŵiliga cenene cindu.

**pindamukula msa.** Kongola cindu ciŵapindile.

**pindanya msa.** Kugongmasya kapena kuŵiliga cenene cindu.

**pindikula msa.** Kongola cindu ciŵapindile.

**pindila msa.** Kukuwa mumbali mwa cindu cisawu nguwo.

**pindimasya msa.** Kutendesya cindu kuti ciŵe cagongolama kapena cangajongoka.

**pindimukuka msa.** Kuja aku na kuku mwakwendelecela.

**pindingula msa.** Kugalawusya maloŵe gaŵaŵecete mundu ni kusala yine.

**pindu msa.** 1 Cindu cambone cakusapata mundu ali akamwile masengo. 2 Mbiya syakusapata mundu pamalonda pakonjecesya pa syakutandila.

**pinducila msa.** Kugalawuka nganisyo syakwaya mundu jwine.

**pinduka msa.** 1 Kugalawuka mtundu. 2 Kupitikuka ni kulosya upande wa

pasi kwinani.

**pingulana** *msa.* Kugona mwakupinjikana.

**pingusya** *msa.* Kusisya kapena kukana yatesile mwine soni yaŵecete mundu jwine.

**pinjika** *msa.* Kuyika kapena kugoneka cindu mwakucinga kapena mwakatanya pa cijakwe.

**pinjilipinjili** *m'jonje.* Kutama mwangali mlundunde.

**pinya** *msa.* Kukatila cindu cisawu cipula pa cindu cakulimba ni kucitendekasya kuti ciŵe cangatema.

**pinyasika** *msa.* Kwipipa kwa cindu ligongo lya kucikamulicisya masengo mnope kapena magongo gane.

**pipilisya** *msa.* Kuŵeceta ngani mwakamulicisya maloŵe gakuti mundu jwine ngaŵa mkumanyilila ngopolo syakwe.

**pipitipipiti** *m'jonje.* Kwenda kwa ŵandu ŵajinji kwinjilila aku ni kuwuja ni kwinjilila soni kwatyoccele.

**pisa** *msa.* Kukatila cindu cisawu cipula pa cindu cakulimba ni kucitendekasya kuti ciŵe cangatema.

**pisuka** *msa.* Kuseleleka ni kupendecela upande umo.

**pisya** *msa.* Kumpa lipesa mundu jwine kuti apite

**pisyangana** *msa.* Kukamulicisya masengo cindu cimo mwakupelegana lipesa.

**pita** *msa.* 1 Kwawula pa mlango pa mundu. 2 Kwinjila malo gecijecije. 3 Kwenda ni kupeleta pa malo.

**pitikuka** *msa.* 1 Kugalawuka pakuleka ndamo jakala ni kutanda jine jasambano. 2 Kugalawuka kwa cindu pakulosya upande wakutamila kwinani.

**pitikula** *msa.* 1 Kulosya upande wakutamila kwinani. 2 Kupanganya mtela wakumasya macili ga mtela uŵapanganyice kandanda. 3 Kuŵeceta maloŵe gakugalawusya gaŵecete mundu jwine.

**pitikulila** *msa.* Kupinda nguwo pakusosa kuti aminice.

**pitikusya** *msa.* 1 Kulosya upande wakutamila kwinani. 2 Kupanganya mtela wakumasya macili ga mtela uŵapanganyice kandanda. 3 Kuŵeceta maloŵe gakugalawusya gaŵecete mundu jwine.

**pitipiti** *mbika.* Mwakusatendela ŵandu kapena yinyama pakutoposyana.

**pitula** *msa.* Kugalawusya meso.

<sup>1</sup>**pocela** *msa.* Kutenda yindu yakulosya kusengwa ni cindu cakupele kapena cawupikene.

<sup>2</sup>**pocela** *msa.* 1 Kujigala ndundu siwanyakwile mundu jwine kuti jwalakwejo apumule 2 Kujigala kapena kukunda kujigala cindu cakukupa mundu jwine.

**pojola** *msa.* 1 Kwenda mwitinji. 2 Kuyika pa malo mwangalajila kwamanyisya acimisyene.

**poka** *msa.* 1 Kusengwa ligongo lya yindu yawupocele kapena magongo gane. 2 Kutenda yindu yakulikwesya ni kwawona wandu wane cisawu kuti wangali mate.

**pokasya** *msa.* 1 Kulekanganya wandu kapena yinyama yayikumenyana. 2 Kukulupusya cindu kutyocela kwa mundu kapena cinyama caciteje cijigale.

**pokola** *msa.* Kumkamucisya mundu pakum'macisya yipaka yayikam'wisile pa yipwetes.

**pokolanya** *msa.* Kukamucisya kumasya ukangani.

**pokosa** *msa.* Kuweceta mwakusinganga.

**pokosola** *msa.* kutemangula kapena kutemanya cindu ni yala mwangakamulisya masengo cilingo cisawu cipula.

**pola** *msa.* Kumala kwa ulwele walwasileje mundu cisawu liwanga ni yilwele yine.

**polola** *msa.* Kwasa citumbo.

**polomoka** *msa.* Kuwulika kwa cindu cisawu cakuwala ligongo lyangakamula mnoppe pa cilu.

**polongana** *msa.* 1 Kwawula yalumo. 2 Kwenda mu msela, jumo panyuma jwine pawujo.

**polonganya** *msa.* Kutaŵikanya yindu.

**polosya** *msa.* Liloŵe lyakamulicisya masengo mnopemnope naga cinyama ciŵelece mwanace ni kuwa ligongo jwaliji jwangakwana masiku.

**polota** *msa.* Kutenda yindu mwaulesi nambo soni mwakuloŵela.

**pombonganya** *msa.* Kuwatanganya yindu.

**pombotala** *msa.* Kuŵa cagongomala.

**pomola** *msa.* Kutwa mwituli yindu cisawu yimanga kuti matimba gatyoce.

**pomonda** *msa.* Kutwanga suŵa.

**ponda** *msa.* 1 Kuliŵata cindu ni lusajo. 2 Kutwa yindu yangalimba cisawu ngamba. 3 Kupagwa mwa mama ŵamo mwanace jwine ali apali kala.

**pondogola** *msa.* Kuliŵataliŵata pane palipose.

**pongwe** *li.* (yeji. pongwe) 1 Ndamo jakwapa ŵandu ŵane yindu yamnono yejinjiyo ni kujigala jika. 2 Kupelebela ukombosi wa masengo.

**ponya** *msa.* 1 Kutenda mwakwasa cindu cisawu liganga kuti likagwile panawula. 2 Kuyika cibaluwa pa kasimbo ku positi ofesi.

**ponyoka** *msa.* Kutemanguka ni kutyoka upande wa cindu.

**ponyokola** *msa.* Kutemangula ni kutyosya upande wa cindu.

**popola** *msa.* 1 Kukata manyasi gelewu ni mawukutu gakwe kuti malo galanguce. 2 Kugwisya yisogosi mu yitela ni maganga kapena yikongo.

**poposya** *msa.* Kupeleka odi kapena kuŵenda kuti mundu akuwugulile litanga ujinjile mwine soni kuti akupe ukoto wakupitila pamalo.

**popotoka** *msa.* Kulola kumbali kapena kupindika ni kuja upande umo.

**popotola** *msa.* Kupitikusya mwamacili ciŵalo cisawu lukosi kapena mkono wa cindu ca umi.

**pose** *m'jonje.* Liloŵe lyakulosya kuti pangali pamalo papasigele.

**posya** *msa.* 1 Kumasya cilwele. 2 Kutondoya moto wakwete cindu pakucipepela kapena kutenda yindu yine.

**pota** *msa.* 1 Kusinga lukonji. 2 Kupweteka mwakulumaluma cisawu mwamukusatendela m'matumbo. 3 Kuŵiligana kwa masamba ga yimanga yili mkuti yitande swaji.

**poteka** *msa.* Kupikana ululu.

**potola** *msa.* Kupitikusya mwamacili ciŵalo cisawu lukosi kapena mkono wa cindu ca umi.

**powa** *mbika.* Mvacikusatendela mkucitomasya cindu cisawu cembe cejiwu mnope.

**powajila** *msa.* Kuŵa cakoloŵa cakuti malo gatomasisye gacusajinjila mkati.

**powana** *msa.* Kuŵa cakoloŵa cakuti malo gatomasisye gacusajinjila mkati.

**poŵela** *msa.* Kulila kapena kuŵilanga mwakwendelecela mwakwesya maloŵe mnope.

**powola** *msa.* Kupanganya lipowo kapena lisimbo pa cindu cine.

**powolekanganya** *msa.* Kupanganya lipowo kapena lisimbo kutyocela

- upande umo wa cindu kuja upande wine wa cindu cicoco.
- poya msa.** 1 Kutwa masamba. 2 Kuŵa mundu jwakusawusya kumtendela yambone.
- pucika msa.** kuwugala litanga mwangamalisya.
- pucila msa.** Kumputa kapena kum'wulasya mundu jwangali cileŵi.
- puga msa.** kutyosya iswani yangasosekwa mu matimba pakuyiwika mlupeta nikuŵinisyaga lupetalyo kuti iswani iwise panani
- pugwa msa.** Kuŵa jwakuseseŵala.
- pujuka msa.** kasika kwa cakuyimba.
- puka msa.** Kugalawukagalawuka ndamo.
- pukunya msa.** Kugwedanya kapena kutenganya cindu.
- pukusa msa.** 1 Kusungusya lupeko mwakuwilisyawilisya mpaka moto ukolele. 2 Kusungusya cindu cisawu mwakusatendela ni mcini kuti ulile. 3 Kukologanya mboga cisawu mbwanda kuti siŵe cipalasya.
- pukuswa msa.** Kupowoka cisawu mwayikusatendela yimanga naga yipukusu yili yilile.
- pukuta msa.** Kutyosya mesi kapena luwundu pacilu kapena pa cindu cine cilicose.
- pukutula msa.** Kutyosya yimanga m'cisonde.
- pulicila msa.** Kutenda yindu mwangayiganicisya cenene ni kupelega kuti ukukolosya.
- pulula msa.** Kutyosya yindu cisawu masamba kapena yisogosi m'citela mwangasigasya kandu.
- puluputa msa.** 1 Kulipukunya pakusosa kulikulupusya kwa mundu kapena cinyama cacikukamwile. 2 Kuliputisyaputisya kwakusatenda mundu kapena cinyama ligongo lya kupikana kupweteka.
- pulusya msa.** Kwamba kupakala kapena mawuta mesi kuti utipitile m'malo mwa koga.
- puLuwa msa.** 1 Kŵa jwakuseseŵala. 2 Kukamatana kwa utandi mu likoko ligongo lyakuti awunyile mesi gali gasemwile.
- puma msa.** 1 Kulila kapena kugumila mnope. 2 Kumjasikasya cindu melepe mundu jwine.
- pumasika msa.** Kupumula mwakwanguya nambo soni mwakoposya mbepo jejinja ni lisegwe.

**pumula** *msa.* Kwinjisy ni koposya mbepo m'mapaŵa kusepucila mu mbula ni mkamwa.

**pumunda** *msa.* Kuputa ni kutyosya yindu cisawu luwundu pa ugoni ni yindu yine.

**pumusya** *msa.* Kupeleka lipesa kwa mundu lyakuleka kaje kutenda citendo.

**punda** *msa.* 1 Kupeleta cindu kapena mundu juŵaliji kuwujo. 2 Kuŵa jwakupakombola kutenda cindu kumpeleta mundu jwine jwalijose.

**pundanganya** *msa.* Kutenda cindu mwakupeleta mlingo wakwe.

**pundula** *msa.* 1 Kumsyoŵecesya mundu yindu yangalumbana. 2 Kutendesya kuti mundu alemale.

**pundumukula** *msa.* 1 Kugwisya cindu. 2 Kugwagula kapena kumatukula cindu.

**pungula** *msa.* Kutyosya yindu panandi.

**pungwa** *msa.* Kulepela kwiwula kapena kukomala.

**punila** *msa.* Kuŵina mwakumtikulila jwalume kapena jwamkongwe.

**punja** *msa.* Kukamulicisya masengo maloŵe gakuŵagula.

**punyo** *mbika.* Mwakusatendela mundu pakuponya yindu mkamwa.

**pupa** *msa.* 1 Kugwedanya cilu mwamacilu pakulagasika ni ciwa. 2 Kulinga kutenda cindu mwakulajilila.

**pupujila** *msa.* Kuwunukula mapapiko.

**pupulika** *msa.* Kwenda mwangalondesya cisawu ŵangalola.

**pupulipupuli** *mbika.* Mwakusatendela mundu jwakwenda mwangalola kwakuja.

**pupulu** *mbika.* Mwayisaŵela naga yindu yimasile yosope pangali cakusigala.

**pupulusya** *msa.* 1 Koca yimanga mwakuŵawula. 2 Koca litinji lili ciŵela ciŵsiŵisi.

**pusya** *msa.* 1 Kupikanicisya ngani jakuŵeceta ŵandu ŵandu. 2 Kutenda yindu mwakupundasya mlingo.

**puta** *msa.* Kuponya mkolo kapena cindu mwamacili ni kuja kuŵicila pa cindu cine.

**putukula** *msa.* Kutyosya yimanga m'cisonde.

**putula** *msa.* 1 Kusmbasumba ligongo lya kusengwa kapena ukali. 2 Kulima mwakusimika lijela ni kugalawusya litaka.



**puwa** *msa.* Kutenda mwakunyalilila ligongo lya kumula cindu mkanicikomale.

**puwana** *msa.* Kutenda mwakunyalilila ligongo lya kumula cindu mkanicikomale.

**pwa** *msa.* 1 Kumala kapena kunandipa kwa mesi ggaliji m'nyasa, m'lusulo, mu mpika ni yindu yine. 2 Kunndipa kwa cilu ciwakwete mundu.

**pwaguka** *msa.* 1 Kutyoka matimba ga yindu cisawu mpunga ni yine. 2 Kupela ligongo lya masengo.

**pwagula** *msa.* 1 Kutyosya matimba ga yindu cisawu mpunga ni yine. 2 Kuputa mnope.

**pwalapwatasya** *msa.* Kutendekasya cindu cakoloŵa kuti ciŵe mpwapwata.

**pwamula** *msa.* Kuputa mwamacili.

**pwanika** *msa.* Kuleka nganisyo siwakwete kandanda ni kukola sine.

**pwanya** *msa.* 1 Kuŵa jwangapikanila yakusalile. 2 Kutenda yindu mwangalimbilicila.

**pwapwata** *msa.* Kuputa cindu kuti ciŵe ca ngwasa jekulungwa nambo soni cangali msimbo.

**pwata mbika.** Mwachikusatendela cindu naga cigwilile mnopemnopo pa matope.

<sup>1</sup>**pwatalala** *msa.* Kuŵa cejipila ni kukola soni ngwasa jekulungwa.

<sup>2</sup>**pwatalala mbika.** Mwachikusawonecela cindu ca ngwasa jekulungwa cejipi.

**pwatata mbika.** Mwachikusawonecela cindu ca ngwasa jekulungwa cejipi.

**pwatikanya** *msa.* 1 Kuyika kapena kujigalila pamo yindu. 2 Kuyika cindu pacanya pa cijakwe.

**pwelela** *msa.* Kuŵa ni nganisyo nambo soni woga.

**pwelembwesuka** *msa.* kupela ligongo lyakamula masengo kwejinji

**pwemwe mbika.** Mwakusawonecela mundu jwamkulungwa lutumbo naga atemi pasi.

**pwetecela** *msa.* Kutocomala kwa cindu ligongo lya usito kapena soni magongo gane.

**pwetecesy** *msa.* kwinjisyasi pasi cindu cicakopwece pasi kapena celewu kuti ciŵe cejipi

**pweteka** *msa.* Kupikana ululu.

**pwetulila msa.** Kuŵeceta mwakonjecesya ngani.

**pwi mbika.** Mwakusatendela mundu jwagambile kutama ngasukuna.

**pwika msa.** Kutenda mwakunyalilila ligongo lya kumula cindu mkanicikomale.

**pwilinganya msa.** Kutyoka pamalo jwalijose kwawulaga kwakusosa.

**pwilipwitika msa.** Kupelenganya kuseka ŵane ali alesile.

**pwinya msa.** Kusakalika ni yitendo ya mundu jwine.

**pwipwiganya msa.** Kusupusya ni kukwipusya yinyama.

**pwisa msa.** Kukoposya mbepo jakununga m'matumbo kusepucila ku cipwasi.

**pwitulila msa.** Kusala ngani mwangalondesya cenene.

**pwiya msa.** 1 Kuputa ni kupinda cindu. 2 Kuputa ni kutyosya yindu cisawu luwundu pa ugoni ni yindu yine.

**pya msa.** 1 Konasika kwa cindu ni moto. 2 Kuyika pa mlingo wakuti mundu ni kulya kwa yindu yiŵatelece pa moto 3 Kukwana kwa katema kakutendela cindu cisawu ulendo.

**pyacisya msa.** Kuŵeceta ngani mwakamulicisya malowē gakuti mundu jwine ngaŵa mkumanyilila ngopolo syakwe.

**pyajila msa.** Kutyosya yiswani pa malo.

**pyalu mbika.** Mwayikusaŵela naga mundu amtejekwile ngongolo ni kugwa pasi.

**pyaluka msa.** Kutejekuka ngongolo ni kugwa pasi.

**pyalula msa.** Kukutejekula ngongolo ni kukugwisya pasi.

**pyambandula msa.** Kukutejekula ngongolo ni kukugwisya pasi.

**pyapyala msa.** Kunandipa mbuwa.

**pyapyaluka msa.** Kuguluka mwakupewuka nambo soni mwakuwutuka.

**pyapyanduka msa.** Kukutejekula ngongolo ni kukunyakula cisawu mwagakusatendela pakukunyakula mesi.

**pyatanguka msa.** Kutejekuka ngongolo ni kugwa pasi.

**pyatangula msa.** kumtega mundu ndale kuti agwe pasi

**pye mbika.** Mwayikusaŵela naga ucikamwile cindu mwakuciminya.

**pyokonyola msa.** Kupotokola cindu cisawu mkono pa malumbiko.

**pyonyo mbika.** Mwachikusawonecela cindu cakuti upande wine uli

wamwana.

**pyonyola** *msa.* Kunandiya upande umo wa cindu.

**pyopyolosya** *msa.* kunondiya cindu.

**pyotola** *msa.* Kukwinya msumbu kuti cipyoto ciwe pamkuli.

**pyu** *mbika.* Mwacisawonecela cindu cecejewu.

## S

**s** Cilembo cangapikanika pajika.

**sabalika** *msa.* Konasika kapena kupasuka kwa cindu, kuyika pa mlingo wangakomboleka soni kukamulicisya masengo.

**sabalisy** *msa.* Konanga cindu kuyika pa mlingo wakuti ngawa mkukombole soni kucikamulicisya masengo.

**sacisya** *msa.* Kumlecela mundu jwine cindu kuti akusunjile.

**sagamila** *msa.* Kuyiwona kapena kutenda yindu ku lugono mpela kuti uli mesope.

**sagamisi** *li.* Nganiso syakum'wika mundu ali m'lugono mwanti sine mwa nganisyosyo sikusaŵa mpela sisylene.

**sagamuka** *msa.* Kugwa kutyocela penani.

**sagamula** *msa.* 1 Kusala sagamisi syasagamile mundu. 2 Kugopolela sagamisi syasagamile mundu.

**sagula** *msa.* 1 Kulekanganya kapena kujigala cindu pacilikati pa yijakwe pakutolela kulekangana kwakwe. 2 Kujigala cindu cimo kapena yindu yigala yawuyinonyele kutyocela pa yijakwe.

**sajika** *msa.* Kuyika cindu pacanya pa cijakwe.

**sajikana** *msa.* Kuŵa cindu cimo pacanya pa cijakwe.

**sajukula** *msa.* Kutyosya cindu pacanya pa cijakwe.

<sup>1</sup>**saka** *msa.* Kukola cilakolako ca cindu cine cakwe.

**sakalali** *mbika.* Mwakusawonecela ŵandu kapena yinyama yilimkwenda mwangali mlundunde kwinjilila maupande gakulekanganalekangana.

**sakali** *li.* (yeji. sakali) Manyasi gakuti agataŵile cisakata kuti acome ni kumulicila pa malo.

**sakalika** *msa.* Kupela ni cindu cawukutenda.

**sakalisya** *msa.* Kutenda yindu yakumnyalaya mundu jwine.

**sakamwa** *msa.* Kulakamwa pakumila yindu.

<sup>1</sup>**sakata** *li.* Cinyama campela ngwena nambo camwana cakumnyela kukamula nguku.

**sakula** *msa.* 1 Kusosasosa yinyama mwitinji. 2 Kongola ni kukolosya umbo ni ciskulo.

<sup>1</sup>**sala** *msa.* Kugopolanya ngani jaŵecete kapena yindu yatesile mundu jwine.

<sup>2</sup>**sala** *msa.* Kuŵalula cindu cisawu lusasu ni liŵago kapena cindu cine.

<sup>3</sup>**sala** *li.* (yeji. sala) 1 Kusosa kulya ligongo lyakuti yakulya m'cilu yinandipe. 2 Kusoŵa kwa yakulya m'nyumba kapena m'cilambo.

**salala** *msa.* Kuwoneka cenene.

**salamanda** *msa.* 1 Kulipukunya pakusosa kulikulupusya kwa mundu kapena cinyama cacikukamwile. 2 Kuliputisyaputisya kwakusatenda mundu kapena cinyama ligongo lya kupikana kupweteka.

**salanga** *li.* (yeji. salanga) Nguku ja mang'omba ga calang'ang'a.

**salasya** *msa.* Kusunga cindu kuti acikamulicisye masengo katema kane.

**salawu** *li.* (yeji. salawu) Mbamba syecejewu syakuluma mnope.

**salima** *Mtagu.* Mtagu. Kuŵa jwaukali nambo soni jwangakaŵa kwaputa acimijakwe.

**sama** *msa.* Kusama ni kutyoka pamusi kapema m'numba nikuja kutama kwine.

**samba** *msa.* Kutyosya yakulya yangali masengo kutyocela m'matumbo ni kopocela ku mtumbo mwamasegwe.

**sambano** *M'jonje.* Liloŵe lyakulosya ndaŵi ja katema akano.

**samukamtima** *msa.* Kutenda cisawu mtima ukutyoka m'malo mwakwe ligongo lya woga ni yindu yine

**samula** *msa.* Kongola ni kukolosya umbo ni cisakulo.

**sanda** *msa.* Kugwedanya cilu mwamacilu pakulagasika ni ciwa.

**sandula** *msa.* Kutyosya nyambi syaŵanaŵana ku citela cangakata kapena cagwisisye.

**sanga** *msa.* Kusumbasumba kutyoka lunyambi alu ni kuja pa lunyambi lwine.

**sangula** *msa.* Kumalisya yitendo yosope yakwaya unyago.

**sanya** *msa.* Citela ca tukungwatukungwa pacilu cakulimba cakuwoneka

cisawu citimbe nambo cangasogola yisogosi.

**sapangana** *msa.* Kuŵa cangawoneka cenene.

**sapangula** *msa.* kulekanganya yindu iyaliji pamo kuti iŵe cimocimo.

**sapula** *msa.* Kujigala yindu panandi ni kuleka yine.

**sasaŵila** *msa.* Kututumbala kapena kyimba kwa yindu cisawu maŵele ligongo lya kutupa kwa mkaka.

**sasajika** *msa.* Kuwola kapena kutukuta kwa cindu cisawu somba syeŵisi.

**sasawanya** *msa.* 1 Konanga yindu. 2 Kuganga somba kapena cijuni pakusosa kucijumusa.

**Sasika** *msa.* Kuŵeceta mwakusinganga.

<sup>1</sup>**saŵa** *li.* Kukamulicisya masengo cindu mwakonanga.

<sup>2</sup>**saŵa** *msa.* Kukola mesi gejinji cisawu mwayikusatendela yinangwa kapena mbatata pandema jakusipuka masamba gasambano.

**saŵaji mbika.** Mwayikusawonecela yiswani naga yili mkujajaŵala pa mesi.

**sawalika** *msa.* Kuŵa jwangali upile.

**sawusya** *msa.* 1 Kutenda cindu cakwalagasya mu nganisyo ŵandu ŵane. 2 Kuŵa cakusosekwa ndaŵi macili ni kuganicisya kwejinji kuti cikombolece.

**secelela** *msa.* 1 Kumleka mundu kuti atendeje yakusosa. 2 Kulosya kusengwa ligongo lya yindu yambone yawuweni, kuyipikana kapena kuyiganisya. 3 Kuwugula pakamwa ni kulosya meno ligongo lya kusengwa.

**sejela** *msa.* Kutukuka pamalo pawutemi pakusosa kuja kuŵandikana ni cindu kapena mundu jwine.

**seka** *msa.* Kukoposya liloŵe ni kulosya meno ligongo lya kusengwa.

**selema** *msa.* Kutukuka pamalo ni mapuluputu cisawu kukokona.

**selewenda** *msa.* Kuŵa cangakamula cenene pa cindu cawecice.

**selewula** *msa.* Kuselewula ni kuŵeceta yindu mwakwelegula.

**seluka** *msa.* Kuŵika pa malo mwangalajila kwaŵilanga.

**selula** *msa.* Kukoposya m'matumbo yindu yiwalile kusepucila kukamwa.

**sema** *msa.* Kutuosya upande wine wa citela ni cilingo cakusepela pakusosa kupanganya cindu cisawu mpini.

**sembendula** *msa.* Kutuala cindu cakuponyele.

*semula msa.* 1 Kululika litaka ni lijela kuti apande mbeju. 2 Kutokota kwa cindu cisawu mesi.

*sengwa msa.* Kuŵa jwakusangalala.

*senya msa.* Kumalisya kugwagula tuyindu cisawu minowu jakusigalila pa lipende lya nyama.

*senyenda msa.* Kuŵinisya lupeta pakusosa kulekanganya yindu yakunandipila ni yakulila.

*sepa msa.* Kutyosya maupande gane ga citela pakukamulicisya maengo cindu cakusepela pakusosa kupanganya cindu cisawu mpini.

*sepuka msa.* 1 Kutyoka mwitala pakusosa kupeleka lipesa kwa jwine kuti apite. 2 Kwinjilila kwine kuleka litala lyawujesileje.

*sesewala Mtagu.* Kuŵa kapena kutenda yindu yakuloŵela nambo soni yangali lunda.

*sewuka msa.* Kutyoka kwa yindu yejinji mu cindu ciayaliji.

*sicila Mtagu.* Kukola yipanje yejinji.

*sicilila msa.* Kuŵa kapena Kuwoneka mwakucimbicika.

*sicina msa.* Kulindima ni kutenganyika kwa malo ligongo njasi ni yindu yine.

*sicita msa.* Kukata cindu ca umi pa lukosi mwakwayisya ni kwendesya cilingo cakatila pa cinduco.

*sigam msa.* Kukata cindu kuti ciŵe cacijipi.

*sigala msa.* 1 Kutama pa malo ŵandu ŵane ali mkutyoka kapena ali atyosile. 2 Kupatika kwa mundu kapena cindu yine yili yimasile.

*sigasiga li.* Yindu yakupatika yejinji kapena yekulungwakulungwa yili yimasile.

*sigasya msa.* Kukamulicisya masengo yindu ni kusunga yine kuti yikukamucisye katema kane.

*sii Mbika.* Kulosya kuti pa malo pangali lisegwe kapena pangali ŵandu.

*sijilika msa.* Kuŵa cakutema.

*sijilila msa.* Kumyola mtwe wosope mwasipelele umbo.

*sika msa.* Kuyika mtembo m'malembe.

*sikama msa.* Kuŵa jwakusengwa ni mwawuŵelele gwasyegwe.

*sikati li.* (yeji. sikati) Malo gakuti nganigaŵa kumbali.

*sikita msa.* Kukata cindu ca umi pa lukosi mwakwayisya ni kwendesya

- cilingo cakatila pa cinduco.
- sila msa.** Kuŵa jwangajikutila ni cindu cakupele.
- silasya msa.** Kutendekasya kuti moto usime pakutyosya makala pamoto.
- sima msa.** Kuleka kukolela kapena kuŵala.
- simana msa.** Kusimanikwa malo gamo yindu kapena ŵandu ŵakuti nganaŵa yimo.
- simbo li.** Katela kakusakakalicisya masengo pakwenda mundu jwamlemale m'malo mwa sisyesyene syakwendela ŵandu ŵalemale.
- simbukula msa.** Kutyosya cindu cisawu cakumela ni miciga jakwe.
- simbula msa.** 1 Kusimanyilila nganiso ni yitendo ya mundu. 2 Kukata ni lijeala miciga ja cindu cakumela.
- simika msa.** Kwinjisya mwitaka cindu cisawu lusici kuti cijime.
- similila msa.** Kuleka kuwoneka pakutyoka panandipanandi.
- simonga msa.** Kuyiwona mwacilendo yindu yawuyiweni kapena yawuyipikene.
- simonjeka msa.** Kuwoneka mwacilendo yindu yawuyiweni kapena yawuyipikene.
- simula msa.** Kutaga mesi gakusisima m'mesi ga moto pakusosa kuti gatondoŵe motowo.
- sinda msa.** Kutendekwa kwa yindu mwakulekangana ni muyaŵelaga kala.
- sindicisya msa.** Kulya kapena kukamulicisya masengo cindu mwakwanila cenene.
- singa msa.** 1 Kupota lukonji. 2 Kukata cindu ca umi pa lukosi mwakwayisya ni kwendesya cilingo cakatila pa cinduco.
- singalilwa msa.** Kuŵa pa cilagasyo nambo ngakola litala lyakucimacisya.
- singanga msa.** Kuŵeceta mwakwesya maloŵe kapena kuŵeceta pa malo gakusosekwa kuŵa ji.
- singuka msa.** Kuleka dini jakwe ni kwinjila ja Cisilamu.
- sinjikula msa.** Kulekanganya yindu cisawu ngonji syakuti syakolekene.
- sinjinika msa.** Kuŵa jwa mpando pa cindu cawucisosile.
- sipuka msa.** 1 Kutojima ligongo lyakuti cindu citendecekwe mwacitwitwi. 2 Kumela soni kwa cakumela cosope kapena nyambi syakwe syakuti ŵasikatile.
- sis msa.** 1 Kuyika cindu pamalo gakuti mundu jwine ngaŵa mkuciwona. 2

- Kusunga mu mtima cindu ngamsalila mundu jwine.
- sisima msa.** 1 Kuŵa cangali moto. 2 Kutondoŵa kwa ngani mkanajiŵecete ku nganya. 3 Kupikana mbepo.
- sisya msa.** Kukana kwiticisya yaŵecete mundu jwine.
- sitopa msa.** Kukola ni usito.
- siŵa msa.** Kuwugala malo gagakwete lipesa.
- siŵilwa msa.** kum'wugalila mundu pamalo gakupita kuti alepele kupita
- siwula msa.** Kuganga cindu ni kutyosya yindu yiyaliji mkatimo.
- siya msa.** Liloŵe lyakulosya usimongo.
- sogoda msa.** kuŵeceta ngani sya mundu jwine msyenejo pali pangali.
- sogoja msa.** Kutaŵa mwagagayicisya.
- sogola msa.** Kukola yisogosi.
- soka msa.** Kugumbasya mnope yindu mu cindu cisawu lukalala.
- sokoka Mtagu.** Mtagu. Liloŵe lyakulosya kuti lisimbo lijinjile mkati kapena pasi mnope.
- sokola msa.** Kutyosya litaka ni yindu yine pamalo kuti paŵe pana lisimbo.
- sokolola msa.** Kuyitola yindu pamalo piyaliji.
- sokonecela msa.** 1 Kuwatangana kwa yindu. 2 Kuŵa pamalo pakulepeleka kupatika. 3 Kulepela kulondola ku malo kwawukukusosa.
- sokota msa.** Kukolosya cindu cisawu mpika pandema jagumba kuti ukole malo gakwanila mkati mwakwe pakutyosya lilongo panandipanandi.
- sola msa.** Kutyosya litaka ni yindu yine pamalo kuti paŵe pana lisimbo.
- solokota msa.** Kolong'ondola yindu cisawu songolo mu cisogosi.
- solota msa.** Kulongolela ŵandu ŵane pa ulendo.
- soma msa.** 1 Kujigala cindu ni kuciponya kuti cikapute pa cindu cine. 2 Kucopa cindu kapena mundu ni cindu ca lusonga.
- somba li.** (yeji. somba) Kanyama ka m'mesi kangali ngongolo ka maŵamba kapena kangali maŵamba.
- sombolela msa.** 1 Kukwakula cindu. 2 Kuŵeceta mwamwano.
- sombotasya msa.** 1 Kuwatanganya yindu yakuti yaliji mu mlundunde. 2 Kupinda cindu.
- somelela msa.** Kugopolanya cenene ngani.
- somya msa.** Kulemwesya pakuŵeceta kapena kuŵeceta cisawu ciŵecetoco



nganiciŵa cakwe.

<sup>1</sup>**sona li.** (yeji. sona) Mtundu wa cakumela cakusapanda mu mgunda ca masamba gekulungwakulungwa cakusakwemba ŵandu ŵane.

<sup>2</sup>**sona msa.** Kulila kwa cindu naga mkugombamo kapena naga mkuciwugula cisawu mwawukusatendela wayilesi.

**sonda msa.** 1 Kupungulila yindu cisawu sona jwam'wundule mwigasa. 2 Kum'ŵenga mundu.

**sonelela msa.** 1 Kutota cigamba. 2 Kulumbikanya tunguwo tuŵili.

**songana msa.** Kusimana kapena kuwungana malo gamo kwa yinyama mwine soni ŵandu ŵajinji.

**songandewu li.** (yeji. acasongandewu) Mundu jwakutandisya ukangani.

**songangana msa.** Kusimana kapena kuwungana malo gamo kwa yinyama mwine soni ŵandu ŵajinji.

**songo li.** (yeji. songo) Lijoka lyewu nambo soni lyekulungwa lyakuwutuka mnope.

**songola msa.** Kusepa kapena kusyana cindu kuti cikole lusonga.

**songona msa.** Kuŵeceta mwakutulunya maloŵe kuti ŵandu ŵane akapikana.

<sup>1</sup>**soni li.** (yeji. soni) Cakusacipikana mundu mu mtima mwakwe naga ali amsecile kapena naga msyene ali ayiweni kuti yatesile nganiyiŵa yakulumbana.

<sup>2</sup>**soni M'jonje.** Liloŵe lyakulosya kuwilisya kwa citendo.

**sonjomala Mtagu.** Kulewupa mnope.

**sonono M'jonje.** Mwakusatendela yindu cisawu mamina pakopoka mu mbula.

**sopola msa.** Kuwukula cindu kuti ciŵe cakwinjila mkati cisawu mwakusatendela pakupanganya lituli.

**soposopo li.** (yeji. soposopo) Kutenda yindu yakusosa kuti upate magongo gakutendela citendo cisawu umenyani.

**sosa msa.** Kukola cilakolako ca cindu cisawu yakulya ni yindu yine.

**sosola msa.** Kukola ŵanace cisawu mwajikusatendela nguku.

**sosolima msa.** 1 Kutenda yindu mwakupupuluma. 2 Kumkalamucila mundu jwine pakutenda cindu.

**soŵa msa.** Wangawoneka kapena wangapatika wa cindu.

**soya msa.** Kuŵeceta kapena kutenda cindu cakulemwecekwa.

**suga msa.** 1 Kusimonga kwacikusatenda cinyama cisawu nguku naga mkuciwona kapena kucipikana cindu cakusimonjesya. 2 Kwenda m'mesi cisawu somba pakupalasa ngongolo ni makono. 3 Kukuya kapena kulondalonda mundu mwine soni cindu.

**sujila msa.** Kwenda m'mesi cisawu somba pakupalasa ngongolo ni makono.

**suka Mtagu.** Kukana kumpa mundu jwine yindu yawukwete.

**sukulu li.** (yeji. sukulu) Malo gakusajawula ŵandu kuja kulijiganya yindu yakulekanganalekangana.

**sulula msa.** Kukopoka kapena kupeleta panandipanandi kwa yindu yakujilima cisawu mesi mu cindu cakucijila kapena cakujigalila.

**suma msa.** Kupeleka mbiya mwakutindanya ni cindu cawukucisosa.

**sumanga msa.** Kulya ugali wangali mboga.

**sumba msa.** 1 Kuliponya kutyocela penani kuja pasi. 2 Kuguluka kutyoka malo gane kuja kuyika malo gane. 3 Kumleka kapena kumkulusya mundu mwine soni cindu pa mlundunde wa citendo.

**sumisya msa.** Kupeleka yindu yawukwete mwakutindanya ni mbiya.

**sumula msa.** Kujigala cindu kutyocela kwa mundu jwine msyenejo ali mkukanya.

**sunu msa.** Kulukula yindu yiyaliji mkamwa.

**sungulumuka msa.** Kutanda soni kulimanyilila cisawu mwakusatendela mundu juŵamwele mkologo kapena juŵakomwece.

**sunji li.** (yeji. sunji) Mtundu wa mapuku gaŵanaŵana gakununga mnope gakusakulupilila ŵandu ŵane kuti gakusawa naga mkulinga kusumba litala.

**supuka msa.** Kutojima ligongo lyakuti cindu citendecekwe mwacitwitwi.

**susa msa.** Kumtutila kapena kumwecesya cakumkuli mwanace jwam'ŵelece kumgongo.

<sup>1</sup>**suŵa msa.** Kugwaguka lipende lya pacilu.

<sup>2</sup>**suŵa li.** (yeji. suŵa) Kupinda yala ya m'makono mwakolombosya mawupa ga mu mbindi.

**suya msa.** Kunyosya ni ngakamulicisya masengoyaŵecete mundu jwine.

**swa msa.** Kutenda cipi ligongo lya kutiŵila kwa lyuŵa.

**swakanya msa.** Kupikanika lisegwe pa manyasi kapena yiswani yejumu kwakulosya kuti cindu cine cikwenda kapena cikuliŵata. (kuŵeceta kwine: kuwakanya).

**swejela Mtagu.** 1 Kukola kawonece ka mbee, mbuu kapena ngwee. 2 Ku cangali kapena jwangali likaku.

**swela Mtagu.** Mtagu. Lipata lya liloŵe lyakulosya kawonece ka mbee, mbuu, kapena ngwee. Lipata lya liloŵe lyakulosya kuti cindu cangali likaku.

**swikama msa.** Kupama mundu kapena cindu.

**syana msa.** kukong'onda kapena kukoma cindu cakutema kuti cikole uji.

**syembenduka msa.** Kuja kumbali.

**syengo li.** Citela cakutililika pacilu cakula mwa liwukutu cakusapakasila ngokwe cakusogola tusogosi twelewu cisawu mbelemende twakuti ŵandu ŵane akusalyaga naga tujiwile.

**syeto Mtagu.** Lipata lyagopolela kuti upande wine wa cindu cisawu nyumba kapena litumbi.

**syoka msa.** Kugalawuka ni kuwujila panyuma.

**syosyotana msa.** Kulikitana kwakogoya.

**syoŵekana msa.** Kukungulucilana mnope.

**syoŵelela msa.** Kumala woga ligongo lyakutamilisya pamalo kapena ligongo lyakucitendatenda cindu.

**syowola msa.** 1 Kupukuta manyi ni ciwisa kapena masamba. 2 Kutaga ni kugayisya yimanga, usanje ni yine pakusosa kulolecesya kuti mcokwe wakwe wosope umasile mu lituli lya mcini.

**syuga msa.** Kuya kapena kulondalonda mundu mwine soni cindu.

**syuka msa.** Kukola soni umi kwa cindu cakuti cawile.

**syula msa.** Kupukuta pa cindu yindu cisawu manyi, ndotosi, mamina ni yine.

**syulula msa.** Kumlola mundu ni kugalawucila kwine mwakunyosya.

**syungula msa.** 1 Kwenda mwakuya mpika wa cindu. 2 Kwenda mwakuŵambala m'malo mwakupita litala lyakata.

## T

**t** Cilembo cangapikanika pajika.

**-ta-** *mbwati. mkat* Mbwaticila jakulosya kuti cindu mpaka citendecekwe.

**tabakula** *msa.* Alole ngopolo ja jiŵa.

**tacilwa** *msa.* Kulwala ligongo lyakuti akutajile mtela mu yakulya.

**tafula** *msa.* Kuŵeceta mwakumnyosya mundu jwine msyene ni ŵandu ŵane ali mkupikana.

**taga** *msa.* Kupungulila yindu cisawu yimanga mu cindu cine.

**tagala** *msa.* Kutama mwakwimika ni kajambula ngogolo.

**tagalambwe** *mbika.* kutama mwakutagambula ngongolo

**tagaluka** *msa.* Kutyoka ku upande wa cindu wali kapena ucili ni kuja ku upande wine wa cinduco.

**tagalusya** *msa.* Kwawusya mundu kapena cindu ku upande wine kutyocela ku upande ucaliji.

**tagataga** *Mbika.* Kwenda mwakutagambula ngongolo pa magongo gakulekanganalekangana.

**tajila** *msa.* Kukoposya mandanda m'citumbo cisawu mwajikusatenela nguku jekongwe.

**tajula** *msa.* Kucisula ni lukongolo.

**takanya** *msa.* Kuyimba ni kutenda liŵanga kwa pacilu paŵalembile nembo kapena paŵapowole cisawu m'mawiwi mwakuti awece ndolo.

**takataka** *msa.* Kulimbicila kukamula masengo.

**takula** *msa.* Kuwala cindu cisawu kabudula, malaja ni yine.

**talala** *msa.* Kunjanjandala kwa cindu.

**talang'anya** *msa.* Kwalekanya ŵandu ŵiŵasongangene malo gamo.

**talasa** *msa.* Kukong'onda kapena kugogoda mwakunyemya.

**talika** *msa.* Kulewupa kwa mkuli.

**tama** *msa.* Kuyika mapuluputu pasi ni kwimika ciŵiliŵili.

**tamba** *msa.* Kutenda yitendo ya usaŵi kwa mundu kapena pamalo.

<sup>1</sup>**tambala** *msa.* Kukula ni kulewupa mwakulamba litaka cisawu mwacisatendela cisilisya.

<sup>2</sup>**tambala** *li.* (yeji. acitambala) Nguku jelume.

**tambalukanu** *li.* (yeji. acitambalukanu) Ciwungu cacikusajenda mwakulipinda cisawu ukunje.

**tambalukula** *msa.* Kugopolanya cindu cicaliji cepindepinde.

**tambasukula** *msa.* Kongola kapena kugopolanya cindu ciwâpindenye.

**tambula** *msa.* Kulingusya pakutenda cindu.

**tambwali** *li.* (yeji. acitambwali) Mundu jwakutenda yangakulupicika.

**tamicila** *msa.* Kuyika pasi cipanda kapena mgawo kuti apumulile kaje kumwa yindu cisawu utobwa.

**tamika** *msa.* Kuyika cindu pasi.

**tamilicika** *msa.* 1 Kuyika mapuluputu pasi. 2 Kwawula ku upande wine ni ngawuja soni.

**tamilila** *msa.* Kwawula malo gane ni kuja kuwâceta ngani jakwaya mundu jwine msyenejo kuli kwangali.

**tamilisya** *msa.* Kuwâ pamalo ndawî jelewu.

**tamukula** *msa.* Kutyosya upande wekulungwa wa cindu kapena cindu cosopeco pamalo pacaliji ni kuja kuciwika pamalo gane.

**tanda** *msa.* 1 Kutenda yindu yakuti paŵe pana ukangani ni mundu jwine. 2 Kutendecekwa kapena kuwoneka kwa cindu cakuti nganicitendecekweje kapena kuwoneka.

**tandacisya** *msa.* Kwenda mwakupepeluka.

**tandagala** *msa.* Kutandika cindu cisawu ngwo patebulo.

**tandajila** *msa.* 1 Kwenda mwakulinyemya. 2 Kwenda mwapepeluka.

**tandalika** *msa.* Kuyika cindu mwagoneka kapena mwakupinjikanya pa cindu cine.

**tandika** *msa.* Kutambasukula cindu cisawu nguwo, mkeka ni yine pamalo pakusosa mundu kuti agone, atame kapena ajanice yindu mpela utandi.

**tandila** *msa.* Kuwoneka kapena kutendecekwa soni kwa cindu cakuti calesile.

**tandukula** *msa.* Kutyosya cindu ciwâtandice.

**tanga** *msa.* Kulumukula ndayi kapena citagu.

**tangaŵa** *mbika.* Liloŵe lyakulosya ukulu wa cindu mnopemnope lisusa.

**tangaŵala** *msa.* Kulewupa nambo soni kukula mnope.

**tanjila** *msa.* Kukolekwa kapena kukamulwa mu citega.

**tanjisya** *msa.* Kutendekasya mundu kapena cindu kuti cikolekwe kapena cikamulwe mu citega.

**tanuka** *msa.* Kunanambuka kwa cindu.

**tanyula** *msa.* Kucisula ni lukongolo cakunyuma.

**tapana** *msa.* 1 Kuyimbangana cilu mnopemnope ligongo lya kunandipa kwa yakulya m'cilu. 2 Kukola likungu lyangapata yindu yawukuyisosa.

**tapasya** *msa.* Kuteleka cindu ni kupya mnope mwakupundanya malile gakwe.

**tapata** *msa.* Kupya mnope mwakupundasya malile gakwe.

**tapika** *msa.* Kukoposya yakulya m'matumbo kusepucila kukamwa ligongo lya nselu kapena kulwala.

**tapisya** *msa.* Kutendekasya mundu kapena cinyama kuti cikoposye yakulya m'matumbo kusepucila kukamwa.

**tapu** *mbika.* Mwayikusatendekwecela pakatema kakuliwata mundu cindu cisawu manyi.

**tapuka** *msa.* Kukomboleka kuliwata ni kusigalila ku lusajo.

<sup>1</sup>**tapula** *msa.* Kuliwata cindu cangalimba mnopemnope manyi cakuti cikusasigalila ku lusajo.

**tasya** *msa.* Kukwesya mtengo wa cindu ni kukana kuwutulussy.

**tatala** *msa.* Kusigalila pa citendo.

**tatalika** *msa.* 1 Kuteteseka kwa cindu cisawu moto. 2 Kunyesimila kwa cindu.

**tatamala** *msa.* Kukola yipanje yejinji.

**tatamukula** *msa.* Kuwugula meso mwakulagasika.

**tatasika** *msa.* kumatukuka kwa utoto kapena litaka panyuma pakusyasyajila

**tatawana** *msa.* Kukola makani kapena kuwa jwakuliwalanga mnope pa ngani.

**tatu** *mtagu.* Lipata lya liloŵe lyakuwalanjila yindu yambumbu kutyoka pa yiŵili nambo soni ngayika pa mcece.

**tawa** *msa.* 1 Kupwatikanya yindu pamo pakuyisyelenga lukonji. 2 Kukolosya cindu pakulumbikanya yindu yakulekanganalekangana. 3 Kum'yika mundu mu ukaidi. 4 Kulenga kulya, kumwa ni yitendo yine musi m'mwesi wa Namasani.

**tawala** *msa.* Kuliwona cisawu mcimwene kapena msyene yindu ligongo

lyakupasyoŵelela pamalo.

**taŵana** *msa.* Kukamulana yakutenda pa masengo kapena ngani jajipali.

**taŵika** *msa.* Kulepela kutenda yindu pamalo ligongo lya woga kapena soni.

**taŵila** *msa.* Kuŵijilila cindu.

**taŵilila** *msa.* Kutenda cindu mwakumpunda mundu jwine.

**tawucila** *msa.* Kutandila soni ndamo syakuti walesile kapena ŵakujamwice.

**tawuna** *msa.* Kutawuna ni kukasa kapena kucanyanda cindu ni meno.

**te** *mbika.* Mwacikusapikanicila cindu cacikuteteseke.

**tecetuka** *msa.* Kukatikakatika kwa cindu cakulimba m'maupande gaŵanaŵana.

**tecetula** *msa.* Kutemanyatemanya cindu cakulimba m'maupande gaŵanagaŵana.

**tega** *msa.* 1 Kuyika citega pamalo gakuti cinyama citanjile. 2 Kutenda yindu yakuti yitendekasye kuti mundu jwine akolekwe.

**tegula** *msa.* 1 Kutyosya cindu cisawu mpika pa moto. 2 Kutyosya yimanga yatwele mwituli kapena litaka lyapondile pesimbo.

**teka** *msa.* Kujigala ni kapu mgawo ni yine yindu yakujilima cisawu mesi ni utobwa kutyocela mu cindu ciŵatasile.

**tekenya** *msa.* Kunyanya pa magongo gakulekanganalekangana.

**teku** *mbika.* Mwakusatendela mundu pakuteka cindu cisawu mesi.

**tekuteku** *m'jonje.* Liloŵe lyakulosya kwenda mwakwanguya nambo mwangatenda ndagulo.

**teleka** *msa.* Kuyika cindu cisawu mpika pamoto.

**telele** *m'jonje.* Liloŵe lyakulosya kuti yindu yipali yejinji yangaŵa mkuyiŵalanga

**telemuka** *msa.* 1 Kuseleleka kapena kutyambuka. 2 Kwasa citumbo.

**telesya** *msa.* Mwpakusaŵela pamalo pakuti naga mkuliŵatamo ngongolo ni kutyalamukaga kapena cindu cakupikanika cisawu sopo naga mkucikamulamo.

**teluka** *msa.* Kusisima cilu kwanti ngaŵa mkupakombola kamula masengo.

**tema** *msa.* Kunoleka mnope kwa cindu cisawu.

**temangula** *msa.* Kuposokola cindu cakulimba ni yala mwakucipinda mnope.

**temangulanya** *msa.* Kuposokolaposokola cindu ni yala mwakucipinda

mnope.

**temanya** *msa.* Kuposokolaposokola cindu ni yala mwakucipinda mnope.

**temba** *msa.* Kujigasyana ndundu wāndu wāwili mwakoleka pa katela.

**tembwela** *msa.* Kwenda mwakwamba kusosa kongola ngongolo.

**temela** *msa.* 1 Kusunga pambali. 2 Kusala mtengo wa cindu. 3 Kulosya kuti cindu cili ca ugwe pakuciwimba ni masamba cisawu mwakusatendela ni cinyama caciwe. 4 Kwenda litala lyakata. 5 Kuyika pamalo kundaŵi mnope.

**temula** *msa.* Kunyakuka ulendo mwakulaŵa mnope.

**tenandena** *msa.* Kulyungasya.

**tenda** *msa.* Kupanganya cindu kapena kuwunga nganisyo syakuti pambesi pakwe tipaŵe pana kandu kane.

**tendegula** *msa.* Kukatanya cindu m'maupande gaŵanaŵana.

<sup>2</sup>**tenga** *mbika.* Mwakusatendela pakuŵinaŵina cindu cakuti akucigwedanya.

**tenganya** *msa.* Kututa ni kutendekasya cindu kuti ciŵinejeŵineje.

**tenganyika** *msa.* Kuŵinaŵina kwa cindu ligongo lya mbepo kapena ligongo lyakuti nganicilimbangana.

**tengatenga** *mbika.* Mwachikusawonecela cindu cakuti cikugwedela.

**tengu** *mbika.* Mwakusatendela mundu naga amasile macili m'cilu ligongo lya ngani japikene.

**tengula** *msa.* 1 Kumasya macili. 2 Kutendekasya ulesi. 3 Kutyosya tutela kapena waji ku liponda lyakaŵile mkanatelece.

**tengulila** *msa.* Kukata songa sya cakumela cisawu liponda lya ndwelo.

**tenjela** *msa.* Kukola nyambi syejinji ni kusapatucila malo gekulungwa.

**tenjelemula** *msa.* Kwasasya yindu.

**tepana** *msa.* Kuŵa celewu, caganda nambo soni cangalimbangana.

**tepatepa** *mbika.* Mwachikusatendela naga ucinyakwile pekoyo cindu cisawu citela celewu, ca ciŵiliŵili camwana nambo soni cangalimbangana.

**tepela** *msa.* Kulepela kulimba mtima pa citendo.

**tepena** *mbika.* Mwakusawonecela mundu jwamlewu jwacilenje.

**tependala** *msa.* kuŵeŵela kapena kungakandapala kwa cindu.

**tepeta** *msa.* Wangalimba wa cindu cisawu ugali.

**tepetela** *msa.* Kutililika kwa cindu.



**Tepula** *msa.* Kuteka yindu yakujilima cisawu mesi ni kuleka yiswani.

**teputepu** *mbika.* Mwawukusaŵela ugali wakuti nganiwulimba.

**teta** *msa.* Kumjogoya mundu kuti alece yakutenda.

**teteka** *msa.* Kwita mesi kapena yindu yine pakusosa kupungula.

**tetekula** *msa.* kuŵinisa lupeta pakusosa kuti yindu yine cisawu matimba,  
iŵe pacanya.

**tetema** *msa.* Kujilijitika ligongo lya woga kapena kusakalilwa ni cindu.

**tetemela** *msa.* Kujilijitika kwa cilu ligongo lya woga kapena kuisima.

**tetemya** *msa.* Kuŵa uli mkutenda kandu kakoko cicele.

**teteseke** *msa.* Kugaluka kwa cindu.

**tetesya** *msa.* Kuŵeceta panandipanandi mwangakulumika.

**tetetete** *m'jonje.* Mwakusaŵela mundu kapena cindu cacitemi cili m'yoyo  
kapena cili mkutenda citendo cicoco cicele.

**tetewa** *msa.* 1 Kugwa mwamacili. 2 Kutama pasi mwakuliponya.

**tetewala** *msa.* 1 Kulisyucisya mwa kandaŵi panandi. 2 Kulosya ngope pasi  
pakusosa kupereka ulemu kapena ligongo lya soni.

**teteya** *msa.* 1 kunsalila mundu kuti akalamuce kapena akajawula kwine  
pakogopa kuti takasimane yine yakogoya 2 kumliwata mnope mundu  
cisawu pa ung'asi 3 kumtimba mundu kwa mpaka ngaliwucisya.

**tetwa** *msa.* Kutuluka mwicela kapena kugoŵeka kwa cindu mnopemnopo  
ligongo lya kusitopolwa.

**tewucisya** *ku- msa.* kutenda ulendo kapena cindi cine mwakusipucisya.

**tewuka** *msa.* Kucelewa kutanda citendo.

**teya** *msa.* 1 Kutenda yindu yakulepelekasya konasika kwa cindu. 2 Kugwala  
kapena kutyala cindu caponyisye kuti cikupute. 3 Kukata nyambi sya  
citela.

**ticita** *msa.* 1 Kuteketula yindu pakuyisyaga m'myala cisawu  
mwakusatendela ni sona. 2 Kung'weng'wesya upande wa nguwo  
mnopemnopo jeŵisi ku upande ujakwe kuti likaku lityoce. 3 Kuputa  
mwamacili mnopo.

**tika** *msa.* Kupeleka cindu kwa mundu jwine ni nganisyo syakuti ngapocela.

**tikama** *msa.* Kuŵa cangagumbala.

**tikamisya** *msa.* Kuleka cindu cili cangagumbala.

**tikitika** *msa.* Kuteteketuka mnopo kwa cindu.

**tikula msa.** Kuŵika mwakoposya lutumbo, gwedanya mapuluputu ni kusyungusya ciwunu.

**tila msa.** Kutyoka pamalo mwakwanguya nambo soni mwangalanga.

**tiletile mbika.** Mwapakusaŵela pamalo naga ŵandu kapena yinyama yimasile kutyoka mwagwala.

**tililika msa.** Kuŵa cangali ngwinyata, yindundulimya kapena mapuluwa.

**tililili mbika.** Mwacikusawonecela kapena kupikanika cindu cakuti nganicikola ngwinyata, yindundulimya kapena mapuluwa.

**tililisya msa.** Kutendekasya cindu kuti ciŵe cangali ngwinyata, yindundulimya kapena mapuluwa.

**tilinyisya msa.** Kuwulaga mundu kapena cinyama pakucikamula kapena kucitaŵa lukonji palukosi kuti cilepele kupumula.

**tilisya msa.** Kuta pasi kapena cindu kuti ciŵe cangali ngwinyata, yindundulimya kapena mapuluwa.

**tiliŵa msa.** 1 Kuliŵata ni ngongolo mwamacili. 2 Kuputa mwangali canasa.

**tiliŵi mbika.** Kwinjila kwa sajo mu msanga kapena mu luwundu.

**tiliŵika msa.** Kwinjisya sajo mu msanga kapena mu luwundu pakwenda.

**tiliwisa msa.** Kuliŵataliŵata pamalo kapena cindu mwakonanga.

**tiliŵitiliŵi m m'jonje.** Kwinjila kwa sajo mu msanga kapena mu luwundu.

**timalika msa.** Kuŵa jwakuwusimana mtima pakutenda yindu.

<sup>2</sup>**timba li.** (yeji. acitimba) Kajuni kamwana cisawu kajojolo ka pacilu pa citumba kakuti pakulila kakusati tii tii.

**timbilikanya msa.** kuwanganya yindu cisawu mbelemende ni mbwanda nikuyitelecela pamo cisawu.

**timbula msa.** Kutwa yindu cisawu mloŵe kuti uŵe utandi.

**timbwinya msa.** Kwenda mwapikupiku, mwangatenda ndagulo cisawu mwajikusatendela mbata.

**tina msa.** Kukanganika kwa cindu cisawu cakuwala.

**tindana msa.** 1 Kwenda mwakwinjilila upande wine ŵane ali mkwinjilila soni upane wine. 2 Kutumbilangana ligongo lya yakuŵeceta kapena yitendo. 3 Wangajilana wa yindu cisawu ugali ni mboga.

**tindanya msa.** 1 Kutandisya uŵengani. 2 Kujigala cindu ca kwine ni kuja naco kwa jwine.

**tindigala msa.** Kwipipa ni kugangalama kapena kwimbala.

**tindikwa** *msa.* Kuŵa jwangacisosa soni cindu cisawu cakulya ligongo lyakuti katupile katema kawuŵele uli mkucilya.

**tindisya** *msa.* Kuŵa jwakusawusya kumtendela yambone.

**tindiŵala** *msa.* Kugundisya malungo pasi mnopemnopo pakusosa kulosya kucimbicisya.

**tindiwika** *msa.* Kutiŵisya cakutecela pakuteka mesi, utobwa ni yine.

**tingala** *msa.* Kuŵina.

**tinika** *msa.* Kupya mpaka kutenda makala.

**tingula** *msa.* kulekangana kwa maupa m'malungo.

**tinula** *msa.* Kuwuta lukongolo, mkono, yala ni yiŵalo yine mpaka kulumba.

**tipasya** *msa.* Kupulusya mesi kapena kupakala mawuta kuti uwonece cisawu ujosile.

**tipitila** *msa.* Kuŵa jwangawuka.

**tipitisya** *msa.* Kunyenjelela mundu pakumlapilila ni kumlambusya kuti tacimtendela kandu kane.

**tipula** *msa.* Kulima mwakusimika lijela ni kupitikusa litaka.

**tisya** *msa.* Kutyoka ni cindu pamalo mwakwanguya nambo soni mwangalanga.

**titila** *msa.* Kusyungula malo gaujimi mwakwanguya mnopo cisawu mwajikusandela nguli.

**titilika** *msa.* Kwinjisya cindu pamalo gakoloŵa.

**titimbuka** *msa.* Kukopoka ni kujajaŵala pacanya pa mesi.

**titimila** *msa.* Kwinjila pasi ligongo lya koloŵa kwa litaka kapena ligongo lya usito.

**titimuka** *msa.* Kukopoka ni kujajaŵala pacanya pa mesi.

**titititititi** *mbika.* Mwayikusaŵela yindu yakuti yiŵandikene mnopo.

**tiŵa** *msa.* Kuluka cindu cisawu umbo kuti siŵe syakuwoneka cenene.

**tiŵalika** *msa.* Kutama mwakusengwa mwangali yakulagasya.

**tiŵila** *msa.* 1 Kwinjila kwa cindu pa mesi ni ngawoneka soni. 2 Kukapila kwa lyuŵa.

**tocomala** *msa.* Kuteŵa kwa cindu cisawu msakasa mnopemnopo ligongo lya kusitopelwa.

**togandoga** *msa.* Kuguluka mwakupewuka nambo soni mwakuwutuka.

- togolela** *msa.* kuyamicila kapena kupocela cindu cakupele jwine.
- toji** *mbika.* Mwakusatendela mundu naga asupwice ligongo lya cindu caciweni kapena yapikene.
- tojima** *msa.* Kutenda cisawu kwipuka ligongo lyakuti cindu citendecekke mwacitwitwi.
- tokonya** *msa.* Kukwaya cindu ni cala kapena katela kapena kwinjisa katela kwisimbo kuti kacindu kajinjile kapena kakopoce mwine soni kuti umanyile kuti kwana kapena kwangali kandu.
- tokota** *msa.* Kupya kwa mesi kuyika pakutenda tutumbela.
- tokotoko** *mbika.* Mwagakusapikanicila mesi gali mkutokota.
- tola** *msa.* 1 Kuja kujigala cindu kutyocela malo gane ni kuja naco malo gane.  
2 Kulokota cindu pamalo picaliji.
- tolana** *msa.* Kukanganamwangali jwakuwujila panyuma.
- toleka** *msa.* Alole ngopolo ja dololoka.
- tolo** *mbika.* Mwalikusawonecela lyosi lyakuti likuja kwinani.
- toloŵa** *mbika.* Mwalikusawonecela lyosi kapena naga lili mkuja kwinani kapena luwundu naga yilango yejinji yili mkwndela pamo.
- toma** *msa.* Kusagulila cile cindu ŵandu ŵane mkanatande kujigala.
- tomasya** *msa.* Kutwinyicinya yala pa cindu cakoloŵa cisawu ligombo kapena cimanga.
- tomba** *msa.* Kwinjisa liwolo kwikuma ni kutikusyaga ciwunu.
- tombolombo** *li.* (yeji. acitombolombo) Kalombo kakalewu ka mang'omba cisawu ga ngumbi nambo gekulungwa.
- tomela** *msa.* Kusagula ni kutenda cilanga ca ulombela ni mwisicana.
- tomoko** *mbika.* Mwakusatendela mundu pakugaŵa kapena kupapula mwakutyosya upande wa cindu.
- tomokoka** *msa.* Kugaŵika kapena kupapulka mwakutyoka upande.
- tomokola** *msa.* Kugaŵa kapena kupapula mwakutyosya upande wa cindu.
- tona** *msa.* Kuwuta mnopemnope lipende lya pacilu pa mundu mwakuŵana ni ngose.
- tonde** *li.* (yeji. acitonde) Mbusi kapena ngondolo jelume.
- Tondola** *msa.* 1 Kumala macili ligongo lya ulwele. 2 Kutenda ulesi ligongo lya ngani jawupikene kapena yindu yawuyiweni.
- tondoŵa** *msa.* Kunandipa macili, ukali kapena ululu.

**tondoya msa.** Kugopola panandi cindu kapena kunandiya ululu.  
**tonelela msa.** Kukamula cindu mwakulimbika mnope.  
**tonga msa.** kulilamulila jika mwangapikana ya w̃andu w̃ane  
**tongola msa.** Kulila mwakoposya mnope maloŵe.  
**tonosya msa.** Kutandisya soni kupweteka pa liw̃anga kapena pamalo gakuti  
 mundu w̃awulele ligongo lya kupakwaya.  
**tonya msa.** Kukwaya cir̃du kapena mundu ni kandu kane cisawu cala, katela  
 ni yine.  
**tonyu mbika.** Mwayikusatendekwecela pakukwaya mundu kapena cindu ni  
 kandu kane cisawu cala, katela ni yine.  
**topola msa.** Kuw̃inga mundu kapena cinyama.  
**topwana msa.** Kunandipa macili, ukali kapena ululu.  
**tota msa.** Kulumbikanya kapena kusiw̃a mapesa pa yindu cisawu nguwo  
 mwakamulicisya masengo yindu mpela singano, cisongole ni ulusi.  
**totelela msa.** Kanjilila cindu pa cindu cine.  
<sup>1</sup>**toto m'jonje.** Liloŵe lyakulosya kana.  
**totocela msa.** Kuw̃a jwakulaga.  
**totocelwa msa.** Kunyolola kwa mbeju ligongo lya kuwutala kwa mu  
 mgunda.  
**totoganya msa.** Kuw̃ilinganya kwa kutendecekwa kwa cindu.  
**totoko mbika.** Mwachikusatendela kapena kuwoneka cindu naga cipapwice  
 mwakuya lutoto.  
**totokola msa.** Kupapula cindu mwakuya lutoto.  
**totola msa.** 1 Kutyosya cindu cisawu lisamba pa citela mwakutenda kuwuta.  
 2 Kumala kukulya mbiya kapena yuma yosope pa ung'asi wa juga.  
**totolo mbika.** kutanda kapena kuyika kwa cipi  
**totomeka msa.** Kutwinyicisya ni kwinjisya cindu pa cindu cine.  
**totosya msa.** Kugogoda panandipanandi.  
**totota msa.** Kukasa pakuputa panandipanandi cisawu mwakusatendela ni  
 mandanda.  
**towa mbika.** Mwachikusatendela cindu cakoloŵa naga mkucitomasyamo.  
**towajila msa.** Kolow̃a kwa cindu naga mkutwinyicisya yalamo.  
**towanya msa.** Kutwinyicinya yala pa cindu cakoloŵa cisawu ligombo

kapena cimanga.

**towelela** *msa.* Kutama mwakulimbangana.

**tuci** *mbika.* Mwalikusawonecela pakopoka lyosi naga litupile.

**tucika** *msa.* Kutaga yindu cisawu njete, suga ni yine mwakuculuya.

**tugala** *msa.* Kwenda mwakwanguya nambo soni mwandagulo.

**tuka** *msa.* Kukopoka kwa lyosi moto mkaniwukolele.

**tukana** *msa.* Kum'weceta mundu jwine maloŵe gakunyosya kapena gacipongwe.

**tukuka** *msa.* Kutyoka pamalo ni kuja pamalo gane.

**tukunya** *msa.* Kuwita kwa cindu mnopemnope cakuyimba.

**tukusila** *msa.* Kutenda uwowu ni kukula kwa liŵanga lilyaliji lyamwana.

**tukusya** *msa.* kutyosya cindu pamalo gamo nikuciŵika pamalo gane

**tukuta** *msa.* 1 Kuwola kwa somba syeŵisi. 2 Kupikanika ndukutila jejinji.

**tukutula** *msa.* Kupikanika ndukutula jejinji.

**tula** *msa.* 1 Kuyika cindu ciwanyakwile pasi. 2 Kuyika ni kutama pasi kapena pa cindu cine kwa cindu cicaliji mkuguluka.

**tulala** *msa.* kuusimana mtima, kupilila.

**tulufu** *li.* (yeji. tulufu) Ung'asi wakutuyana ni iganda wakuti jwapundile akusajigala mbiya, yuma, kapena yindu yine yasonjile ŵakutuyanawo.

**tuluka** *ku- msa.* Kutyoka penani ku kuyika mwicela kapena pasi.

**tuluma** *msa.* Kuŵeceta mwakulosya ukali.

**tulumbala** *msa.* kusasawala kwa lutumbo ligongo lya cindu cine caulile kapena cacili mkati.

**tulumula** *msa.* Kutyosya yakusakala cisawu makololo ku lukosi.

**tulungula** *msa.* 1 Kuwugula cindu cisawu mwambulele. 2 Kukoposya pamkuli yindu cisawu meso. 3 Kupinda mwakutenda ukunje cindu cisawu mgongo.

**tulusya** *msa.* Kutyosya cindu penani ni kuciyika mwicela kapena pasi.

**tuma** *msa.* Kumsalila mundu kuti atende cindu m'malo mwa ugwe.

**tumbila** *msa.* Kuleka kutenda citendo ligongo lya kusakalilwa ni yatesile mundu jwine.

**tumbucisya** *msa.* 1 kujigala cilwele ligongo lyakwinjila mnyumba moŵa nganigakwane. 2 kutumucila m'mesi

**tumbula** *msa.* Kupowola kapena kupapula cindu cisawu mwakusatendela ni cakuyimba.

**tumbulukanya** *msa.* komboka msewu kutyoka lisi limo kuja lisi line.

**tumicila** *msa.* Kukamucisya kukamula masengo ga mundu jwine.

**tumika** *msa.* Kuŵa jwangali ukani.

**tumisya** *msa.* Kwawusya cindu kwa mundu jwine mwakumpela mundu jwine soni.

**tumula** *msa.* Kulunda cindu cisawu mwakusatendela ni nyumba pakusosa kuti jikole malo gekulungwa.

**tumusya** *msa.* Kupwilinganya yindu kapena ŵandu.

**tunda** *msa.* Kukoposya mesi kutyocela m'cikoso mwakupitila kwiwolo kapena kwikuma.

**tundajila** *msa.* kwenda mwakupendecela mbali jimo ligongo lyakupikana kupweteka pane pakwe.

**tundila** *msa.* Kumtaga mundu kapena cindu mesi gakutyocela m'cilu.

**tunducila** *msa.* Kuyika ku citendo mwangukuŵilanga.

**tunduka** *msa.* 1 Kutoleka nambo soni ngakana yakulya. 2 Kusosa kuti yakulya yejinji kapena yosope alye jika.

**tundumala** *msa.* 1 Kugalawuka ni kulosya ndungu kwali mundu jwine. 2 Kuŵa upande wine wakunyakuka wine wakutuluka.

**tundumalila** *msa.* 1 Kugalawuka ni kumlosya ndungu mundu jwine. 2 Kukutumbilila ni kuleka kukukamucisya.

**tundumuka** *msa.* Kutuwungucila kusa.

**tundumukuka** *msa.* Kukopoka ni kujajaŵala pacanya pa mesi.

**tundumukula** *msa.* Kucicilicisya cindu.

**tundumula** *msa.* Kukopoka ni kujajaŵala pacanya pa mesi.

**tundunya** *msa.* 1 Kupanganya nganisyo syangali lunda. 2 Kwendelecela kutenda cindu nambo pangali cakupata.

**tunduŵila** *msa.* Kusokonecela nganisyo ligongo lya kusimonjesya kwa cindu cacitendecekwe.

**tunga** *msa.* Kwinjisya lukonji kapena katela ku yindu cisawu somba, yuma ni yine.

**tungala** *msa.* Kulaga ni ulwele wangamala citema cisawu matana.

**tungata** *msa.* Kukola ndamo jambone.

**tungulule** *li.* (yeji. acitungulule) Ulili welewu.

**tungulumuka** *msa.* Kutyoka kwa lituya m'matumbo moŵa gakwe mkanigakwane.

**tungulumula** *msa.* Kutendekasya kuti jwamkongwe ajase citumbo.

**tunguluŵanya** *msa.* 1 Kugaŵa yindu kwa ŵandu ŵajinji. 2 Kwasamikasya ŵandu ŵakuŵandikana nawo majumba.

**tungunya** *msa.* Kumsamikasya mundu jwine.

**tunguŵalila** *msa.* Kulela mwanace jwa mundu jwine.

**tunguŵila** *msa.* Kukola yilonda pacilu.

**tupa** *msa.* Kuŵa yindu kapena ŵandu ŵajinji.

**tupiya** *msa.* Konjecesya kapena kupundasya mlingo wa yindu. Aole soni ngopolo ja culuya.

**tupula** *msa.* Kutyosya cindu pamalo picamesile kapena piŵasimice.

**tusu** *mbika.* Mucikusapikanicila cindu cisawu limatimati naga alipondile.

**tusuka** *msa.* Kuwulika kwa cindu cakoloŵa cana mesi mkati mwakwe.

**tusula** *msa.* Kuwulisya cindu cakoloŵa cana mesi mkati mwakwe.

**tusya** *msa.* Kwikutila ni ni cindu ni kuŵa jwakusengwa.

**tuta** *msa.* 1 Kutyosya cindu mwakucisejesya kuwujo, kunyuma kapena kumbali. 2 Kunyakula yindu kutyocela pamalo gayaliji kuja nayo malo gane.

**tutujila** *msa.* kulya mwakupamamba kapena mwakuwutuka/mwakwanguya.

**tututu** *mlanji.* Liloŵe lyakulosya kuti tuyindu twakwe nganituŵa twine nambo twatuli m'myalato kapena twakutuwonato.

**tutuŵa** *msa.* Konjecesya kwa yindu.

**tuwa** *msa.* Kugwagula lipende lya pacilu kapena ngoji.

**tuwungula** *msa.* 1 Kuwugula cindu cisawu mwambulele. 2 Kukoposya pamkuli yindu cisawu meso. 3 Kupinda mwakutenda ukunje cindu cisawu mgongo.

**tuyana** *msa.* Kutenda citendo mwakusosa kumpata jutapunde.

**twa** *msa.* Kuputa ni mwisi, yindu cisawu yimanga, mwituli.

**twamula** *msa.* Kulila mwamwacili nambo soni mwakoposya maloŵe mnope.

**twanga** *msa.* 1 Kuputa ni suŵa. 2 Kuŵeceta ni kutenda yindu yakulilapilila.



**twanganje** *li.* (yeji. acitwanganje) Kajuni kecejewu nambo ka manyunya gacikasu pamtima.

**twangula** *msa.* Kulila mwangakoposya maloŵe mnope cisawu mwalikusatendela liguluŵe.

**twatwajila** *msa.* Kugumbalicisya maloŵe gaŵecete kala ŵane.

**twatwangula** *msa.* Kuŵa jwakombola pakutwa yindu.

**tweee** *mbika.* 1 Mwacikusawonecela cindu cakuti cipapwice, kuŵaluka kapena kugaluka. 2 Mwacikusawonecela cindu celewu nambo soni cagoloka.

**twenga** *msa.* Kukopoka yindu cisawu mawuta mpela mwajikusatendela nyama jakunakana pamoto.

**twesela** *msa.* Kuŵa kapena kupatika yejinji

**twi** *mbika.* Mwawukusapikanila naga cindu cikutotile.

**twicila** *msa.* Kutwicila ni kuyika cindu pamtwe

**twika** *msa.* Kukamucisya mundu jwine kuyika cindu pamtwe.

**twinicisya** *msa.* kwinjisa cindu cacikulungwa pamalo gamwana mwakukanganicisya

**twinya** *msa.* 1 Kutota pacilu ni cindu. 2 Kulonganya yindu mwangaleka lipesa.

**twisa** *msa.* Kulonganya yindu mwangaleka lipesa.

**twitu** *mbika.* Mwayikusatendekwecela naga ŵandu akopocele kapena awonegene mwakusipucisya.

**tya** *mbika.* Mwapakusawonecela pamalo naga pali yikwesya.

**tyaka** *msa.* Kupikana kuŵawula kapena kuŵawa mkamwa.

**tyakalasya** *msa.* Kumtendekasya mundu jwine kuti akakola lung'wanu ni cindu.

**tyakula** *msa.* Kukologanya mwakupotokola nambo soni mwakutilisya mtiko pakuteleka yakulya cisawu ugali.

**tyala** *msa.* 1 Kuŵina pa ung'asi. 2 Kutisya cilu cakwe pakusosa kuti cikukulusye cindu caponyisye mundu jwine.

**tyalambuka** *msa.* kutelesya nikugwa pasi.

**tyanga** *msa.* Kusumbasumba kwa mundu kapena kucanga kwa cindu.

**tyangatyanga** *msa.* 1 Kupeleka yilanga yaunami. 2 Kwenda mwangali kwakuja kusyesyene.

**tyatyaganya** *msa.* 1 Kutola yindu mwakupwatikanya ni yakapocele wane. 2 Kugwala liwusyo lyakusawusya lyawusisye mundu jwine.

**tyatyatika** *msa.* Kutila pamalo mwakuwutuka mnope.

**tyatyatya** *mbika.* Mwapakusawocela pamalo pakuti pangali yikwesya.

**tyoka** *msa.* Kusama kapena ngasimanikwa soni pamalo.

**tyosya** *msa.* 1 Kujigala cindu pamalo pacaliji ni kuja kuciyika malo gane. 2 Kumasya kwa masengo ga mundu.

## U

**u** Cilembo cakupikanika pajika.

**ubelubelu** *li.* (yeji. ubelubelu) mteto wagamba kwendajeja mwangatama pasi.

**ubisi** *li.* (yeji. ubisi) Kuweceta ngani mwakuwatanganya maloŵe gaŵawecete mundu jwine.

**ubwinya** *li.* (yeji. ubwinya) Yakulya ya m'ciwukala ca cinyama cisawu mbusi yakuti cisayilukula ni kuyitawuna soni.

**ucalilo** *li.* (yeji. ucalilo) Kulimba mtima pa cindu cakogoya.

**ucanda** *li.* (yeji. ucanda) 1 Katema kakusaŵa mundu mcanda. 2 Ndamo yitendo ya mcanda.

**ucece** *li.* (yeji. ucece) Kalombo kamwana kangali mapapiko kakakusagumba lisugulu.

**ucekulu** *li.* (yeji. ucekulu) 1 Katema kakuti mundu ayice pakuŵa ni yaka yejinji kutyocela lyuŵa liŵapali ni kumala macili gakutendela yindu yejinji. 2 Ndamo ni yitendo ya mundu jwamcekulupe.

**ucema** *li.* (yeji. ucema) Mesi geswela gampaka kukolelwa nago gakopoka m'citela ca mgwalangwa.

**ucete** *li.* (yeji. maucete) Upande wakutema wa cindu cisawu cipula wakusakatila yindu.

**uci** *li.* (yeji. uci) Yindu ya mesi yalulyolyopela yasikusapanganya mnopemnopo nyuci.

**ucilila** *msa.* Kupilila ligongo lya lyosi.

**ucimwa** *li.* (yeji. ucimwa) Kuŵa jwangalwe.

**ucimwene** *li.* (yeji. maucimwene) 1 Ukumu wakusakola mcimwene. 2 Ndamo ni yitendo ya mcimwene.

- ucindu li.** (yeji. ucindu) Mtundu wa yitela ya mgwalangwa wakuti makwati gakwe akusapakasila mikeka.
- ucisu li.** (yeji. ucisu) Mtima wakusosa kuŵa mlongola jwa ŵandu.
- ucisya msa.** 1 Kuyika cindu pamalo pawacijigele. 2 Kuwugala litanga mwangasimanya. 3 kumtenda mundu jwine yindu yakusakutendela.
- ucopili li.** (yeji. maucopili) Ndamo ja ugaga jangasosa kwakamucisya ŵandu ŵane.
- uculusi li.** (yeji. uculusi) Mbiya kapena yindu yakupata mwakonjecesya pa yakwe pa malonda.
- udyesi li.** (yeji. udyesi) 1 Ndamo jangasosa kutyoka pamalo ligongo lyakuti ayisimene yindu yambone. 2 Ndamo jakusosa kuti yambone yosope yiŵe yawo.
- uga msa.** Kuteleka ugali.
- ugaga li.** (yeji. ugaga) Ndamo ja kwagaŵila ŵandu yindu yamnono atamose kuti yinduyo yipali yejinji.
- ugagala li.** (yeji. maugagala) Ndamo ja mundu jangakola nganisyo simo pa ngani kapena cindu cacipali.
- ugala msa.** Kuŵisa lipesa kuti cikapagwa cakopoka kapena cakwinjila.
- ugali li.** (yeji. magali) Cakulya cakusateleka ŵandu pakukamulicisya masengo utandi wa yimanga, mapemba, usanje, yinangwa ni yine, cacikusaŵa cakulimba panandi pakuciwanicisya ni likoko.
- ugalilo li.** (yeji. maugalilo) Citela cakusacinjika kapena kupinjikanya pa litanga kuti liwugalice cenene.
- uganja li.** (yeji. mauganja) Mkamulano wakupelegana yindu yakulekanganalekangana wa mundu jwamlume ni jwamkongwe ŵakuti nganalombane.
- ugaŵanye li.** (yeji. magavanye) Kapelece ka yindu yakusosekwa kwapa ŵandu ŵakulekanganalekangana.
- ugogolo li.** (yeji. maugogolo) Ngani jakumlambucisya mundu.
- ugono li.** (yeji. maugono) Cindu cagonela kapena kutamila cakusaluka ni matete.
- ugujuguju li.** (yeji. magujuguju) kujuguja mesi kapeni yindu yine mkamwa ni kusuna.
- ugula msa.** 1 Kutyosya cindu pamalo cisawu mwakusatendela ni litanga pa mlango pakusosa kwinjila kapena kopoka m'nyumba. 2 Kutyosya

ciwuniko pa cindu cisawu libotolo.

**ugulilo li.** (yeji. maugulilo) Cimo mwa yitela yakusasoleda pamlango m'nyumba kuti litanga lijegamileje naga mkuliwugulamo.

**ugwe mkwimi.** Liloŵe lyakwimila mundu jwakuŵeceta.

**ugwembele li.** (yeji. ugwembele) Wangali mate wa mundu kapena cindu.

**ugwi! msu.** Liloŵe lyakulosya usimongo.

**uja msa.** Kuyika kutyocela ku malo kuŵapite.

**ujanganya msa.** Kwawula ku malo ni kuwujila ku malo kwatyocela lyuŵa lilyolyo.

**ujani li.** (yeji. ujani) 1 Kukamulicisya masengo mkono wa mciji. 2 Ndamo ni yitendo ya cisawu ya lijani.

**ujaŵe li.** (yeji. ujave) Liluŵa ga lutwelo.

**ujete li.** (yeji. ujete) Ndamo ja kwapocela cenene acalendo.

**uji li.** kuleŵela kwa cindu ligongo lyakusyana

<sup>1</sup>**ujila li.** (yeji. maujila) Mbiya kapena yindu yakonjecesya pakuwusya mbiya kapena yindu yiwakongwele.

<sup>2</sup>**ujila msa.** Kukamulana ni kutaŵa soni liŵasa ni ŵakongwe kapena ŵalume ŵawalekangene nawo.

**ujilila msa.** Kugalawuka mkaniwuje kuyika kwawupiteje ni kulungama kwawutyocelereje.

**ujonasi li.** (yeji. ujonasi) Ndamo jakupasula yindu.

**ujongwe li.** (yeji. ujongwe) Mtundu wa ŵanaŵana weswela mwakuŵinda wangatutumbuka mnope wakumela wejinji malo gamo.

**ujonjo li.** uwasi wamwanamwana, weswela.

**ujumu li.** (yeji. ujumu) Kamale ka uŵisi wa cindu.

**uka msa.** Kuwoneka pacilu mbu ligongo lya kupakala utandi kapena luwundu.

**ukadili li.** (yeji. ukadili) Kuŵeceta ngani jaunami ni cakulinga cakusosa kusakasya lumbili lwa mundu jwine.

**ukadyoli li.** (yeji. ukadyoli) Kuŵeceta ngani jaunami ni cakulinga cakusosa kusakasya lumbili lwa mundu jwine.

**ukali li.** (yeji. ukali) Kupikana kupweteka mtima ligongo lya kusakalilwa ni ngani kapena yatesile mundu jwine.

- ukalikalila** *m'jonje*. Kutama malo gajika wane ali atemi kwine.
- ukama** *li.* (yeji. ukama) Uci wa nyuci syangali ukali mnope wawukusapatika mnopemnope m'wasugulu.
- ukambindu** *li.* (yeji. ukambindu) Kuweceta ngani jakumgamba mundu jwine msyenejo kuli kwangali.
- ukana** *li.* (yeji. maukana) Cakumwa cakolelwekasya cakusateleka ni cilungo kapena yindu yine.
- ukandapale** *li.* (yeji. ukandapale) Mbuwa ja cindu.
- ukanduluma** *li.* (yeji. ukanduluma) Kulilamila jika pa yindu yakulekanganalekangana.
- ukanga** *li.* (yeji. ukanga) Umbo syelewu sya cinyama.
- ukangajili** *li.* (yeji. ukangajili) Ndamo ja kwagawila wandu yindu yamnono atamose kuti yinduyo yipali yejinji.
- ukangala** *li.* (yeji. ukangala) Mteto wakulimbicila kutenda yindu kuti mpaka yawukuyisosa yikombolece.
- ukani** *li.* (yeji. ukani) Ndamo jangasosa kupikanila ni kutenda yakusalile kuti utende.
- <sup>1</sup>**ukapa** *m'jonje*. Kukola mawala gakulembeka mwakulewuya.
- <sup>2</sup>**ukapa** *li.* (yeji. ukapa) Kwenda mwapikupiku ligongo lya kwimbala mnope.
- ukapangapanga** *li.* (yeji. ukapangapanga) Mteto wakunsalila mundu jwine kuti atende yindu yangalumbana.
- ukape** *li.* (yeji. ukape) Kukandapala kwa cindu cisawu nguwo.
- ukapitingu** *li.* (yeji. ukapitingu) Kuweceta ngani jaunami ni cakulinga cakusosa kusakasya lumbili lwa mundu jwine.
- ukapolo** *li.* (yeji. ukapolo) 1 Katema kakuti mundu amkamwile ni kumkamulikasya masengo mwakumcisya nambo soni mwangali cakumpa. 2 Ndamo jakumkamulikasya masengo mundu mwangalwe nambo soni mwangampa kandu.
- ukaselengo** *li.* (yeji. ukaselengo) Kuweceta ngani jaunami ni cakulinga cakusosa kusakasya lumbili lwa mundu jwine.
- ukaŵamba** *li.* (yeji. ukavamba) Cindu cacitandisye ukangani.
- ukaŵe** *li.* (yeji. ukave) Ndaŵi jacitemi cindu cili ciŵela.
- ukawu** *li.* (yeji. ukali) Kupikanika mwakuwawasa kwa yindu cisawu

yisogosi mpela masuku gangajiwula.

**uko li.** (yeji. uko) Lipuku lyekulungwa lyakumnonyela kututunya mu mgunda wa mbatata ni m'citipila.

**ukolece mbika.** Kutenda yindu yakusosa kutandisya ukangani ni mundu jwine.

**ukoleko li.** (yeji. ukoleko) Mteto wakuweceta yaunami, yakwaŵenganya ŵandu.

**ukolekole li.** (yeji. ukolekole) Ndamo jakutandisya ukangani kapena ndewo pali pangali ngani jiyseysene.

**ukolesi li.** (yeji. ukolesi) Kwikuta mnope mkologo.

**ukoma li.** (yeji. ukoma) Yitendo yakulosya kumnyilila mtela ni yilagu.

**ukomasi li.** (yeji. ukomasi) Yitendo yakulosya kumanyilila mtela ni yilagu.

**ukongwe li.** (yeji. ukongwe) 1 Yindu yeswela yakujilima yayikusakopoka kwikuma ligongo lya kupikana kunong'a mnope pakutenda msangu. 2 Ndamo jakutenda yindu yacikongwe.

**ukopi li.** (yeji. ukopi) Ndamo jakutenda yindu yakumnyenjelela mundu kuti akunde kutenda cindu.

**ukoti li.** (yeji. maukoti) imanga yewisi kutwakutwa ni kuŵika m'masamba ni kuteleka.

**ukoto li.** (yeji. maukoto) Umbone wa cindu.

**ukujukuju li.** (yeji. ukujukuju) Kulola aku nakuku mwakayicila kapena mwakusamala mnope.

**ukula msa.** 1 Kusola ni kutyosya cindu mwitaka. 2 Kusola lisimbo.

**ukululuce li.** (yeji. ukululuce) Kutusya mtima ni kuleka yawusosileje kumtenda mundu jakuleŵele.

**ukumbukumbu li.** (yeji. ukumbukumbu) Kuyika soni mu nganisyo kwa cindu ciwatesile kapena ciwaciweni.

**ukungwi li.** (yeji. maukungwi) Ukombosi wakutenda yindu mwakolosya cenene.

**ukuni li.** (yeji. maukuni) Manyunya ga ku cisusunyo ca cijuni gaksagakamulicisya masengo pakusalalisya yindu.

**ukunje li.** (yeji. maukunje) Kacindu akausapanganya pa kukunga lukonji pa katela kepindu kuti aponyeleje mipamba.

**ukusikusi li.** (yeji. ukusikusi) Kulambucisya ulwele kapena kugona mnope

pakusosa kugwala kukamula masengo.

**ukuta msa.** Kupepelela mbepo pa moto kutyocela mnopemnopo m'kasaku ka lipende.

**ukutula msa.** Kukata yakumela cisawu mawukutu ni tutela twine waŵanaŵana.

**ukwesu li.** (yeji. ukwesu) Cisogosi cakuwawasa cacikusasogola mu citela ca mkwesu.

**ukweti li.** (yeji. maukweti) Upande wekulungwa wa yitela ni litinji lyejinji lyakumela jika.

**ukwi! msu.** Lilowe lyakulosya kusimonga.

**ukwili li.** (yeji. maukwili) Kulimba ni wangananambuka wa cindu.

**ula li.** (yeji. ula) Mesi gakugwa kutyocela ku mawunde.

**ulaala li.** (yeji. ulaala) Kuŵa jwakalamuka.

**ulaga msa.** Kutyosya umi wa cindu cakupumula.

**ulala msa.** Kulipweteka

<sup>1</sup>**ulama msa.** Kulosya ku lupwasi pakupinda cilu cosope mwakwinamila cakuwujo mundu ali cimile.

<sup>2</sup>**ulama li.** (yeji. ulama) Kuŵa cenene m'cilu ni mu nganisyo mwakwe.

**ulamba li.** (yeji. ulamba) Kulambucisya ulwele kapena kugona mnopo pakusosa kugwala kukamula masengo.

**ulambi li.** (yeji. ulambi) Kutenda yindu yakumpembeka mundu cisawu kuti jwalakwejo ali jwakupunda mnopo.

<sup>1</sup>**ulame mbika.** Mwakusatendela mundu jwajimi ni kulipinda cakuwujo ni kwimika lipuluputu.

**ulamusi li.** (yeji. maulamusi) <sup>1</sup> Yitendo ni yakuŵeceta ya mundu jwampele macili gakwalogolela ŵandu ŵane. <sup>2</sup> Macili gakwalongololela ŵandu ŵane.

**ulanda li.** (yeji. ulanda) Kulaga kwekulungwa ligongo lyangakola cikamucisyo.

**ulangawiwu li.** (yeji. maulangawiwu) Yisogosi yecejewu yaŵanaŵana ya kumtwe kwepiliwu yakusatunga ni kuwala cisawu yuma.

**ulasi li.** (yeji. ulasi) Mtundu wa uŵasi.

**ulaŵalaŵa li.** (yeji. ulavalava) Ndamo ja kwendajenda m'misewu kupita

m'ciwenda mbiya.

**ulaŵili li.** (yeji. ulavili) Tulombo twecejewu twaŵanaŵana twaguluka nambo soni twakuluma twatukusimanikwa mnopemnopo pamalo pasikutama nguku.

**ulaya li.** (yeji. ulaya) Cilambo ciliconse cakutama asungu cisawu ŵa ku England.

**ulecelo li.** (yeji. ulecelo) Kukululuka pa yitendo yiŵakutendele mundu jwine.

**ulekani li.** (yeji. ulekani) Kwasana, wangalandana kapena kapwilingane ka yindu kapena ŵandu.

**ulelane li.** (yeji. ulelane) Kukamucisyana kuti umi wa jwalijose ujende cenene.

**ulemasi li.** (yeji. maulemasi) Kuŵa jwangali kapena kukola ciŵalo cakulekangana ni yiŵalo ya mtundu uwowo yakwete ŵane.

**ulembe li.** (yeji. ulembe) 1 Yakuti pakulemba maloŵe pa cikalakala kapena malo gane. 2 Utomoni wa citela cakuŵaŵa wakusapaka ku mpamba kapena lipanga kuti cinyama cikakaŵaga kuwa naga mkucikosamo.

**ulemwa li.** (yeji. ulemwa) 1 Kuwatanganya pakutenda yitendo yakutenda ŵane. 2 Kutenda cindu cangalumbana kapena cangajiticika kwa mundu jwine kapena kwa Mlungu.

**ulendo li.** (yeji. maulendo) 1 Kwenda kutyoka malo gane kuja malo gane. 2 Mkuli wa pacilikati pa malo gaŵili gakutalikangana.

**ulesi li.** (yeji. ulesi) Ndamo janganonyelwa kukamula masengo nambo kwamba kutama.

**ulewu li.** (yeji. ulewu) Kawonece ka cindu cakuti nganiciŵa cacijipi.

**uli? m'jonje.** Liloŵe lyakuwucisya mwacitendecekele kapena mwaciŵelele cindu.

**ulika msa.** 1 Kupapuka mwakupikanika lisegwe kwa cindu cakuti cajikwite moya cisawu mwacikusatendela cubu ca njinga. 2 Kukopoka ni kuwocela ni cindu pacanya petaka. 3 Kupowoka ni kukopoka kwa mesi cisawu mwacikusatendela cisumbukute.

**ulikwi li.** (yeji. ulikwi) Mtundu wa ucece.

**ulila msa.** Kuwucisyawucisya mtwe usyesyene wa ngani.

**ulilane li.** (yeji. ulilane) Mkamulano wa mkasyepela.

**ulili li.** (yeji. maulili) Ugono wakutota ni matete.



- ulimbe li.** (yeji. ulimbe) Kuŵa ni cikulupi.
- ulimbilile li.** (yeji. ulimbilile) Ngatekeseka kapena kugwedanyika.
- ulimbo li.** (yeji. ulimbo) Yindu yakunanda yakusapanganya pakuwanganya utomoni wa yitela yakulekanganalekangana ni kuwuteleka kuti atanjicisyeje yijuni.
- ulinandi li.** (yeji. ulinandi) Ndamo jangalikusya kapena kulikwesya.
- ulinda li.** (yeji. ulinda) Mteto wakutetemya ku migunda pakusosa kupokosya mbeju ku yitumbili, majani, ngwale ni yinyama yine.
- ulingulingu mwa- m'jonje.** 1 Kula usyo 2 kulolalola yindu yayili kusyeto.
- ulinje li.** (yeji. ulinje) Mwakutendela pakupima cindu.
- ulisi li.** (yeji. ulisi) Ndamo ja mwanace jakulilalila mnopemnopo naga ali amjigele mundu.
- ulitemanye li.** (yeji. ulitemanye) Kaŵinisy ka cilu pa kwenda kapena pakuŵina ung'asi.
- uliŵa li.** (yeji. uliva) Mesi gakopoka gasyene kutyocela mwitaka.
- ulole li.** (yeji. ulole) Mwakusatendela mundu pakupikutisya meso kapena ngope pakulola.
- ulombe li.** (yeji. ulombe) Mtundu wa ung'asi.
- ulombela li.** (yeji. malombela) Kutama yimo kwa mundu jwamkongwe ni jwamlume mwiŵasa.
- ulonda li.** (yeji. ulonda) Ukumu kapena masengo gakulolecesya kuti ŵandu ŵane ngakwiŵa kapena konanga ndundu.
- ulongo li.** (yeji. maulongo) Kuŵa ŵandu ŵa liŵele limo.
- ulu li.** (yeji. maulu) Lyosi lyakutendekasya kusa wunduga lyakutyocela ku lilamba lya moto wakusacoma litinji ndema ja cawu.
- ulukosyo li.** (yeji. maulukosyo) Kutenda yindu yambone nambo soni yakucimbicika.
- ulukusa li.** (yeji. ulukusa) Yindu yeswela yacisawu likoko yayikusasimanikwa mkati mwa cikalakasa ca mumtwe wa mundu kapena cinyama.
- ulukuta msa.** Kulitunganya cilu.
- ulula msa.** 1 Kusosasosa ni kumalisya yindu yakusigalila cisawu mwakusatendela ali agoweŵe yimanga mu mgunda. 2 Kutyosya litonji mu yitela yakwe mu mgunda.

**ululu** *li.* (yeji. ululu) 1 Kuwa kwa meno ligongo lya kulilisya yindu cisawu yembe yangajiwula. 2 Kupikana kupweteka.

**ululuka** *msa.* Kujigalwa ni mbepo kwa yindu cisawu utandi.

**ululusya** *msa.* Kugukusya ndi mbepo yindu cisawu utandi.

**ulume** *li.* (yeji. ulume) Yindu yeswela yakunanda cisawu mamina yakusatunda mundu jwamlume pandema jakutombana.

**ulumula** *msa.* Kutyosya kapena kukoposya yindu mwangayinyemya.

<sup>1</sup>**ulusi** *li.* (yeji. ulusi) Lukonji lwakusalupanganya ni litonji kapena yindu yine.

<sup>2</sup>**ulusi** *li.* (yeji. ulusi) Mtundu wa cuma ca buluwu.

**ulutula** *msa.* 1 Kukoposya mwakuminya yindu yiyaliji mkati mwa cindu cine cisawu nsaku, lutumbo ni yine. 2 Kujigala yindu mu cindu ciwayiŵisile.

**uluŵa** *li.* (yeji. uluva) Upande wa cakumela wawukusakula ni kuŵa cisogosi.

**uluwulu** *mtagu.* Mwachikusawonecela cindu ca ngulungo.

**uluwumba** *msa.* Kugalagata pasi.

**uluwusya** *msa.* 1 Kugalagatikasya mundu kapena kuyika cindu pa luwundu. 2 Kumputa ni kumgwisya mundu.

**uluwuta** *msa.* 1 Kuliŵata mwakonanga yindu cisawu mbeju, manyasi ni yine. 2 Kuŵeceta mwakusongona mnopo.

**ulwele** *li.* (yeji. maulwele) Kupweteka kwa cikusapikana cindu ca umi naga nganiciŵa cenene m'cilu.

**ulyalya** *li.* (yeji. ulyalya) Kukokoya mele kutenda cindu ni nganisyo syakusosa kwakalamusya ŵandu ŵane.

**ulyayi** *li.* (yeji. ulyayi) Ndamo jakusosa kujigala yindu yejinji kupunda ŵandu ŵane wosope ŵakusosekwa soni kuti apate yindu yiyoyo.

**ulyesi** *li.* (yeji. ulyesi) Ndamo jakusosa kujigala yindu yejinji kupunda ŵandu ŵane wosope ŵakusosekwa soni kuti apate yindu yiyoyo.

**uma** *msa.* Kukopoka kwa yindu cisawu mkaka m'maŵele.

**umanyilisi** *li.* (yeji. umanyilisi) Kukola lunda ni kupakombola ni kutenda cindu.

**umati** *li.* (yeji. umati)

**umba li.** (yeji. umba) Mtela wakutupiyicisya mbeju syagowola mu mgunda kapena syakutaga mu ngokwe.

**umbala msa.** Kutenda yakusosekwa ku unyago ni kupocela misyungu.

**umbata msa.** Kupindila mkati yala ya m'makono.

**umbili li.** (yeji. umbili) Kupikanika kwa yitendo kapena lina lya mundu mwine soni cindu.

**umbo li.** (yeji. umbo) Yindu yepiliwu, yeswela kapena yecejewu yayikusamela mumtwe.

**umbone li.** (yeji. umbone) Katame cenene ka cindu kapena mundu.

**umbuka msa.** 1 Kutyoka pamalo gawajuwile ni kuwonecela peswela. 2 Kwimuka kutyocela ku lugono. 3 Kutila pamalo mwakuwutuka.

**umbula msa.** Kuwula cindu pamalo picasisice.

**umbusya msa.** Kutendekasya yinyama kuti yijuwuce piyajuwile kapena kuyitendekasya kuti yitile.

**umbutukuka msa.** Kupindukuka kapena kwanukuka kwa cindu.

**umenyani li.** Mteto wakuputana pa magongo gakulekanganalekangana.

**umi li.** (yeji. umi) Macili ga cindu ciwacipanganyisye Mlungu gakupakombola kukula, kuweleka, kulya nambo soni pambesi pakwe cinduco cikusawaga.

**umika msa.** Kututula sasu pamoto.

**umila msa.** Wangawoneka wandu wa pamalo kapena mwitala.

**umisya msa.** Kutyosya cindu pamalo gacaliji ni kuja kuciyika pamalo gane.

**umpepe li.** (yeji. umpepe) Ndamo jakamulana ni kutendela yindu pamo.

<sup>1</sup>**umuka msa.** 1 Kumala unonye ni lungu lya cindu. 2 Kutyoka pamoto kwa lusasu.

<sup>2</sup>**umuka li.** (yeji. umuka) Cakulya cejonasice cakuti ngaŵa nkucilya.

**umula msa.** Kutyosya lusasu pamoto.

**umundu li.** (yeji. umundu) Ndamo ni yitendo yambone ya mundu.

**umya msa.** Kutyosya cindu pamalo pacaliji.

**una msa.** Kutyosya masace ga mpunga kumanyasi gakwe.

**unakunaku li.** Ndamo jakuwenganya wandu pakwasalila ngani sya unami.

**unami li.** (yeji. unami) Kusala ngani jakuti nganijitecekwa.

**unandi mtagu.** Kaŵe ka cindu cakuwujilila ukulu wakwe.

**undanda** *li.* (yeji. undanda) 1 Kukokoya mele kutenda cindu ni nganisyo syakusosa kwakalamusya wandu wane. 2 Kumgwala mundu juwamkongwele yindu.

**undika** *msa.* 1 Kuyika yindu mnopemnope yisogosi cisawu magombo pamalo ga ndukutula kuti yijiwule citema. 2 Kutaga mesi mkamwa ni kugaleka m'momo kandaŵi kelewu mkaniugamile kapena kugasuna.

<sup>1</sup>**undu** *mbika.* Mwayikusatendela yindu kapena wandu pakugwira upande umo.

**unduka** *msa.* Kutyoka pamalo mwakutumbila ligongo lya ngani jaitendecekwe.

**undukula** *msa.* Kutyosya yindu cisawu yisogosi pamalo paŵayiŵisile kuti yijiwule.

**undula** *msa.* 1 Kusyaga cindu kuti ciŵe cisawu utandi. 2 Kulima mu mgunda mwakolosya cenene.

**undulila** *msa.* Kukologanya kapena kusukunya yindu kuti yiwanganicilane cenene.

**une** *mkwimi.* Liloŵe lyakulikoanjila mundu jwakuŵeceta.

<sup>1</sup>**unga** *msa.* 1 Kuŵiliga kwa litaka pakolosya matuto. 2 Kusongangana pamalo gamo kwa tulombo cisawu nyuci.

**ungala** *msa.* Kujigala ulwele wa matana.

**ungana** *msa.* Kusongangana pamalo gamo kwa wandu kapena yindu.

**ungo** *li.* (yeji. ungo) Kanyama kamwitinji ka cisawu come.

**ungolengole** *li.* (yeji. ungolengole) Kusyoŵekana kwa wandu mnopemnope ligongo lya kwilana yakutenda.

**ungongo** *li.* (yeji. ungongo) 1 Kuŵeceta mwamasegwe. 2 Ngamanyilila kaŵe ka cindu.

**ungoswe** *li.* (yeji. maungoswe) Kwajilanya ni kulolecesya kuti wandu walombene akutama mwiŵasa lyawo mwamtunjelele.

**ungulu** *li.* (yeji. ungulu) Kuŵeceta mwamasegwe mnope.

**ungulumya** *msa.* Kulolesya cindu pane palipose.

**ungusya** *msa.* Kusosa ni kuwusya kuti umanyilile kwacili cindu.

**unicila** *msa.* Kuwimba kapena kuwugala lipesa lya cindu pakuyika cindu cine.

**unika** *msa.* Kupitikusa pakutamika cindu cisawu mbale kuti citamilo cilole

kwinani.

**unikanya** *msa.* Kuwunicila mwakupitikusya ni kulosya citamilo kwinani, cimo mwa yindu yakulandana ukulu wakwe.

**unondi** *li.* (yeji. unondi) Kaŵe ka cindu cakuti nganiciŵa cekulungwa.

**unonono** *li.* (yeji. unonono) Kulimba kapena kusawusya mnope.

**unonyelano** *li.* (yeji. unonyelano) Ndamo ni yitendo yakusengwa ni mundu kapena cindu.

**unuku** *mbika.* Mwakusatendela mundu jwakutyosya cindu cicawimbile cindu cine.

**unukula** *msa.* Kutyosya cindu cicawimbile pa cindu cine.

<sup>1</sup>**unya** *li.* (yeji. unya) Yindu yampela likoko yakusapanganya pakuwanganya utandi ni mesi gakusisima.

<sup>2</sup>**unya** *msa.* Kuwanganya yindu yewundule cisawu utandi ni mesi.

**unyago** *li.* (yeji. maunyago) Yitendo ni misyungu jakumpa mundu jwakwanile msingu wakum'ŵina.

**unyala** *li.* (yeji. unyala) 1 Mtundu wa majongolo gaŵanaŵana gecejewu gakuti waji wakwe ukusaŵa wakunyanya nambo soni gakumnonyela kuwungana malo gamo. 2 Kunyenya mnopemnope kwa mumbakamiko mwa yala ya mu ngongolo.

**unyenga** *li.* (yeji. unyenga) 1 Ngamanyilila kaŵe ka cindu. 2 Kuseseŵala kwa mundu.

**unyolo** *li.* (yeji. maunyolo) Tusyano twepindipinde ni kulumbikanya twanti mpaka ni kutaŵila cindu kapena kuwala.

**unyunyu** *li.* (yeji. unyunyu) Uswela wa cindu.

**upa** *msa.* Kutogolela mwakupeleka kandu kwa mwali kapena mundu jwakuŵina ung'asi.

**upagwe** *li.* (yeji. upagwe) Kaŵe ka cindu.

**upala** *li.* (yeji. upala) Cikokomo ca mesi gakwenda mwakuwutuka mu lusulo lwa maganga gejinji.

**upalu** *li.* (yeji. upalu) Ukombosi wa kusakula kapena kutega yitega ya yinyama.

**upande** *li.* (yeji. maupande) Mbali ja cindu kapena malo.

**upandu** *li.* (yeji. maupandu) Kupanganya nganisyo syakusosa konanga umi wa mundu jwine.

- upanga** *li.* (yeji. maupanga) Cindu campela mpamba cakusatenda kuponya ni mkono.
- upanganye** *li.* (yeji. upanganye) Yiŵatesile kapena yakutenda pakulinganyea cindu.
- upapa** *li.* (yeji. upapa) Ndamo ja kwagaŵila ŵandu yindu yamnono atamose kuti yinduyo yipali yejinji.
- upasani** *li.* (yeji. maupasani) Mteto wakusumisya ni kusuma yindu.
- upate** *li.* (yeji. upate) Mbiya kapena yindu yakupata mwakonjecesya pa yakwe pa malonda.
- upatwe** *li.* ciŵasi cakumela pasi cakulyaga, cakandapala cecejewu; kuŵe kwi: nakapatwe.
- upele** *li.* (yeji. upele) Yilonda yakunyenya ya cisawu matusa yayikusakopoka pacilu pa mundu.
- upile** *li.* (yeji. upile) Ndamo jakupata kapena kukola cindu cambone mwangasawusya.
- upilile** *li.* (yeji. upilile) Kaŵe ka cindu ca bi.
- upililiwu** *li.* (yeji. upililiwu) Kukola mtima wakulimba nayo yipwetesi.
- upindupindu** *li.* (yeji. upindupindu) Wangapanganika ni ngakaŵa kupitikuka nganisyo pa uganja ni yine pali pangali ligongo lisyesyene.
- upotesi** *li.* (yeji. upotesi) Ululu kapena ngawona cenene m'cilu.
- upupa** *li.* (yeji. upupa) Yilonda ya ulwele wa cindoko.
- upwawale** *li.* (yeji. upwawale) Kuwawatala kwa cindu.
- upweso** *li.* (yeji. upwesi) Ndamo ja wanace.
- upya** *li.* (yeji. upya) Yakusigalila litinji lili lipile.
- upyata** *li.* (yeji. upyata) Ndamo jakutenda yindu mwakalamuka mnope.
- usakalice** *li.* (yeji. usakalice) Yatite pakupela mundu.
- usakaliwu** *li.* (yeji. usakaliwu) Mbwaji pakutenda yindu.
- usakwa** *li.* (yeji. usakwa) Ndamo jangali casa.
- usalalene** *li.* (yeji. usalalene) Kuŵeceta ngani jakumgamba mundu jwine msyenejo pali pangali.
- usangu** *li.* (yeji. usangu) Mtundu wa likwanya.
- usangwali** *li.* (yeji. mausangwali) Cindanda cakupenda kusolela mapanda ni kusajikanya yitela.

- usani li.** (yeji. usani) Mtundu wa yuma yaŵanaŵana.
- usanje li.** (yeji. usanje) Cakumela ca mtundu wa manyasi cangalewupa mnope cacikusakola tusongolo twaŵanaŵana twecejewu twakusaloweŵeka ŵandu ŵane ni kutenda cilungo ca utobwa.
- usanji li.** (yeji. usanji) Mtundu wa mapeta gamwitinji.
- usapangane li.** (yeji. usapangane) Kawonece kangasalala ka cindu kapena mundu.
- usapulanye li.** (yeji. usapulanye) Kagaŵanye kapena kayice ka yindu pakwepakwe.
- usaŵi li.** (yeji. usawi) Ndamo jakola misengo, yisasi kapena mtela wakuwulajila ŵandu.
- <sup>1</sup>**usawu li.** (yeji. usawu) Kulandana kwa yindu kapena ŵandu.
- <sup>2</sup>**usawu li.** (yeji. usawu) Cindu cakusataŵa ni yitela cisawu usangwali cakwanika somba kapena nyama cakuti kusi kwakwe akusakolesya moto.
- usawuci li.** (yeji. usawuci) Kuŵa jwangali yakuwala kapena yindu yine yakamulicisya masengo.
- usemwe li.** (yeji. usemwe) Ulwele wakoposya yilonda kukamwa ni kupalata umbo pa lipende wawukusakamula mnopemnope yilango cisawu mbusi.
- usepa li.** (yeji. usepa) Ukulu ni msingu wa cinyama.
- usepule li.** (yeji. usepule) Cipyepye ca somba.
- usese m'jonje.** Kugona ca mu mbalati.
- usewa li.** (yeji. usewa) Mtundu wa cuma.
- useŵa li.** (yeji. usewa) Ndamo jakulosya kuseseweŵala.
- usicilisi li.** (yeji. usiciiisi) Kukola yipanje yejinji.
- usigala li.** (yeji. usigala) Kuŵa jika ŵandu ŵane ali amasile kuwa.
- usilu li.** (yeji. usilu) Kuŵeceta ni kutenda yindu yakusesweŵala.
- usimbwa li.** (yeji. usimbwa) Mtundu wa cuma.
- usinda li.** (yeji. usinda) Uŵasi wecejewu.
- usinini li.** (yeji. usinini) Mnowu wa mkamwa mwagakusamela meno.
- usito li.** (yeji. usito) Kapikanice ka cindu canganiciŵa ca pewupewu naga ucinyakwile.
- usiya li.** (yeji. usiya) Kuŵa jwangamanyilila yindu.
- usomba m'jonje.** Kugona ca mu mbalati.

**usombo** *m'jonje*. Kuwugula meso panandi.

**usongolo** *li.* (yeji. usongolo) 1 Ndamo ja yawanace. 2 Ndema jakuti mundu nganawumbale.

**usosa** *li.* (yeji. usosa) Ndamo jakupita mcisosasosa yindu pane palipose.

**usoye** *li.* (yeji. usoye) Yiŵatesile mundu kuti aleŵe.

**usuli** *li.* (yeji. usuli) Liluŵa lya lutwelo.

**usuma** *li.* (yeji. usuma) Kuŵa cangali liwungo nambo soni canganong'a.

**usume** *li.* (yeji. usume) Yindu kapena mbiya syakusalamula kuti mundu apelece pa cindu cakusosa kusuma.

**usungo** *li.* (yeji. usungo) Yindu yeswela yakunanda cisawu mamina yakusatunda mundu jwamlume pandema jakutombana.

**usungula** *li.* (yeji. usungula) Ndamo jakutenda yindu mwakalamuka mnope.

<sup>1</sup>**usya** *msa.* Kuŵeceta maloŵe gakuwungunya cindu kuti mundu jwine ajanje.

<sup>2</sup>**usya** *msa.* Kupeleka kapena kuyika cindu pamalo pawacijigele.

**usyanukula** *msa.* Kwilana panyuma pa ukangani

**usyo** *li.* (yeji. usyo) Upande wa mtwe cakuwujo penani pa meso.

**usyoŵe** *li.* (yeji. usyove) Kukunguluka ni kulosya kumanyigana mnope.

**uta** *msa.* Kutyosya cindu pamalo mwakududulusya kapena mwakutenda cisawu kutupula mwamacili.

**utala** *msa.* Kukola litinji lyejinji.

**utale** *li.* (yeji. utale) 1 Malo gangali yikwesya yikulungwa mnope. 2 Maganga gakusapanganyicisya yisyano cisawu ya njanji.

**utama** *msa.* kutama mwakuwuwa.

**utambwali** *li.* (yeji. utambwali) 1 Ndamo ja gwalagwala kupeleka ngongole. 2 Ndamo jakutenda yindu yakulaŵalaŵa.

**utambwi** *li.* (yeji. utambwi) Lusajo lwa yala yakamatana lwa cijuni ca m'mesi.

**utame** *li.* (yeji. utame) 1 Ndamo ja mundu kapena cindu. 2 Kaŵe ka cindu kapena mundu.

**utamila** *msa.* Kukumbatila mandanda cisawu mwajikusatendela nguku pakusosa kusosola ŵanace.

**utande** *li.* (yeji. utande) 1 Katende kapena katendecekwe ka cindu pa katema



kandanda. 2 Yatesile pakumsakalisya mundu jwine kuti papagwe ukangani.

**utandi li.** (yeji. utandi) Yindu yakusayipanganya pakutimbula kapena kugayisya yimanga, usanje, ni mapemba yakusayikamulicisya masengo pakuteleka ugali kapena likoko.

**utapa li.** (yeji. utapa) Kukumbucila yindu yiyatendecekwe kalakala.

**utasya li.** (yeji. utasya) Kukwesya mnope mtengo wa cindu.

**utaŵe li.** (yeji. utave) Kalinganye ka cindu cisawu nyumba, lutenje ni yine.

**uteje li.** (yeji. uteje) Kupindika kwa ngongolo ni kutenda cisawu ukunje.

**utemba m'jonje.** Kuwugula meso panandi.

**utembo li.** (yeji. utembo) Mtundu wa uŵasi.

**uteme li.** (yeji. uteme) Yacitite kanolece kakwe cindu.

**utende li.** (yeji. utende) Mwayikusaŵela pakolosya cindu.

**utenga li.** mtundu wa uwasi wawukusawa wecejewu wakatela kamo nikuwa mpela ambulele kucanya kwakwe.

**utenya li.** (yeji. utenya) Mtundu wa uŵasi weswela.

**utepani li.** (yeji. utepani) Koloŵa kapena aangausya kupinda wa cindu.

**utesi li.** (yeji. utesi) Yatite pakutega citega.

**utete li.** (yeji. utete) 1 Kuwala nguwo mwakoleka m'makoyo ni kuŵa cisawu nkajo. 2 Mang'omba ga citete. 3 Kutenda yindu mwakalamuka mnope.

**uti li.** (yeji. uti) Cindu cakoposya yindu ya cisawu macaka cakusatega ni kugomba cili m'myala pakusosa kuwulaga yinyama kapena ŵandu.

**utilili li.** (yeji. utilili) Lipanda lyakwangata lisajili lyakusataŵa nyumba pacanya pa pacilikati pa mesi kapena mu mgunda.

**utitili li.** (yeji. utitili) Tulombo twecejewu twaŵanaŵana twaguluka nambo soni twakuluma twatukusimanikwa mnopemnopo pamalo pasikutama nguku.

**utolilo li.** (yeji. utolilo) Mtesa wawuŵisi wangakomala.

**utombo li.** (yeji. utombo) 1 Kwinjisya liwolo kwikuma ni kutikusyaga ciwunu. 2 Utomoni wa citela.

**utomongo li.** (yeji. utomongo) Utomoni wa citela.

**utomoni li.** (yeji. utomoni) Yindu yakujilima yayikusakopoka m'citela.

**utope li.** (yeji. utope) Litaka lyenyowê.

- utotowu** *li.* (yeji. utotowu) Kuŵa jwangapilila atamose panandi ni ululu.
- utuci** *li.* (yeji. utuci) Yindu yetimbuca cisawu utandi yayikusakopa pakucecula matamba.
- utuka** *msa.* Kwenda mwakwanguya mnope.
- utukutu** *li.* (yeji. utukutu) Utandi wa yimanga yekalanje kapena utandi wa malambe.
- utula** *msa.* Kukata manyasi ni lijela mwakunupulila ca kumiciga.
- utuli** *li.* (yeji. utuli) Kuŵa cisawu lituli.
- utulwa** *li.* (yeji. utulwa) Ukana
- utumwa** *li.* (yeji. utumwa) Masengo gakutumicila pamlango.
- ututa** *msa.* Kucisula ni lukongolo cakunyuma.
- utyatyatya** *li.* (yeji. utyatyatya) 1 Kukokoya mele kutenda cindu ni nganisyo syakusosa kwakalamusya ŵandu ŵane. 2 Mwapaŵelele pamalo pakuti pangali yikwesya.
- uucisya** *msa.* Kuŵeceta maloŵe gakuwungunya cindu kuti mundu jwine ajanje pakusosa kuti upikanice cenene ngani jawujipikene kala.
- uŵala** *li.* (yeji. mauvala) Uganja wamkasyepela wa mundu jwamlume ni jwamkongwe.
- uŵana** *msa.* Kuŵa jwangali macili nambo soni jwakulwala.
- uwanga** *li.* (yeji. uwanga) Ndamo jakusosa kukangana ni kumenyana ni ŵane ndema josope.
- uwasa** *li.* (yeji. mauwasa) Mlango wakopocela manyi kutyocela m'matumbo.
- uŵasi** *li.* (yeji. uŵasi) Cakumela cakoloŵa cangali masamba, cakuwoneka cisawu mwambulele mitundu jine ŵandu akusalyaga nambo jine ŵangalya.
- uwe** *mkwimi.* Liloŵe lyakulikolanjila ŵandu ŵakuŵeceta.
- uŵecete** *li.* (yeji. uŵecete) Yakuti mundu pakoposya maloŵe.
- uŵelesi** *li.* (yeji. uŵelesi) Upile wakuŵeleka ŵanace.
- uŵeluŵelu** *li.* (yeji. uŵeluvelu) Ndamo ja kwendajenda m'misewu kupita m'ciŵenda mbiya.
- uŵigo** *li.* (yeji. uŵigo) Lutenje lwakusataŵa pakusosa kuciga yinyama kuti yikajonanga mbeju.
- uŵila** *msa.* 1 Kuyika masamba m'mesi gatasile mu cindu kuti mesigo gakajitikaga pakwenda. 2 Kutaŵa mwagagayicisya.

- uwilisi li.** (yeji. uwilisi) 1 Kupata ni kwenda cenene kwa yindu. 2  
Kupikanika kwa yitendo kapena lina lya mundu mwine soni cindu.
- uwîlo li.** (yeji. uŵilo) 1 Kojesya kapena kusika nawo malilo mwilembe. 2  
Yitendo yakusokonesya kapena kusecesya yakusatenda acaŵilo pa malilo.
- uŵisi li.** (yeji. uŵisi) Ndamo ja kwagaŵila ŵandu yindu yamnono atamose  
kuti yinduyo yipali yejinji.
- uŵiŵi li.** (yeji. uŵivi) Cakumela cakutambala cacikusaogola tusogosi  
twecejewu nambo twatuswela kumtwe twakuti ŵandu ŵane akusatunga  
cisawu yuma.
- uwombosi li.** (yeji. uwombosi) Kukulupuka ku cilanga ciŵalangene.
- uwonece li.** (yeji. uwonece) 1 Kapatice ka cindu kapena mundu pamalo. 2  
Mwacikuŵela cindu m'meso naga mkucilolamo.
- uwowu li.** (yeji. uwowu) Yindu yakujilima yeswela mwacikasu  
yayikusakopoka pa cakuyimba kapena peŵanga.
- uwulasi li.** (yeji. uwulasi) Kuwulaga mundu.
- uwulu li.** (yeji. uwulu) Lyosi mnopemnopo lyakutyocela pa moto wakoca  
likonde.
- uwulusa li.** (yeji. mauwulusa) Mtundu wa citela.
- uwuta msa.** Kuŵiŵataliŵata manyasi kapena mbeju cisawu yimanga.
- uya msa.** Keteleka panandi yindu cisawu makangata ni yine ni kuyijanika  
kuti yijumule kuti tayikamulicisye masengo katema kane.

## W

**ŵa msa.** Kuminika nguwo mu mbali.

<sup>1</sup>**wa msa.** Kumala kwa umi ni kulecela cile kugunda kwa mtima.

<sup>2</sup>**wa mbika.** Mwakusatendela pakuteleka mboga syakuti ngakusosa kuti  
simalicice kupya.

**ŵagajila msa.** Kujilijitika kwa cilu ligongo lya woga kapena kuisima.

**ŵagula msa.** Kuŵeceta maloŵe kapena kutenda yindu yangaŵajilwana  
kutendecekwa pali pana ŵandu ŵane.

**ŵagulilwa msa.** Kukuŵecetela kapena kukutendela yindu yangasosekwa  
kuyitenda pameso pa ŵandu ŵane.

**waje li.** (yeji. waje) Tuyndu twampela umbo twatukusawoneka pacilu pa

ciwungu , likwanya ni yindu yine.

**Ŵajila** *msa.* Kukutama cindu cisawu cakuwala.

**ŵajilwa** *msa.* Kukujenela cindu.

**ŵaka** *msa.* Kutaŵa cindu cisawu nyumba ni njelwa.

<sup>1</sup>**waka** *li.* (yeji, waka) Liwungo lya cinyama ca umi.

<sup>2</sup>**waka** *mbika.* Mwawukusapikanicila mswakanyo wa cindu cacikwaya manyasi kapena masamba gejumu.

**wakanya** *msa.* Kutenda lisegwe pakuliŵata manyasi kapena masamba gejumu.

**wala** *msa.* Kusisa cilu ni cindu cisawu nguwo.

**ŵala** *msa.* **1** Kutyosya cipi kapena kuswejelelesya pamalo ni lilanguka. **2** Kuŵa cakuwoneka mtundu kutyocela pakutalika.

**ŵalagana** *msa.* Kutama mwakuya mlundunde wakumanyika cenene.

**ŵalama** *msa.* Wangapatikapatika soni wa cindu.

**ŵalanga** *msa.* **1** Kukolanga maloŵe galembile pamalo gane. **2** Kupata winji wa yindu.

**ŵalaŵalila** *msa.* Kutaŵa msakasa wa nyumba ni yine.

**ŵalaŵanduka** *msa.* Kuŵeceta mwakulisiya jika.

**ŵalaŵandulila** *msa.* **1** Kuŵeceta ndaŵi jelewu. **2** Kusala lisalo.

**ŵalaŵasya** *msa.* Kugomba ngoma mwamacili.

**walawasya** *msa.* Kunyulunyusya panandi yindu cisawu njete ni yine.

**ŵali** *mbika.* Mwachikusatendela cindu naga cipelece lilanguka ni kusima mwacitema.

**ŵalula** *msa.* Kulekanganya maupande ga cindu cisawu cipika.

**wamba** *mtagu.* Liloŵe lyakulosya kuti pangali mate gasyesyene kapena wangakola ukumu.

**ŵamba** *msa.* **1** Kuŵaŵasya ngoma ku moto. **2** Kumusya pamoto cindu cisawu somba kapena nyama. **3** Kuyika ni kunga lipende pa ngoma.

**ŵambala** *msa.* Kwenda mwakupita kumbali.

**ŵambalala** *msa.* Kwenda mwakucisyungula cindu.

**ŵambanya** *msa.* Kuyityocesya pamo yindu.

**ŵambilila** *msa.* Kuyika ni kunga lipende pa ngoma.

- wamula** *msa.* Kuwamula ni kutiyosya manyasi kapena cilingo cine cilicose cakuwimbila pamsakasa
- wana** *msa.* Kuyika cindu pacilikati pa yindu yiŵili kuti cinduco cikanilile cikatyoka.
- wanda** *msa.* Kugoneka pasi manyasi ni yine pakusosa kuti upite.
- wanda** *li.* (yeji. wanda) Mtundu wa cijuni ca liwuka ca ngomo sya ngoŵe cakumnonyela kulya tulombo.
- wandika** *msa.* Wangatalicila wa malo.
- wandu** *mbika.* Mwakusatendela mundu pakugoneka litinji kuti apite cenene.
- wandula** *msa.* Kunola mwakusyana cindu kuti citeme.
- wanga** *msa.* 1 Kunola mwakucisyana cindu kuti citeme. 2 Kukolosya mgunda wasambano.
- wanga** *msa.* 1 Kuyika pamo yindu yakulekanganalekangana. 2 Kukolosya likuga.
- wangala** *msa.* Kuwoneka kapena kuŵa mpela cindu cine.
- wanganya** *msa.* Kuyika pamo yindu yakulekanganalekangana.
- wanganya** *msa.* Kukolosya litala mwitinji pamalo pakuti paliji pangali litala.
- wanganyawo** *mkwimi.* Liloŵe lyakwakolanzila wandu wamkwagamba mu ngani.
- wangawanga** *mbika.* Mwayikusaŵela naga yindu yakulekanganalekangana kaŵe kakwe ayiŵisile malo gamo.
- wangula** *msa.* 1 Kukasa makoŵa ga cindu cisawu mtesa kuti akolotole yindu yayili mkatimo. 2 Kukolosya msewo kapena litala lyasambano.
- wani** *mkwimi.* Liloŵe lyakuwucisya kuti um'manyilile mundu jwatesile kandu kapena jwakumgamba mu ngani.
- wanicisya** *msa.* 1 Kumganicisya mundu kapena cindu kuti ni cacitesile citendo. 2 Kulandanya katame kapena kaŵe ka cindu cine ni cine.
- wanika** *msa.* 1 Kutotomeka cindu pasi kapena pamalo gane. 2 Kuyika yindu mu mpani.
- wanjese** *li.* (yeji. vanjese) Mtundu wine wa wandu ŵa Ciyawo.
- wanukula** *msa.* Kuputa cindu kapena mundu mwamacili ni kumgwisya pasi.
- wanula** *msa.* 1 Kukulupusya cindu m'myala. 2 Kwinjilila upande wine kuleka wawulungemeje.
- wanwa** *msa.* Kukamulwa ni kukanilila pacilikati pa yindu yiŵili.

**ŵanya** *mkwimi*. Liloŵe lyakwakolanzila ŵandu ŵane ngaŵa ŵakuŵeceta nganijo.

**ŵanyamwe** *mkwimi*. Liloŵe lyakwakolanzila ŵandu ŵamkuŵeceta nawo ngani.

**ŵanyawo** *mkwimi*. Liloŵe lyakwakolanzila ŵandu ŵamkwagamba mu ngani jamkuŵeceta.

**ŵasa** *msa*. Kujigala yindu cisawu yimanga mu ngokwe.

**wasasi** *li*. (yeji. wasasi) Kwasajasa yindu

**wasya** *msa*. 1 Kuganisa yakuti utende. 2 Kulandanya nambo soni kulekanganya yindu. 3 Kumisa mesi kapena yindu yine yaŵanaŵana cisawu usanje, mapemba ni yine.

**ŵata** *msa*. Kukolosya malo kuti gaŵe gatyatyatya.

**ŵatama** *msa*. Kuŵa malo gangali yikwesya nambo soni gatyatyatya.

**ŵatamicisya** *msa*. Kugona pasi mwakulijongola cenene.

**ŵatika** *msa*. Kunola cindu kuti ciŵe cakutema.

**ŵatila** *msa*. Kukolosya ulusi pa cindu calucile kuti ciwonece cakusalala.

**wato** *li*. (yeji. mawato) Cindu ca citela cakusepa kapena kusokola cakusakwela ŵandu pakomboka pa lusulo kapena nyasa jamwana mwine soni pakuwulaga somba.

**ŵaŵa** *msa*. Kupikana kuŵawula mkamwa ligongo lya cindu cawulile kapena kumwa ni magongo gane.

**wawanya** *msa*. Kwiŵa yindu ŵandu ali mkulola.

**wawata** *msa*. 1 Kukomala kapena kukula mwakupolopoteka. 2 Kuŵeceta mwamasegwe.

**ŵaŵicisya** *msa*. Kucoma litinji pakulinganyicika kuti aŵanje mgunda wasambano.

**ŵaŵilo** *li*. (yeji. vavilo) Mundu jwakusakulumula kapena kusika nawo malilo mwilembe.

**ŵawula** *msa*. 1 Kucoma litinji pakulinganyicika kuti aŵanje mgunda wasambano. 2 Kuŵaŵa kwa cindu cawumwele kapena cawulile.

**weca** *msa*. 1 Kumsisa cilu mundu ni yakuwala. 2 Kumsumila mundu jwine yakuwala.

**ŵeceta** *msa*. 1 Kulumukula nganisyo syakwe mwakoposya maloŵe. 2 Kukoposya maloŵe mu ciŵeceto cine cilicose.

- weleka** *msa.* 1 Kukola mwanace. 2 Kumjigala mwanace kunyuma.
- welekana** *msa.* Kuŵa yinyama yijinji ya nangolo jumo kapena wāndu wājinji ŵa liŵele limo.
- welekula** *msa.* 1 Kumtulusya mwanace kunyuma. 2 Kukola matumba gejinji kwa yimanga.
- welekulanya** *msa.* Kuyilekanganya yindu yiyapwatikene.
- welenjeka** *msa.* Kwimika kaje kwa citendo.
- weluka** *msa.* Kuleka kaje kukamula masengo jili jikwanile ndaŵi jakwawulila kunyumba.
- welusya** *msa.* Kukusalila kuti ulece kaje kukamula masengo ligongo ndaŵi jakwawulila kunyumba jikwanile.
- weluŵelu** *mbika.* kuŵala yindu yakuwonecela mkati.
- wenda** *msa.* Kumsalila jwine kuti akutendele kapena akupe cindu.
- wende** *li.* (yeji. wende) 1 Ndamo kapena katende ka cindu. 2 Yakusati mundu pakwenda.
- wenga** *msa.* 1 Kukopoka yilonda, mamasa ni yine pacilu ligongo lya kulya kapena kumwa cindu cine. 2 Kusakalilwa ni cindu kapena mundu jwine.
- wepe** *li.* (yeji. aciŵepe) Mwanace jwa cemwali ŵa ugwe.
- weseka** *msa.* Kumala ni kuliŵalika kwa cindu cisawu ung'asi.
- wesi** *li.* (yeji. miyesi) 1 Cindu ca kumawunde cekulungwa mpela lyuŵa cakuŵala cenene cilu. 2 Ndaŵi jakwana yijuma mcece.
- weteka** *msa.* Kukolosya ni kuminya lilongo.
- wetekula** *msa.* Kwasama kukamwa ngomosi ni kutenda cisawu sipindicile kusa.
- weŵa** *msa.* Kuŵa ji ngatenda lisegwe kapena kutendana ni wāndu wane.
- weŵela** *msa.* Kuŵa cangakandapala kapena cambuwa jamwana mnope.
- weŵeluka** *msa.* Kuwulukaluka ni mbungo.
- weweta** *msa.* 1 Kuŵeceta yangapikanika cenene kapena yangali lunda. 2 Kuŵecetela ku lugongo kapena pa katema kakuti mundu gamkamwile majini.
- weŵeŵe** *mbika.* Mwachikusawonecela cindu cangakandapala kapena ca mbuwa jamwana mnope.
- wicila** *msa.* Kukwaya kapena kukamula cindu cacili pakutalicila ni ugwe.
- wicilila** *msa.* Kwinjisya lijela kapena liŵago ku mpini.

**wiga li.** (yeji. wiga) Ndamo ja kwagaŵila ŵandu yindu yamnono atamose kuti yinduyo yipali yejinji.

**ŵiga msa.** Kutaŵa lutenje lwakuciga yinyama kuti yikajonangaga mbeju.

**ŵigama msa.** Kukuloga.

**ŵigula msa.** Kunyakuka pamalo pakutanda pa ulendo wakuja malo gane.

**wiina li.** (yeji. wiina) Kuŵa jwangali acinangolo ligongo lyakuti ŵajasice.

**ŵijika msa.** Kutendekasya kuti mundu alece kukosoŵalila yatesileje.

**ŵijikana msa.** Kutupa ni kuŵandikana kwa yindu.

**ŵijikanya msa.** Kusokonesya ni kumlepelekasya mundu jwine kutenda yindu yasosileje.

**ŵijilila msa.** 1 Kuyika cindu cisawu mbiya pa nguwo ni kupindilila. 2 Kutaŵa lutenje lwakuciga yinyama kuti yikajonangaga mbeju.

**ŵika msa.** 1 Kutamika cindu pamalo 2 Kukucika unyago.

**wila msa.** Kumula kwa ndewule sya yimanga.

**ŵilanga msa.** 1 Kukolanga lina lya mundu kuti msyene linalyo ajitice. 2 Kwasalila ŵandu kuti ayice kutenda nawo citendo cisawu kuŵina ung'asi.

**ŵilanjila msa.** Kukupa ukoto wakutenda nawo cindu cisawu kulya ugali.

**ŵili mtagu.** Lipata lya liloŵe lyakuŵalanjila yindu yambumbu yayipelete cimo nambo sini yanganiyikwana yitatu.

**ŵilicila msa.** Kupunda pa mlingo wawujembeceleje.

**ŵiliga msa.** Kupinda cindu mwakusyelenga.

**ŵiligana msa.** 1 Kukolekana kwa yindu mwakusyelenganasyelengana. 2 Kukamatana kwa yindu cisawu mwajikusatendela miyasi.

**ŵiliku mbika.** Mwakukusatendela kungulo mundu ali mkusosa kutapika.

**ŵilikula msa.** 1 Kwenda kwa mesi mwakutenda cisawu gakupotokoka gapasi kuja penani ga penani kuja pasi mpela mwagakusatendela gali mkutokota. 2 Kupotokola ku lukosi kapena m'matumbo kwakumtendesya mundu kusosa kutapika.

**ŵilima msa.** Kwenda kwa mesi mwakwanguya nambo soni mwamacili.

**ŵilimala msa.** Kwipipa kwisa soni kugangalama kwa cindu.

**ŵilinga msa.** Kuwulunga cindu kuti ciŵe cawuluwulu cisawu mpila.

**wilinganya msa.** Kutenda cindu mwakutotoganya.

**ŵilingula msa.** 1 kuŵeceta yindu yangali mtwe 2 kuŵeceta mwakupinda



kapena mwamwano.

**wilisa** *msa.* Kutenda soni cakuti wacitesile kala.

**wiliwinduka** *msa.* 1 Kutandila soni kwa ulwele. 2 Kujitandila soni ngani jakuti wawecete ni kumala.

**wiliwitala** *msa.* Liloŵe lyakulosya kawonece ka cindu mwanakasamba.

**wiliwitula** *msa.* Msa. Alole ngopolo ja lucocola. To be re-done when the meaning of lucocola is agreed upon by the technical team.

**wilula** *msa.* Kupikana m'cilu kuti tiwutapice.

**wilwa** *msa.* Kuwa kwa muntu kapena wandu wane wa mwiwasa mwakwe ugwe ni kusigala.

**wimba** *msa.* Kuyika manyasi kapena malata pa msakasa pakusosa kugosa ula, mbepo kapena lyuŵa.

**winda** *msa.* kutenda mtela wakuteteya yindu cisawu mgunda.

**windika** *msa.* Kutenda mtela wakuteteya yindu cisawu nyumba kwa asaŵi.

**windisya** *msa.* Kupitikusya wato.

**winga** *msa.* Kutopola pamalo yinyama cisawu nguku, ijuni ni yine kuti ikajonanga yindu.

**wingula** *msa.* Kukata cisasu m'maupande.

**winji** *li.* (yeji. winji) Kutupa kwa yindu kapena wandu.

**winuka** *msa.* Kupita mwaguluka penani pa cindu.

**winusya** *msa.* Kupitisa penani pa cindu.

**wipi** *li.* (yeji. wipi) Lipata lya liloŵe lyakulosya kunandipa kwa lisusa lya muntu kapena ulewu wa cindu.

**wisala** *msa.* Kutamilisa ni kumala kwa cindu mnopemnope cakuwala.

**wisi** *mtagu.* Mwachikusaŵela cindu cakuti nganiciŵa cejumu.

**wisikala** *msa.* Kuŵa jwangope jwakuwoneka mwangasalala.

**wisu** *mbika.* Mwakusatendela muntu pakupotokola ngomo ligongo lya kupikana kupweteka ni magongo gane.

**wisuka** *msa.* Kupotokola ngomo ligongo lya kupikana kupweteka kapena magongo gane.

**wiswi** *li.* (yeji. wiswi) Ngalola cenene.

**wisya** *msa.* 1 Kutokotesya cindu cisawu cinangwa cakuŵaŵa ni kwitisa mesi gakwe kuti kuŵaŵako kumale. 2 Kutendekasya kuti cindu ciwe.

- wisyaŵisya msa.** Kutendekasya kuti yindu yiŵe yili mkwa ndaŵi ni katema.
- wita msa.** Kupweteka kwa cindu cisawu cisumbukute kwakutenda cisawu cikupumula.
- wituka msa.** Kugomeka kwa uti.
- wituko li.** (yeji. wituko) Kutejekula citega kapena kugomba uti.
- witula msa.** Kugomba uti.
- wiwila msa.** 1 Kuwutika mnopé kwa cindu cisawu njinga. 2 Kupuga ni kuisima mnopé kwa mbepo.
- wiwiwi mbika.** Mwajikusatendela mbepo pakupuga ni kuisima kapena cindu pakuwutuka mnopé.
- wiwu li.** (yeji. wiwu) Wiwu ni mteto wangasengwa ni mundu kapena ŵandu naga ali akwete upile wakunguluka ni asonogwe.
- woga li.** (yeji. woga) Cakusapikana mundu mu mtima mwakwe naga ali aciweni kapena ali aciganicisye cindu cakogoya.
- wojola msa.** Kupita malo gakuŵijikana ni litinji.
- wojolela msa.** Kulya kapena kukamulicisya masengo yindu yiliyose ni yangalumbana yakwe.
- wola msa.** Konasika ni koposya liwungo lyangalumbana cisawu mwayikusaŵela naga tulombo twakonanga tujinjile mu cindu.
- womboka msa.** Kukola upile wakulupuka ku cindu cakogoya.
- wombola msa.** 1 Kukukulupusya ku cindu cakogoya. 2 Kupeleka kandu kuti ujigale cindu ciŵakamulile mundu jwine.
- wona msa.** Kuŵa cindu cisyesyene ngaŵa cawunami.
- wondokoso li.** (yeji. wondokoso) Kuŵa jwakusesesŵala ligongo lya kukamulicisya masengo yindu yakusokonesya ututu cisawu camba.
- wondokosyo Mbika.** kulembuka / kupela mnopé.
- wonegana msa.** Kusimana meso ni meso.
- woneka msa.** 1 Kupatika kwa cindu pamalo. 2 Kukomboleka kucimanyilila ni meso.
- <sup>1</sup>**wonga li.** (yeji. wonga) 1 Yindu yacisawu utandi yayikusaŵa mu cipolopolo ca uti. 2 Yindu yeswela yakunanda cisawu mamina yakusatunda mundu jwamlume pandema jakutombana.
- <sup>2</sup>**wonga msa.** Kupeleka kacindu kuti yindu cisawu magambo, uganja ni yine

yikujendele cenene.

**wosya msa.** 1 Kutendekasya kuti cindu ciwole. 2 Kutendekasya kuti jwamkongwe aŵe jwangaŵeleka.

**wotoka msa.** Kutanda kwa ulwele kapena ngani mwakwipucisya kapena mwangawoneka cenene pajitandile.

**wowocelwa msa.** Kwinjila mkati kapena kutocomala kwa cindu cisawu msakasa.

**wowowo mbika.** Mwagakusapikanicila masegwe ga ŵandu ŵakuti akukangana.

**wuga msa.** Kuteleka ugali.

**wuka msa.** 1 Kutyoka kwa lino. 2 Kuwoneka mbu ligongo lya kupakala utandi kapena luwundu.

**wukuta msa.** Kupepelela mbepo pa moto kutyocela mnopemnopo m'kasaku ka lipende.

**wula msa.** 1 Kutyosya yakuwala pacilu. 2 Kutyosya lino.

**wuluwusya msa.** 1 Kugalagatikasya mundu kapena kuyika cindu pa luwundu. 2 Kumputa ni kumgwisya mundu.

**wumbu li.** uwasi wawukulungwakulungwa.

**wumbuka msa.** 1 Kutyoka pamalo gawajuŵile ni kuwonecela peswela. 2 Kwimuka kutyocela ku lugono. 3 Kutila pamalo mwakuwutuka.

**wumbula msa.** Kuwula cindu pamalo picasisice.

**wumuka msa.** 1 Kumala unonye ni lungu lya cindu. 2 Kutyoka pamoto kwa lusasu.

**wunda msa.** 1 Kupeleka misyungu. 2 Kuwola kwa somba syeŵisi kapena nyama.

**wundika msa.** 1 Kuyika yindu mnopemnopo yisogosi cisawu magombo pamalo ga ndukutila kuti yijiwule citema. 2 Kutaga mesi mkamwa ni kugaleka m'momo kandaŵi kelewu mkaniugamile kapena kugasuna.

**wundukula msa.** Kutyosya yindu cisawu yisogosi pamalo paŵayiŵisile kuti yijiwule.

**wungo li.** (yeji. wungo) Kanyama kamwitinji ka cisawu come.

**wuta msa.** Kutyosya cindu pamalo mwakududulusya kapena mwakutenda cisawu kutupula mwamacili.

**wuwuli li.** (yeji. wuwuli) Kutenda yindu yakusesesŵala.

**wuwuta** *msa.* Kuliwataliŵata manyasi kapena mbeju cisawu yimanga.

## Y

**yagonela** *mtagu.* 1 Liloŵe lyakusala ya yindu ya mwaceso. 2 Yindu yakutandika kuti mundu ugonele.

**yakanganika** *mtagu.* Cindu cangali mpata wakwanila wakuti cine mpaka cijinjile kapena kukopoka.

**yalumo** *m'jonje.* Liloŵe lyakulosya kutendela cindu pampepe.

**yameso** *li.* (yeji. yameso) Yindu kapena ngani jakuwona.

**yangalika** *msa.* Kwenda kuja aku nakuku ligongo lya kutupilwa masengo kapena magongo gane.

**yatangula** *msa.* Kumgwisya mundu pasi.

**yatila** *msa.* Kusisa ku yalo ni makono.

**yeyeka** *msa.* Kucapa yindu cisawu mpunga pakutiŵisya lupeta m'mesi kuti yiswani yijigalweje ni mesi.

**yigula** *msa.* Kutyoka pamalo.

**yingalamula** *msa.* Kututa ni kugubudusya cindu kutyoka pamalo pacaliji.

**yoyola** *msa.* Kulakatisya kapena kugwisya yindu, cisawu yembe, yejinji ndaŵi jimo.

**yumbayumba** *msa.* Kutenda yindu yakulekangana ligongo lya nganisyo syawukwete.

**yuya** *msa.* 1 Kwambaga kumjendekasya mundu gampa cakusosa. 2 Kututa cindu kapena mundu kuja upande wine ni kumtutula soni upande watyocele.

## CASAS BOOK SERIES LIST

1. Between Distinction and Extinction: The Harmonization and Standardization of African Languages *Edited by Kwesi Kwaa Prah*
2. Knowledge in Black and White: The Impact of Apartheid on the Production and Reproduction of Knowledge: *Edited by Kwesi Kwaa Prah*
3. Ibibio Phonetics & Phonolgy *Eno-Abasi Esien Urua*
4. Rethinking African Arts and Culture *Edited by Dele Layiwola*
5. Language and Institutions in Africa *Edited by Sinfree Makoni and Nkonko Kamwangamalu*
6. The New Orthography; Based on the Gbe Uniform Standard Orthography (GUSO) *Hounkpatí B.C Capo*
7. African Languages for the Mass Education of Africans *Kwesi Kwaa Prah*
8. Mother Tongue for Scientific and Technological Development in Africa *Kwesi Kwaa Prah*
9. Nyansapcw *James Gyekye-Aboagye*
10. Education, Literacy and Development in Africa *Sassongo J. Silue*
11. Isefe Ninu Awon Ere-onitan Yorùba *Arinpe Gbekelolu Adejumo*
12. Language Across Borders: The Harmonization and Standardization of Orthographic Conventions of Bantu Languages within and Across the Borders of Malawi and Zambia *Edited by Felix Banda*
13. Ifá and Related Genres *Lawrence Olúfemi Adéwloé*
14. Globalising Africans *Edited by Bankie Forster Bankie*
15. Akan Nsemfuasekyere *J. Gyekye-Aboagye, S.A. Gyima, L.A. Okraku, R.M. Opong, S.K.Coleman, A.O. Boakye*
16. A Linguistic Analysis of ciNsenga: A Bantu Language Spoken in Zambia and Malawi *Lazarus Miti*
17. KiSwahili Katika Karne ya Ishirini na Moja (kiSwahili in the 21<sup>st</sup> Century) *Edited by Kimani Njogu, Kitula King'ei, Clara Momanyi and Paul Musau*
18. Rehabilitating African Languages: Language Use, Language Policy and Literacy in Africa *Edited by Kwesi Kwaa Prah*
19. Harmonization and Standardization of Nigerian Languages *Edited by F.O.Egbokhare and S.O Oyetade*
20. New Perspectives in Edoid Studies: Essays in Honour of Ronald Peter Schaefer *Edited by Ohioma I. Pogosan and Francis O. Egbokhare*
21. Speaking African: African Languages for Education and Development *Edited by Francis R. Owino*

22. Speaking Unison: The Harmonization and Standardization of Southern African Languages *Edited by Kwesi Kwaa Prah*
23. Racism and the Global African Experience CASAS and NGO Platform: World Conference Against Racism, Racial Discrimination, Xenophobia and Related Intolerance *Edited by Kwesi Kwaa Prah*
24. Discourses on Difference, Discourses on Oppression *Edited by Norman Duncan, Pumla Dineo Gqola, Murray Hofmeyr, Tamara Shefer, Felix Malunga and Mashudu Mashige*
25. Writing African: The Harmonization of Orthographic Conventions in African Languages *Edited by Kwesi Kwaa Prah*
26. Aspects of ciNsenga Tonology *Lazarus M. Miti*
27. Íkálè Masquerade Traditions and Artifacts *Ebenezer Aiku Sheba*
28. Akan Kasakoa Horow Bi *J. Gyekye-Aboagye*
29. Les Langues Africaines Pour L'éducation des Masses en Afrique *Kwesi Kwaa Prah*
30. Isènbáyé Àti ìlò Èdè Yorùbá *Olasope O. Oyelaran & Lawrence O. Adewole*
31. Fclc Maninkaw *Boniface Keita*
32. Unifying Southern African Languages: Harmonization and Standardization *Edited by Andy Chebanne, Mbulele Jokweni, Makali Isabella Mokitimi and Sihaukele Ngubane*
33. Chasing Futures: Africa in the 21<sup>st</sup> Century-Problems and Prospects *Edited by Kwesi Kwaa Prah*
34. Silenced Voices: Studies of Minority Languages of Southern Africa *Edited by Kwesi Kwaa Prah*
35. Reflections of Arab-led Slavery on Africans *Edited by Kwesi Kwaa Prah*
36. The Yorùbá Auxiliary Verb *Lawrence Adewole*
37. A General Introduction to Ndebele Grammar *Langa Khumalo*
38. Pourquoi le Gabon doit investir sur ses langues vernaculaires *Daniel Franck Idiata*
39. Languages of Instruction for African Emancipation *Edited by Birgit Brock-Utne and Rodney Kofi Hopson*
40. Comparative Bantu Phonolgy and Morphology: A Study of the Sound Systems and Word Structure of the Indigenous Languages of Southern Africa *Lazarus M. Miti*
41. Education, Culture and Development *James D. Emejulu and Micheal C. Mbabuike*
42. The Challenge of Using African Languages at School *Daniel Franck Idiata*
43. Mbofra Akan Kasa Nsɛmfuasekyerɛ *J. Gyekye-Aboagye and S.A. Gyima*

44. The African Nation: The State of the Nation *Kwesi Kwaa Prah*
45. Afro-Chinese Relations: Past, Present and Future *Edited by Kwesi Kwaa Prah*
46. Metaphors of Our Times: The Oral Interrogations of Sociocultural Continuities and Raptures *Alec J.C. Pongweni and Emmanuel M. Chiwome*
47. Shekgalagari Grammar: A Descriptive Analysis of the Language and its Vocabulary *Stephen T.M. Lukusa and Kemmony C. Monaka*
48. Edikisyonari lo Ateso *Simon Peter Ongodia*
49. Dictionaire Etimologique des emprunts linguistiques en fon *Flavien Gbeto*
50. Kudzidzisa ChiShona Kupuraimari: Mudonzvo weMudzidzisi *Timothy Gondo*
51. The Magic of Perseverance: The Autobiography of David Magang *David Magang*
52. Bedo Jarafrika Mandivamba Rukuni (translated by Philip Oketcho)
53. Kuwa Mwafrika Mandivamba Rukuni (translated by Martha Qorro)
54. Araut Itunganan Yen Ko Afrika Mandivamba Rukuni (translated by Simon Peter Ongodia)
55. Bedo Dano me Apirika Mandivamba Rukuni (translated by Okonye Godman)
57. African Ways of Silk. Ancient Threads – New Possibilities. *Ole Zethner, Rie Koustrup, Suresh Kuman Raina*
58. The Context and Language of Jack Mapanje's Poetry. *Francis Moto*
59. Anthropological Prisms. Studies on African Realities. *Kwesi Kwaa Prah*
60. Language Planning and Policy for Mass Education: A Case for Zimbabwe. *Wiseman Magwa (Forthcoming)*
61. Keeping in Step with Modern Times. A Comprehensive Account of Lexical Adoptives in Ibibemba. *Mubanga E. Kashoki*
62. Itupale Sintaasi Inu Ede Yoruba Ati Oko-Osanyen. *Salawu Akeem Segun (Forthcoming)*
63. Itupale Girama Yoruba Mofoli. *Fabunmi Felix Abidemi. (Forthcoming)*
64. MLA Kgasa. A Pioneer Setswana Lexicographer. *Thapelo J. Otlogetswe (Ed). (Forthcoming)*

**For a complete list of CASAS Publications, please visit [www.casas.co.za](http://www.casas.co.za)**